


本經逢原

本

經

逢

原



愧生先生惠存

朱逸峯敬贈

光緒二十年上海圖書
集成

本經逢原小引

醫之有本經也。猶匠氏之有繩墨也。有繩墨而後有規矩。有規矩而後能變通。變通生乎智巧。又必本諸繩墨也。原夫炎帝本經。繩墨之創始也。大觀證類。規矩之成則也。瀕湖綱目。成則中之集大成。未能達乎變通也。譬諸大匠。能與人規矩。不能與人智巧。能以智巧與人。達乎變通之道者。黃帝靈素之文也。能以炎黃之道。隨機應用。不爲繩墨所拘者。漢長沙一人而已。長沙以天縱之能。一脈相承。炎黃之道。信手皆繩墨也。未聞炎黃而外。別有繩墨也。嘗思醫林學術。非不代有名人。求其端本澄源。宗乎本經主治者。玉函金匱而外。未之聞也。長沙已往。唐逸士千金方。獨得其髓。其立方之峻。有過於長沙者。後世末由宗之。以故集本草者。咸以上古逆順反激之用。槩置不錄。專事坦夷。以適時宜。其間鎖鑰固無足論。卽瀕湖之博洽今古者。尙爾舍本逐末。僅以本經主治。冠列諸首。以爲存羊之意。惟仲瀉繆子開鑿經義。迥出諸方。而於委宛難明處。則旁引別錄等說。疏作經言。朱紫之混。能無戾乎。昔三餘齋子有本經註疏一冊。三十五年前。於念莪先生齋頭。曾一寓目。惜乎未經刊布。不可復覩。因不自揣。聊陳鄙見。略疏本經之大義。并系諸家治法。庶使學人左右逢原。不逾炎黃繩墨。足以爲上工也。上工十全六。不能盡起白骨而生之。吾願天下醫師。慎勿妄恃已長。以希苟得之利。天下蒼生。確遵有病不治。常得中醫之戒。跳出時師圈。續何

繩墨之可限哉。

康熙乙亥春王右禎張璐書於雋永堂時年七十有九

本經逢原目錄

卷一

水部

諸火

火部

諸火

土部

諸土

伏龍肝

假龍肝

金部

金

古文錢

蜜陀僧

鐵精

赤銅

鉛

錫

鐵繡

銅青

鉛粉

鐵落

自然銅

鉛丹

鐵砂



石部

玉

丹砂

靈砂

滑石

石鍾乳附孔公摩

慈石

曾青

礬石

河沙

霹靂磁

鹵石部

食鹽

雲母

銀硃

雄黃

石脂

石灰

代赭石

綠青

砒石

石燕

戎鹽即青鹽

白石英

水銀

雌黃

爐甘石

浮石

禹餘糧

扁青

礞石

石蟹

鹵檢

紫石英

輕粉

石膏粗理黃石

無名異

陽起石

空青

石膽

花蕊石

蛇黃附蛇含石

凝水石

玄精石

朴硝

玄明粉

風化硝

硝石

硝砂

蓬砂

石硫黃

礬石

綠礬

山草部

甘草

黃耆

人參

沙參

桔梗

黃精

薺藟

知母

肉蓯蓉

天麻

白朮

蒼朮

狗脊

貫衆

巴戟天

蓮志

淫羊藿

仙茅

玄參

地榆

丹參

紫參

紫草

白頭翁

白及

三七

黃連

胡黃連

黃芩

秦艽

柴胡

銀柴胡

前胡

防風

獨活

羌活

卷一

芳草部

升麻

貝母

細辛

當歸

藜蘆

牡丹皮

高良薑

縮沙蜜

肉豆蔻

蓬莪朮

排草

苦參

山慈姑

杜衡

芎藭

白芷

木香

草豆蔻

益智子

補骨脂

荆三稜

藿香

白藤皮

白茅根

白微

撫芎

白芍藥

甘松香

草果

龜笈

薑黃

香附

薰香

延胡索

草龍膽

白前

蛇牀

赤芍藥

山柰

白豆蔻

蒟葉

鬱金

茉莉

蘭香

杜若

澤蘭

馬蘭

香薷

爵牀

荆芥

紫蘇

蘇子

飛蘇

薄荷

濕草部

菊

艾

茵陳蒿

青蒿

芫蔚

微銜

夏枯草

劉寄奴

旋覆花

青葙子

紅藍花

臘脂

大薊小薊

續斷

漏蘆

芋根黃藤

胡蘆巴

惡實

蒼耳

天名精

鶴蝟

繇姦

薯

蘆根

甘蕉

襲荷

麻黃

木賊

石龍芻

燈心

生地黃

乾地黃

熟地黃

牛膝

紫苑

麥門冬

薑草

淡竹葉

冬葵子

蜀葵花

秋葵子

龍葵

酸漿

敗醬草

欵冬花

鼠麴草

洪明子

地膚子

瞿麥

王不留行

葶藶

車前子

馬鞭草

光明草

鱧腸草

連翹

陸英

藍寶大青小青

青黛

蓼子

菟薺

白蒺藜

沙苑蒺藜

穀精草

海金沙

地椒

半邊蓮

地丁

見腫消

毒草部

大黃

商陸

狼毒

狼牙

防葵

蘭茹

大戟

澤漆

甘遂

續隨子

黃芩子

蓖麻子

虎紋

常山

蜀漆

藜蘆

附子

川烏

天雄

側子

草烏

射罔

白附子

天南星

半夏

番休

鬼臼

射干

玉簪根

鳳仙子

曼陀羅花

羊躑躅

芫花

薺花

莽草

茵芋

鈎吻

蔓草部

兔絲子

五味子

蓬蘽

覆盆子

使君子

木鼈子

馬兜鈴

青木香

預知子

牽牛

紫葳

施花

薔薇營實

月季花

栝藁實

栝藁根

土瓜根

葛根

天門冬

百部

何首烏

葶藶

土茯苓

白斂

山豆根

黃藥子

防己

木蓮

清風藤

水草部

澤瀉

苦草

昆布

石草部

石斛

石胡荽

苔草部

陟釐

白藥子

木通

紫葛

藤黃

羊蹄根

水萍

骨碎補

地錦

石藥

威靈僊

通草

荏草

忍冬

石菖蒲

蓴

石葦

景天

茜草

鈎藤

忍冬

蒲黃

海藻

卷柏

馬勃

倒掛草

苔

卷三

穀部

諸米

穀米 穀米 穀米

諸麥

小麥 麥芽 麥芽

諸豆

白豆 綠豆 赤豆 黑豆 黃豆 豌豆 大豆 蚕豆

胡麻

亞麻

麻子仁

薏苡仁

嬰粟殼

阿芙蓉

蒸餅

神麴酒麴
紅麴

飴糖

醋

酒

菜部

韭

薤

葱

蒜

薑

白芥子

蕪青

萊菔

生薑

乾薑

胡葵

懷香

蘄菜

菠薐菜

薤菜

同蒿

苜蓿子

苜蓿子

馬齒莧

翻白草根

蒲公英

落葵

蕺菜

蕨

黃獨

薯蕷

百合

茄

苦瓠

冬瓜子

越瓜

胡瓜

南瓜

絲瓜

苦瓜

紫菜

石花菜

木耳

桑耳

香蕈

麻姑
雞縱

土蕈

果部

李根白皮

李仁

杏仁

梅

桃仁

栗

棗

梨

木瓜

山楂

柰

林檎

柿蒂

安石榴

橘皮

青皮

橘核

橘葉

柑

橙

柚

柑櫟

金橘

枇杷

葉

楊梅

櫻桃

銀杏

胡桃

長生果

瓊瑣葡萄

椶實

榔皮

荔枝

龍眼

橄欖

榧子

松子

檳榔

大腹子

大腹皮

馬檳榔

無花果

枳椇

水果部

西瓜

瓜子仁

甜瓜蒂

甜瓜子

葡萄

甘蔗

沙糖

石蜜

蓮藕

蓮實

石蓮子

蓮鬚

蓮房

荷葉

芡實

芡實

烏芋

慈姑

味部

蜀椒

秦椒

椒目

豬椒根

胡椒

畢澄茄

吳茱萸

食茱萸

茗

香木部

柏子仁

柏葉節
油

松脂

松節

杉

肉桂

桂心

牡桂

筒桂

桂枝

辛夷

沈香
蜜香

丁香
丁皮

旃檀

紫檀

降真香

烏藥

茴香

楓香脂

薰陸香

沒藥

麒麟竭

安息香

蘇合香

龍腦香

樟腦

阿魏

蘆薈

香木部

黃蘗
小蘗

厚朴

杜仲

椿樗根皮

乾漆

梓白皮

梧葉
皮

桐實

海桐皮

川棟子

槐實

槐花

秦皮

合歡皮

皂莢

皂角刺

肥皂莢

無患子

沒石子

詞梨勒

柳華

檉柳

水楊

榆根白皮

蕪荑

蘇方木

樺木皮

櫻櫚

烏柏根

巴豆

大楓子

相思子

灌木部

桑根白皮

桑椹

桑葉

桑枝

楮根白皮

楮實

枳殼

枳實

枸橘

梔子

酸棗仁

白棘

藜仁

山茶莢

金櫻子

郁李仁

鼠李子

女貞實

枸骨

衛矛

南燭

五加皮

枸杞

地骨皮

洩疏

石南

牡荆

蔓荆子

紫荆皮

木槿皮

芙蓉

山茶

蜜蒙

木棉

柞木

黃楊

放杖木

接骨木

寓木部

茯苓

茯神

琥珀

豬苓

雷丸

桑寄生

松蘿

苞木部

竹葉

竹茹

竹瀝

竹黃

震燒木

藏器部

錦

禪褶

裏脚布

鑿柄

弓弩弦

敗蒲扇 蒲簾

漆器

燈盞油

炊單布

敗鼓皮

卷四

蟲部

○ 蜂蜜

○ 蜜蠟

○ 露蜂房

○ 蠟螬

○ 蟲白蠟

○ 紫鈔

○ 五倍子

○ 桑螵蛸

○ 雀窠

○ 原蠶蛾

○ 白殭蠶

○ 蠶繭

○ 蠶退

○ 蠶沙

○ 九香蟲

○ 雪蠶

○ 蜻蛉

○ 樗雞

○ 堯青

○ 蟹螯

○ 葛上亭長

○ 地膽

○ 蜘蛛

○ 壁錢

○ 蠍

○ 水蛭

○ 蛆

○ 狗蝨

○ 蟬螬

○ 桑蠶蟲

○ 桃蠶蟲

○ 蚱蟬

○ 蟬脫

○ 蛻螂

○ 天牛

○ 螻蛄

○ 螢火

○ 衣魚

○ 鼠婦

○ 塵蟲

蠶蟲 即蠶

蛙

蝸牛

龍蛇部

龍骨

鯨鯉甲

蛇蛻

蝮蛇

魚部

鯉魚

闊口魚

鰓膠

鯧魚

蟾蜍

蝌蚪

龍齒

石龍子

蝮蛇膽

鯉魚

鱖魚

鰻魚

鱖魚

蟾酥

蜈蚣

龍角

守宮

白花蛇

青魚

白魚

鱖魚

石斑魚

蝦蟇

蚯蚓

鼈甲

蛤蚧

烏蛇

連魚

石首魚 白鯊

嘉魚

鱸魚

海粉

鱧魚

鱈魚

河豚

烏賊骨

介部

龜版膽汁

蟹

真珠

蛭

石蛸

寄居蟲

腐部

燕窩

鱧鱧

鱈魚

江豚

鮑魚

玳瑁

蠟

石決明

魁蛤殼即瓦楞子

淡菜

郎君子

鱧魚

鱈魚

黃鱔魚

比目魚

海馬

鼈甲

牡蠣

文蛤

車螯

海蠃甲蒸

田蠃

鱸魚

甲魚

江鱈

鮫魚

蝦

龜甲

蚌

蛤蜊

貝子

田蠃

田蠃

鶴頂

鵝

雞

鷓鴣

雀卵

伯勞

鷹屎白

鷓休

獸部

豬

牛

酪

牛黃

鶴骨

鴈

雉

鶉

伏翼

鸚鵡

鷓

鷓

狗

馬

酥

狗寶

鵝

鴨

烏鴉

鴿

五靈脂

啄木鳥

鷓

羊

驢

阿膠

獅油

鵝

鳧

鵲

鶯

斑鳩

鷓鴣

鷓

羖羊角

駝

黃明膠

虎骨

象皮

犀角

熊脂

熊膽

麝羊角

山羊角

鹿茸

鹿角膠

鹿胎

麋茸

麋鹿肉

麋

麝香

貓

狸

獐

兔

狐

水獺肝

山獺莖

臙肭臙

鼠

刺蝟皮

人部

髮

頭垢

乳汁

爪甲

人牙

人中黃

金汁

乾糞灰

溺

溺白塗

秋石

紅鉛

天靈蓋

人胞

胞衣水

初生臙

胎元

長洲石頑張 璐路玉父纂述

水部

諸水 古人服藥必擇水火。故凡湯液多用新汲井華水。取天真之氣浮於水面也。宜文火煎成。候溫燂
 緩服之。金匱云。凡煮藥飲汁。以解毒者。雖云救急不可熱飲。諸毒病得熱更甚。宜冷飲之。此言治熱解毒
 及辛熱藥味。當確遵此例。一切調補藥。即宜溫飲。苦寒祛火藥。則宜熱飲。熱因寒用之法也。○仲景煎實
 脾藥。作甘瀾水。揚之萬遍。取其流利。不助腎邪也。○杓揚百遍。名百勞水。取其激揚。以除陳積也。成無己
 曰。仲景治傷寒痰熱在裏。黃麻黃連軹赤小豆湯。煎用潦水。取其味薄。不助濕熱也。○以新汲水煎沸
 如麻。名麻沸湯。取其輕浮。以散結熱也。○以水空煎。候熟極。煮藥。名清漿水。取其下趨。不至上涌也。○服
 涌吐藥。用盪水。取其味濁。引疾上竄。以吐諸痰。飲宿食。酸苦涌泄為陰也。○煎蕩滌邪穢藥。用東流水。本
 經云。東流水為雲母石所畏。鍊雲母用之。○煎利水藥。用急流水。取性走也。○煎水逆嘔吐藥。用逆流水。
 取其上涌痰涎也。○煎陽盛陰虛。目不得瞑藥。用千里流水。取其性之疾瀉也。○煎中暑神昏藥。及食楓
 樹齒笑不止。用地漿水。急掘地陰地作坎。置水攪澄者是也。取救垂絕之陰也。○煎中暑亡汗藥。及霍亂泄利不止。用酸漿

水。糯米釀成點乳餅者。或水磨作內點真粉之酸水亦可。取收欲脫之陽也。○黃露雨水。洗瘡疥。滅斑痕。○白露雨水。洗肌面。滅顏色。

○秋露質清。止瘡除煩。○臘雪氣羶。助陽攝火。治天行時氣。瘟疫。解丹毒。○雹水性暴。動風發癩。○夏

冰陰凝。發疔成瘡。○柏葉菖蒲上露。並能明目。○韭葉上露。去白癩風。○靈香花上露。能損人目。○浸藍

水解毒殺蟲。誤吞水蛭。腹面黃者。吸此水。蟲下即安。○瓶中養花水。有毒傷人。臘梅者尤甚。○鹵水鹹苦

大毒。凡蝕鬚疥癬。及毒蟲生子入肉者。塗之即化。但瘡有血者。不可塗之。六畜食一合。當時死人亦然。○

生熟湯入鹽微鹹。霍亂者飲一二升。吐盡痰食即愈。○方諸水。大蚌水也。向月取之。得至陰之精華。故能

明目。止渴除煩。湯火瘡敷之有效。○上池水。竹籬頭上水也。長桑君飲扁鵲能洞鑑藏府。見垣一方人。○

東阿井水。煎烏驢皮膠。治逆上之痰血。○青州范公泉。造白丸子。利膈化痰。二者皆濟水之分流也。○至

若古塚廢井。澤中停水。山巖泉水有翳。及諸水經宿面有五色者。皆有毒。非但不可服食煎藥。即洗滌亦

忌之。

火部

諸火。北方炊食。都用煤火。以地屬坎。足勝其氣。且助命門真火。人食煤火。長氣於陰。所以膂力強壯。南

人食之。多發癰毒。受其毒者。以薑汁解之。然煤火處。置大缸水於旁。則毒從水解。○南方炊食。都用薪火。

人食薪火。長氣於陽。氣多輕浮不實。不似北方之藥氣剛勁也。○凡煎補藥。文火緩煎。瀉藥武火急煎。煎膏用桑柴火最良。抱朴子云。一切神仙藥。不得桑柴不服。然不若煎收並用文火。則不傷藥性。○上古炊食都用燧火。是爲陽火。今皆擊石取火。則陰火也。用以炊食。猶之可也。若點艾炷。尤非所宜。灸艾宜取太陽真火。否則真麻油燈。艾莖點於炷上。則灸瘡至愈不痛。○神鍼火治寒濕痹附骨陰疽。凡在筋骨隱痛者。鍼之火氣直達病所。○燔鍼卽燒鍼。病在經筋所發諸痹。用之其效最捷。經云。治在燔鍼劫刺。以知爲度。以痛爲愈。○馬矢熅煨風痹藥。取其性緩。通行經絡也。○葦薪火炊瀉陽藥。取其輕揚。不損藥力。二者皆內經法也。○燈火焯小兒諸驚。及頭風腦痛。風痺緩急。以油能解風毒。火能通經絡也。○燈花治小兒邪熱在心。夜啼不止。以二三顆燈心湯調。抹乳吮之。○燭燼治疔腫。同胡麻鍼砂等分爲末。和醋敷之。治九漏。與陰乾馬齒莧等分爲末。和臘豬脂敷之。取烏柏之餘力。以化歹肉也。○至於烟草之火。方書不錄。惟朝鮮誌見之。始自閩人吸。以祛瘴。向後北人藉以辟寒。今則通行寰宇。豈知毒草之氣。熏灼藏府。遊行經絡。能無壯火散氣之慮乎。近日目科內障丸中。間有用之。獲效者。取其辛溫散冷積之翳也。不可與冰片同吸。以火濟火。多發煙毒。不可以藤點吸。恐其有蛇虺之毒也。吸烟之後。慎不得飲火酒。能引火氣熏灼藏府也。又久受烟毒。而肺胃不清者。以砂糖湯解之。烟筒中脂污衣上。滌之不去。惟嚼西瓜仁揉之。卽

滌其滌除痰垢之力可知。世以瓜子仁生痰。不亦謬乎。

土部

諸土。脾土喜燥惡濕。故取東壁太陽所照之土。引真火生發之氣補土而勝濕。則吐瀉自止。用以制藥。皆爲脾胃之引導耳。昔人以東壁土調水。治小兒嗜食泥土之病。取土入蟲口。而祛之。下行也。○道塗中熱土。治夏月暈死。取溫以散熱也。若沃以冷水。虛陽立斃。死不救矣。○白堊土。苦溫無毒。本經主女子寒熱癰瘕。月閉積聚。取土之間氣。以祛婦人間廁之積也。千金治婦人帶下等疾者。以土能勝濕。而白則氣入氣分也。惟邯鄲者爲勝。○黃土。甘平無毒。乃中央正色。不占穢漬。故色不黑。治泄利冷熱赤白。腹內絞痛下血。解諸藥毒。閉口椒毒野薑毒。○蚯蚓泥。治小兒陰囊熱腫。取寒能解毒也。熱病譫語狂亂。無燥結可攻者。蚯蚓泥涼水調服。○蟻螂轉丸土。治反胃吐利霍亂。湯淋絞汁飲之。醋調塗項上瘰癧。○土蜂窩上細土。主頭風腫毒及蜂蠶傷。醋和傅之。○胡燕窩土。主風瘙癢疹及惡刺瘡。浸淫瘡。並水和傅之。小品治濕瘍疥瘡。外臺治蠅蝮尿瘡。千金治瘰癧丹毒。○鼠壤土。通腎氣。解毒邪。取其搜風達竅也。○蟻垤土。下胞衣死胎。炒熱揚心下自出。○燒尸場上土。治好壓多夢。置枕中。并塗關元及臍。○螺螄泥。主反胃吐食。取螺螄一斗。水浸取泥晒乾。每服一錢。火酒調服。○犬屎泥。治妊娠傷寒。塗腹保胎。○井底泥。治妊娠

熱病。塗胸臍丹田護子。并治湯火燒瘡。○伏龍肝。乃竈心赤土。本經云。味辛微溫。主婦人崩中吐血。千金名釜月下土。言正對釜臍處也。然必日用炊飯者。良。若煮藥者。味鹹。不堪入藥。止欬逆吐血。消癰腫毒氣。蓋以失血過多。中氣必損。故取微溫調和血脈也。消癰腫毒氣者。辛散。稟堅也。日華子。主催生者。取溫中而鎮重下墜也。其胎漏不止。產後下利。並宜煮水澄清。去滓代水煎藥。取溫土藏和營血也。千金方治中風口噤。狂不識人。並用攪水澄服。又久利不止。橫生逆產。胞衣不下。皆醋調塗臍腹效。小兒重舌。和苦酒塗之。發背酒調厚敷。乾卽易。平乃止。杖瘡腫痛。香油調塗。灸瘡腫痛。煮水熱淋。皆孫真人法也。外臺治一切癰腫。和蒜泥貼。乾再易之。○百草霜。燒百草之煤也。止血散瘀。上下諸血。悉主之。又陽毒發斑。取溫以解毒散火也。○釜臍墨。治陽毒發狂。黑奴丸中用之。千金治卒中惡。卒心痛。舌卒腫大等患。又下死胎方。用百草霜二錢。伏龍肝五錢。爲細末。酒調童便服二錢。少頃再服。三服卽下。○梁上塵。一名烏龍尾。治妊娠胎動。橫生逆產。及金瘡鼻衄。疔腫惡瘡。小兒赤丹。取其輕浮以散久積之氣也。○清煙墨。灰。止吐衄血。逆上行。或生藕汁。或萊菔汁。或鮮地黃自然汁。磨服卽止。然須燒灰出火毒用之。但勿用乾地黃和水搗磨。柏葉汁。甘蕉汁。咸非所宜。往往止截後有瘀積之患。飛絲入目。及一切塵物入目。磨濃墨點之。自出。或燈心醮墨汁。頻捲之。○砂鍋。取年久炊食者。研細水飛。治黃腫積塊。酒服五錢。潞州者佳。○孩兒茶。一名

烏參泥。性澀收斂。止血收濕。爲金瘡止痛生肌之要藥。○白磁器研細水飛。傳癰腫可代鍼砭。又點目去翳。○糞坑底泥。治背瘡疔腫癰毒。陰乾爲末。新水調敷。其痛立止。○坑塗同蟬蛻全蠍末作餅。香油煎滾溫服。以滓傳疔四圍。其疔自出。

金部

金 生金辛平有毒。金箔無毒。發明 金能制木。故可療驚癇風熱肝膽之病。然須爲箔。庶無重墜傷

中之患。紫雪方用赤金葉子煎水。取制肝降痰逆也。若成塊錠金及首飾之類。非特無味。且有油膩。良非所宜。○銀箔功用與金不殊。但入氣分不入血分。稍爲不同。肘後方治癰腫五石湯用之。

赤銅 苦平微毒。發明 賊風反折。以赤銅五觔。燒紅內二斗酒中百遍服。五合日三服。以效爲度。赤銅落。乃打銅落下之屑。與自然銅同類。故亦能接骨。煨赤醋沃七次。同五倍等。則染鬚黑潤。藏器曰。赤銅屑能鐸人骨。及六畜有損。細研酒灌。直入骨損處。六畜死後。取骨視之。猶有鐸痕可驗。

銅青 酸苦平小毒。發明 銅青藉醋結成。能入肝膽二經。以醋醃擦喉中。則吐風痰。爲散療喉痹牙疳。醋調搗腋下。治胡臭。薑汁調點爛沿風眼。去疳殺蟲。所治皆厥陰之病。

自然銅 辛平小毒。火煨醋淬七次。置地七日出火毒。水飛用。銅非煨不可入藥。新煨者火毒燥烈。慎勿

用之。發明。自然銅出銅坑中。性稟堅剛。散火止痛。功專接骨。骨接之後。卽宜理氣活血。庶無悍烈傷中。走散真氣之患。

古文錢。辛平小毒。發明。古錢以生薑汁塗。刮青點目。去障消瘀。散赤腫。一點卽愈。但初點熱淚。蔑面然終無損。惟作瘡者。與肝腎虛而內障生花者。不可用也。婦人逆產五淋者。汁用之。便毒初起。與胡桃肉同嚼。食二三枚。卽消。便毒屬肝。金伐木也。

鉛一名黑錫。甘寒無毒。凡用取未經銀冶新鉛。鎔淨去渣。再鎔成液。同硫黃煨。如焰起以醋酒之。候成黑灰。

研之不黏滯爲度。如煨不透。服之令人頭痛。以陰降太速。陽火無依故也。發明。鉛稟北方癸水之性。陰極之精。內通於腎。故局方黑錫丹。宣明補真丹。皆用之。得汞交感。卽能治一切陰陽混淆。上盛下虛。氣升不降。噎膈反胃。嘔吐眩暈諸疾。又槌成薄片。置燒酒中半月許。結成白霜。取其酒徐徐飲之。降陰火最捷。但性帶陰毒。恐傷心腎。不可多服。鉛性入肉。故女子以之紕耳。孔卽自穿。

鉛粉一名胡粉。辛寒無毒。本經治伏尸毒。螫殺三蟲。發明。韶粉與黃丹同類。內有豆粉蛤粉。而無硝

鹽。但入氣分。功專止痛生肌。亦可入膏藥代黃丹用。本經治伏尸毒。螫殺三蟲者。取鉛性之重。以鎮攝其邪。金匱甘草粉蜜湯。治虻病吐涎心痛。專取胡粉殺蟲。甘草安胃。蜜以誘入蟲口也。陶弘景云。療尸蟲爛

鉛丹一名黃丹

辛微寒無毒

本經治吐逆胃反驚癇癩疾除熱下氣

發明

鉛丹體重性沉味兼鹽礬

而走血分能墜痰止瘡本經言止吐逆胃反治驚癇癩疾除熱下氣取其性重以鎮逆滿也仲景柴胡龍骨牡蠣湯用之取其入膽以祛痰積也但內無積滯誤服不能無傷胃奪食之患傳瘡長肉墜痰殺蟲皆鉛之本性耳目暴赤痛鉛丹蜜調貼太陽穴立效

蜜陀僧

鹹辛平小毒

發明

此感鉛銀硝石之氣而成其性重墜直入下焦故能墜痰截瘡療瘡腫

治驚氣入心包絡瘡不能言語者用蜜陀僧末一匕茶清調服即愈驚則氣亂取重以去怯而平肝也但入口則漾漾欲吐以陰毒之性能傷胃氣也聖惠方鼻齧赤炮蜜陀僧細研人乳調夜則塗之丹方治背瘡初起以醋燉七次桐油調團患處即消同枯礬治汗癩體氣合五倍子染髭鬚同鷹屎白滅癩痕水磨服解砒霜硫黃毒

錫

辛寒微毒

發明

錫為砒故新造錫器不可盛酒越宿制瓶藏藥須舊錫雜鉛乃佳昔人過飲

燒酒昏迷欲絕或令以錫器貯沸湯蓋取氣水飲之即甦此與炊單布治湯氣薰灼無異同氣相感之力也

鐵落 辛寒有毒。即燒鐵赤。沸砧上。燂下之屑也。鐵銚內煨。赤醋沃七次用。本經主風熱惡瘡。癩疥。氣在皮膚中。發明 素問云。有病怒狂者。治以生鐵落為飲。漬汁煎藥。取其性沉。下氣最疾。不可過服。過服令人凜凜惡寒。以其專剽陽氣也。本經主風熱惡瘡等疾。皆肝心火熱所致。辛寒能除二經之熱也。蘇恭以之炒熱投酒中。療賊風癱病。借酒以行。以膏中氣也。

鐵砂 酸辛無毒。作鐵家磨鑪細末也。發明 鐵砂寒降。善治濕熱。脾勞黃病。於鐵銚內煨通紅。醋沃置陰處。待半月。結塊生黃。化盡鐵性。用為消脾胃壅積黃腫之專藥。丹溪溫中丸用之。又以製過鐵砂一兩。入乾漆灰半錢。香附三錢。合平胃散五錢。蒸餅為丸。湯酒任下。治療與溫中丸不殊。

鐵精 平微溫小毒。本經明目化銅。發明 鐵之精華也。出鍛竈中。紫色輕如塵者佳。取至陰沉重之性。得純陽火鍊。而輕浮上升。故可以療驚悸。定風癩。破胃脘積血作痛。本經主明目。取其鎮攝虛火之義。以其得火氣之多也。但胃氣虛寒人服之。往往有奪食發呃之虞。以純陰鎮攝太過。而傷犯陽和之氣也。

鐵繡 一名鐵衣。辛寒無毒。發明 陶華云。鐵繡水和藥服。性沉重。最能墜熱開結。又能平肝消腫。治惡瘡疥癬。和油塗之。婦人產後陰挺不收。和冰片研水傅之。蠅蝮蜈蚣咬。和蒜塗之。

石部

玉 平淡無毒。發明 玉滅癩痕。日日磨擦。久則自退。研細水飛。去目翳。珊瑚瑪瑙寶石玻璃水晶。爲屑水飛。皆能磨翳。不獨玉屑爲然也。

雲母 甘平無毒。凡用選白瑩者。擘薄片。取雨水或流水漬去砂土。更以秋露漬數十日。同露煮。七日夜磨令極細。撚指無復光明者。乃可用之。或同鹽入重布袋。揆之。沃令鹽味盡。懸當風處。自然成粉。弘景曰。鍊之用。礬則柔爛。忌羊血者。以其能解諸藥之性也。與胡蒜尤爲切禁。犯之必腹滿作瀉。黑者有毒。傷人本經。主身皮死肌。中風寒熱。如在車船上。除邪氣。安五藏。益精明目。久服輕身延年。發明 雲母生泰山山谷。色白者良。本經言雲母甘平。詳其性升。亦應有甘溫助陽之力。故能辟一切陰邪不正之氣。主身皮死肌。以其能辟除陰毒也。其治中風寒熱。如在車船上。以其能鎮攝虛陽也。局方雲母膏。治一切癰毒。仲景方治牝瘡多寒。千金方治久利帶下。小便淋疾。及一切惡瘡。深師方治痰飲頭痛。何德揚治婦人難產。溫酒調服三錢。入口卽下。金刃傷。傅之。止血最速。且無腐爛之虞。陰疽腸癰。亦多用之。皆取助陽之力也。久服能使身輕尸解。孫真人恆服之。但石藥性偏助陽。凡陰虛火炎者。慎勿誤與。

白石英 甘溫無毒。出泰山。以六稜瑩白如水晶者爲真。林北海先生本草綱目必讀。但收紫而不及白。

世鮮真者可知。本經治消渴陰痿不足。欬逆胸膈間久寒。益氣除風濕痹。發明 白石英入手太陰足陽明氣分。肺癰潰久。痿痺不起者宜之。本經主消渴陰痿不足諸病。功專溫肺無疑。但石性慳悍。不可久服。仲景金匱風引湯。只令碎如米粒。不欲其滓入胃也。千金五石等方。俱鍛過水飛入丸。而五石丸專以鍾乳爲君。合紫白石英赤石脂石膏。專溫藏氣。而石膏清胃。以解諸石之悍。且既經煨過水飛。不慮其滓之留中蘊熱也。

紫石英 甘溫無毒。出泰山。以五稜明淨深紫大塊者良。崩產者塊小。亦可入藥。經火則毒。生研極細。水飛三次。用時珍云。煨赤醋滓七次水飛用非。本經主心腹欬逆邪氣。補不足。女子風寒在子宮。絕孕十年無子。發明 紫石英入手足少陰厥陰血分。上能鎮心。定驚悸。安魂魄。攝逆氣。重以去怯也。下能益肝。填補下焦。散陰火。止消渴。溫以煖血也。女子經阻色淡不孕者宜之。本經治女子風寒在子宮。絕孕十年者。服之能孕。非特峻補。兼散濁陰留結之驗也。若血熱紫黑者禁用。爲其性溫也。千金云。婦人欲求美色者。勿服紫石英。令人色黑。非溫血之謂乎。故婦人絕孕。由於陰虛火旺。不能攝精者。禁用。丹砂一名硃砂 甘微寒無毒。研細水飛用。入火則烈。毒能殺人。急以生羊血童便金汁等解之。本經主身體五藏百病。養精神。安魂魄。益氣明目。殺精魅邪惡鬼。久服通神明不老。能化爲汞。發明 丹砂體陽

性陰。外顯丹色。內含真汞。不熱而寒。離中有坎也。不苦而甘。火中有土也。嬰兒姪女。交會於中。鎮心安神。是其本性。用則水飛。以免鎮墮。不宜見火。恐性飛騰。本經治身體五藏百病。安定神明。則精氣自固。火不妄炎。則金木得平。而魂魄自定。五藏皆安。精華上發。而氣益目明。陽明神物。故應辟除不祥。消散陰惡。殺厲之氣。仲淳繆子經疏之言也。同遠志龍骨則養心氣。同當歸丹參則養心血。以人參茯神濃煎。調入丹砂。治離魂病。以丹砂末一錢。和生雞子黃三枚。攪勻頓服。治妊娠胎動不安。胎死卽出。未死卽安。又以丹砂一兩爲末。取飛淨三錢。於一時頃分三次酒服。治子死腹中立出。慎勿經火。若經伏火及一切烹煉。則毒等於砒礪。惟養正丹則同鉛汞硫黃煨之。以汞善走而火毒不致蘊發也。

銀硃 辛溫有毒。忌一切血。發明 水銀和硫黃煨煉成硃。轉姪爲嬰。故專殺蟲治瘡。以毒攻毒而已。

今食品往往用之。良非所宜。觀其同蟹殼燒之。則臭蟲絕跡。和棗肉薰之。則瘡痂頓枯。其性悍烈可知。

水銀一名汞 辛寒有毒。水銀陰毒重著。不可入人腹。古法治誤食水銀。令其人臥於椒上。則椒內皆含水。

銀。今有誤食水銀。腹中重墜。用豬脂二觔。切作小塊焙熟。入生蜜拌食得下。亦一法也。本經主疥癩癩瘍。白禿。殺皮膚中蟲。墮胎除熱。殺金銀銅錫毒。鎔化還復爲丹。發明 水銀乃至陰之精。質重著而性流利。得鹽礬爲輕粉。加硫磺爲銀硃。煬成礬同硫黃打火升鍊。則爲靈砂。同硝皂等。則爲升降靈藥。性之

飛騰靈變無似之者。此應變之兵。在用者得其肯綮而執其樞要焉。本經主疥瘍白禿。皮膚中蠱。及墮胎除熱。傅男子陰。則陰消無氣。以至陰之精。能消陽氣。故不利男子陰器也。和劑局方之靈砂丹。專取硫黃以製。永養正丹。兼取伏火丹砂以製鉛。深得交通陰陽。既濟水火之妙用。非尋常草木可以例推也。千金治白癩風癢。外臺治蟲癬疥癢。梅師治痔瘡作痒。肘後治一切惡瘡。藏器有云。水銀入耳。能蝕人腦。令人百節攣縮。但以金銀箸耳邊。卽出頭瘡。切不可用。恐入經絡。必緩筋骨。百藥不治。

輕粉一名賦粉

辛燥有毒。

發明

水銀加鹽礬鍊爲輕粉。化純陰爲燥烈。而陰毒之性猶存。故能通大腸。

傅小兒疳疽瘰癧。殺瘡疥癬蟲。風癢瘡癩。但以陰性暴悍。善蝕淫穢。微瘡食之。竄入筋骨。莫之能出。久久發爲結毒。致成廢人。然必仍用水銀昇鍊。入三白丹。引拔毒之藥。同氣相求。以搜逐之。癘風醉仙丹。通天再造散。用以搜滌毒邪。從齒縫出。錢氏利驚丸。白餅子。皆用之。取痰積從大便出。真瞑眩之首推也。

靈砂 甘溫無毒。

按胡演丹藥祕訣云。昇靈砂法。用新鍋安道遙爐上。蜜摺鍋底。文火下燒。入硫黃二

兩鎔化。投水銀八兩。以鐵匙急攪。作青砂頭。如有焰起。噴醋解之。待永不見星。取出細研。盛入水火鼎內。鹽泥固濟。下以自然火升之。乾水十二盞爲度。取出如束鍼紋者成矣。庚辛玉冊云。靈砂有三。以一伏時周天火而成者。謂之金鼎靈砂。以九度抽添。用周天火而成者。謂之九轉靈砂。以地數三十日炒鍊而成。

者謂之老火靈砂。並宜乘灰淋醋煮。伏過用之。於硃砂中鍊出者。謂之真汞。尤爲神效。發明 時珍曰。此以至陽鈞至陰。脫陰反陽。故曰靈砂。爲扶危拯急之靈丹。虛陽上逆。痰涎壅盛。頭眩吐逆。喘不得臥。寤不得寐。靈亂反胃。心腹冷痛。允爲鎮墜虛火之專藥。但不可久服。凡胃虛嘔吐。傷暑霍亂。心肺熱鬱。禁用。雄黃 辛苦溫微毒。武都者良。入香油熬化。或米醋入蘿蔔汁煮乾用。生則有毒傷人。本經主寒熱鼠瘻。惡瘡疽痔死肌。殺精物惡鬼邪氣百蟲毒。勝五兵。發明 雄黃生山之陽。純陽之精。入足陽明經。得陽氣之正。能破陰邪。殺百蟲。辟百邪。故本經所主。皆陰邪濁惡之病。勝五兵者。功倍五毒之藥也。其治驚癇痰涎。及射工沙蟲毒。與大蒜合搗塗之。同硝石煮服。立吐腹中毒蟲。千金方治疔腫惡瘡。先刺四邊及中心。以雄黃末傅之。聖惠方治傷寒狐惑。以雄黃燒於瓶中。熏其下部。和劑局方酒癩丸。同蠍尾巴豆。治酒積痛利。肘後方以雄黃礬石甘草湯煮。治陰腫如斗。經驗方以雄黃白芷爲末。酒煎。治破傷風腫。家祕方以雄黃細研。神麴糊丸。空心酒下四五分。日服無間。專消瘡母。急救良方。以雄黃五錢。麝香二錢。爲末。作二服酒下。治風狗咬傷。外臺祕要雄黃敷藥。箭毒。攝生妙用。雄黃硫黃棗豆粉。人乳調傅。酒皸鼻。赤。不過三五次愈。痘癩證治。以雄黃一錢。紫草三錢。爲末。臙脂汁調。先以銀簪挑破。搽痘疔。萬氏方治癩瘍。漫腫。色不赤。明雄黃細末三分。雞子破殼調入。飯上蒸熟食之。重者不過三枚。卽消。聖濟錄以雄黃豬膽

汁調敷白禿頭瘡。○熏黃治惡瘡疥癬殺蟲和諸藥熏嗽。千金方有欬嗽熏法。

雌黃 辛平有毒。本經主惡瘡頭禿癩疥殺毒蟲身癢邪氣諸毒。發明 雌黃出山之陰故單治

瘡殺蟲而不能治驚癩痰疾。本經治惡瘡頭禿癩疥與雄黃之治寒熱鼠瘻迥乎陰陽之分矣。其殺毒蟲

蝨身癢較雄黃之殺精物惡鬼邪氣解毒辟惡之性則一而功用懸殊。治狂癩勝金丹用之。不過借爲搜

陰邪之嚮導耳。別錄治鼻中瘻肉不宜久服令人腦漏。

石膏 辛甘大寒無毒。清胃熱煨用。治中膈熱生用。一種微硬有肌理。名理石。主治與粗理黃石相類。

本經主中風寒熱。心下逆氣驚喘。口乾舌焦不能息。腹中堅痛。除邪鬼產乳金瘡。發明 古人以石膏

葛根並爲解利陽明經藥。蓋石膏性寒。葛根性溫。功用詎可不辯。葛根乃陽明經解肌散寒之藥。石膏爲

陽明經辛涼解熱之藥。專治熱病渴病。大渴引飲。自汗頭痛。瀉瀉便閉。齒浮面腫之熱證。仲景白虎湯是

也。東垣云。立夏前服白虎。令人小便不禁。降令太過也。今人以此湯治冬月傷寒之陽明證。服之未有得

安者。不特石膏之性寒。且有知母引邪入犯少陰。非越婢大青龍小續命。中石膏佐麻黃化熱之比。先哲

有云。凡病雖有壯熱而無煩渴者。知不在陽明。切勿誤與白虎。本經治中風寒熱。是熱極生風之象。邪火

上衝。則心下有逆氣及驚喘。陽明之邪熱甚。則口乾舌焦不能息。邪熱結於腹中則堅痛。邪熱不散。則神

昏譏語等乎邪鬼。解肌散熱外泄。則諸證自退矣。卽產乳金瘡。亦是鬱熱蘊毒。赤腫神昏。故可用辛涼以解泄之。非產乳金瘡可泛用也。其金匱越婢湯。治風水惡寒無大熱。身腫自汗不渴。以麻黃發越水氣。使之從表而散。石膏化導胃熱。使之從胃而解。如大青龍小續命等製。又不當以此執泥也。至於三黃石膏湯。又以伊尹三黃。河間解毒。加入石膏麻黃香豉薑葱。全以麻黃開發伏氣。石膏化導鬱熱。使之從外而解。蓋三黃石膏之有麻黃。越婢青龍續命之有石膏。白虎之加桂枝。加蒼朮。加人參。加竹葉麥門冬。皆因勢利導之捷法。千金五石丸等方。用以解鍾乳紫石英石脂之熱性耳。別錄治時氣頭痛身熱。三焦大熱皮膚熱。腸胃中熱氣。解肌發汗。止消渴煩逆腹脹暴氣喘息咽熱者。以諸病皆由足陽明胃經邪熱熾盛所致。惟喘息略兼手太陰病。此藥能散陽明之邪熱。陽明熱邪下降。則太陰肺氣自寧。故悉主之。○精理黃石破積聚。去三蟲。千金鍊石散醋煨水飛。同白斂鹿角。治石癰。以火鑊破俾之。滑石 甘寒無毒。色青赤者有毒。本經主身熱洩瀉。女子乳難癰閉。利小便。瀉胃中積聚寒熱益精氣。發明 滑石利竅。不獨利小便也。上能散表。下利水道。爲瀉熱散濕。通利六府九竅之專劑。取甘淡之味。以清肺胃之氣。下達膀胱也。詳本經諸治。皆清熱利竅之義。河間益元散。通治表裏上下諸熱。解時氣則以葱豉湯下。傷生則以香油漿水調服。暑傷心包。則以本方加辰砂末一分。使熱從手足太陽而泄也。惟

元氣下陷小便清利及精滑者勿服久病陰精不足內熱以致小水短少赤澀雖有泄瀉皆爲切禁而本經又言益精氣者言邪熱去而精氣自復也。

赤石脂 甘酸辛溫無毒五色石脂並溫無毒 本經養心氣明目益精療腹痛腸澼下痢赤白小便利

及癰疽瘡痔女子崩中漏下產難胞衣不出 發明 赤石脂功專止血固下仲景桃花湯治下利便膿

血者取石脂之重瀘入下焦血分而固脫乾薑之辛溫煖下焦氣分而補虛粳米之甘溫佐石脂而固腸

胃也火熱暴注初痢有積熱者勿用本經養心氣明目益精是指精血脫泄之病而言用以固斂其脫則

目明精益矣療腹痛腸澼等疾以其開泄無度日久不止故取瀘以固之也治產難胞衣不出乃指日久

去血過多無力迸下故取重以鎮之也東垣所謂胞衣不出瀘劑可以下之設血氣壅滯而胞衣不出又

非石脂所宜也其白者斂肺氣澀大腸金匱風引湯用之專取以杜虛風復入之路也青者入肝黃者入

脾黑者入腎總取治崩利水之功各隨其色而用之。

爐甘石 甘溫無毒 發明 爐甘石得金銀之氣而成專入陽明經而燥濕熱目病爲要藥時珍常用

爐甘石煨飛海螵蛸礬砂等分爲細末點諸目病皆妙又煨過水飛丸如彈圓多攢簪孔燒赤煎黃連汁

淬數次點眼皮濕爛及陰囊腫濕其功最捷。

無名異 甘平無毒。本經主金瘡折傷內損。止痛生肌肉。發明 無名異本經主折傷內損。今人治打傷腫痛。損傷接骨。又試效方。臨杖預用酒服三五錢。則杖不甚傷。蘇頌醋磨傅腫毒者。亦取活血涼血之功耳。

石鍾乳 甘溫無毒。以甘草紫背天葵同煮一伏時。杵粉入鉢細研。水飛澄過。再研萬遍。磁器收之。若不經煨煉。服之令人淋。本經主欬逆上氣。明目益精。安五藏。通百節。利九竅。下乳汁。發明 鍾乳乃山靈陽氣所鍾。故瑩白中空。純陽通達。專走陽明氣分。若質實色渝。必生陰壅。不無蛇虺之毒。誤餌傷人。惟產乳源。形如鵝翎管者最勝。然性偏助陽。陰虛之人。慎毋輕服。內經云。石藥之氣悍。服之令陽氣暴充。形體壯盛。昧者得此自慶。益肆淫泆。精氣暗損。石氣獨存。孤陽愈熾。久之榮衛不從。發為淋濁。及為癰疽。是果乳石之過歟。抑人之自取耶。惟肺氣虛寒。欬逆上氣。哮喘痰清。下虛腳弱。陰痿不起。大腸冷滑。精泄不禁等疾。功效無出其右。本經主欬逆上氣者。取其性溫而鎮墜之。則氣得歸元而病自愈。五藏安。則精自益。目自明。其通百節。利九竅。下乳汁者。皆取甘溫助陽。色白利竅之力也。昔人言鍾乳與白朮相反。而千金方每多並用。專取相反之性。激其非常之效。予常親試。未嘗有害。孔公孽。孔竅中通附垂於石。如木之孽。卽鍾乳之牀。本經利九竅。下乳汁之功。與鍾乳無異。而殷孽卽孔公孽之根。又爲瘡疽癩痔癰瘻溫散。

結氣之用。惜乎世鮮知者。

石灰 辛溫有毒。本經主痘瘍疥癢。熱氣惡瘡。癩疾死肌。墮眉殺痔蟲。去黑子瘰肉。發明 石灰稟壯火之餘烈。故能辟除陰邪濕毒。觀本經所主痘瘍疥癢。熱氣惡瘡。癩疾死肌等。皆外治之用。去黑子者。火氣未散。性能灼物。故能去黑子瘰肉及墮眉也。本經雖不言有毒。而內服之方。從無及此。其毒可知。寇氏治中風口喎。以石灰醋炒調塗。左塗右。右塗左。立便牽正。千金治身面疣。用苦酒浸石灰六七日。取汁頻頻滴之自落。又治溺死之人。用化過細灰裹下部。以滲其水。卽活。又治瘰瘡不合。古塚中石灰厚。傅之。集玄方治面壓疣瘰。碱水煮滾。化礦灰。插糯米半入灰中。經宿色變如晶。以鍼微撥動。點少許於上。半日汁出。剔去藥不得著水。二日卽愈。便簡方治疔腮腫痛。醋調陳年石灰傅之。肘後方治湯火傷灼。年久石灰油調傅之。又治刀刃金瘡。石灰裹之。卽痛定血止。但不可著水。著水卽爛肉也。

浮石 一名海石 鹹平無毒。煨過水飛用。發明 海石乃水沫結成。色白體輕。故治上焦痰熱。止嗽。點目翳。

傳痘癰。功效最捷。又治諸淋。散積塊。皆取鹹能軟堅之意。消癭瘤。結核疝氣。然惟實證宜之。虛者誤投。患亦最速。以其性專剋削肺胃之氣也。南海有浮水之石。沉水之香。專取物類之相反。以治病氣之阻逆也。陽起石 本經名白石 鹹溫無毒。色白揉之如綿。不脆者真。質堅脆者卽僞。煨過燒酒淬七次。杵細水飛用。

本經主崩中漏下。破子藏中血。癥瘕結氣。寒熱腹痛。無子。陰痿不起。補不足。發明。陽起石乃雲母之根。右腎命門藥。下焦虛寒者宜之。黑錫丹用此。正以補命門陽氣不足也。本經治崩中漏下。陽衰不能統攝陰血也。又言破子藏中血。癥瘕結氣。是指陰邪畜積而言。用陽起石之鹹溫。散其所結。則子藏安和。孕自成矣。陰虛火旺者忌用。以其性專助陽也。

慈石

本經名玄石。俗名煒鐵石。

辛鹹微寒無毒。入藥煨過。醋淬七次。研細水飛用。

本經主周痹風濕。肢節中痛。不

可持物。洗洗酸消。除大熱煩滿。及耳聾。

發明

慈石為鐵之母。腎與命門藥也。惟其慈。故能引鐵。千金

慈石丸。治陰虛龍火上炎。耳鳴嘈嘈。腎虛腫神散大。蓋慈石入腎。鎮養真精。使神水不外移。硃砂入心。鎮養心血。使邪火不上侵。耳目皆受蔭矣。本經主周痹風濕。肢節中痛。洗洗酸消。取辛以通痹。而祛散之。重以去怯。而鎮固之。則陰邪退。臚而肢節安和。耳目精明。大熱煩滿自除矣。濟生方治腎虛耳聾。以慈石豆大一塊。同煨穿山甲末。綿裹塞耳中。口含生鐵一塊。覺耳中如風雨聲。即通。

代赭石

本經名須丸。

苦甘平無毒。擊碎有乳形者真。火煨醋淬三次。研細水飛用。

本經主鬼痊賊風蠱毒。

腹中毒邪。女子赤沃漏下。

發明

赭石之重。以鎮逆氣。入肝與心。包絡二經血分。本經治賊風蠱毒。赤

沃漏下。取其能收斂血氣也。仲景治傷寒吐下後。心下痞硬。噯氣不除。旋復代赭石湯。取重以降逆氣滌。

痰涎也。觀本經所治皆屬實邪。卽赤沃瀉下。亦是肝心二經癱滯之患。其治難產胞衣不下。及大人小兒驚氣入腹。取重以鎮之也。陽虛陰痿。下部虛寒。忌之。以其沉降而乏生發之功也。

禹餘糧

本經名白餘糧。與太乙餘糧功用皆同。

甘平無毒。細研水淘澄之。勿令有砂土。本經主欬逆寒熱煩滿。下赤白

血閉。癥瘕大熱。鍊餌服之。不饑。輕身延年。發明。重可以去怯。禹餘糧之重。爲鎮固之劑。手足陽明血分藥。其味甘。故治欬逆寒熱煩滿之病。其性澀。故主赤白帶下。前後諸病。仲景治傷寒下利不止。心下痞。鞭利在下焦。赤石脂禹餘糧丸主之。取重以鎮痞逆。潛以固脫泄也。抱朴子云。禹餘糧丸日再服。三日後。令人多氣力。負擔遠行。身輕不饑。卽本經輕身延年之謂。

空青 甘酸大寒無毒。本經主青盲耳聾。明目利九竅。通血脈。養精神。益肝氣。久服輕身延年。發明

空青感銅之精氣而結。故專入肝明目。本經主耳目九竅諸病。皆通血脈。養精神。益肝氣之力也。久服輕身延年者。銅性善滌垢穢。垢穢去而氣血清純。毋伐天和矣。時珍曰。空青與綠青皆生益州。及越雋山有銅處。東方甲乙是生肝膽。其氣之清者爲肝血。其精英爲膽汁。開竅於目。血者五藏之英。皆因而注之爲神。膽汁充則目明。減則目昏。銅亦青陽之氣所生。其氣之清者爲綠。猶肝血也。其精英爲空青之漿。猶膽汁也。其爲治目神藥。蓋亦以類相感耳。但世罕得真。書亦罕識。以故俗諺有天下有空青。人間無醫目

之說。不知此雖貴品。銅官始興涼州高平饒信等處。亦皆有之。出銅坎者。銅質隱隱。內涵空綠。生金穴者。金星粲粲。內涵空青。總取得肝膽之精靈。通空竅之風氣也。予嘗以此驗之。攷之張果玉洞要訣云。空青似楊梅受赤金之精。甲乙陰靈之氣。近泉而生。故能含潤。然必新從坎中出者。則鑛破中有水。若出礦日久。則乾如珠矣。安有藏久不乾之理。近世必以中空涵漿者為真。若爾則當名空漿。不當名空青矣。但須驗其中空。內有青綠如珠者。卽真空青。急不可得。綠青可以代用。活法在人。可執一乎。

曾青

曾音層。其青層層而生。故石形如蚯蚓尿者真。

酸小寒無毒。

本經主目痛。止淚出。風痹。利關節。通九竅。破癥堅積聚。久

服輕身不老。發明 曾青治目。義同空青。以其並出銅礦。與綠青同一根源。曾青則綠青之祖氣也。古方太乙神精丹用之。扁鵲治積聚留飲。有曾青丸。並見古今錄驗方。曾空二青。近世絕罕。千金云。當取崑崙綠代之。卽綠青也。

綠青

俗名石綠。

微酸小毒。

發明

痰在上宜吐之。在下宜利之。綠青吐風痰眩悶。取二三錢。同龍腦少許

調勻。以生薄荷汁。合酒溫服。便臥。涎自口角流出。乃愈。不嘔吐而功速。故著之。

扁青

俗名石青。

甘平無毒。

本經主目痛。眇目。折跌癰腫。金瘡不瘳。破積聚解毒氣。利精神。

發明

石青

走肝磨堅積。故本經所主。皆肝經積聚之病。時珍用吐風痰。研細溫水灌下。卽吐。肝虛易驚。多痰者宜之。

形如縮砂者名魚目青。主治與扁青無異。

石膽

俗名膽礬

酸辛寒有毒。產秦州嵩岳及蒲州中條山。出銅處有之。能化五金。以之制汞則與金無異。

本經主目痛。金瘡諸癩瘻。女子陰蝕痛。石淋寒熱。崩中下血。諸邪毒氣。發明。石膽酸辛氣寒。入少陽膽經。性寒收斂。味辛上行。能涌風熱痰涎。發散風木相火。又能殺蟲。本經主目痛。金瘡癩瘻。取酸辛以散風熱痰垢也。治陰蝕崩淋寒熱。取酸寒以滌濕熱淫火也。又爲咽喉痺乳蛾。諸邪毒氣要藥。涌吐風痰最快。方用米醋煮真鴨嘴。膽礬末醋調。探吐膠痰卽瘥。又治紫白癩風。膽礬牡蠣粉生研醋調摩之。風犬咬傷。膽礬末水服探吐。蜜調傳之立愈。胃脘蟲痛。茶清調膽礬末吐之。走馬牙疳。紅棗去核入膽礬煨赤研末傳之。追出痰涎卽愈。百蟲入耳。膽礬和醋灌之卽出。千金方也。

礬石 辛熱有毒。久服令人筋攣。煨法以黃泥包。炭火燒一日一夕。乃可用之。惡羊血。不入湯液。本經

主寒熱鼠瘻蝕死肌風痺。腹中堅癖邪氣。發明。時珍云。礬石與砒石相近。性亦相類。但砒石略帶黃

暈。礬石全白。稍有分辨。而古方礬石與礬石常相渾書。二字相似。故誤耳。然礬石性寒無毒。礬石性熱有

毒。不可不審。甄權除膈間積氣。冷濕風痹。瘙癢積十年者。仲景云。生用破人心肝。嚴冬以此置水中。則水

不冰。其熱毒之性不減。砒石今藥肆中往往以充砒石。而礬石僅可破積攻癖。不能開痰散結。是以勝金

丹載瘡丹。服之不效者。良由誤用礬石之故。按王子敬靜息帖言。礬石深是可疑。凡喜服寒食散者。輒發癰毒。故云深可疑也。以其毒烈。乾汞最速。故丹房目為仙藥。凡山中有礬。則春不生草。冬不積雪。而鼠食則斃。蠶食則肥。物類之宜忌。有不可解者。其特生礬石。有蒼白紫桃花色金星銀星等類。其毒不異。惟出金穴中者。名握雪礬石。雖溫無毒。與上迥為不同。

砒石

出信州故又名信石

苦辛大熱大毒。色白有黃暈者名金脚砒。鍊過者曰砒霜。色紅者最劣。不堪入藥。畏菘

豆芽茶冷水。入藥醋煮用。或與芽茶同用。或與浸濕生菘豆仁同研以殺其毒。中其毒者以生羊血解之。冷水多灌亦解。若犯火酒。必不可救。發明 砒霜瘡家常用。入口則吐利兼作。吐後大渴。則與菘豆湯飲之。砒性大毒。誤食必死。奈何以必死之藥。治必不死之病。豈不殆哉。然狂癡之病。又所必需。勝金丹用之無不應者。枯痔散與天靈蓋同用。七日痔枯自落。取熱毒之性以枯歹肉。天靈蓋以透骨髓。散宿垢。長肌肉也。

礬石

辛鹹平無毒。色青者入肝力勝。色黃者兼脾次之。硝石煨過。杵細水飛用。發明 青礬石厥陰

之藥。其性下行。治風木太過。挾制脾土。氣不運化。積滯生痰。壅塞膈上。變生風熱諸病。故宜此藥。重墜以下泄之。使水平氣下。而痰穢通利。諸證自除矣。今人以王隱君滾痰丸。通治諸痰怪證。不論虛實寒熱。槩

用殊爲未妥。不知痰因脾胃不能運化。積滯而生。膠固稠粘者。誠爲合劑。設因陰虛火炎。煎熬津液。凝結成痰。如誤投之。則陰氣愈虛。陽火彌熾。痰熱未除。而脾胃先爲之敗矣。況乎脾胃虛寒。食少便溏者。得之泄利不止。禍不旋踵。若小兒多變。慢脾風證。每致不救。可不慎歟。

花乳石

一名花藥石

酸辛溫無毒。出陝華諸郡。色黃中有淡白點。以此得名。又代州山谷中有五色者。制法

以花乳石五兩。同硫黃二兩。入煬成罐內。鹽泥固濟。加頂火煨過。研細水飛用。發明 花乳石產硫黃

山中。其性大溫。厥陰血分藥也。葛可久治虛勞吐血。有花藥石散。以其性溫善散瘀結也。和劑局方治金刃箭傷。打撲垂死。外有損處。以煨過細末。摻傷處。血化黃水。再摻卽活。如內有損血入藏府。煎童子小便入酒少許。調灌一錢。七立效。婦人產後惡血衝心。昏暈不省。或胎死腹中。胞衣不下致死。但心胸溫暖者。急以童便調灌一錢。取下惡血卽安。若膈上有血。化爲黃水。卽時吐出。或隨小便出甚效。但陰虛火炎。中無瘀積者。誤用必殆。

河沙 微寒無毒 發明 河沙得水土之氣。故夏月發瘧子。通石淋。主絞腸痧痛。用沙炒熱。冷水淬之。

澄清服效。又風濕頑痹不仁。筋骨攣縮。六月取河沙曝熱。伏坐其中。冷卽易之。取微汗。忌風冷勞役。不過數次愈。其王田沙。夏月發麻疹良。

石燕 甘寒無毒。發明 石燕出祈陽西北江畔砂灘上。形似蚪而小。堅重於石。俗云因雷雨則自石穴中出。隨雨飛墮者。妄也。其性寒涼。乃利竅行濕熱之物。故能療眼目障翳。磨水不時點之。熱淋煮汁飲之。婦人難產。兩手各執一枚。卽下。然不若磨汁飲之。僅似有理。

石蟹 甘寒無毒。發明 石蟹生南海近海州郡皆有之。體質石也。與蟹相似。或言崖州榆林港內土極細最寒。蟹入不能運動。片時成石。亦妄言也。其性鹹寒質堅。能磨翳積。故青盲目淫。膚翳丁翳。漆瘡。皆水磨點塗。催生下胎。療熱極血暈。熟水磨服。

蛇黃 溫微毒。發明 蛇黃生蛇腹中。如牛黃之類。世人因其難得。遂以蛇含石。醋煨水飛代之。取蛇之性竄入肝也。蛇含石入手足厥陰血分。與代赭之性不甚相遠。爲小兒鎮攝驚癇之重劑。脾風泄瀉者宜之。

霹靂砮卽雷楔 溫無毒。發明 雷楔稟東南水火之氣。治小兒驚癇。磨汁服之。作枕辟惡夢不祥。鎮邪瘡刮屑殺療蟲。下蟲毒。置箱篋不生蛀蟲。佩之安神。治驚邪之疾。

鹵石部

食鹽 鹹寒無毒。本經主結熱喘逆胸中病。令人吐。發明 鹹走腎走血。腎病血病人無多食鹽。以

血得鹹則凝也。補腎藥用之。不過借爲引導耳。乾霍亂及臭毒頭疼腹痛。多用鹽水吐之。本經所主結熱喘逆者。以鹹能下氣。過鹹則引涎水聚於膈上。而涌之也。好食鹹者。人多黑色。耗血之驗也。病水腫忌食。以其走腎助邪水之逆滿也。千金治妊婦橫生逆產。先露手足。以鹽摩產婦腹。并塗兒手足。急以爪搔之。卽縮入而正產。又殺蠱毒。凡水蛭蚯蚓。得鹽卽化爲水。毒蟲螫者。以鹽擦之。其毒卽解。鹽之味鹹性降。下氣最速。治下部腫瘡。吐胸中痰癖。止心腹卒痛。不可多食。傷肺喜欬。扁鵲云。能除一切大風痛。炒熱熨之。今人救朱魚噎雷電暴雨欲死。但口微動者。速將鹽少許調水。貯魚於中。時時微動其水。卽活。鱗尾有損處。以鹽塗之。卽生出。鹽爲水之精。專得涵養之力也。今人食暴雨潦水。腹脹。以鹽湯探吐卽安。其解水毒可知。

戎鹽

一名石鹽俗名青鹽與光明鹽同類

鹹寒無毒。

本經主明目目痛。益氣堅筋骨。去毒蠱。

發明

戎鹽稟至陰之

氣凝結而成。不經煎鍊。生涯淡之陰。功專走血入腎。治目中痰赤昏澀。金匱茯苓戎鹽湯。治小便不通。取其補腎利膀胱也。又能固齒明目。治目痛。益氣堅筋骨。一皆補腎之力。本經首主明目目痛。是熱淫於內。治以鹹寒。又言去毒蠱者。鹹能更堅。蠱毒邪氣。不能浮長矣。

鹵鹼

一名石鹼

苦鹹微寒無毒。

本經主大熱消渴狂煩。除邪及下蠱毒。柔肌膚。

發明

鹼味鹹性走。故

能消痰磨積。祛熱煩蠱毒。消渴屬實熱者宜之。肌膚粗者。以湯洗之。頑皮漸退。是卽柔肌膚之謂也。○水鹼乃竈灰淋湯。沖銀黝脚所造。性能發麵。故麵鋪中無不用之。病人食之多發浮腫。故方後每忌濕麵。觀其善滌衣垢。剋削可知。

凝水石

卽寒水石

辛鹹寒無毒。近世真者絕不易得。欲驗真僞。含之卽化爲水。否卽是僞。石膏亦名寒水石。

與此不同。

本經主身熱腹中積聚邪氣。皮中如火燒煩滿。發明 寒水石生積鹽之下。得陰凝之氣。

而成鹽之精也。治心腎積熱之上藥。本經治腹中積聚。鹹能軟堅也。身熱皮中如火燒。鹹能降火也。金匱

風引湯。局方紫雪。皆用以治有餘之邪熱也。如無真者。戎鹽玄精石皆可代用。總取鹹寒降泄之用耳。

玄精石

辛鹹寒無毒。青白龜背者良。本經除風冷邪氣濕痹。益精氣。發明 玄精石裏太陰之精。

與鹽同性。故其形皆六出。象老陰之數也。本經言味鹹氣溫。傳寫之誤。其氣寒而不溫。其味辛鹹。沉降同

硫黃硝石。治上盛下虛。收陽助陰。有扶危拯逆之功。來復丹用之。嘗取一陽來復之義。寒因寒用。深得本

經諸治之奧。

朴硝

辛苦鹹寒有毒。黃者傷人。赤者殺人。入藥必取白者。以水煎化。澄去滓。入萊菔自然汁同煮。傾入

盆中。經宿結成如冰。謂之益硝。齊衡之硝。上生鋒芒。謂之芒硝。川礬之硝。上生六稜。謂之牙硝。取芒硝再

三以萊菔汁煉去鹹味懸當風處吹去水氣輕白如粉謂之風化硝以芒硝牙硝同萊菔汁甘草煎過鼎

離昇煨謂之玄明粉本經主五藏積熱胃脹閉滌蓄結飲食推陳致新除邪氣向錯簡在硝石條內今正之詳治五藏等證皆

熱邪固積決非硝石所能發明熱淫於內治以鹹寒堅者以鹹熨之熱者以寒消之不出本經推陳致新之妙用

仲景大陷胸湯大承氣湯調胃承氣湯皆用芒硝熨堅去實且帶微辛所以走而不守若熱結不至堅者

不可輕用小兒赤遊風以硝傾湯中取布蘸濕拭之

玄明粉御藥院方名白龍粉辛甘微寒無毒發明玄明粉用芒硝煨過多遍佐以甘草緩其鹹寒之性用治

膈上熱痰胃中實熱腸中宿垢非若芒硝之力峻傷血也然脾胃虛寒及陰虛火動者慎勿輕用以取虛

虛之咎

風化硝甘鹹寒無毒發明風化硝甘緩輕浮故治上焦心肺痰熱而不致於泄利者宜之并治經

絡之痰濕但重著而非痠痛者用之有效指迷茯苓丸治痰濕流於肩背之陽位而隱隱作痛最為合劑

然惟體肥氣實者為宜眼臉赤腫和人乳點之

硝石即焰硝辛苦鹹温有毒溶化投甘草結定取用本經主百病除寒熱邪氣逐六府積聚結固留癖能

化七十二種石諸家本草皆錯簡在朴硝條內詩化七十二種石豈朴硝能之發明焰硝屬火其性上升能破積散堅治諸寒熱交

錯之病。升散三焦火鬱。調和藏府虛寒。除寒熱邪氣。逐六府積熱。不出本經主治也。別錄言天地至神之物。能化七十二種石。抱朴子亦云。能消柔五金。化七十二石。其錯簡可知。與硫黃同用。卽配偶二炁。均調陰陽。有升降水火之功。治冷熱緩急之病。蓋硫黃性煖而利。其性下行。硝石性煖而散。其性上行。一升一降。此制方之妙也。

礞砂 鹹苦辛熱有毒。醋煮乾刮下用。番禺者良。畏酸漿水。忌羊血。中其毒者。生棗豆研汁恣飲解之。
發明 礞砂大熱。乃鹵液所結。秉陰毒之氣。含陽毒之精。破積攻堅。無出其右。故能治噎膈反胃。積塊肉癥。其性能柔金銀。故錐藥用之。所言化人心爲血者。甚言其迅利也。外用治惡肉。除疣贅。去鼻中瘻肉。最捷。但不可過用。用過急。以甘草湯洗之。觀金銀有僞。投礞砂罐中。悉能消去。況人腹中有久積死胎。豈不腐潰。但其性毒烈。苟有生機。慎勿輕試。

蓬砂 一名鵬砂 甘微鹹無毒。甘草湯煮化。微火炒鬆用。**發明** 蓬砂味甘微鹹。氣溫色白而質輕。能去胸

膈上焦之實熱。素問云。熱淫於內。治以鹹寒。以甘緩之是也。其性能柔五金而去垢膩。故主痰嗽。喉痹。破癥結。治噎膈積聚。骨鯁結核惡肉。取其能柔物也。含化曠津。治喉中腫痛。膈上痰熱。取其能散腫也。眼目障翳。口齒諸病用之。取其能滌垢也。昔人治骨鯁。百計不下。取含曠汁。脫然如失。此軟堅之徵也。

石硫黃 酸鹹大熱有毒。以萊菔挖空入硫黃蒸熟用。或入豆腐中煮七次用。或醋煨用。或豬臟中制用。各隨本方。硫是礬之液。礬是鐵之精。磁石是鐵之母。故鹹砂磁石制入硫黃。立成紫粉。硫能乾汞。見五金而黑。得水銀則赤也。本經主婦人陰蝕疽痔惡血。堅筋骨。除頭禿。發明 硫黃稟純陽之精。賦大熱之性。助命門相火不足。寒鬱火邪。胃脘結痛。脚冷痿弱者宜之。其性雖熱。而能疎利大腸。與燥澀之性不同。但久服傷陰。大腸受傷。多致便血。傷寒陰毒。爪甲純青。火焰散。屢奏神功。陰水腹脹。水道不通。金液丹服之卽效。本經治陰蝕疽痔。乃熱因熱用。以散陰中蘊積之垢熱。但熱邪亢盛者禁用。又言堅筋骨者。取以治下部之寒濕。若濕熱痿痹。良非所宜。人身陰常不足。陽常有餘。苟非真病虛寒。胡可服此毒熱。類按有久服硫黃。人漸縮小之例。石頑親見李堯占服此數年。臨斃縮小如七八歲童子狀。正內經所謂熱則骨消筋緩是也。

礬石 酸澀微寒無毒。明如鵬沙。起橫樞者。名馬齒礬最勝。生用煨用各隨本方。生者多食破人心肺。

本經主寒熱洩利。白沃陰蝕惡瘡。目痛堅骨齒。發明 白礬專收濕熱。固虛脫。故本經主寒熱泄利。蓋指利久不止。虛脫滑泄。因發寒熱而言。其治白沃陰蝕惡瘡。專取滌垢之用。用以洗之。則治目痛。漱之則堅骨齒。弘景曰。經云。堅骨齒誠爲可疑。以其性專入骨。多用則損齒。少用則堅齒。齒乃骨之餘也。爲末去

鼻中瘻肉。其治氣分之痰濕癰腫最捷。侯氏黑散用之。使藥積腹中。以助悠久之功。故蠟礬丸以之爲君。有人遍身生瘡如蛇頭。服此而愈。甄權生含嗽津。治急喉痹。皆取其去穢之功也。若濕熱方熾。積滯正多。誤用收瀆。爲害不一。岐伯言久服傷人骨。凡陰虛咽痛。誤認喉風。陰冷腹痛。誤認臭毒。而用礬石必殆。綠礬一名皂礬。酸寒無毒。發明。皂礬專除垢膩。同蒼朮酒釀醋丸。治心腹中滿。或黃腫如土色甚效。蓋礬色綠味酸。燒之則赤。用以破血分之瘀積。其效最速。金匱治女勞黑瘡。硝石礬石丸。專取皂礬以破瘀積之血。緣其未經註明。嘗有誤用白礬。收殊昧此理。又婦人白沃經水不利。子藏堅癖。中有乾血白物。用礬紅杏仁蜜丸納陰中。日一易之。

山草部

甘草一名國老。甘平無毒。反海藻大戟甘遂芫花。補中散表。炙用。瀉火解毒。生用。中心黑者有毒。勿用。本經主五藏六府寒熱邪氣。堅筋骨。長肌肉。倍氣力。解金瘡腫毒。發明。甘草氣薄味厚。升降陰陽。大緩諸火。生用則氣平。調脾胃虛熱。大瀉心火。解癰腫金瘡諸毒。炙之則氣溫。補三焦元氣。治藏府寒熱而散表邪。去咽痛。緩正氣。養陰血。長肌肉。堅筋骨。能和衝脈之逆。緩帶脈之急。凡心火乘脾。腹中急痛。腹皮急縮者。宜倍用之。其性能緩急。而又協和諸藥。故熱藥用之緩其熱。寒藥用之緩其寒。寒熱相兼者。用之得

其平本經治藏府寒熱邪氣。總不出調和胃氣之義。仲景附子理中用甘草。恐僭上也。調胃承氣用甘草。恐速下也。皆緩之之意。小柴胡有黃芩之寒。人參半夏之溫。而用甘草。則有調和之意。炙甘草湯治傷寒。脈結代心動悸。渾是表裏津血不調。故用甘草以和諸藥之性。而復其脈。深得攻補兼該之妙用。惟土實脹滿者禁用。而脾虛脹滿者必用。蓋脾溫則健運也。世俗不辨虛實。一見脹滿。便禁甘草。何不思之甚耶。凡中滿嘔吐。諸濕腫滿。酒客之病。不喜其甘。藻戟遂藟與之相反。亦迂緩不可救昏昧耳。而胡洽治痰瀰。以十棗湯加甘草大戟。乃痰在膈上。欲令通泄以拔病根也。古方有相惡相反並用。非妙達精微者。不知此理。其梢去莖中痛。節解癰疽毒。條草生用解百藥毒。凡毒遇土則化。甘草為九土之精。故能解諸毒也。千金方云。甘草解百藥毒。如湯沃雪。有中烏頭巴豆毒。甘草入腹即定。驗如反掌。方稱大豆解百藥毒。子每試之不效。加甘草為甘豆湯。其驗甚捷。嶺南人解蠱。凡飲食時。先用炙甘草一寸嚼之。若中毒隨即吐出。

黃耆 甘溫無毒。入益氣藥。灸用。入解表及托裏藥。生用肥潤而軟者良。堅細而枯者食之令人胸滿。本經主癰疽久敗。排膿止痛。大風癩疾。五痔鼠瘻。補虛小兒百病。發明 黃耆甘溫。氣薄味厚。升少降多。陰中陽也。能補五藏諸虛。入手足太陰。手陽明少陽。而治脈弦自汗。瀉陰火去肺熱。無汗則發。有汗則

止入肺而固表。虛自汗。入脾而托已潰癰。本經首言癰疽久敗。排膿止痛。次言大風癩痰。五痔鼠瘻。皆用生者。以疏衛氣之熱。性雖溫補。而能通調血脈。流行經絡。可無礙於壅滯也。其治氣虛盜汗。自汗。及皮膚痛。是肌表之藥。治咯血。柔脾胃。是中州之藥。治傷寒尺脈不至。補腎藏元氣不足。及嬰兒易感風邪。發熱自汗諸病。皆用炙者。以實衛氣之虛。乃上中下內外三焦藥。卽本經補虛之謂。如痘疹用保元湯。治脾肺虛熱。當歸補血湯。治血虛發熱。皆爲聖藥。黃耆同人參則益氣。同當歸則補血。同白朮防風則運脾濕。同防己防風則祛風濕。同桂枝附子則治衛虛亡陽汗不止。爲膠理開閤之總司。又黃耆性專實衛。溫補下元。而當歸補血湯。曷不用地黃之屬。反用此三倍於歸。其義何居。蓋陰血之虛而發熱。明係陽從陰亢。自必峻用陰中之陽藥爲君。兼當歸引入血分。自然陽生陰長。陰邪退聽而亢熱除矣。若用純陰滋膩。徒資膠滯。熱無由而散也。是須黃耆固護其營。不使重奪其汗。而陰自守熱自除矣。昔人言無汗不得用黃耆。服之令人胸滿。此指表實形瘦色蒼。胸中氣盛者而言。若衛氣虛衰之人。感寒雖用表藥。多不能作汗。須用黃耆建中之屬。始得汗解。不可拘於俗見而廢聖法也。唐許胤宗治柳太后病風不能言。脈沉而口噤。乃造黃耆防風湯數斛。置於牀下。氣如烟霧。一夕便得語也。此義惟玉屏風散得之。黃耆性畏防風。然得防風其功愈大。蓋相畏而相使者也。

人參古作棗

甘苦微溫無毒。產高麗者良。反藜蘆。畏鹵鹽。陰虛火炎。欬嗽喘逆者。青鹽製之。本經補五

藏。安精神。定魂魄。止驚悸。除邪氣。明目。開心。益智。久服。輕身。延年。發明。人參甘溫。氣薄味厚。陽中微

陰。能補肺中元氣。肺氣旺。四藏之氣皆旺。精自生而形自盛。肺主諸氣。故也。古人血脫益氣。蓋血不自生。

須得補陽氣之藥。乃生。陽生則陰長。血乃旺耳。若單用補血藥。血無由而生也。素問言無陽則陰無以生。

無陰則陽無以化。故補氣必用人參。補血須兼用之。仲景言病人汗後身熱亡血。脈沉遲。下利身涼。脈微

血虛。並加人參。蓋有形之血。未能卽生。希微之氣。所當急固。無形生有形也。丹溪言虛火可補。參者之屬。

實火可瀉。芩連之屬。後世不察。槩謂人參補火。謬矣。夫火與元氣。勢不兩立。正氣勝則邪氣退。人參既補

元氣。又補邪火。是反復之小人矣。又何與甘草茯苓白朮爲四君子耶。凡人面白面黃面青。憔悴者。皆脾

肺腎氣不足。可用也。面赤面黑者。氣壯神強。不可用也。脈浮而芤濡。虛大遲緩無力。沈而遲澀。弦細微弱

結代。或右手關部無力。皆可用也。若弦強緊實。滑數洪盛。長大有力。或右手獨見脈實。皆火鬱內實。不可

用也。潔古謂喘嗽勿用者。痰實氣壅之喘也。若腎虛氣短喘促者。必用也。仲景謂肺寒而嗽勿用者。寒束

熱邪。壅滯在肺之嗽也。若自汗惡寒而嗽者。必用也。東垣謂久病鬱熱在肺勿用者。乃火鬱於內。宜發不

宜補也。若肺虛火旺。氣短自汗者。必用也。丹溪言諸痛不可驟用者。乃邪氣方銳。宜散不宜補也。若裏虛

吐利及久病胃弱。虛痛喜按者。必用也。節齋謂陰虛火旺吐血勿用者。乃血虛火亢。能食脈強。服人參則陽愈旺。陰愈消。未有不引血大脫也。若自汗氣短。肢寒脈虛者。必用也。古今治勞。莫過於葛可久。其獨參湯。保真湯。未嘗廢人參而不用。惟麻疹初發。身發熱而斑點未形。傷寒始作。證未定而熱邪方熾。不可用耳。喻嘉言曰。傷寒有宜用人參入藥者。發汗時元氣大旺。外邪乘勢而出。若元氣素弱之人。藥雖外行。氣從中餒。輕者半出不出。留連致困。重者隨元氣縮入。發熱無休。所以虛弱之人。必用人參入表藥中。使藥得力。一湧而出。全非補養之意。卽和解藥中。有人參之大力居間。外邪過正。自不爭而退舍。亦非偏補一邊之意。而不知者。謂傷寒無補。邪得補彌熾。斷不敢用。而市井愚夫。乃交口勸病人不宜服參。醫者又避嫌遠謗。一切可生之機。悉置之不理。殊失本經除邪氣之旨矣。古今諸方。表汗用參蘇飲。敗毒散。和解用小柴胡。解熱用白虎加人參湯。竹葉石膏湯。攻下用黃龍湯。領人參深入驅邪。卽熱退神清。從仲景至今。明賢方書。無不用人參。何爲今日醫家。屏絕不用。以阿諛求容。全失一脈相傳宗旨。殊不知誤用人參殺人者。皆是與黃耆白朮。乾薑當歸。肉桂附子。同行溫補之誤所致。不與羌獨柴前。芎半枳桔等。同行汗和之法所致也。安得視人參爲砒鴆刀刃。固執不用耶。又痘疹不宜輕用人參者。青乾紫黑陷。血熱毒盛也。若氣虛頂陷。色白皮薄。泄瀉漿清。必用也。故博愛心鑑治痘。以保元湯爲要藥。人參得升麻補上焦之氣。

瀉中州之火。得茯苓補下焦之氣。瀉腎中之火。東垣交泰丸。用人參皂莢。是惡而不惡也。治月閉。用四物。加人參五靈脂。是畏而不畏也。痰在胸膈。以人參藜蘆同用。而取涌越。是激其怒性也。惟右手獨見脈實者。爲肺經本有火。故不宜用。若右手虛大而嗽者。雖有火邪。此爲虛火上炎。腎水不足。乃刑金之火。非肺金之火。正當以人參救肺。但須多用。方始得力。若少用。必增脹滿。本經言安五藏。定魂魄。止驚悸。明目。開心益智者。以藏氣安和。心神寧定。當無驚悸昏昧之慮矣。其除邪氣者。以甘溫之力。協諸表藥。助胃祛邪。譬諸坐有君子。則小人無容身之地矣。繆子經疏云。人參論其功能之廣。如本經所說。信非虛語。第其性亦有所不宜。世之錄其長者。或遺其短。摘其瑕者。并棄其瑜。是以或當用而後時。或非宜而罔投。或蒙其利。反見其害。二者之誤。其失則一。使良藥不見信於世。粗工互騰其口說。豈知人參本補五藏真陽之氣者也。若夫虛羸。怯勞。役饑飽所傷。努力失血。以致陽氣短乏。陷入陰分。發熱倦怠。四肢無力。或中暑傷氣。氣無以動。或嘔吐泄瀉。霍亂轉筋。胃弱不食。脾虛不磨。或真陽衰少。腎氣之絕。陽道不舉。或中風失音。產後氣喘。小兒慢驚。痘後氣虛。潰瘍長肉等證。投之靡不立效。惟不利於肺家。有熱。欬嗽吐痰。吐血衄血。骨蒸勞瘵。陰虛火動之候。蓋肺者清肅之藏。真氣無虧。則寧謐清淨。以受生氣之熏蒸。而朝百脈。苟縱恣情欲。虧損真陰。火空則發。熱起於下。火爍乎上。則肺先受之。火乃肺之賊邪。邪氣勝則實。實則肺熱鬱結。

爲痰嗽癢而血熱妄行。溢出上竅。王好古所謂肺熱暹傷肺是也。若誤投之。鮮克免者。此皆實實之誤。於人參何咎哉。○產山西太行山者。名上黨人參。雖無甘溫峻補之功。却有甘平清肺之力。亦不似沙參之性寒專泄肺氣也。○參蘆能耗氣。專入吐劑。涌虛人膈上清飲宜之。鹽哮用參蘆涌吐最妙。參蘆涌吐。參蘆下泄。與當歸紫苑之頭止血。身和血。尾破血之意不殊。參鬚價廉。貧乏之人。往往用之。其治胃虛嘔逆。欬嗽失血等證。亦能獲效。以其性專下行也。若治久痢滑精。崩中下血之證。每致增劇。以其味苦降泄也。其蘆世罕知用。惟江右人稱爲竹節參。近日吾吳亦有用之者。其治瀉利膿血。崩帶精滑等證。俱無妨礙。如氣虛火炎。喘嘔嗽血。誤用轉劇。昔人用以涌吐者。取其性升。而於補中寓瀉也。此義前人未發。因屢驗而筆之。

沙參 甘淡微寒無毒。有南北二種。北者質堅性寒。南者體虛力微。反藜蘆。本經主血結驚氣。除寒熱。補中益肺氣。發明 沙參專泄肺氣之熱。故喘嗽氣壅。小便赤澀不利。金受火尅。陰虛失血。或喘欬寒熱。乃肺痿等疾宜之。本經主血結驚氣者。因驚氣入心。心包熱鬱而血結也。除寒熱者。鬱熱解而寒熱也。補中益肺氣者。用以清理肺胃之虛熱。則津液復而正氣受益矣。潔古言肺寒用人參。肺熱用沙參。好古言沙參性寒。補五藏之陰。總未達輕虛泄熱之義也。衛生方治肺熱欬嗽。沙參一味。水煎服之。肘後方

治卒然痼痛。自汗欲死。沙參爲末。酒服立瘥。證治要訣治婦人白帶。沙參爲末。米飲服之。蓋沙參專開肺氣。肺氣清。則木邪散而痼自除。帶自愈矣。時珍云。人參甘苦而溫。其體重實。專補脾胃元氣。因而益肺與腎。故內傷元氣者宜之。沙參甘淡而寒。其體輕虛。專清肺氣。因而益脾與腎。故金受火尅者宜之。此卽本經補中益肺氣之謂。一補陽而生陰。一補陰而制陽。不可不辨。

桔梗 本經名 薺芫 辛甘苦微溫無毒。甘者爲薺芫。苦者爲苦梗。咬之腥澁者爲木梗。不堪入藥。本經主胸

膈痛如刀刺。腹滿腸鳴幽幽。驚恐悸氣。發明 桔梗上升清肺氣。利咽喉。爲肺部引經。又能開發皮膚。

故與羌獨柴胡薺蘇葷同爲解表藥。與甘草同爲舟楫之劑。諸藥有此一味。不能下沉也。傷寒邪結胸脇

則痛如刀刺。邪在中焦。則腹滿腸鳴幽幽。辛甘升發。苦淡降泄。則邪解而氣和矣。其主驚恐悸氣者。心脾

氣鬱不舒。用以升散之也。朱肱用桔梗治胸中痞滿。總不出本經主治。仲景治寒實結胸。同貝母巴豆。取

其溫中消穀破積也。治肺癰唾膿血。用桔梗甘草。取排膿而清濁氣也。治少陰證二三日咽喉痛。用甘桔湯

取其調寒熱通陰氣也。千金方治喉痺毒氣。桔梗二兩。水煎頓服。加甘草連翹荆防。名如聖湯。通治咽喉

諸病。桔梗有甘苦二種。甘者曰薺芫。千金治強中爲病。莖長興發不交精出。取其能升解熱邪於上也。又

乾欬嗽。乃痰火之邪鬱在肺中。亦宜甘以潤之。痢疾腹痛。乃肺金之氣鬱在大腸。則宜苦以開之。甘升而

苦降也。此藥升降諸氣。能入肺使諸氣下降。俗泥爲上升而不能下行。失其用矣。痘疹下部不能起。爲之切忌。以其性升。能阻藥力於上。不得下達也。惟陰虛久嗽。不宜用。以其通陽泄氣也。其蘆吐膈上風熱。實痰。生研末。白湯調服二三錢。探吐之。

黃精 甘平無毒。勿誤用鈎吻。鈎吻卽野葛。葉頭尖有毛鈎子。又名斷腸草。誤服殺人。黃精則莖紫花黃。藥似竹葉也。發明 黃精爲補中宮之勝品。寬中益氣。使五藏調和。肌肉充盛。骨髓堅強。皆是補陰之功。但陽衰陰盛人服之。每致泄瀉痞滿。不可不知。

葶藶 本經名女萎 又名玉竹 甘平無毒。肥白者良。入發散風熱藥生用。入補藥蜜水拌。飯上蒸熟用。本經主中

風暴熱。不能動搖。跌筋結肉。諸不足。久服去面黑黧。好顏色。潤澤輕身不老。發明 葶藶甘潤性平。滋

肺益腎。補而不壅。善調厥陰久襲之風。故本經治中風暴熱等病。皆取其養正祛邪之力也。別錄主心腹

結氣。虛熱腰痛。莖中寒。目痛。背爛淚出。甄權主內補不足。去虛勞客熱。頭痛不安。千金治風溫自汗身重。

語言難出。葶藶湯以之爲君。其源本諸麻黃升麻湯。深得仲景之真。時珍用治虛勞寒熱。疝瘡不足之證。

用代參者。不寒不燥。大有殊功。不止於去風熱溫毒而已。又主小便卒淋。發熱口乾。眼黑頭眩。目赤澀痛。

其性雖潤。而無傷脾胃。奪食泄瀉之虞。但其性之緩耳。

知母 苦甘寒無毒。肥白者良。鹽酒炒用。本經主消渴熱中。除邪氣。肢體浮腫。下水。補不足。益氣。發明。知母沉降。入足少陰氣分。及足陽明手足太陰。能瀉有餘相火。理消渴煩蒸。仲景白虎湯。酸棗湯皆用之。下則潤腎燥而滋陰。上則清肺熱而除煩。但外感表證未除。瀉痢燥渴忌之。脾胃虛熱人誤服。令人作瀉減食。故虛損大忌。近世誤爲滋陰上劑。勞瘵神丹。因而天枉者多矣。本經言除邪氣肢體浮腫。是指濕熱水氣而言。故下文云。下水補不足。益氣。乃濕熱相火有餘。爍灼精氣之候。故用此清熱養陰。邪熱去則正氣復矣。

肉蓯蓉 甘鹹微溫無毒。酒洗去甲及腐。切片焙用。本經主五勞七傷。補中除莖中寒熱痛。養五藏。強陰益精氣。多子。婦人癯瘦。發明。肉蓯蓉與瑣陽總是一類。味厚性降。命門相火不足者宜之。峻補精血。驟用反動大便滑泄。本經主勞傷補中者。是火衰不能生土。非中氣之本虛也。治婦人癯瘦者。鹹能更堅而走血分也。又蓯蓉止洩精遺瀝。除莖中寒熱痛。以其能下導虛火也。鎖陽治腰膝軟弱。以其能溫補精血也。總皆滋益相火之驗。老人燥結宜煮粥食之。但胃氣虛者服之。令人嘔吐泄瀉。強陽易興。而精不固者忌之。

天麻 本經名離母一名。定風草莖名赤箭。

辛平微溫無毒。濕紙裹煨熟切片用。

本經主殺鬼精物。蠱毒惡氣。久服益氣。

力長陰肥健。發明 天麻味辛濃厚。性升屬陽。爲肝家氣分藥。故肝虛不足。風從內生者。天麻芎藭以補之。諸風掉眩。眼黑頭旋。風虛內作。非天麻不治。小兒驚痰風熱。服天麻卽消。天麻乃定風草。久服則週身發出紅斑。是驅風之驗也。按天麻性雖不燥。畢竟風劑。若血虛無風。火炎頭痛。口乾便閉者。不可妄投。本經言殺鬼精物蠱毒惡氣者。以其能定風。鎮八方之邪氣也。久服益氣力。長陰肥健者。其性屬陽。陽生則陰長也。

白朮一名山薑

甘溫無毒。○雲朮肥大氣壅。台朮條細力薄。靈國狗頭朮皮赤梢大。然皆栽灌而成。故其氣澀。不若於潛野生者氣清。無壅滯之患。○入諸補氣藥。飯上蒸數次用。入脾胃久嗽藥。蜜水拌蒸。入脾胃痰濕藥。薑汁拌晒。入健脾藥土炒。入瀉痢虛脫藥。炒存性用。入風痺痰濕利水破血藥。俱生用。然非於潛產者。不可生用也。本經主風寒濕痹。死肌癰疽。止汗除熱。消食。作煎餌。久服輕身。延年不饑。發明

白朮甘溫味厚。陽中之陰。可升可降。入脾胃二經。生用則有除濕益燥。消痰利水。治風寒濕痹。死肌癰疽。散腰膈間血。及衝脈爲病。逆氣裏急之功。製熟則有和中補氣。止渴生津。止汗除熱。進飲食安胎之效。本經主風寒濕痹。死肌癰疽者。正以風寒濕三者合而成痹。痹者拘攣而痛是也。經曰。地之濕氣感。則害人皮肉筋骨。死肌者。濕毒侵肌肉也。癰者。風寒乘虛客於肝脾胃經所致也。疽者。脾胃虛而濕熱瘀滯也。如

上諸證莫不由風寒濕而成。朮有除此三者之功。故能補其所致之疾也。止汗除濕進食者。濕熱盛則自汗。濕邪客則發熱。濕去則脾胃燥。燥則食自消。汗自止。熱自除矣。又主大風在身而風眩頭痛。目淚出。消痰水。逐皮膚間風水結腫。除心下急滿。及霍亂吐下不止。利腰臍間血。益津煖胃。消穀嗜食。得參苓大補中氣。得枳橘健運飲食。本經言消食作煎餌。留其滓以健運脾氣。食自化矣。仲景五苓散。祖素問澤朮糜銜湯。並用生者。但彼兼糜銜以統血。則汗自止。此兼桂枝以通津。則渴自除。潔古枳朮丸。祖金匱枳實湯。彼用生者以健胃。則逆滿自愈。此用熟者以助脾。則飲食自強。且以荷葉裹飯爲丸。取清震之氣。以鼓剋運之力也。蓋白朮得中宮沖和之氣。補脾胃藥以之爲君。脾土旺則清氣升而精微上。濁氣降而糟粕輸。仲淳有云。白朮稟純陽之土氣。除邪之功勝。而益陰之效虧。故病屬陰虛血少精不足。內熱骨蒸。口乾唇燥。欬嗽吐血。鼻衄齒衄。便閉滯下者。法咸忌之。朮燥腎而閉氣。肝腎有動氣者勿服。劉涓子云。癰疽忌白朮。以其燥腎而閉氣。故反生膿作痛也。凡藏皆屬陰。世人但知白朮能健脾。寧知脾虛而無濕邪者用之。反燥脾家津液。是損脾陰也。何補之有。此最易誤。故特表而出之。

蒼朮

本經名
山藟

苦辛溫無毒。產茅山者。味甘形瘦多毛最良。吳郡諸山者次之。楚中大塊辛烈氣燥者爲

下。製用糯米泔浸。刮去皮切片。同芝麻炒。或麻油炒通黃。去焦末。或去皮切片。蜜水拌飯上蒸用。又白露

後以泔水淨置屋上晒露一月。謂之神朮。本經主風寒濕痹。死肌瘡疽。發明 蒼朮辛烈。性溫而燥。可升可降。能徑入諸經。疎泄陽明之濕。而安太陰。辟時行惡氣。因經泔浸炒。故能除上濕發汗。與白朮止汗則異。腹中窄狹者。須之。本經治風寒濕痹。死肌瘡疽等證。總取性專開腠。故能發汗而去風寒濕氣。祛濕而去死肌。瘡疽下氣。而消痰食飲癖。又能總解諸鬱。佐以香附快氣之藥。下氣最速。一升一降。則鬱散而氣平也。脾精不禁。淋濁不止。腰背痠疼。用以斂脾津。津生於穀氣也。同黃藥爲二妙。治下部濕熱痿腫。又蒼朮一味麻油製過爲末。煮大棗肉爲丸。治脇下飲癖。許叔微患飲癖三十年。始因少年夜坐寫文。左向伏几。是以飲食多墜左邊。飲酒止從左下有聲。脇痛食減。嘈雜。飲酒半杯卽止。十數日必嘔酸水。暑月左半身絕無汗。服雄附礬石牽牛遂戟等皆無效。自揣必有癖囊。如水之有窠。曰不盈科不行。乃悉屏諸藥。以前丸服三月而疾除。暑月汗亦周身。燈下能書細字。皆蒼朮之力也。然惟素稟肥盛多濕者爲宜。若形瘦多火者禁用。○其神朮已經露製。轉燥爲清。用以發散上部頭風痰濕諸證。故治時行頭痛有神朮湯。此得制度之妙也。

狗脊

本經名百枝

苦平微溫無毒。酒浸炒去毛用。

本經主腰背強。關機緩急。周痹寒濕膝痛。頗利老人。

發明 狗脊爲強筋骨要藥。故本經主腰背強。周痹寒濕等疾。頗利老人者。補益腎氣而堅強筋骨也。其

性味形類與草薺相似。而功用亦不甚相遠。四寶丹用金毛狗脊去毛鹽泥固濟煨紅。蘇木草薺川烏頭生用。等分爲末。醋和丸。溫酒鹽湯下二十丸。治男婦毒風脚軟。腎氣虛弱。又病後足腫。煎湯洗効。

貫衆

別錄名
草鷓頭

苦微寒有毒

本經主腹中邪熱氣諸毒殺三蟲

發明

貫衆苦寒而降。辟時行疫癘

不正之氣。疫發之時。以此藥置水食之。則不傳染。且能解毒。更堅。治婦人血氣。本經治腹中邪熱氣諸毒。以其性專散結積諸毒。而蟲積皆由濕熱所生。苦寒能除濕熱。故亦主之。王海藏治夏月瘧出不快。快斑散用之。云貫衆有毒。而能解腹中邪熱殺三蟲。病從內發者多効。王璆百一選方。言食鯉魚羹。爲肋骨所鯁。百藥不効。或令以貫衆煎濃汁連進。一咯而出。可見軟堅之功。不但治瘡治血而已。病人虛寒無寶熱者勿服。

巴戟天

辛甘微溫無毒。酒浸去心焙用。川產者良。

本經主大風邪氣。陰痿不起。強筋骨。安五藏。補中

增志益氣

發明

巴戟天嚴冬不凋。腎經血分及衝脈藥也。故守真地黃飲子用之。卽水經治大風邪

氣之謂。以其性補元陽而兼散邪。真元得補。邪安所留。是以可愈大風邪氣也。主陰痿不起。強筋骨。安五藏。補中增志益氣者。脾胃二經得所養。而諸虛自瘥矣。又治脚氣。補血海。病人虛寒加用之。有人嗜酒患脚氣甚危。或教以巴戟半兩。糯米同炒去米。大黃一兩炒爲末。熟蜜丸。溫水下七十丸。仍禁酒遂愈。惟陰

虛相火熾盛者禁用。

遠志苗名 辛苦温無毒。甘草湯泡去骨。製過不可陳久。久則油氣戟人喉。本經主欬逆傷中。補不足。

除邪氣。利九竅。益智慧。耳目聰明。不忘。強志。倍力。久服。輕身不老。發明。遠志入足少陰腎經氣分。非

心經藥也。專於強志益精。主夢泄。蓋精與志皆腎所藏。腎氣充。九竅利。智慧生。耳目聰明。邪氣不能為害。

腎氣不足。則志氣衰。不能上通於心。故迷惑善忘。不能閉摯封藏。故精氣不固也。小便赤濁。用遠志甘草

茯神益智為丸。棗湯服。効。取其為陰火之嚮導也。昔人治喉痹失音作痛。遠志末吹之。涎出為度。取其通

腎氣而開竅也。又治婦人血噤失音。及一切癰疽。搐鼻治腦風。殺烏附毒。惟水虧相火旺者禁服。以其善

鼓龍雷之性也。本經言治欬逆傷中。詳遠志性温助火。非欬逆所宜。當是嘔逆之誤。以其性稟純陽。通

諸竅。竅利則耳目聰明。強志不忘。皆益腎氣之驗。別錄云。去心下膈氣。非嘔逆之類乎。一切陰虛火旺。便

濁遺精。喉痹腫痛。慎用。苗名小草。亦能利竅。兼散少陰風氣之結也。

淫羊藿一名仙靈脾 辛温無毒。羊脂或酒炒用。本經主陰痿絕傷。莖中痛。利小便。益氣力。強志。發明。

淫羊藿手足陽明三焦命門藥也。辛以潤腎。温以助陽。故本經治陰痿絕傷等證。真陽不足者宜之。堅筋

骨消癆癭。一切冷風勞氣。筋骨掣急。四肢不仁。補腰膝。強氣力。一味仙靈脾酒。為偏風不遂之要藥。惟陰

虛走精強陽不痿禁服。

仙茅 辛溫有毒。忌犯鐵器。酒浸焙乾用。發明。仙茅性熱補三焦命門之藥。惟陽衰精冷。下元痿弱。

老人失溺無子。男子稟賦素虛者宜之。若體壯相火熾盛者服之。反能動火。爲害叵測。按醫說云。一人中。

仙茅毒。舌脹出口。漸大與肩齊。以小刀斲之。隨破隨合。勢至百數。始有血一點出。曰可救矣。煮大黃芒硝。

與服。以藥摻之。應手消縮。此皆火感性淫之人過服之害也。然川產者少。僞充者多。不可不辯。

玄參 一名黑參。苦微寒無毒。反藜蘆。本經主腹中寒熱積聚。女子產乳餘疾。補腎氣。令人明目。發明。

黑參入足少陰腎經。主腎水受傷。真陰失守。孤陽無根。亢而僭逆。咽喉腫痛之專藥。又治傷寒陽毒。汗下。

不解。發斑咽痛。心下懊憹。煩不得眠。心神顛倒欲絕者俱用。玄參專清上焦氤氳之氣。無根之火。本經治。

腹中寒熱積聚。女子產乳餘疾。并可清有形熱滯。故消瘰癧結核。治目赤痛腫。本經又云。補腎氣。令人明。

目。不特治暴赤腫痛。總皆散結清火之驗也。但其性寒滑。脾虛泄瀉者禁用。

地榆 苦瀋微寒無毒。去梢酒拌炒黑用。本經主婦人乳產瘕痛。七傷帶下五漏。止痛止汗。除惡肉。療。

金瘡。發明。地榆入足厥陰。兼行手足陽明。體沉而降。善入下焦理血。本經主乳產瘕痛。七傷帶下五。

漏者。是指去血過多。肝風內生之象。又云止汗止痛。除惡肉。療金瘡者。以其能和血也。若氣虛下陷而崩。

帶及久痢膿血。瘀晦不鮮者。又爲切禁。性能傷胃。誤服多致口噤不食。又諸瘡痛者。加地榆。癩者加黃芩。以其能散血熱也。燒灰香油調敷。火燙乃借火氣引散血中之火毒耳。稍專行血。不可混用。

丹參 苦平微溫無毒。酒炒用反藜蘆。本經主心腹邪氣。腸鳴幽幽如走水。寒熱積聚。破癥除瘕。止煩

滿益氣。發明 丹參氣平而降。心與包絡血分藥也。本經治心腹邪氣。腸鳴幽幽如走水等疾。皆瘀血

內滯。而化爲水之候。止煩滿益氣者。瘀積去而煩滿愈。正氣復也。按四物湯治婦人病。不問胎前產後。經

水多少。皆可通用。惟一味丹參散。主治與之相同。蓋丹參能破宿血。生新血。安生胎。落死胎。止崩中帶下。

調經脈之神品。然其性長於行血。妊娠無故勿服。大便不實者忌之。

紫參 卽牡蒙又名童腸。○三四月間遍地茸。生高三五寸。逐層起臺。開紫花者是也。 苦辛寒無毒。反藜蘆。本經主心腹積聚。寒熱邪氣。通九

竅利大小便。發明 紫參入足厥陰。兼入足太陽。陽明血分。故治諸血病。及寒熱血痢。癰腫積塊。卽本

經治心腹積聚。寒熱邪氣之謂。瘀血去則九竅利。而二便通矣。古方治婦人腸覃。烏喙丸中用牡蒙。卽紫

參也。仲景治下痢肺痛。用紫參湯。取其散積血也。但市人罕識其真。詳痢下肺痛。皆胸中氣結之故。每以

紫苑代之。雖氣味之寒溫不同。疎利之性則一。

紫草 甘鹹寒無毒。色深紫而脆者良。淡紫質堅者曰紫梗。不入藥。本經主心腹邪氣。五癰。補中益氣。

利九竅。發明 紫草入心胞絡及肝經血分。其功專於涼血活血。利大小腸。故痘疹欲出未出。血熱毒

盛。大便閉澀。色乾枯而毒不得越者。宜之。已出而紫黑便閉者。亦可用。蓋紫草涼血。血涼則毒出。世俗誤

以為宣發之藥。非也。若已出而色紅活者。不宜。或白陷及大小便利者。忌之。本經言治心腹邪氣。五痺者。

乃活血利竅之義。發痘即活血利竅之大端也。言補中益氣者。營血和。則中氣受益矣。

白頭翁 一名野丈人 苦微寒無毒。產齊魯。苗長葉白者力優。生柴胡中。短小者力薄。得酒良。本經主溫瘧

狂猖寒熱。癰瘕積聚。壅氣逐血。止腹痛。療金瘡。發明 白頭翁味苦微寒。入手足陽明血分。本經言苦

溫者。傳寫之誤也。其治溫瘧。狂猖寒熱等症。皆少陽陽明熱邪固結之病。結散則積血去而腹痛止矣。別

錄止鼻衄。弘景止毒痢。亦是熱毒入傷血分之候。仲景治熱痢下重。有白頭翁湯。蓋腎欲堅。急食苦以堅

之。痢則下焦虛。故以純苦之劑堅之。男子陰疝偏墜。小兒頭禿鼻衄。及熱毒下痢。紫血鮮血。用此並効。但

胃虛大便完穀不化。痢久下稀。淡血水者。勿服。以其苦寒降泄也。

白及 苦辛平微寒無毒。反烏附。本經主癰腫惡瘡。敗疽傷陰死肌。胃中邪氣。賊風鬼擊。癰緩不收。

發明 白及性澇而收。得秋金之氣。故能入肺止血。生肌治瘡。本經主敗疽傷陰死肌。皆熱壅血傷。胃中

邪氣。亦邪熱也。賊風癰緩。皆血分有熱。濕熱傷陰所致也。其治吐血咯血。為其性斂也。用此為末。米飲服。

之卽止。試血法。吐水盆內。浮者肺血。沉者肝血。半浮半沉者心血。各隨所見。以羊肺肝心煮熟。蘸白及末。每日食之。其治金瘡及癰疽方多用之。

三七 綱目名山漆一名金不換 甘微苦温無毒 廣產形如人參者是有節者非 發明 時珍云此藥近時始出南人軍中。用為金

刃箭瘡要藥。止血散血定痛。為末搽之。吐血衄血。崩中下血。痢。產後惡血不下。並宜服之。凡杖撲傷損。

瘀血淋漓者。隨卽嚼爛罨之。青腫者卽消。若受杖時。先服一二錢。則血不衝心。杖後尤宜服之。此陽明厥。

陰血分之藥。故能治一切血病。獨用研服尤良。取其專力也。一種庭砌栽植者。以苗擣數腫毒卽消。亦取

散血之意。

黃連 苦寒無毒。產川中者。中空色正黃。截開分瓣者為上。雲南水連次之。日本吳楚為下。治心藏火生

用。治肝膽實火。猪膽汁炒。治肝膽虛火。醋炒褐色。治上焦火酒炒。中焦火薑汁炒。下焦火鹽水炒。氣分鬱

結肝火。煎吳茱萸湯炒。血分塊中伏火。同乾漆末炒。食積火黃土拌炒。○解附子巴豆輕粉毒。忌豬肉。

本經主熱氣目痛。皆傷泣出。明目。腸澀腹痛下痢。婦人陰中腫痛。發明 黃連性寒味苦。氣薄味厚。降

多升少。入手少陰厥陰。苦入心。寒勝熱。黃連大黃之苦寒。以導心下之實熱。去心竅惡血。仲景九種心下

痞。五等瀉心湯。皆用之。瀉心者。其實瀉脾。實則瀉其子也。下痢胃口虛熱口糜者。黃連人參煎湯。時時呷

之如吐再飲。但得一呷下咽便好。諸苦寒藥多瀉。惟黃連不瀉。性寒而燥。能降火去濕。止瀉痢。故血痢以之爲君。今人但見腸虛滲泄。微似有血。不顧寒熱多少。便用黃連。由是多致危殆。至於虛冷白痢。及先瀉後痢之虛寒證。誤用致死者多矣。諸痛癢瘡。皆屬心火。眼暴赤腫。痛不可忍。亦屬心火。兼挾肝邪。俱宜黃連當歸。治痢及目爲要藥。故本經首言治熱氣目痛。及腸澼腹痛之患。取苦燥之性。以清頭目。堅腸胃。祛濕熱也。婦人陰中腫痛。亦是濕熱爲患。尤宜以苦燥之。古方治痢香連丸。用黃連木香。薑連散用乾薑黃連。佐金丸用黃連吳茱萸。治消渴用酒蒸黃連。治口瘡用細辛黃連。治下血用黃連胡蒜。皆是寒因熱用。熱因寒用。而無偏勝之害。然苦寒之劑。中病卽止。豈可使齶殺之令常行。而伐生發沖和之氣乎。醫經有久服黃連苦參反熱之說。此性雖寒。其味至苦。入胃則先歸於心。久而不已。心火偏勝則熱。乃其理也。近代庸流。喜用黃連爲清劑。殊不知黃連瀉實火。若虛火而妄投。反傷中氣。陰火愈逆上無制矣。故陰虛煩熱。脾虛泄瀉。五更腎泄。婦人產後血虛煩熱。小兒痘疹氣虛作瀉。及行漿後泄瀉。並皆禁用。

胡黃連 苦大寒無毒。忌豬肉。犯之令人漏精。發明 胡黃連苦寒而降。大伐藏府骨髓邪熱。除婦人胎蒸。小兒疳熱。積氣之峻藥。同烏梅止小兒血痢。同雞肝治小兒疳眼。同豬脾療楊梅瘡毒。同乾薑治菓子積。皆取伐肝腎熱邪也。小兒腎氣本實。故可當此。若脾胃腎藏不足者服之。奪人天元。爲害不淺。惟微

瘡用胡黃連。當歸甘草豬脰水酒煎服。二劑輒効。以其直達下焦。善搜淫火之毒也。

黃芩 苦寒無毒。中空者爲枯芩。入肺。細實者爲子芩。入大腸。並煮熟酒炒用。本經主諸熱黃瘧。腸澼。

泄利。逐水下血。閉治惡瘡。疽蝕火瘍。發明 黃芩苦燥而堅腸胃。故濕熱黃瘧。腸澼瀉痢。爲必用之藥。

其枯芩性升。入手太陰經。清肌表之熱。條芩性降。瀉肝膽大腸之火。除胃中熱。得酒炒上行。主膈上諸熱。

得芍藥甘草。治下痢膿血。腹痛後重身熱。佐黃連治諸瘡痛不可忍。同黑參治喉間腥臭。助白朮安胎。蓋

黃芩能清熱涼血。白朮能補脾統血也。此惟胎熱升動不寧者宜之。胎寒下墜。及食少便溏者。慎毋混用。

丹溪言黃芩治三焦火。仲景治傷寒少陽證。用小柴胡湯。汗下不解。胸滿心煩。用柴胡桂薑湯。溫病用黃

芩湯。太陽少陽合病。用葛根黃芩黃連湯。心下痞滿。用瀉心湯。寒格吐逆。用乾薑黃芩黃連人參湯等方。

皆用黃芩以治表裏諸熱。使邪從小腸而泄。皆本經主諸熱之綱旨。其黃瘧腸澼瀉痢之治。取苦寒以去

濕熱也。逐水下血閉者。火鬱血熱之所致。火降則血行。水下而閉自通矣。昔人以柴胡去熱不及黃芩。蓋

柴胡專主少陽往來寒熱。少陽爲樞。非柴胡不能宣通中外。黃芩專主陽明蒸熱。陽明居中。非黃芩不能

開泄蘊隆。一主風木客邪。一主濕土蘊鬱。詎可混論。芩雖苦寒。畢竟治標之藥。惟驅殼熱者宜之。若陰虛

伏熱。虛陽發露。可輕試乎。其條實者兼行衝脈。治血熱妄行。古方有一味子芩丸。治女人血熱。經水暴下。

不止者最効。若血虛發熱。腎虛挾寒。及妊娠胎寒下墜。脈遲小弱。皆不可用。以其苦寒而伐生發之氣也。
秦朮 苦平微溫無毒。雷公云左文列爲秦。治濕病。右文列爲朮。發脚氣。今藥肆多右文者。慎勿混用。
本經主寒熱邪氣。寒濕風痹。肢節痛。下水利小便。發明 秦朮陰中微陽。可升可降。入手足陽明。以其
去濕也。兼入肝膽。以其治風也。故手足不遂。黃痺酒毒。及婦人帶疾。須之。陽明有濕。則身體痠痛。肢節煩
疼。及變急不遂。有熱則日晡潮熱。用以祛風勝濕。則愈。凡痛有寒熱。或浮腫者。多挾客邪。用此以祛風利
濕。方爲合劑。故本經治寒熱邪氣。寒濕風痹。肢節痛等證。若久痛虛羸。血氣不能營養肢體而痛。及下體
虛寒。痿痠枯瘦等病。而小便清利者。咸非秦朮所宜。今庸師喜用秦朮。且不辨左文右文。凡遇痛證。動輒
用之。失其旨矣。

柴胡

卽此胡

苦平無毒。入解表藥生用。清肝炒熟用。

本經主心腹腸胃中結氣。飲食積聚。寒熱邪氣。推

陳致新明目益精。

發明

柴胡能引清陽之氣從左上升。足少陽膽經之藥。膽爲清淨之府。無出無入。

禁汗吐下。惟宜和解。以其經居半表半裏。本經治心腹腸胃結氣。飲食積聚。寒熱邪氣。使清陽之氣上升。
而胃中留結宿滯。亦得解散矣。仲景治傷寒寒熱往來。脇痛耳聾。婦人熱入血室。皆爲必用。小兒五疳羸
熱。諸瘧寒熱。咸宜用之。痘疹見點後有寒熱。或脇下疼熱。於透表藥內用之。不使熱留少陽經中。則將來

無咬牙之患。虛勞寒熱。多有可用者。勞有五勞。病在五藏。若勞在肝膽心包絡有熱。或少陽經寒熱。則柴胡爲必用藥。勞在脾胃有熱。或陽氣下陷。則柴胡乃引清氣退熱之藥。惟勞在肺腎者不可用。東垣補中益氣用之者。乃引肝膽清陽之氣上行。兼升達參耆之力耳。瘡疽用之者。散諸經血結氣聚也。今人以細者名小柴胡。不知小柴胡乃湯名也。若大柴胡湯。而用銀州者可乎。按柴胡爲少陽經藥。病在太陽。服之太早。則引寇入門。病在陰經用之。則重傷其表。誤人不可勝數。其性升發。病人虛而氣升者忌之。嘔吐及陰火炎上者勿服。若陰虛骨蒸服之。助其虛陽上逆。勢必耗盡真陰而後已。奈何操司命之權者。多所未悟也。

銀柴胡 甘微寒無毒。銀州者良。今延安府五原城所產者。長尺餘。肥白而軟。北地產者。如前胡而軟。今人謂之北柴胡。勿令犯火。犯火則不效。發明 銀柴胡行足陽明少陰。其性味與石斛不甚相遠。不獨清熱兼能涼血。和劑局方治上下諸血。龍腦雞蘇丸中用之。凡入虛勞方中。惟銀州者爲宜。若用北柴胡。升動虛陽。發熱喘嗽。愈無寧宇。可不辯而混用乎。按柴胡條下。本經推陳致新。明目益精。皆指銀夏者而言。非北柴胡所能也。

前胡 苦微寒無毒。甄權曰。甘辛平無毒。白色者良。去尾用。發明 前胡入手足太陰陽明少陽。其功

長於下氣。故能治痰熱喘嗽痞膈諸疾。氣下則火降。痰亦降矣。爲痰氣之要味。治傷寒寒熱。及時氣內外俱熱。按二胡通爲風藥。但柴胡主升。前胡主降。有不同耳。又按前胡治氣實風痰。凡陰虛火動之風痰。及不因外感而有痰者。禁用。

防風 甘辛溫無毒。又頭者令人煩喘。又尾者發人瘡疾。本經主大風頭眩痛。惡風風邪。目盲無所見。風行周身。骨節疼痛。發明 防風浮而升陽也。入手太陽陽明。少陽厥陰。兼通足太陽。治風去濕之仙藥。以風能勝濕也。其治大風頭眩痛。惡風風邪等病。其性上行。故治上盛風邪。瀉肺實喘滿。及周身痹痛。四肢彎急。目盲無所見。風眼冷淚。總不出本經主治也。防風治一身盡痛。乃卒伍卑賤之職。隨所引而至。風藥中潤劑也。若補脾胃。非此引用不能行。蓋於土中瀉木也。凡脊痛項強。不可回顧。腰似折。項似拔者。乃手足太陽證。正當用之。凡瘡在胸膈已上者。雖無手足太陽證。亦當用防風。爲能散結。去上部風熱也。經驗方治婦人風入胞門。崩中不止。獨聖散用一味。防風麩糊酒調丸服。然惟血色清稀。而脈浮弦者。爲宜。如血色濃赤。脈來數者。又屬一味子芩丸證。不可混也。惟肺虛有汗喘乏。及氣升作嘔。火升發嗽。陰虛盜汗。陽虛自汗者。勿服。婦人產後血虛發瘧。嬰兒瀉後脾虛發搐。咸爲切禁。

獨活 辛苦微溫無毒。香而紫黑者真。本經主風寒所擊。金瘡止痛。奔豚癩瘻。女子疝瘕。發明 獨

活不搖風而治風。浮萍不沈水而治水。因其所勝而爲製也。本經治金瘡爲風寒所擊而痛。及賁豚癰。女子疝瘕。皆邪風內賊之候。獨活生益州。較羌活其氣稍細。升中有降。能通達周身。而散風勝濕。與細辛同用。治厥陰頭痛目眩。又足少陰經伏風頭痛。兩足濕痺不能動止者。非此不治。甄權以獨活治諸風濕冷。奔喘逆氣。皮膚枯癢。手足攣痛。勞損風毒齒痛。皆風濕相搏之病也。但氣血虛而遍身痛。及陰虛下體痿弱者。禁用。南方無剛猛之風。一切虛風類中。咸非獨活所宜。

羌活 苦辛溫無毒。香而色紫者良。發明 羌活生於羌胡。雍州隴西。西川皆有之。治足太陽風濕相搏。一身盡痛。頭痛肢節痛。目赤膚癢。乃却亂反正之主帥。督脈爲病。脊強而厥者。非此不能除。甄權以羌活治賊風失音。不語多癢。手足不遂。口面喎斜。癩痺血癩。皆風中血脈之病也。蘇恭曰。療風宜用獨活。兼水宜用羌活。風能勝濕。故羌活能治水濕。與芎藭同用。治太陽厥陰頭痛。發汗散表。透關利節。非時感冒之仙藥也。但內傷元氣。血虛頭痛。及遍身肢節痛。皆非所宜。昔人治勞力感寒。於補中益氣湯中用之。深得補中寓瀉之意。

升麻 甘苦平無毒。忌見火。解葶藶毒。本經辟瘟疫瘴氣。邪氣蠱毒。入口皆吐出。中惡腹痛。時氣毒癘。頭痛。寒熱風腫諸毒。喉痛口瘡。發明 升麻能引清氣右升。足陽明本藥也。本經治疫瘴蠱毒。取性升。

上行也。治中惡腹痛。取開胃氣也。治喉痛口瘡者。取升散少陽陽明火熱也。同葛根則發散陽明風邪。同柴胡則升提胃中清氣。引甘溫之藥上升。故元氣下陷者。用此於陰中升陽。以緩帶脈之縮急。凡胃虛傷冷。鬱遏陽氣於脾土。宜升麻葛根以升散其火鬱。故補脾胃藥。非此引用不効。脾痹非此不除。升麻葛根湯。乃陽明發散藥。若初病太陽便服之。發動其邪。必傳陽明。反成其害也。又升麻葛根能發痘。惟初發熱時可用。見點後忌服。爲其氣升。發動熱毒於上。爲害莫測。而癩疹尤爲切禁。誤投喘滿立至。按升麻屬陽性升。力能扶助陽氣。捍禦陰邪。故於淋帶瀉痢脫肛方用之。取其升舉清陽於上也。古方治噤口痢。用醋炒升麻。引人參蓮肉。扶胃進食。大有神効。凡上盛下虛。吐血衄血。欬嗽多痰。陰虛火動。氣逆嘔吐。怔忡癩狂諸證。皆在所禁。

苦參 苦寒無毒。反藜蘆。本經主心腹結氣。癥瘕積聚。黃痺。溺有餘瀝。逐水除癰腫。補中明目。止淚。發明 苦參黃檗之苦寒下降。皆能益腎。蓋取其苦燥濕。寒除熱也。熱生風。濕生蟲。故又能治風殺蟲。惟腎水燥而相火勝者宜之。若脾胃虛而飲食減少。肝腎虛而火衰精冷。及年高之人。不可用也。久服苦參多致腰重。因其性降而不升也。觀本經主治。皆濕熱爲患之病。詳補中當是補陰之誤。以其能除濕熱。濕熱去而陰自復。目自明矣。然惟濕熱者宜之。沈存中苦腰重。久坐不能行。此因病齒痛數年。用苦參揩齒。

其氣味入齒傷腎所致也。後施昭先亦用苦參。措齒歲久亦病腰重。自後悉不用之。腰疾皆愈。或云苦參既能補陰明目。何久服反病腰重乎。殊不知苦寒之性直入心腎。內有濕熱者足以當之。始得之則有輔陰祛邪之力。清熱明目之功。濕熱既去而又服之。必致苦寒傷腎。腰重脚弱。在所不免。理固然也。何疑之有。

白蘚皮

一名白羊鮮

苦鹹寒無毒。

本經主頭風黃痺。欬逆淋瀝。女子陰中腫痛。濕痹死肌。不可屈伸。起止

行步。

發明

白蘚皮氣寒善行。味苦性燥。足太陰陽明經去風濕熱藥也。兼入手太陰陽明。爲諸黃風

痺要藥。本經所主。皆風濕熱邪。蘊釀經中之病。千金治嬰兒風癩。熱則生風。胸中有痰。白羊鮮湯取其善祛風熱也。世醫祇施之於瘡科淺矣。下部虛寒之人。雖有濕證勿用。

延胡索

卽玄胡索

苦辛溫無毒。上部酒炒。中部醋炒。下部鹽水炒。

發明

延胡索色黃入脾胃。能活血止

痛。治小便溺血。得五靈脂同入肝經。散血破滯。炮炙論曰。心痛欲死。急覓延胡。以其能散胃脘氣血滯痛

也。蓋當歸芍藥調腹中血虛痛。延胡五靈治胸腹血滯痛。又延胡善行血中氣滯。氣中血滯。與當歸桂心

治一身上下諸痛。及經癸不調。產後血病。往往獨行多功。雜他藥中便緩。按延胡走而不守。惟有瘀滯者

宜之。若經事先期。虛而崩漏。產後血虛而暈。咸非所宜。

貝母 甘苦平微寒無毒反烏頭。川者味甘最佳。西者味薄次之。象山者微苦又次之。一種大而苦者。僅能解毒。並去心用。凡肺經藥。皆當去心。不獨貝母也。其獨顯無辯者。名丹龍睛。誤服令人筋不收持。本經主傷寒煩熱淋瀝邪氣。疝瘕喉痹乳難金瘡風瘰。發明 貝母乃手太陰肺經氣分藥。兼入手少陰心經。一名蠶。鄒風言采其蠶。善解心胸鬱結之氣。故詩人以此寓焉。肺受心包火乘。因而生痰。或爲邪熱所干。喘嗽煩悶。非此莫治。詳本經主傷寒煩熱者。甘寒能解煩熱也。淋瀝者。熱結二腸也。清心肺鬱熱而淋瀝通矣。疝瘕者。足厥陰之邪干手厥陰也。經曰。診得心脈搏滑急。爲心疝。少腹當有形也。喉痹者。熱鬱結於上也。經云。一陰一陽結。謂之喉痹。心主三焦之脈。皆絡於喉也。乳難者。鬱熱結於手足厥陰也。風瘰者。金瘡熱鬱生風而成瘰。總取解散鬱結之邪也。仲景治傷寒寒實結胸。外無熱證者。小陷胸湯主之。白散亦可。二方一主熱痰內結。一主寒實內積。雖同一例。治不可混也。俗以半夏性燥。用貝母代之。不知貝母寒潤。治肺家燥痰。痰因鬱結者宜之。半夏性燥。治脾胃濕痰。痰因濕滯者宜之。二者天淵。何可代用。若虛勞欬嗽吐血咯血。肺痿肺癰。癰疽及諸鬱火證。半夏乃禁忌。皆貝母爲嚮導也。至於脾胃濕熱。涎化爲痰。久則生火生痰。上攻昏憤。僂仆塞滿諸證。生死旦夕。豈貝母可治乎。浙產者。治疝瘕喉痹。乳難金瘡風瘰。一切癰瘍。又同苦參當歸。治妊娠小便難。同青黛治人面惡瘡。同連翹治項上結核。皆取其開鬱散結。

化痰解毒之功也。

山慈姑 金燈花根也九月開花朱色與葉不相見故又名無義草 甘微辛小毒 發明 山慈姑攻堅解毒治癰腫瘡癤瘰癧結核

等證紫金錠用之亦是解諸毒耳丹方治面上癩痕用山慈姑末和輕粉硼砂末各少許先用鹼水筆塗

患處次搽上藥太乙膏蓋日易一次俟疙瘡消盡後以鷹屎白蜜陀僧末蜜水調護數日勿見風日效惟

眼胞上者不可治以其眨動不輒也。

白茅根 一名地筋 甘寒無毒與百脈根相類百脈根出巴西他處罕得 本經主勞傷虛羸補中益氣除痰

血血閉寒熱利小便 發明 甘寒能降除伏熱利小便止渴治傷寒呃逆喘噦主吐衄便溺諸血治黃

痺水腫胃反上氣五淋疼熱及痘瘡乾紫不起但嘔逆吐衄亦有因於寒者即非所宜本經主治勞傷虛

羸者以甘寒能滋虛熱而無傷犯胃氣之虞也言補中益氣胃熱去而中氣復是指客邪入傷中州漸成

虛羸而言非勞傷本病所宜昔人攷本草功用言白茅根與百脈根相類今蕭州不行歲貢百脈根無從

可得而止渴去熱之用白茅根裕如也其茅花甘溫色白輕虛力能上升入肺散熱止衄屋上敗茅研傅

斑瘡濕爛取其收濕之力也。

草龍膽 苦澗大寒小毒去蘆或酒炒或甘草湯浸一宿用凡用勿空腹服令人小便不禁 本經主骨

間寒熱驚癇邪氣續絕傷定五藏殺蠱毒發明草龍膽苦寒沉降主肝經邪熱下焦濕熱酒瘰黃腫目病赤腫瘀肉小兒肝氣去腸中小蟲蓋肝膽濕熱取苦寒以瀉之時珍曰相火寄在肝膽有瀉無補故瀉肝膽之熱正益肝膽之氣但大苦大寒過傷胃中生發之氣反助火邪亦如久服黃連反從火化之義本經主骨間寒熱是指熱傷腎水而言熱極生風則發驚搐重則變爲癇病濕熱邪氣之在中下二焦者非此不除以其專伐肝膽之邪也肝膽之邪去而五藏安和經脈之絕傷續矣殺蠱毒者去濕熱之患也凡胃氣虛人服之必嘔脾虛人服之必瀉雖有濕熱慎勿輕用

細辛 辛溫無毒產華陰及遼東者良反藜蘆本經主欬逆頭痛腦痛百節拘攣風濕痺痛死肌明目

利九竅發明細辛辛溫上升入手足厥陰少陰血分治督脈爲病脊強而厥本經治欬逆頭痛腦痛

善搜厥陰伏匿之邪也獨活爲使治少陰頭痛如神亦主諸陽頭痛諸風藥用之治風濕痺痛百節拘攣去死肌明目者取辛以散結而開經脈竅隊之邪也味辛而熱溫少陰之經故仲景少陰證用麻黃附子細辛湯辛溫能散故凡風寒風濕頭痛口瘡喉痹齒諸病用之取其能散浮熱亦火鬱發之之義也辛能泄肺故風寒欬嗽上氣者宜之辛能補肝故膽氣不足則肝氣有餘驚癇眼目諸病宜之辛能潤燥故通少陰諸經及耳竅閉塞者宜之又主痰結濕火鼻塞不利凡口舌生瘡者用細辛黃連末搽之凡血虛

內熱火鬱頭痛發熱欬嗽者戒用。以其辛烈耗散真氣也。細辛辛之極者。用不過五分。

杜衡

俗名馬蹄香
又名杜葵

辛溫無毒

發明

杜衡香竄與細辛相似。故藥肆以之代充細辛。亦能散頭目風。

寒下氣消痰。行水破血。但其氣濁。不能搜滌少陰經中之寒。稍遜細辛一籌耳。

白微

苦鹹平無毒

本經主暴中風身熱肢滿。忽忽不知人。狂惑邪氣。寒熱痠疼。溫瘧洗洗。發作有時。

發明

白微鹹平降泄。抑陽扶陰。爲足陽明經本藥。兼行足少陰手太陰。本經主暴中風身熱肢滿。是熱

鬱生風。痰隨火湧。故令忽忽不知人。狂惑邪氣。寒熱痠疼。皆熱邪所致。溫瘧乃冬時伏邪。至春而發。繆氏

經疏言暑邪所傷。秋必發爲溫瘧。恐非經旨。別錄療傷中淋露者。女子傷犯陰中營血。而成淋露之疾。用

以除熱益陰。則前證瘳矣。下水氣。利陰氣者。總取益陰之功。真陰益而邪水下。性善降泄。故久服利人。金

匱治婦人產中虛煩嘔逆。安中益氣。竹皮丸中用之。千金治風溫發汗後身灼熱。自汗身重多眠。鼻息必

齟。語言難出。萎蕤湯中用之。又治婦人遺尿。不拘胎前產後。有白微芍藥湯。取其有補陰之功。而兼行平

太陰。以清膀胱之上原。殊非虛寒不禁之比也。古方多用治婦人者。以別錄有療傷中淋露之功也。凡胃

虛少食泄瀉。及喘欬多汗。陽氣外泄者禁用。

白前 甘辛微溫無毒

發明

時珍曰。白前入手太陰。長於降氣。肺氣壅實而有痰者宜之。金匱治欬

嗽而服沉者用澤漆湯以中有白前也。深師治久嗽上氣體腫短氣倚息不得臥常作水雞聲者用白前湯。外臺治久嗽吐血用白前桔梗桑白皮甘草皆取其下氣耳。若虛嗽常哽氣者不可用也。白前較白微稍溫較細辛稍平專搜肺竅中風水非若白微之鹹寒專泄肺胃之燥熱亦不似細辛之辛竄能治腎肝之沉寒也。

本經逢原卷一終

長洲石頑張 瑤路玉父纂述

芳草部

當歸 甘辛溫無毒。蜀產者力剛可攻。秦產者力柔可補。凡治本病酒制。有痰薑汁制。白者爲粉歸。性劣不入補劑。本經主欬逆上氣。溫瘧寒熱。灑灑在皮膚中。婦人漏下絕子。諸惡瘡瘍。金瘡。煮汁飲之。發明。當歸氣味俱厚。可升可降。入手少陰足太陰厥陰血分。凡血受病及諸病夜甚。必須用之。本經主欬逆上氣。溫瘧寒熱。洒洒。婦人漏下絕子。皆取辛溫潤血之功。產後惡血上衝。亦必用之。別錄溫中止痛。甄權治下痢腹痛。女人瀝血腰痛。好古治衝脈爲病。逆氣裏急。帶脈爲病腹痛。腰溶溶若坐水中。其功專於破惡血。養新血。潤腸胃。榮筋骨。澤皮膚。理癰疽。排膿止痛。蓋血壅而不流則痛。當歸甘溫。能和營血。辛溫能散內寒。使氣血各有所歸。入手少陰。心主血也。入足太陰。脾裏血也。入足厥陰。肝藏血也。身能養血。尾能行血。同人參黃耆。則補氣而生血。同牽牛大黃。則行氣而瀉血。同桂附吳萸。則熱。同大黃芒硝。則寒。血虛以人參赤脂爲佐。血熱以生地條芩爲佐。仲景治陽邪陷陰。手足厥寒。脈細欲絕。用當歸四逆湯。於桂枝湯加當歸細辛通草。以通其血脈。卽下痢脈大。氣不歸附。亦用此湯以歸附之。凡血虛發熱者。宜當歸

補血湯。方用當歸三錢。黃耆一兩。作三服。心下刺痛者。一味當歸酒煎服。專主血分諸病。海藏言當歸血藥。何本經治欬逆上氣。按當歸辛散。乃血中氣藥。故欬逆上氣。有陰虛陽無所附者。用血藥補陰。則血和而氣降矣。凡衝任督帶病。皆不可少。惟泄瀉家痰飲家禁用。

芎藭

綱目名
川芎

辛溫無毒。蜀產者。味辛而甘。爲上。他處產者。氣味辛烈。爲下。反藜蘆。葉名蘼蕪。本經主

中風入腦頭痛。寒痺筋攣。緩急金瘡。婦人血閉無子。發明。芎藭辛溫。上升入肝經。行衝脈。血中理氣藥也。故本經治中風入腦頭痛等證。取其辛散血分諸邪也。好古言搜肝氣。補肝血。潤肝燥。補風虛。又治一切風氣血氣。及面上遊風。目疾多淚。上行頭目。下行血海。故四物湯用之者。皆搜肝經之風。治少陽厥陰頭痛。及血虛頭痛之聖藥。助清陽之氣。去濕氣在頭。頭痛必用之藥。血痢已通。而痛不止。乃陰虧氣鬱。藥中加芎藭。氣行血調。其痛立止。靈苑方驗胎法。以生芎藭。艾湯服一錢匕。腹中微動者爲胎。千金方治子死腹中。以芎藭末酒調方寸匙。須臾二三服立出。凡骨蒸盜汗。陰虛火炎。欬嗽吐逆。及氣弱之人。不可服。其性辛散。令真氣走泄。而陰愈虛也。

撫芎 辛溫無毒。產江左撫州。中心有孔者是。發明。撫芎升散。專於開鬱寬胸。通行經絡。鬱在中焦。

則胸膈痞滿作痛。須撫芎開提其氣。以升之。氣升則鬱自降。故撫芎總解諸鬱。直達三焦。爲通陰陽氣血。

之使。然久服耗氣。令人暴亡。

蛇牀 苦辛溫無毒。本經主男子陰痿濕癢。婦人陰中腫痛。除痹氣。利關節。癩癧惡瘡。發明 蛇牀辛香性溫。專入右腎命門。少陽三焦氣分。本經列之上品。不獨助男子壯火。且能散婦人鬱抑。非妙達本經精義。不能得從治之法也。但腎火易動。陽強精不固者勿服。

藁本 辛苦溫無毒。香而燥者良。臭而潤者勿用。本經主婦人疝瘕。陰中寒腫痛。腹中急。除風頭痛。長

肌膚悅顏色。發明 藁本性升屬陽。爲足太陽寒鬱經中。頭項顛頂痛。及大寒犯腦。連齒頰痛之專藥。

女人陰腫疝瘕。督脈爲病。脊強而厥。亦多用之。霧露之邪。中於上焦。須兼木香。風客於胃泄瀉。脾胃藥中

宜加用之。今人只知藁本爲治顛頂頭腦之藥。而本經治婦人疝瘕。腹中急。陰中寒等證。皆太陽經寒濕

爲病。亦屬客邪內犯之候。故用藁本去風除濕。則中外之疾皆痊。豈特除風頭痛而已哉。云長肌肉悅顏

色者。外用作面脂之類是也。但頭痛挾內熱。春夏溫病熱病。頭痛口渴。及產後血虛火炎頭痛。皆不可服。

白芷 卽都梁香 辛苦溫無毒。本經主女人漏下赤白。血閉陰腫。寒熱頭風。侵目淚出。長肌膚。潤澤顏色。可

作面脂。發明 白芷辛香升發。行手陽明。性溫氣厚。行足陽明。芳香上達。入手太陰。爲解利陽明風熱

頭痛。及寒熱頭風。侵目淚出之要藥。其所主之病。不離三經。如寒熱頭風。肩稜骨痛。頭目齒痛。三經之風

熱也。漏下赤白癰疽。頭面皮膚風痺燥癢。三經之濕熱也。風熱者辛以散之。濕熱者溫以除之。都梁丸治崩漏赤白。深得本經之旨。性善祛風。女人漏下赤白。皆風入胞門所致。辛香入脾。故又能溫散血閉陰腫。及寒熱頭風。侵目淚出。總取辛散利竅之功。其長肌膚潤澤顏色者。則有排膿長肉之力。所以外科用之。痘疹起脹。連皮腫者。於解毒藥內用之。預杜將來發癢之患。今人用治腸癰。有敗膿淋露不已。腥穢殊甚。遂致臍腹冷痛。須此排膿。膿盡乃以他藥補之。燒烟辟蟲蛇。爲末新汲水調頻灌。解蛇毒內攻。和膽礬麝香。搽蛇傷潰爛。但性溫而升。味苦而散。故嘔吐因於熱者。漏下赤白因於火者。勿用。癰疽潰後。亦宜漸減。以其能耗胃氣也。

白芍藥 酸苦平微寒無毒。入補脾藥。酒炒。入止血藥。醋炒。入和營藥。及下痢後重。血熱癰毒藥。並酒洗生用。入血虛水腫腹脹藥。桂酒制用。反藜蘆。本經主邪氣腹痛。除血痺。利小便。益氣。發明 白芍藥酸寒。斂津液而護營血。收陰氣而瀉邪熱。蓋瀉肝之邪熱。所以補脾之陰。卽本經主邪氣腹痛。益氣之謂。故仲景以爲補營首藥。入肝脾血分。及陽維寒熱。帶脈腹痛。補中下二焦。能於土中瀉水。爲血痢必用之藥。然須兼桂用之。方得斂中寓散之義。建中湯之妙。用人所不知。蓋瀉痢皆太陰之病。建中專主太陰腹痛也。其治血痢。黃耆桂枝五物湯中用之。非深蘊本經妙理者不能也。又得炙甘草治腹中急痛。同白朮

補脾同芍藥瀉肝。從人參補血虛。從黃連止瀉痢。同薑棗溫經散濕。在用者各得其宜耳。凡人陽氣虛衰。陰氣散漫。患腹脹滿急。於補中益氣藥中。加白芍藥一味以收陰。則陽虛不受陰制之脹。得陽藥便消矣。然氣虛內寒者不可用。古云減芍藥以避中寒。誠不可忽。產後不可用。以其酸寒瀉肝。伐生發之氣也。小便不利者禁用。以膀胱得酸收斂愈秘也。而真武湯中。又用以利小便者。深得本經之旨。蓋真武湯本治少陰精傷。而證見虛寒。非太陽膀胱癱閉之候。以其能益陰滋血。培養津液。小便自行。非通利也。至於桂枝湯中用以護營血。使邪不得內犯。建中湯中用以培土藏。而治陽邪內陷腹痛。此皆仲景用藥之微妙。端不外本經之義。其除血痹。破堅積。治寒熱痼瘕。止痛利小便。皆指赤者而言。與白芍無預。因本經未分赤白。故一貫例之。

赤芍藥 酸苦微寒無毒。酒洗用。本經除血痹。破堅積。寒熱痼瘕。止痛利小便。發明 赤芍藥性專

下氣。故止痛不減當歸。蘇恭以爲赤者利小便。下氣白者止痛和血。端不出本經除血痹。破堅積。止痛利小便之旨。其主寒熱痼瘕者。善行血中之滯也。故有瘀血留著作痛者宜之。非若白者酸寒收斂也。其治血痹利小便之功。赤白皆得應用。要在配合之神。乃著奇勳耳。

牡丹皮 苦辛平無毒。酒洗去鹼土。曝乾。勿見火。本經主寒熱中風痲癩。驚癩邪氣。除癥堅瘀血留舍。

腸胃五藏。療癰瘡。發明 牡丹皮入手少陰厥陰。治血中伏火。故相火勝腎。無汗骨蒸爲專藥。本經主寒熱中風。癰癧驚癩等證。以其味辛氣竄。能開發陷伏之邪外散。惟自汗多者勿用。爲能走泄津液也。瘡疹初起勿用。爲其性專散血。不無根脚散闊之慮。王安道云。志不足者。足少陰病也。故仲景腎氣丸用之。後人惟知黃柏治相火。不知丹皮之功更勝也。又癰堅瘀血。留舍腸胃五藏。及陰虛吐血衄血。必用之藥。以能行瘀血。而又能安好血。有破積生新。引血歸經之功。故犀角地黄湯用之。凡婦人血崩。及經行過期不淨。屬虛寒者禁用。又赤者利血。白兼補氣。亦如赤白芍藥之義。諸家言其性寒。安有辛香而寒者乎。木香 辛苦溫無毒。形如枯骨。味苦色淡黃者良。味鹹色黑勿用。生用理氣。煨熟止瀉。本經主邪氣辟毒疫。強志。止淋露。發明 木香氣香味厚。不獨沉而下降。蓋能理胃以下氣滯。乃三焦氣分之藥。兼入肺脾肝三經。能升降諸氣。故上焦氣滯。膈鬱宜之者。金鬱則泄之也。然雖入肺而肺燥氣上者。良非所宜。其中焦氣滯不運宜之者。脾胃喜芳香也。下焦氣滯後重宜之者。塞者通之也。若治中脘氣滯不運。心腹疼痛。以檳榔佐之。使氣下則結痛下散矣。本經辟疫毒邪氣。強志。止淋露。以其辛燥助陽。善開陰經伏匿之邪。大明治心腹一切氣。膀胱冷痛。嘔逆反胃。霍亂瀉痢。健脾消食安胎。甄權治九種心痛。積年冷氣。疝癖。癰腫脹痛。壅氣上衝。煩悶羸劣。女人血氣刺痛不可忍。然香燥而偏於陽。肺虛有熱。血枯而燥。及陰火。

衝上者勿服。

甘松香 甘温無毒。發明 甘松芳香升竄。能開脾鬱。少加脾胃藥中。甚醒脾氣。主惡氣卒心腹痛滿。

風痞齒齲。得白芷白附子。良。脚氣膝腫。煎湯淋洗效。

山柰 辛温無毒。發明 山柰芳香入陽明。煖胃。辟瘴癘惡氣。治心腹冷氣痛。寒濕霍亂。風蟲牙痛。皆

芳香正氣之力也。

高良薑 辛大温無毒。煨熟用。子名紅薑薺。發明 良薑辛熱。純陽上升。入足陽明太陰二經。為客寒

所犯。則逆冷霍亂。腹痛諸病生焉。辛温暖脾胃而逐寒邪。則胃中冷逆自除。霍亂腹痛自愈。甄權治腹內

久冷氣痛。去風冷痺弱。大明主轉筋瀉利反胃。解酒毒消食。蘇頌治惡心嘔清水。皆取暖胃温中散寒之

功也。而寒疝小腹掣痛。須同茴香用之。產後下焦虛寒。瘀血不行。小腹結痛者。加用之。若胃火作嘔。傷暑

霍亂禁用。為其温燥也。○紅薑薺辛温。主水瀉霍亂。心腹絞痛。止嘔進食。大補命門相火。故正元丹中用

之。然能動火。傷目致衄。不宜久服。

草豆蔻 辛温無毒。麩裏煨熟去麩用。發明 草豆蔻性温。入脾胃二經。東垣曰。風寒客邪。在胃口

之上。當心疼痛者。宜之。丹溪曰。草豆蔻性温。能散滯氣。若明知口食寒物。胃脘作疼。或濕鬱成病者。用之

神效。若熱鬱者不可用。恐積溫成熱也。然多用能助脾熱。傷肺損目。故陰虛血燥者忌之。

草果亦名豆蔻 辛溫。潤無毒。去殼生用。發明 草果與草豆蔻總是一類。其草果治病。取其辛熱浮散能

入太陰陽明。除寒燥濕。開鬱化食。利膈上痰。解麩濕魚肉諸毒。與知母同用。治瘴瘧寒熱。取其一陰一陽。無偏勝之害。蓋草果治太陰獨勝之寒。知母治陽明獨勝之火也。然瘧亦有不由於風瘴氣。而實邪不盛者。忌服。凡濕熱瘀滯。傷暑暴注。洩赤口乾者禁用。

白豆蔻俗名殼蔻 辛溫。無毒。忌見火。去淨隔膜。不爾令人隔滿。凡草果草豆蔻縮砂皆然。不獨白豆蔻也。

發明 白豆蔻辛香上升。入脾肺二經。散肺中滯氣。治脾虛瘧疾。嘔吐寒熱。能消能磨。流行三焦。營衛一轉。諸證自平。古方治胃冷積氣。嘔逆反胃。消穀下氣。寬膈進食。解酒毒。皆相宜也。若火升作嘔。蘊熱作痛者勿服。

縮砂密俗名砂仁 辛溫。潤無毒。發明 縮砂屬土。醒脾調胃。為脾胃肺腎大小腸膀胱七經之氣藥。能引

諸藥歸宿丹田。治脾虛泄瀉。宿食不消。瀉痢白沫。腹中虛痛。寒飲脹痞。噎膈嘔吐。和中行氣。止痛安胎。用之悉效。同熟地茯苓。納氣歸腎。同檀香豆蔻。下氣安肺。得陳皮白朮。和氣益脾。惟新產婦忌之。恐氣驟行動血也。今人治血痢。亦多用之。若積欲盡時。良非所宜。又血虛火炎。欬嗽禁。用妊婦氣滯者宜服。若氣虛

者多服。反耗其氣。多致難產。南人性喜條暢。食品每多用之。北人性喜潛藏。藥中亦罕用者。

益智子 辛温無毒。去殼鹽水炒用。發明 益智行陽退陰。三焦命門氣弱者宜之。脾主智。此物能益

脾胃。理元氣。補腎虛。滑精。胃虛多唾。女人崩漏。治心氣不足。夢泄。夜多小便。及冷氣腹痛。於土中益火也。

集驗方。縮泉丸。治脬氣不足。方用益智子鹽炒去鹽。與烏藥等分爲末。酒煮山藥粉爲糊。丸如梧子大。空

心鹽湯下七十丸。丹方治夜多小便。取二十四枚。入鹽同煎。服之有驗。按益智功專補火。如血燥有火。濕

熱暴注。及因熱而遺瀉。色黃乾結者。不可誤用也。

萆薢 辛大温無毒。醋浸刮去皮子。免傷肺上氣。發明 萆薢辛熱浮散。爲頭疼鼻淵要藥。取其能入

陽明經。散浮熱也。性能温中下氣。治霍亂水瀉。心腹滿者宜之。然辛熱耗散。能動脾胃之火。多用令人喘

欬。目昏。腸虛下重。以其走泄真氣也。

蒟蒻 子名 蒟醬 辛温無毒。發明 蒟蒻辛熱。能下氣温中。破痰散結氣。解瘴癘。嶺南人以葉合檳榔食。取

其辛香。能破瘴癘之氣也。其子可以調羹。故謂之醬。萆薢之類也。

肉豆蔻 俗名 肉果 辛温無毒。糯米粉裹煨熟用。勿犯鐵。發明 肉豆蔻辛香。入手足陽明。温中補脾。寬膨

脹。固大腸。爲小兒傷乳吐逆泄瀉之要藥。二神丸合補骨脂治腎瀉。蓋取補脾以治腎邪也。按脾土性喜

本經 逢原 卷一 芳草部 五

芳香。故肉果與脾胃最為相宜。以其能下氣者。脾胃得補。則健運。非若厚朴枳實之峻削也。熱鬱暴注。禁用以其辛溫性滯也。

補骨脂

俗名破故紙字音相近之誤也

苦辛大溫無毒。鹽酒浸焙乾用。與胡麻同炒良。忌薑蔥羊肉諸血。發明 補

骨脂屬火。收斂神明。能使心胞之火與命門之火相通。使元陽堅固。骨髓充實。潛以固脫也。胡桃屬水。潤燥養血。血屬陰。惡燥。故油以潤之。佐補骨脂。有水火相生之妙。故局方青娥丸用之。孫思邈言。補腎不若補脾。許學士言。補脾不若補腎。腎氣虛弱。則陽氣衰劣。不能薰蒸脾胃。令人痞滿少食。譬如釜底無火。雖終日不熟。陽衰則飲食亦不能消化。濟生二神丸。治脾胃虛寒泄瀉。用補骨脂補腎。肉豆蔻補脾。加吳茱萸以平其肝。加木香以順其氣。使之斡旋。若精傷溺赤。瀉痛者。去木香。易五味子。腰膝痠疼。腎冷精流者。用之屢効。凡陰虛有火。夢泄溺血。大便閉結者。勿施。

薑黃

辛苦溫無毒。藏器曰。辛少苦多。性熱不冷。或云大寒。誤矣。有二種。蜀川生者。色黃質嫩。有鬚折之

中空。有眼。切之分為兩片者。為片子薑黃。江廣生者。質粗形扁。如乾薑。僅可染色。不入湯藥。今藥肆混市。誤人。徒有耗氣之患。而無治療之功也。發明 薑黃鬱金蓬朮。三物形狀功用皆相近。但鬱金入心。專治心包之血。薑黃入脾。兼治血中之氣。蓬朮入肝。兼治氣中之血。為不同耳。古方三癉湯。用片子薑黃。治

風寒濕氣手臂痛。戴元禮曰：片子薑黃能入手臂治痛。其兼理血中之氣可知。能治癥瘕癰疽。通經消腫。毒功力烈於鬱金。但血虛臂痛者服之。病必增劇。

鬱金 辛苦平無毒。本草以爲性寒誤矣。安有辛香而寒之理。蜀產者體圓尾銳。如蟬腹狀。發苗處有小孔。皮黃而帶黑。通身粗皺如梧桐子紋。每枚約重半錢。折開質堅色黃。中帶紫黑。嗅之微香不烈者真。若大小不等。色黃皮起細橫紋。有鬚如線。折之中空質柔。內外皆黃。其氣烈者。卽片子薑黃也。體圓首尾相似。通身橫紋。發苗處無小孔。折開氣烈觸鼻者。染色薑黃中之小者也。蓬朮則大塊色青黑。最大者爲廣茂。與此不類。蘇恭不能分別。乃爲一物謬矣。發明 鬱金辛香不烈。先升後降。入心及包絡。治吐血衄血。唾血血腥。破惡血。血淋尿血。婦人經脈逆行。產後敗血衝心。及宿血心痛。並宜鬱金末加薑汁童便同服。其血自清。痰中帶血者。加竹瀝。又鼻血上行者。加入四物湯。一婦患失心風癲十年。用鬱金四兩。佐明礬一兩爲丸。硃砂爲衣。纔服五十丸。心間如有物脫去。再服而蘇。以鬱金入心去惡血。明礬化頑痰。硃砂安神故也。又能化癥瘕爲水。嶺南蠱毒爲害。初覺胸腹痛。卽用升麻或膽礬吐之。若膈下急痛。以米湯調鬱金末三錢服之。卽瀉出惡物。或合升麻鬱金服之。不吐則下。此李巽若爲雷州司理。鞠獄得此方。活人甚多。按以上諸治。其功皆在破宿生新。今世誤以爲諸血聖藥。病者不惜重費。醫者藉爲射利。咸以薑黃

代充爲害非淺。凡屬陰虛失血。及陰火迫血上逆。咸爲切禁。

蓬莪茂即蓬莪 苦辛溫無毒。入肝經。藥醋炒。入心脾藥麪裏煨熟。入四物湯調經。羊血或雞血拌炒。發

明。蓬莪茂入肝破血。治婦人血氣結積痛。痰癖冷氣。跌撲損痛下血。及內損惡血。通肝經聚血。蓋此藥

專破氣中之血也。按蓬莪誠爲磨積之藥。但虛人得之。積不去而真已竭。更可虞也。須得參朮健運。補中

芎瀉。乃得力耳。

荆三稜 苦平無毒。生荆楚地。故名荆三稜。真者絕少。今世所用。皆草三稜也。醋炒用之。發明 三稜

肝經氣分藥也。能破血中之氣。散血結。通肝經積血。主寒癖結塊。破產後惡血。血結腹痛。通月水墮胎。以

其力峻。故難久服。有人病癥瘕腹脹。用三稜莪莖酒煨煎服。下一黑物如魚而愈。按潔古云。三稜能瀉真

氣。虛者勿用。東垣破積諸方。皆與人參贊助。如專用剋削脾胃。愈虛不能運行。其積亢逆益甚矣。

香附即莎草根 辛微苦甘平無毒。產金華光細者佳。入血分。補虛。童便浸炒。調氣。鹽水浸炒。行經絡。酒浸炒。

消積聚。醋浸炒。氣血不調。胸膈不利。則四者兼製。肥盛多痰。薑汁浸炒。止崩漏。血便製炒。黑走表藥。中則

生用之。發明 香附之氣。平而不寒。香而能竄。乃足厥陰肝。手少陽三焦氣分主藥。兼入衝脈。開鬱氣。

消痰食。散風寒。行血氣。止諸痛。月候不調。胎產崩漏。多怒多憂者之要藥。治兩脇氣妨。心忪少氣。是血中

之氣藥也。蓋血不自行。隨氣而行。氣逆而鬱。則血亦凝滯。氣順則血亦隨之。而和暢矣。生則上行胸膈。外透皮毛。故能散風寒。熟則下走肝腎。外徹腰足。故能調血氣。得參朮則益氣。得歸地則調血。得木香則流滯和中。得沉香則升降諸氣。得芎藭蒼朮。則總解諸鬱。得山梔黃連。則降火清熱。得茯苓則交心腎。得茵香補骨脂。則引氣歸元。得厚朴半夏。則決壅消脹。得紫蘇葱白。則解散邪氣。得三稜莪茂。則消磨積塊。得艾葉則治血氣。煖子宮。乃氣病之總司。女科之主帥也。惟經水先期而淡。及失氣無聲無臭者。勿用。血氣本虛。更與利氣。則行之愈速矣。

茉莉花

辛熱無毒。根熱有毒。

發明

茉莉花古方罕用。近世白痢藥中用之。取其芳香散陳氣也。其

性熱有大毒。以酒磨一寸服。卽昏迷。一日乃醒。服二三寸。二三日醒。惟接骨脫臼。用以傅之。則不知痛也。

排草香

辛溫無毒。

發明

芳香之氣。皆可辟臭去邪惡氣。鬼魅邪精。天行時氣。並宜燒之。水煮洗水。

腫浮氣。與生薑芥子煎湯。浴風瘡効。

藜香

辛微溫無毒。廣產者良。但葉甚少。土人每以排草葉僞充。最難辨別。須於莖上。擇去色綠未經蠟

壞者方効。

發明

藜香入手。足太陰。芳香之氣。助脾醒胃。故能止嘔逆。開胃進食。溫中快氣。去瘴氣。止

霍亂治心腹痛。凡時行疫癘。山嵐瘴瘴。用此醒脾健胃。則邪氣自無容而愈矣。但陰虛火旺。胃虛作嘔。內無留滯者。不可用。恐反傷正氣。引邪內入。江浙土產者。伐胃消食。其莖能耗氣。用者審之。

薰香即零陵香 甘平無毒。廣產者良。雲陽產者氣濁。不堪入藥。發明 薰香辛散上達。故心痛惡氣。齒痛

鼻壅皆用之。單用治鼻中瘕肉鼻鼈。香以養鼻也。多服作喘。為能耗散真氣也。

蘭香 辛溫無毒。茶部移此。瀕湖綱目。芳草部有蘭草。茶部有蘭香。名曰羅勒。種類不同。因攷正之。按

蘭香有三種。一種曰蘭草。其氣濃濁。即今之省頭草也。一曰蘭香。植之處砌二十步內。即聞香。俗名香草。以

子能去目翳。故又名醫子草。一種名羅勒。莖葉較蘭香稍粗大。形雖極類。而氣葷濁。以嫩時可食。僅入菜

部。不堪入藥。本經利水道。殺蟲毒。辟不祥。久服益氣。輕身不老。通神明。發明 蘭氣芳香。能辟疫毒

惡氣。楚人以之為佩。又能辟汗濕之氣。故又名辟汗香。入手足太陰陽明。力能調中消食。去惡氣。治嘔嘔

脾瘕。口中時時溢出甜水者。非此不除。按蘭性芳香辛溫。專走氣道。故能利水調肝和脾。其功倍於藿香

善調嘔逆。散積久陳鬱之氣。素問云。五味入口。藏於胃。以行其津氣。津液在脾。令人口甘。此肥美所發也。

其氣上溢。轉為消渴。治之以蘭。除陳氣也。東垣治消渴生津。飲用蘭葉。蓋本於此。又治牙疼口臭。有神功

丸。亦用蘭香。云如無以藿香代之。近世有誤認幽蘭為蘭香者。大可噴飯。觀本經利水殺蟲毒辟不祥之

治豈幽蘭能之乎。古方治癘風蘭香散。去其散肺胃中之濕熱蟲毒也。普濟方治反胃。蘭香和甘蔗汁服之。錢氏治小兒鼻疳赤爛。蘭葉燒灰二錢。銅綠半錢。輕粉二字爲末。日傅三次卽愈。○子治目瞽。及塵物入目。以三五顆內目中。少頃其子濕脹。與物俱出。又主暴得赤眼後生翳膜。用蘭香子一粒。入皆內閉目少頃。連膜俱出。蓋此子得濕卽脹。故能染惹眵淚浮膜爾。然目中不可著一塵。而此可納三五顆。亦不妨礙。又小兒食肥甘口臭齒黑。名曰崩砂。漸至齟爛。名曰潰槽。又或出血。名曰息露。重則齒落。名曰腐根。用蘭香子末輕粉各一錢。蜜陀僧煨赤。醋淬妍末半兩。和勻。每以少許傅齒。及齟上。內服甘露飲立效。○時珍曰。蘭香須三月棗葉生時種之。乃生。否則不生。常以魚腥水泥溝水冷泥水澆之。則香而茂。不宜糞水。著糞則萎。其子大如棗而褐色不光。七月收之。種時防蟻。濕則有脂浮脹。須以枯炭末掩之。

澤蘭 苦甘微溫無毒。取葉酒洗用。本經主金瘡癰腫瘡膿。發明 澤蘭入足太陰厥陰血分。專治

產後血敗。流於腰股。拘攣疼痛。破宿血。消癥瘕。除水腫。身面四肢浮腫。本經主金瘡癰腫瘡膿。皆取散血之功。爲產科之要藥。更以芎歸童便佐之。功效勝於益母。

馬蘭 辛平無毒。赤莖者良。發明 馬蘭入陽明血分。與澤蘭功用相近。故能破宿生新。丹方治婦人

淋濁痔漏有效。喉痹腫痛。以馬蘭根葉搗汁。入米醋滴鼻孔。或灌喉中。取痰自開。絞腸痧腹痛。以馬蘭細

嚼臙汁立安。水腫溺瀉。馬蘭一握。罌豆小麥各一撮。酒水煎服效。蛇傷。搗汁和醋擦之。皆取散血解毒也。
香薷 辛微溫無毒。江西白花者良。發明 香薷辛溫。先升後降。故熱服能發散暑邪。冷飲則解熱利

小便。治水甚捷。世醫治暑病。以香薷飲爲首藥。然暑有乘涼飲冷。致陽氣爲陰邪所遏。遂病發熱惡寒頭
痛。煩躁口渴。或吐。或瀉。或霍亂者。宜用此發越陽氣散水和脾。若飲食不節。勞役作喪之人。傷暑發熱大

渴。煩渴喘促者。乃勞倦內傷之證。必用清暑益氣。如大熱大渴。又宜人參白虎之類。以瀉火益元。更有汗
出如雨。吐瀉脫元。四肢清冷。脈微欲脫者。又須大順漿水散等方救之。若用香薷飲。是重虛其表。頃刻脫

亡矣。今人不知。槩用沉冷代茶。若元氣虛人服之。往往致病。蓋香薷乃夏月解表之藥。如冬月之用麻黃。
氣虛者豈可漫用。深師香薷丸。治通身水腫。以香薷熬膏。丸白朮。末日三夜一服。米飲下之。效。

爵牀 俗名赤眼 老母草 減寒無毒。本經主腰痛。不得措牀。俛仰艱難。除熱。可作湯浴。發明 爵牀善通
血脈。蘇恭言療血脹下氣。杖瘡搗汁塗之立瘥。觀本經諸品。不出活血舒筋之用也。

荆芥 又名 假蘇 辛微溫無毒。產後止血。童便制黑用。凡食河豚及一切無鱗魚。與驢肉俱忌之。食黃鱔魚後
服之。令人吐血。惟地漿可解。與蟹同食動風。本經主寒熱鼠瘻。癩癧生瘡。破結聚氣。下瘀血。除濕疽。

發明 荆芥穗入手太陰足厥陰氣分。其功長於祛經絡中之風熱。觀本經所主。皆是搜經中風熱痰血。

之病又能清頭目去瘀血破積氣消瘡毒故風病血病瘡病產後爲要藥治風兼治血者以其入風水之藏卽是藏血之地故並主之華元化治產後中風口噤發瘧及血暈不醒荆芥末三錢豆淋酒調服神效產後血暈熱童便調服而表虛自汗陰虛而赤者禁用今人但遇風證槩用荆芥此流氣散之相沿耳紫蘇 辛溫無毒葉紫者能散血脈之邪最良 發明 蘇葉味辛入氣分色紫入血分升中有降同橘皮砂仁則行氣安胎同藿香烏藥則快氣止痛同麻黃葛根則發汗解肌同芎藭當歸則和營散血同木瓜厚朴則散濕解暑同桔梗枳殼則利膈寬中同杏仁腹子則消痰定喘然不宜久服泄人真氣單用煮汁解蟹毒若脾胃虛寒人過服多致滑泄往往不覺也其梗能行氣安胎但力淺薄難於奏效亡血家大虛及妊婦產婦發散用苞最佳本乎天者親上取其包含子氣且氣味皆薄而無過汗傷中之患也蘇子 辛溫無毒粗而色深紫者真細而色淡者假 發明 諸香皆燥惟蘇子獨潤爲虛勞欬嗽之專藥性能下氣故胸膈不利者宜之與橘紅同爲除喘定嗽消痰順氣之良劑但性主疎泄氣虛久嗽陰虛喘逆脾虛便滑者皆不可用

水蘇

一名雞蘇

辛溫無毒子名荏子

本經下氣殺穀除飲食辟口臭去邪毒辟惡氣

發明 水蘇卽蘇

之野生色青者其氣芳香故本經所主一皆胃病專取芳香正氣之義局方用治血病者取以解散血中

之氣也。氣散則血亦散矣。

薄荷 辛平無毒。蘇產者良。去梗用。發明 薄荷辛涼上升。入肝肺二經。辛能發散。專於消風散熱。涼能清利。故治欬嗽失音。頭痛頭風。眼目口齒諸病。利咽喉。去舌胎。小兒驚熱。及癩癧瘡疥爲要藥。其性浮而上升。爲藥中春升之令。能開鬱散氣。故逍遙散用之。然所用不過二三分。以其辛香伐氣。多服久服。令人虛冷。瘦弱人多服動消渴病。陰虛發熱。欬嗽自汗者勿施。

隰草部

菊 黃者苦甘平。白者苦辛平。皆無毒。野生者名苦蕒。可搗塗癰腫疔毒。服之傷人腦。本經主諸風頭眩腫痛。目欲脫。淚出。皮膚死肌。惡風濕痹。久服利血氣。輕身耐老延年。發明 菊得金水之精英。補水以制火。益金以平木。爲去風熱之要藥。故本經專主頭目風熱諸病。取其味甘氣清。有補陰養目之功。蓋益金則肝木平而風自息。補水則心火制而熱自除矣。其治惡風濕痹者。以其能清利血脈之邪。而痹濕得以開泄也。又黃者入金水陰分。白者入金水陽分。紫者入婦人血分。觀金匱侯氏黑散。千金秦苑散。俱用菊花爲君。時珍所謂治諸頭目。其旨深矣。近有一種從番舶來。六月開花。但有正黃而無間色。豈特黃州脫瓣爲異哉。

艾 苦辛溫無毒。鄆州者爲勝。發明 艾性純陽。故可以取太陽真火。可以回垂絕元陽。服之則走肝脾腎三陰。而逐一切寒濕。轉肅殺之氣爲融和。生用則性溫。炒熟則大熱。用以灸火。則透諸經。而治百病。蘇頌言其有毒誤矣。夫用藥以治病。中病則止。苦素有虛寒瘡冷。婦人濕鬱帶漏之病。以艾和歸附諸藥治之。夫何不可。艾附丸調經而溫子宮。兼主心腹諸痛。膠艾湯治虛痢及胎妊產後下血。雷火鍼同丁香。麝臍熨寒痺攣痛。若老人臍腹畏冷。及寒濕脚氣。以熟艾入布兜之。惟陰虛火旺。血燥生熱。及宿有失血病者爲禁。有人患風瘙癢疹。不時熅發。以絹裹擦之。卽消。亦取其辛散開發之力。

茵陳蒿 苦平微寒無毒。本經主風濕寒熱邪氣。熱結黃疸。發明 茵陳有二種。一種葉細如青蒿。

者。名綿茵陳。專於利水。爲濕熱黃疸要藥。一種生子如鈴者。名山茵陳。又名角蒿。其味辛苦小毒。專於殺蟲。治口齒瘡絕勝。並入足太陽。本經主風濕寒熱。熱結黃疸。濕伏陽明所生之病。皆指綿茵陳而言。仲景茵陳蒿湯。以之爲君。治濕熱發黃。梔子柏皮湯。以之爲佐。治燥熱發黃。如苗澇則濕黃。旱則燥黃。其麻黃連軹赤小豆湯。以之爲使。治瘀熱在裏而身黃。此三方分治陽黃也。其治陰黃。則有茵陳附子湯。各隨燥濕寒熱而爲主治。按茵陳專走氣分而利濕熱。若畜血發黃。非此能治也。外臺治齒齲宣露。千金治口瘡。齒蝕。並用燒灰塗之。有汁吐去。一宿卽效。而殺蟲方中。一味煎湯。內服外洗。皆用角蒿。專取逐濕化熱之

功也。

青蒿 苦寒無毒。莖紫者真。根莖子葉不可並用。恐成痼疾。葉主濕熱。子治骨蒸。俱宜童便制用。本經主疥癩癩痒。惡瘡殺蟲。留熱在骨節間明目。發明 青蒿亦有二種。一種發於早春。葉青如綿茵陳。專瀉丙丁之火。能利水道。與綿茵陳之性不甚相遠。一種盛於夏秋。微黃如地膚子。專司甲乙之令。為少陽厥陰血分之藥。故莖紫者為良。其治骨蒸勞熱。有殺蟲之功。而不傷伐骨節中陽和之氣者。以其得春升之令最早也。此與角蒿之性大都相類。又能明目。善清在上之虛熱。燒灰淋汁。和石灰點。治惡瘡。息肉。瘰癧。蘇恭生搗數金瘡。經驗方和桂心治寒瘧。但性偏苦寒。脾虛寒泄瀉者勿服。

茺蔚

俗名益母

辛甘微溫無毒。忌犯鐵器。其子微炒香蒸熟。烈日曝燥。杵去殼用。

本經茺蔚子明目益精。

除水氣莖治癰疹。可作浴湯。

發明

茺蔚入手少陰。足厥陰血分。活血行氣。有補陰之功。凡胎前產後。

所恃者血氣也。胎前無帶。產後無虛。以其行中有補也。然所謂補者。是散其瘀而營血受蔭。非補養血氣之謂。丹方以益母之嫩葉陰乾。拌童便陳酒。九蒸九曬。入四物湯料為丸。治產後諸證。但功專行血。故崩漏下血。若脾胃不實。大腸不固者勿用。為其性下行也。近世治番痧腹痛嘔逆。用以濃煎。少加生蜜。放溫恣飲有效。取其能散惡血也。其子能明目。功端益精利水。水虧而瞳子收小者宜之。若火感瞳子散大者。

切忌爲其辛散。能助火邪也。白花者名嬰菜。嫩苗可食。故謂之菜。藏器主癩後腹痛。今人治白帶。用一味爲末服之。大效。

薇銜 苦。溫。無毒。素問謂之麋銜。唐本曰鹿銜。千金曰鹿藥草。言鹿有疾。銜此草卽瘥也。其葉大而面綠。背紫者爲真。蘇恭言有大小二種。保昇言葉似芫蔚。叢生有毛者。吳風草也。本經主風濕痺歷節痛。驚癇吐血。悸氣。賊風。鼠瘻。癰腫。發明 鹿銜本經專主風濕痺歷節痛。素問同澤水治酒風身熱。懈惰。汗出如浴。惡風。少氣之病。亦取其能除痹著血脈之風濕也。又治驚癇。悸氣。吐咯諸血。以其能走胃與腎肝血分。專理血中邪滯。而無留滯之患。近世治吐血咯血用之。以其能溫補衝督之精血也。陝人名爲鹿胞草。言鹿食此卽能成胎。其性溫補。下元可知。今吳興山中間亦產此。每於初夏。羣鹿引子銜食。乃去。洵爲確真無疑。採得曬乾。一味浸酒。最爲有益。但性專助陽。力能走散陰精。故藏器云。婦人服之。絕產。無子。良有見乎此也。其子名延壽果。味微澆而甘。惟秦地有之。不特有益於老人。而嬰兒先天不足者。尤爲上藥。惜乎南方罕得也。

夏枯草 苦。辛。溫。無毒。本經主寒熱瘰癧。鼠瘻。頭瘡。破癥。散癭。結氣。脚腫。濕痺。輕身。發明 夏枯草本經專治寒熱瘰癧。有補養厥陰血脈之功。以辛能散結。苦能除熱。而癥結癭氣散矣。言輕身者。脚腫濕

瘳愈。而無重著之患也。佐以香附甘草。治目珠疼夜甚者。以其稟純陽之氣。而散陰中結滯之熱也。又能解內熱。緩肝火。從治之法。并治痘後餘毒。及肝熱目赤有效。久服亦防傷胃。以醫走厥陰。助肝木之氣耳。

劉寄奴 苦温無毒。發明 劉寄奴破血下脹。又能止血。故產後餘疾。及金瘡血大小便血。皆用之。千金方治折傷瘀血。用劉寄奴骨碎補延胡索水煎。加童便服。集簡方治大小便血。劉寄奴末。空心茶清調服。衛生易簡方。治血氣脹滿。劉寄奴紅酒煎服。時珍治小兒尿血。取劉寄奴研末服效。丹方治大便血。用劉寄奴半兩。臘茶一錢。烏梅半枚。煎服。即效。但性走散。不可過服。令人吐利。

旋覆花

本經名金沸草

鹹甘温小毒

本經主結氣脇下滿驚悸除水去五藏間寒熱補中下氣

發明 旋

覆花升而能降。肺與大腸藥也。其功在於開結下氣。行水消痰。治驚悸。祛痞堅。除寒熱。散風濕。開胃氣。止嘔逆。除噫氣。故肺中伏飲寒嗽宜之。仲景治傷寒汗下後心下痞堅。噫氣不除。有旋覆代赭石湯。金匱云。產漏下。有旋覆花湯。胡洽治痰飲在兩脇脹滿。有旋覆花湯。皆取其能下氣也。但性專温散。故陰虛勞嗽。風熱燥欬。不可誤用。用之嗽必愈。甚本經言補中下氣者。甘能緩中。鹹能潤下。痰氣下而中氣安。脇下滿結寒熱驚悸。水氣皆除矣。

青葙

即雞冠花

苦微寒無毒

本經主邪氣皮膚中熱風瘙身癢殺三蟲子治唇口青

發明

青葙子治

風熱目疾。與決明子同功。本經雖不言治目疾。而主唇口青。爲足厥陰經藥。其明目之功可推。其治風癢身癢。皮膚中熱。以能散厥陰經中血脈之風熱也。

紅藍花

卽紅花

辛溫無毒。

發明

血生於心。包藏於肝。屬於衝任。

紅花汁與之同類。故能行男子血脈。

通婦人經水。活血解痘毒。散赤腫。產後血暈。及胎死腹中。並宜和童便服之。少則養血。多則行血。過用使

人血行不止。且性兼上行。不可不知。亦主蠱毒下血。堪作胭脂。治小兒聾耳。解痘疔毒腫。產後血悶。以紅

花十斤。煮湯盛桶。置於橫格之下。昇婦寢上薰之。湯冷再加。半日乃蘇。

臙脂

甘平無毒。臙脂有四種。一種以紅藍花汁染胡粉而成。一種以山薷脂花汁染粉而成。一種以山

榴花汁作成者。一種以紫鈿汁染綿而成。皆可入血病藥用。又落葵子亦可取汁和粉而成。可作面脂。不

入藥用。紫鈿查名火漆。匠工補水用之。發明

臙脂色紅。並可爲活血之藥。其治痘瘡肌肉結硬。用綿

臙脂同紫草煎湯。乘熱頻將臙脂擦之。漸軟卽能發出。又痘瘡護眼黃柏膏。用油臙脂調塗。則痘無入眼

之患。

之患。

大薊小薊

花甘溫根微涼無毒。發明

大薊小薊皆能破血。大薊根主女子赤白沃下。止吐血鼻衄。

涼而能行。行而帶補。兼療癰腫。小薊根專於破血不能消腫。有破宿生新之功。吐血血崩之用。但其力微。

只可退熱。不似大薊能破瘀散毒也。丹方治吐血不止。用小薊山查生地。一服即止。止中寓瀉。劫劑中之良法。近世醫師咸用其花。總取散血之義。然其性皆下行。故脾胃虛弱。泄瀉少食者忌用。

續斷

本經名屬折別錄名接骨

苦微溫無毒。去根尾酒炒用。本經主傷中補不足。金瘡癰瘍。折跌。續筋骨。婦人乳

難久服益氣力。

發明 續斷入肝主續筋骨。為婦人胎產崩漏之首藥。又主帶脈為病。久服益氣力。利

關節。治腰痛。煖子宮。療金瘡折傷。散癰腫瘀血。療婦人乳難。本經治傷中補不足等病。總取和血通經之義。又能止小便多。治遺泄。古方血痢用平胃散一兩。續斷三錢為末。每服三錢。水煎服即愈。甯無顧名思義之寶乎。

義之寶乎。

漏蘆

本經名野薊

苦鹹寒有毒。

本經主皮膚熱毒。惡瘡疽痔漏癰。下乳汁。

發明 漏蘆苦寒解毒。乃足

陽明經藥。本經治熱毒惡瘡。下乳汁。以其能利竅也。為消毒排膿殺蟲要藥。古方治癰疽發背。以漏蘆湯為首稱。蓋鹹能軟堅。寒能解毒。故服之必大便作瀉。使邪從下而出也。昔人治瘦兒瘡毒。令母服此。使藥性從乳中過之。每致乳子利下白沫。大損元氣。故氣虛及瘡瘍不起發者。咸非所宜。而妊婦尤為切禁。

苧麻黃麻

甘寒無毒。

發明

苧麻帶行滯血。產婦枕之治血暈。產後腹痛。以苧安腹上即止。漬苧水

療熱渴。苧根治小兒赤丹。○黃麻苦溫。專散陳久瘀血。取陳年者燒灰存性。酒調服之。絡麻根燒灰治

鎖喉風神效。

胡蘆巴 苦大溫無毒。發明 胡蘆巴乃海外胡蘿蔔子。聲音相近之譌耳。右腎命門藥也。元陽不足。

冷氣潛伏。不得歸元者。宜之。小腸奔豚偏墜。及小腹有形如卵。上下走痛不可忍者。用胡蘆巴丸。腎氣不

歸。上熱下寒厥逆嘔吐者。用黑錫丹。皆與金鈴子一寒一熱同用。其導火歸元之功可知。

惡寶 又名鼠黏子牛蒡子大力子皆別名也 辛平無毒。發明 鼠黏子肺經藥也。治風濕癰疹。咽喉風熱。散諸腫瘡。癩

之毒。痘疹之仙藥也。痘不起發。用此為末。刺雄雞冠血。和酒釀調。胡葵湯下。神效。瘡瘍毒盛。生研用之。即

出瘡頭。酒炒上行。能通十二經。去皮膚風。消癰疹毒。惟氣虛色白。大便利者不宜。

蒼耳 古名葉耳 實甘溫葉苦辛小毒。酒浸炒用。忌猪肉。發明 蒼耳治頭風腦痛。風濕周痹。四肢拘攣。惡

肉死肌。皮膚瘙癢。腳膝寒痛。久服亦能益氣。其葉久服。去風濕有效。服蒼耳人最忌猪肉。及風邪觸犯。則

遍身發出赤丹也。婦人血風攻腦。頭旋悶絕。忽倒不知人事者。用蒼耳草嫩心。陰乾為末。酒服甚效。此味

善通頂門連腦。能走督脈也。

天名精 本經名蝦蟆蓋一名地菘子名鶴虱 甘寒無毒。本經主瘀血血瘦欲死。下血止血。利小便。發明 天名精功

專散血。有破宿生新之功。故本經言下血止血。又能涌吐風痰。殺蟲解毒。搗汁服之。能止痰瀝。漱之。止牙

疼。搗之數蛇傷。煎服除淫穢邪毒。從小便泄出。凡乳蛾喉嚨腫痛。及小兒急慢驚風。牙關緊急。不省人事者。搗絞和酒灌之。咽喉腫塞。痰涎壅滯。搗汁鵝翎掃入。去痰立效。亦治猪瘡。

鶴蝮 苦平無毒。發明 鶴蝮入厥陰肝經。善調逆氣。能治一身痰凝氣滯。殺蟲方中最要藥。錄驗方

療蚊攻心痛。一味丸服。小兒蟲痛。亦單用鶴蝮研末。肥肉汁服。其蟲自下。藥肆每以胡蘆荀子代充。不可不辯。

蕪荬 辛苦寒小毒。採葉陰乾。入甌中層層灑酒與蜜。九蒸九曬用。發明 蕪荬苦寒。略兼微辛。故有

小毒。為祛風除濕。而兼活血之要藥。蕪荬丸治風濕四肢麻痺。骨節冷痛。腰膝無力甚效。但脾胃兩虛。陰血不足。而腰膝無力。骨痛麻痺者。大非所宜。時珍曰。生搗汁服。則令人吐。故云有小毒。九蒸九曬。則去風痺。故云無毒。或云甚益元氣。不稽之言也。生者搗服。能吐風痰。其能傷胃可知。

箬 甘寒無毒。發明 箬生小竹而葉最大。故可以之為笠。燒灰治吐衄嘔咯。及便溺諸血。又能通小便。利肺氣。散喉痹。消癰腫。每服不過一錢七。又治痘瘡倒靨。以箬葉灰一錢七。入麝香酒調服之。箬帶煎湯。治胃熱呃逆。其性較柿蒂稍平。取灰以香油調。塗湯火傷甚良。

蘆根 其名蘆蘆莖名 葦莖花名蘆蘆 甘寒無毒。發明 蘆根甘寒。主消渴。胃中客熱。利小便。治噎噦反胃。嘔逆不下。

食妊婦心熱時疫寒熱煩悶解河豚諸魚毒其笋尤良。蘆花煮汁治乾霍亂心腹脹痛。養燒存性。治吐衄諸血。

甘蔗

卽芭蕉

甘大寒無毒。

發明

甘蔗性寒。

治天行狂熱。

解消渴煩悶。

利小便。

治濕熱黃瘡。

和酒服療

癰腫。并以滓塗腫處。良。小兒遊風。臥蕉葉上卽愈。治火燙。以筋插入。出筋瓶盛。取油塗之。別錄治癰疽結熱。肘後治發背腫毒。聖惠治血淋瀉痛。蘇頌治風痢欲倒。飲之取吐效。惟陰疽不赤腫者禁用。

蘘荷

卽芭蕉之
色白者

辛溫有小毒忌鐵。

發明

蘘荷有毒而能攻毒。

爲主蠱之最。

中蠱者服蘘荷汁。

并臥

菜上。

卽能呼出蠱。主姓名。其治喉舌瘡爛。婦人月閉。及傷寒時氣。壯熱頭痛。口瘡用之。皆取其辛散也。

麻黃 苦溫無毒。去根節。湯泡去沫曬乾用。若連根節用。令人汗不絕。其根專能止汗。本經主中風傷

寒頭痛。溫瘧發表。出汗去邪熱氣。止欬逆上氣。除寒熱。破癥堅積聚。發明 麻黃微苦而溫。中空而浮。

陽也。升也。入足太陽。其經循背下行。本屬寒水。而又受外寒。故宜發汗去皮毛氣分寒邪。以泄寒實。若過

發則汗多亡陽。或飲食勞倦。及雜病自汗。表虛之證用之。則脫人元氣。禍患莫測。麻黃治衛實之藥。桂枝

治衛虛之藥。二物雖爲太陽經藥。其實營衛藥也。心主營血。肺上衛氣。故麻黃爲手太陰肺經之劑。桂枝

爲手少陰心經之劑。傷寒傷風而欬。用麻黃湯桂枝湯。卽湯液之源也。麻黃乃肺經之專藥。故治肺病多用之。仲景治傷寒無汗用麻黃湯。有汗用桂枝湯。夫津液爲汗。汗卽血也。在營卽爲血。在衛卽爲汗。寒傷營。營血不能外通於衛。衛氣閉固。故無汗發熱而惡寒。風傷衛。衛氣不能內護於營。營氣不固。故有汗發熱而惡風。是證雖屬太陽。而肺實受邪氣。蓋皮毛外閉。邪熱內攻。肺氣怫鬱。故用麻黃甘草同桂枝引出營分之邪。達之於表。佐以杏仁。泄肺而利氣。是麻黃湯雖太陽發汗重劑。實爲發散肺經邪鬱之藥也。腠理不密。則津液外泄。而肺氣自虛。虛則補其母。故用桂枝同甘草。外散風邪以救表。內伐肝木以防脾。佐以芍藥泄水而固脾。皆是脾肺之藥。是則桂枝雖太陽解肌輕劑。實爲理脾救肺之藥也。又少陰證發熱脈沉。有麻黃附子細辛湯。少陰與太陽爲表裏。所謂熱附配麻黃。補中有發也。本經治中風。是主緩風。蠶黃而言。云溫瘡係濕瘡。乃傳寫之誤。破癥堅積聚者。表裏兼治。非神而明之。難效其法也。

木賊 甘微苦無毒去節用 發明 木賊與麻黃同形同性。故能發汗解肌。升散火鬱。風濕。專主眼目風熱。暴瞤。止淚。取發散肝肺風邪也。多用令人目腫。若久瞤及血虛者。非所宜。傷暑或暴怒赤腫。亦勿用之。

石龍芻 一名龍鬚
卽麻草

苦微寒無毒

本經主心腹邪氣。小便利淋閉。風濕鬼疰。

發明

龍芻生水中。

性專利水。本經所主心腹邪氣。亦是因水濕滯積所致。其敗席治淋。及小便不通。昔人用以煮服。莫若燒灰酒服更良。

燈心草 甘寒無毒。欲入丸劑。粳米飲漿磨之。發明 燈心輕虛甘淡。故能瀉肺利水。治急喉痹。燒灰

吹之。又燒灰塗乳上。飼小兒止夜啼。燒灰入輕粉麝香治陰疳。

生地黃 本經名地髓 又名干音戶 甘苦寒無毒。禁犯鐵。忌萊菔諸血。採得鮮者。卽用爲生地黃。炙焙乾收者爲乾地

黃。以法制過者爲熟地黃。本經主傷中。逐血痹。填骨髓。長肌肉。作湯除寒熱積聚。療折跌傷筋。久服輕

身不老。生者尤良。發明 生地黃性稟至陰。功專散血。入手足少陰厥陰。兼行足太陰。手太陽。錢仲陽

導赤散與木通同用。瀉丙丁之火。別錄治婦人崩中血不止。及產後血上薄心。胎動下血。鼻衄吐血。皆擣

汁飲之。以其能散血消瘀解煩也。其治跌撲損傷。面目青腫。以生地黃搗爛罨之。卽消。此卽本經治傷中

血痹。折跌筋傷等證之義。蓋肝藏血而主筋。肝無留滯。則營血調而傷中自愈。筋無邪著。則三氣通而血

痹自除。作湯除寒熱積聚者。血和則結散。而諸證平矣。其曰填骨髓。長肌肉者。邪無著。而形神自復也。昔

人治心痛。以鮮地黃汁作冷淘。食之取吐。不吐則利。出長蟲如辟宮而安。此卽本經除寒熱積聚之驗。其

於服食方中用之。取以輔助諸藥。辟除三蟲。使從幽門化出也。因思千金靈飛散中。生地黃急不可得。鮮

者咸取乾者應用。乃知本經末後續出生者尤良一語。見古聖之苦心。無所不用其極也。愚按生地黃與乾地黃功用不同。豈可混論。按徐之才別錄云。生地黃乃新掘之鮮者。爲散血之專藥。觀本經主治皆指鮮者而言。祇緣諸家本草從未明言。且產處遼遠。藥肆僅有乾者。鮮者絕不可得。是不能無混用之失。曷知乾地黃既經炙焙。力能止血。安有傷中血痹折跌筋傷等治乎。至於傷中日久。積聚內形。寒熱外顯。並宜鮮者作湯。統領他藥。共襄破宿生新之功。設混用乾者。則瘀傷愈結。安望其有髓充肉長之勳乎。予嘗綜覽諸方。凡藥之未經火者。性皆行散。已經炙焙。性皆守中。不獨地黃爲然也。

乾地黃。苦微甘寒無毒。產懷慶者。丁頭鼠尾。皮粗質堅。每株重七八錢者。力優。產亳州者。頭尾俱粗。皮細質柔。形雖長大而力薄。產江浙者。細軟無力。僅可清熱。不入補劑。無問產於何地。但枯槁質輕者。謂之天黃。不堪入湯藥。發明。乾地黃心紫通心。中黃入脾。皮黑歸腎。味厚氣薄。內專涼血滋陰。外潤皮膚。索澤。病人而有熱虛者。宜加用之。戴元禮曰。陰微陽盛。相火熾強。來乘陰位。日漸煎熬。陰虛火旺之證。宜生地黃以滋陰退陽。同人參茯苓石蜜名璫玉膏。治虛勞欬嗽唾血。同大麥門冬熟地人參名固本丸。治老人精血枯槁。於固本丸中加枸杞熬膏。名集靈膏。治虛羸喘嗽乏力。其璫玉膏雖用鮮者。搗汁桑火熬膏散中寓止。與乾者無異。固本丸集靈膏並用乾者。而集靈變丸作膏。較之固本差勝。易簡方曰。男子多

陰虛宜熟地黃。女子多血熱宜生地黃。虞搏云。生地黃涼血。而胃氣弱者恐妨食。熟地黃補血。而痰飲多者。恐泥膈。或言生地黃酒炒。則不妨胃。熟地黃薑制。則不泥膈。然須詳病人元氣。病氣之淺深。而用之。若產後惡食泄瀉。小腹結痛。虛勞脾胃薄弱。大便不實。胸腹多痰。氣道不利。升降窒塞者。咸須遠之。漸產者。專於涼血潤燥。病人元氣本虧。因熱邪閉結。而舌乾焦黑。大小便祕。不勝攻下者。用此於清熱藥中。通其祕結最妙。以其有潤燥之功。而無滋潤之患也。愚按本經地黃雖列上品。而實性稟陰柔。與鄉愿不異。皆諸宵人。內藏隱隙。外示優容。是以舉世名家。靡不藉為滋陰上藥。止血神丹。雖或用非其宜。得以稍清旺氣。服之仍得暫安。非若人參之性稟陽明。象類君子。苟有過人。皆知之。是以師家斂手不敢用。病家緘口不敢嘗。直至瀕危。不得已而用之。每至下咽卽斃。是以左右之人。靡不交口歸咎於人參。曷知其為從前誤藥所致。夫藥之遺患於病。比比有之。莫如地黃。門冬之屬。陰柔最甚。至死不覺其非。故不殫瑣屑。特表而出之。

熟地黃 甘溫無毒。製地黃法。擇取原株重六七錢者。以好酒浸。入縮砂仁末。拌木甌瓦鍋。九蒸九曬。得太陽真火。入劑方始得力。蓋地黃性泥。得砂仁之香竄。而通調五藏。沖和之氣。歸宿丹田也。發明 熟地黃假火力蒸曬。轉苦為甘。為陰中之陽。故能補腎中元氣。必須蒸曬多次。得太陽真火。確有坎離互濟。

之妙用。若但煮熟不加蒸曝。雖服奚益。好古曰。生地黄治心熱。手心熱。益腎水。涼心血。其脈洪實者宜之。若脈虛者。則宜熟地黄。錢氏六味丸以之爲君。天一所生之源也。若命門真火素弱者。必須崔氏八味丸。得桂附共襄之力。方得陰陽兼濟之功。湯液四物湯以之爲主。乙癸同源之治也。其功專於填骨髓。長肌肉。生精血。補五藏內傷不足。通血脈。利耳目。黑鬚髮。男子五勞七傷。女子傷中。胞漏下血。經候不調。胎產百病。滋腎水。真陰。療臍腹急痛。病後脛股痠痛。坐而欲起。目眩暈如無所見。蓋臍下痛。屬腎藏精傷。脛股痠。係下元不足。目眩暈如無所見。乃水虧不能鑿物。皆腎所主之病。非熟地黄不除。今人治目腎內障。往往用六味丸。配磁硃丸服。良非所宜。地黄禁鐵。磁爲鐵之母。安得不忌。予嘗用當歸代地黄。借其辛溫。以助煖發之勢。火盛則用芍藥代山茱萸。借其酸寒。以收耗散之陰。藥雖異而功不殊也。愚按地黄本手少陰經藥。功專清熱散血。非經蒸曝不能入足少陰。經得水火既濟之功。轉苦成甘。變紫爲黑。故直入腎藏。填補真陰。兼培黃庭后土。土厚載物。諸藏皆受其蔭。是以崔氏八味。錢氏六味。爲培養真陰。真陽之總司。後人藉此。各隨所稟之偏。而爲增減。無往非受其益。如陰氣不固。則加鱧膠。蕤藜。陽氣不充。則加鹿茸。河車。中氣不舒。則加沉香。縮砂。下氣不吸。則加牛膝。車前。上氣不津。則加門冬。五味。肝氣內盛。則減萸。倍澤。精氣下脫。則減澤。倍萸。各得補偏救弊之妙用。其陰火旺者。加知柏於六味方中。此與鳩酒止渴無異。他

如四物湯中之葛歸卽六味丸中山萸之義。十全大補中之耆桂卽八味丸中桂附之義。方得陰陽相濟之妙用。須知八味十全平調血氣。且湯液性味易過。地黃與參並用。略無妨礙。六味丸中切不可雜一味中焦藥。如人參白朮甘草之類。咸非所宜。昔人有以六味丸加參而服。下咽少頃。輒作迷迷不爽。或令增麥冬五味。功力倍常。深得金水相生之妙用。非專工藥性者之可與討論也。

牛膝

本經名百倍

苦酸平無毒。懷產者長而無傍鬚。水道滲者宜之。川產者細而微黑。精氣不固者宜之。

忌牛肉。

本經主寒濕痿痹。四肢拘攣。膝痛不可屈伸。逐血氣。傷熱火爛。墮胎。發明。牛膝氣薄味厚。

性沉降泄。乃足厥陰之藥。本經專主寒濕痿痹。四肢拘攣等病。不及補養下元之功。豈聖法有所未盡歟。丹溪言牛膝能引諸藥下行筋骨。痛風在下者。宜加用之。其性雖下行走筋。然滑利之品。精氣不固者。終非所宜。得酒蒸則能養筋。生用則去惡血。其治腰膝痛不可屈伸。足痿之病。非取其養血管筋之力歟。其治癰腫惡瘡。金瘡折傷。尿血淋痛。婦人經祕不通。非取其活血破瘀之力歟。外臺以生牛膝一味濃煎。治積久勞瘡。肘後以二斤浸酒。治卒暴癰疾。延年以之同葵子煎服。下胞衣。衛生以之搗罨折傷。梅師以之搗塗金瘡。千金以之搗敷毒腫。集驗以之通利溺閉。皆取其性滑利。竅消血解毒之功。雖強陰強筋。而氣虛下陷。大便易泄。夢泄遺精。妊娠崩漏。俱禁用。惟川者氣味形質。與續斷彷彿。庶無精滑之虞。蓋腎司閉。

藏肝司疎泄。此味專司疎泄。而無固熱之功。世俗妄謂益腎。而培養下元藥中。往往用之。與延盜入室何異。其土牛膝亦能解毒利竅。專治血鼓。一味濃煎。恣意服之。又鎖喉風。諸治不效。以土牛膝和醋搗絞取汁。蘸雞翎探吐稠痰。不過二三次神驗。

紫苑

白者名女苑

苦辛微溫無毒。或酒洗。或蜜水炒用。

本經主咳逆上氣。胸中寒熱結氣。去蠱毒痿躄。安

五藏。女苑治風寒洗洗。霍亂泄利。腸鳴上下無常處。驚癩寒熱百病。發明紫苑肺經血分之藥。本經止欬逆上氣。胸中寒熱結氣。取性疏利肺經血氣也。去蠱毒痿躄者。以其辛苦微溫。能散結降氣。蠱毒自不能留。痿躄由肺熱葉焦。紫苑專通肺氣。使熱從溲便去耳。別錄療欬唾膿血。大明消痰止渴。皆滋肺經血氣之效。金匱澤漆湯用以治欬而脈沉者。欬屬肺。脈沉則血分之病也。亦治下痢肺痛。與紫參同功。其性辛而不燥。潤而不寒。補而不滯。善調五勞體虛。止嗽定喘。療驚悸吐衄諸血。又能通調水道。故溼瀼便血。單服一兩卽效。然大泄肺氣。陰虛肺熱。欬禁。用以其性專溫散。而無培養之力也。白者曰女苑。大泄肺氣。本經主風寒洗洗。霍亂洩利。腸鳴上下無常處。驚癩寒熱百病。一皆氣分受傷之病。肘後方治人面黑令白方。用女苑三分。鉛丹一分爲末。醋漿服。一斗圭日進三服。十日大便黑。二十一日面白便止。過用則太白矣。千金方用酒服。男十日。女二十日。黑色皆從大便去。三十歲後不可服。以肺氣漸減。不可

復洩也。

麥門冬本作冬甘寒無毒。去心用。即不煩心。本經主心胸結氣。腹中傷飽。胃絡脈絕。羸瘦短氣。久服輕

身。不老不饑。發明 麥門冬陽中微陰。入心肺腎。及足陽明之經。定心熱驚煩。療肺痿吐膿。蓋專泄而

不專收。寒多人禁服。肺中伏火。脈氣欲絕者。加五味子。人參。為生脈散。專補脈中元氣不足。東垣云。六七

月間。濕熱方盛。人病骨之無力。身重氣短。頭旋眼黑。甚則痿軟。故孫真人以生脈散。補其天元真氣。脈者

人之元氣也。人參之甘溫。瀉陰火而益元氣。麥門冬甘寒。滋燥金而清水源。五味子之酸鹹。瀉丙火而補

庚金。兼益五藏之氣也。時珍曰。麥門冬以地黃為使。服之令人頭不白。添精補髓。通腎氣。定喘促。令人肌

體滑澤。本經主心胸結氣。腹中傷飽。胃絡脈絕。羸瘦短氣。一氣貫下。言因過飽傷胃。而致心胸氣結。脈絕

不通。羸瘦短氣。故宜以此滋其津液。通其肺胃。殊非開豁痰氣。消尅飲食之謂。其陰虛羸瘦。喘欬上氣。失

音失血。及風熱暴嗽。咸非所宜。恐寒鬱熱邪。牢不可破。多成虛損之疾。麻疹欬嗽。不可誤用。以其性寒助

陰。固斂陽邪。不能發越也。凡脾胃虛寒泄瀉。及痘瘡虛寒作瀉。產後血虛瀉渴。皆非所宜。

萱草一名宜男甘平無毒。發明 萱性下走入陰。故根治沙石淋。下水氣。及酒瘴大熱衄血。搗酒服

治吹乳腫痛。○花治酒瘴。利濕熱。其花起層者。有毒勿食。

淡竹葉 甘寒無毒。發明 淡竹隰生嫩苗。葉綠花碧。根鬚結子。與竹絕然不同。性專淡滲下降。故能去煩熱。清心利小便。根能墮胎催生。

冬葵子

向日葵子也

甘寒滑無毒。

本經主五藏六府寒熱羸瘦。破五癰。利小便。

發明 向日葵質堅耐

寒。入冬不凋。故名冬葵。性滑利竅。能治藏府寒熱羸瘦。破五淋。利小便。婦人乳房脹痛。同砂仁等分爲末。熱酒服三錢。其腫卽消。孕婦難產不下。專取一味炒香爲末。芎歸湯下三錢。則易生。取晨暮轉動靈活耳。夏子益奇疾方云。有人手足忽長。倒生肉刺。如錐痛不可忍。但食葵菜卽愈。亦取其寒滑利竅之用也。蜀葵 甘寒滑無毒。發明 葵以蜀中最勝。種類最多。其子入藥。皆性滑利竅。能潤氣血之燥。千金稱其除客熱。利腸胃。是言其槩也。東垣取其花之白者治白帶。赤者治赤帶。隨其色而爲所用。被狗齧者食之。瘡永不癢。

秋葵子 甘寒滑無毒。發明 葵色種種。惟花於秋者。獨稟金氣而色黃。其子性專潤下。治小便淋。及

催生用之。與向日葵不殊。其花消癰腫。浸油塗湯火傷。其痛卽止。

龍葵

卽老鴉眼睛草

苦微甘滑寒無毒。

發明

龍葵性滑如葵。言苗葉也。消熱散血。壓丹石毒。去婦人敗血。

老鴉眼睛。言其子也。善能續筋消疔腫。與苗葉不異。根利小便。與木通煎服効。

酸漿一名金燈

苦寒無毒

本經主熱煩滿。定志益氣。利水道。

發明

酸漿利濕除熱。清肺治欬。

化痰。痰熱去而志定氣和矣。又主咽喉腫痛。蓋此草治熱痰欬嗽。佛耳草治寒痰欬嗽。故其主治各有專

司也。

敗醬草

一名苦菜。又名鹿腸。根作敗醬氣。故名。

苦平無毒。

本經主暴熱火瘡。赤氣。疥癢。疽痔。馬鞍熱氣。

發明

敗醬

乃手陽明厥陰藥。善除暴熱火瘡。皆取苦寒散毒之用。其治疽痔馬鞍熱氣。以其性專下泄也。金匱薏苡

附子敗醬散。治腸癰固結未潰。故取薏苡下達。敗醬苦降。附子開結。而為熱因熱用之嚮道。深得本經之

旨。若膿成熱毒勢脹。不可用也。而婦人下部疽蝕方中。亦恆用之。近世醫師罕有識者。惟徽人採取笹乾。

曰苦笹菜。惜乎不知治療之功用也。

款冬花

辛溫無毒。紫色有白絲者真。蜜水拌微炒。

本經主欬逆上氣。善喘喉痹。諸驚癩寒熱邪氣。

發明 款冬味辛入氣分。色紫歸血分。雖其性溫。却不燥血。故能輕揚上達。觀本經主治。一皆氣升火炎

之病。古方用為溫肺治嗽之要藥。潤肺消痰。止嗽定喘。喉痹喉痛。肺痿肺癰。咸宜用之。有人病欬多日。或

令燃款冬花三兩。放無風處。以管吸其烟。曠之數日果愈。發真失合。陰虛勞嗽。禁用。以其性溫也。

鼠麴草

即鼠耳草。又名佛耳草。

甘平無毒。

發明

別錄鼠耳主寒痺寒熱欬嗽。東垣佛耳治寒嗽及痰。除肺中

寒大升肺氣。日華云。大抵寒嗽多是火鬱於內。寒覆於外。故佛耳款冬爲之必用。宣明透膈散治寒鬱肺絡之嗽。用佛耳款冬。鍾乳雄黃爲末。並於爐中燒。以筒吸烟嚥下。有涎卽吐去。屢效。

決明子 鹹平無毒。別錄云。苦甘微寒無毒。炒研用。本經主青盲目淫。膚赤白膜。眼赤痛淚出。久服益

精光輕身。發明 相感志言。園中種決明。蛇不敢入。丹溪言。決明解蛇毒。本此入藥明目。本經治青盲

目淫。眼赤淚出。取其苦寒清熱也。以水調末塗腫毒。貼心止鼻衄。貼太陽穴治頭疼。作枕治頭風。別錄療

口青。是主肝經畜熱之驗也。不宜久服。久服令人患風。伐肝搜風太過。反招風熱也。本經言久服益精光

輕身。是指目疾人。肝熱內滯者而言。若肝虛血弱者。過用虛風內擾在所必致耳。

地膚子 一名落蒂 又名黃蒿 甘寒無毒。本經主膀胱熱。利小便。補中益氣。久服耳目聰明。輕身不老。發明

衆病皆起於虛。虛而多熱。則小便不利。精氣日燔。故本經主以清利膀胱邪熱。中氣自復。耳目聰明矣。其

能祛熱利小便。去陰火。治客熱丹腫。葉主老人夏秋間熱淋。用此搗自然汁服之。卽通。男子白濁。用地膚

子白斂爲丸。滾湯下。婦人白帶。地膚子爲末。熱酒服之。屢效。○苗葉燒灰煎霜。制砒石粉霜。水銀硫黃雄

黃礪砂毒。

聖藥 家種者 曰洛陽 苦寒無毒。本經主關格諸癰結。小便不通。出刺決癰腫。明目去翳。破胎墮子。下閉血。

發明 瞿麥利小便。爲君主之用。故本經專主關格諸癰結。小便不通。金匱方治小便不利有水氣。其人苦渴者。用栝蒌瞿麥丸。古方通心經。利小腸。爲最要藥。若心經雖有熱。而小腸虛者。服之。則心熱未退。而小腸別作病矣。以其降泄太過也。本經又言出刺。取鮮者。搗塗竹木刺也。破胎墮子。下閉血。皆利竅所致。故妊娠產後。小水不利。及脾虛水腫。禁用。以性專泄氣也。

王不留行

卽剪金花俗名金盞銀臺

苦甘平無毒

發明

王不留行。專行血分。乃陽明厥陰衝任之藥。能通乳利

竅。其性走而不守。故妊婦禁服。一婦患淋臥久。用此煎服。再劑而愈。其利小便。出竹木刺。與瞿麥同功。

葶藶 辛苦寒小毒。酒淨焙用。療實水滿急生用。本經主癰瘕積聚結氣。飲食寒熱。破堅逐邪。通利水

道。發明 葶藶苦寒不減硝黃。專泄肺中之氣。亦入手陽明足太陽。故仲景瀉肺湯用之。肺氣壅塞。則

膀胱之氣化不通。腎之水注。上竅閉。則下竅不通。水濕泛溢。爲喘滿。爲腫脹。爲積聚。種種諸病生矣。辛能

散。苦能泄。大寒沉降。能下行逐水。故能療本經諸病。亦能泄大便。爲其體輕性沉降。引領肺氣下走大腸。

又主肺癰喘逆。痰氣結聚。通身水氣。脾胃虛者宜遠之。大戟去水。葶藶愈脹。用之不節。反乃成病。葶藶有

甘苦二種。緩急不同。大抵甜者下泄性緩。雖泄肺而不傷胃。苦者下泄之性急。既泄肺而復傷胃。故以大

棗輔之。然肺之水氣。腫滿急者。非此不能除。但水去則止。不可過劑。金匱方云。葶藶傳頭瘡。藥氣入腦。殺

人。

車前子 甘鹹寒無毒。酒浸焙用。本經主氣癰。止痛。利水道。除濕痹。久服輕身耐老。發明 車前子入足太陽少陰。能利小便。而不走氣。與茯苓同功。本經治氣癰。止痛。通腎氣也。小便利則濕去。濕去則痹除。別錄治女子淋瀝等病。專取清熱利竅之功也。男女陰中有二竅。一竅通精。一竅通水。二竅不兼開。水竅得氣化乃出。精竅得火動乃泄。車前專通氣化。行水道。疏利膀胱濕熱。不致擾動真火。而精氣甯謐矣。故凡瀉利暴下病。小便不利而痛者。用車前子為末。米飲服二錢。利水道。分清濁。而竅藏止矣。又治目疾。水輪不清。取其降火而不傷腎也。時珍用以導小腸熱。止暑濕瀉。取甘平潤下之用耳。陽氣下陷。腎氣虛脫。人勿服。其葉搗汁溫服。療火盛泄精甚驗。若虛滑精氣不固者禁用。

馬鞭草 一名龍牙草 苦微寒無毒。發明 馬鞭草色赤入肝經血分。故治婦人血氣腹脹。月經不勻。通經

散瘕。治金瘡。行血活血。生搗汁飲。治喉痹癰腫。又搗敷治下部腫瘡。及蠅蝮尿。男子陰腫。惟陰血虛而胃

弱者勿服。

光明草 即狗尾草 發明 眼赤拳毛倒睫者。翻轉目。以一二莖蘸水。憂去惡血甚良。

鱧腸草 一名金陵草 甘酸平無毒。發明 鱧腸草腎經血分藥。灸瘡發。血不可止者。傅之立已。汁

透眉髮生速而繁皆益腎養血之驗故烏鬚髮方用之千金方有金匱煎能益髮變白為黑也單用熬膏治大便下血腎主二便但脾胃虛大便易瀉者勿服

連翹 苦平無毒根名連軹甘寒平小毒 本經主寒熱鼠瘻瘰癧腫惡瘡癰結熱蠱毒 發明

連翹輕清而浮本手少陰厥陰氣分藥瀉心經客熱破血結散氣聚消腫毒利小便諸痛癢瘡皆屬心火

連翹瀉心為瘡家聖藥十二經瘡藥中不可無此乃結者散之之義本經專主寒熱鼠瘻瘰癧癰結熱

等病皆由足少陽膽經氣鬱而成此藥正清膽經鬱熱癰疽惡瘡無非營衛壅遏得清涼以散之蠱毒所

結得辛香以解之然苦寒之性僅可以治熱腫故癰疽潰後膿清色淡及胃弱食少者禁用○根寒降專

下熱氣治濕熱發黃濕熱去而面悅好眼目明矣仲景治瘧熱在裏發黃麻黃連軹赤小豆湯主之奈何

世鮮知此如無極以實代之

陸英 一名蒴藋又一名接骨草 苦寒無毒 本經主骨間諸痹四肢拘攣痿痠膝寒痛陰痿短氣不足脚腫 發明

陶蘇本草甄權藥性皆言陸英即蒴藋田野村墟甚多人家所植高大色赤者是陸英田野所出不紅葉

上有粉者是蒴藋二味所主大率相類外臺千金方多用之世以其賤而全置不講也

藍實 大青 小青 苦寒無毒 有二種大者曰大青苗高如蓼小者曰小青葉光如景天 向編在麻後今併此

本經解諸毒殺蠱蛟同疰鬼蝥毒發明本經取用藍實乃大青之子是即所謂蓼藍也性稟至陰其

味苦寒故能入肝本經取治蠱疰諸毒專於清解溫熱諸邪也陽毒發斑咽痛必用之藥而莖葉性味不

異主治皆同日華子治天行熱狂疔腫風疹朱肱治發斑咽痛有犀角大青湯大青四物湯皆取其葉以

治溫熱毒盛發斑之藥非正傷寒藥也蓋大青瀉肝膽之實火正以祛心胃之邪熱所以小兒疳熱丹毒

為要藥○小青搗敷腫痛甚效治血痢腹痛殺百藥毒解狼毒射罔斑蝥砒石等毒千金以藍葉搗汁治

腹中蠱瘕夏子由奇疾方用板藍汁治腹內應聲蟲陳實功以藍同貝母搗敷人面瘡皆取苦寒以散蘊

結之熱毒也○藍澱以藍浸地坑一宿入石灰攪澄去水為澱其解諸毒傳熱瘡之用則一而殺蟲之功

更効蟲為下膈非此不除今人以染缸水治噎膈皆取其殺蟲也

青黛一名藍鹹寒無毒發明青黛乃藍澱浮沫攪澄掠出收乾瀉肝膽散鬱火治溫毒發斑及產後

熱痢下重千金藍青丸用之天行寒熱頭痛水研服之與藍同類而止血拔毒殺蟲之功似勝於藍又治

噎膈之疾取其化蟲之力也利濁白堊冰片吹口疳最效

蓼子生水旁者曰水蓼俗名紅草鹹微溫無毒本經明目溫中耐風寒下水氣療面浮腫癰瘍發明蓼實治

消渴去熱及療癰痔腐腹脹皆取其散熱消積之功即本經下水氣面浮腫癰瘍之用其葶草子專治疔

穉鵝丸用之。蓼葉治大小腸邪氣。黃帝云。蓼食過多。毒發心痛。婦人月事來不可食蓼及蒜。善爲血淋帶下。扁鵲云。蓼食之令人寒熱。損骨髓。殺丈夫陰氣。

菖菴 苦平無毒。本經主浸淫疥癬疽痔。殺三蟲。發明 菖菴利水散濕熱。治黃痺霍亂。療小兒疳

病。女子陰蝕。本經專主浸淫疥癬疽痔。所主皆濕熱之病。三蟲亦濕熱所化也。

白蒺藜 苦辛溫無毒。酒浸焙焦去刺研用。本經主惡血。破癥結積聚。喉痹乳難。久服長肌肉。明目輕

身。發明 白蒺藜性升而散。入肝腎經。爲治風明目要藥。風入少陰厥陰經者爲嚮導。目病爲風木之

邪。風盛則目病。風去則目明矣。本經專破惡血積聚。治喉痹乳難。以苦能泄。溫能宣。辛能潤也。此言刺蒺

藜之功用耳。久服長肌肉。明目輕身。以其入腎益精氣也。此則專主沙苑蒺藜而言。其治痰消癰腫。搜腎

藏風氣。又須刺者爲破敵之先鋒。千金方治白澱風。以一味爲末。湯服二錢。日二服。服至半月。白處見紅

點。至一月效。

沙苑蒺藜 甘溫無毒。產沙苑者色微黑。而形似羊腎。若色微綠。雖產秦中。非沙苑也。酒蒸搗用。藥肆中

以一種野田開紅花之土蒺藜僞充。咬之亦生豆氣。但缺處有尖鉤稍異耳。發明 沙苑蒺藜產於

關。得漠北之氣。性降而補益腎。治腰痛。爲泄精虛勞要藥。最能固精。故聚精丸用此佐鱧膠。大有殊功。以

之點湯代茶亦甚甘美益人但腎與膀胱偏熱者禁用以其性溫助火也

穀精草 辛溫無毒 發明 穀精草性體輕浮能入陽明分野治目中諸痛甚良而去星尤為專藥明目退翳之功在菊花之上痘後生翳亦用之此草兔性喜食故目疾家專用與望月砂功用不殊

海金沙 甘寒無毒市鋪每以沙土雜入須淘淨取浮者曝乾擦之不沾指者真 發明 海金沙生於

葉上小腸膀胱血分藥也熱伏二經血分者宜之故小便熱淋莖痛為要藥腎藏真陽不足者忌用

地椒 一名水楊梅生水邊條葉叢生似 辛溫無毒 發明 地椒制丹砂粉霜見庚辛玉冊綱目名水

楊梅時珍主治疗瘡腫毒 菊莖端開黃花實類椒而不赤

半邊蓮 辛平無毒 發明 半邊蓮小草也生陰濕墜墜就地細梗引蔓節節生細葉秋開小花淡

紅紫色止有半邊如蓮花狀故名專治蛇傷搗汁飲以渣圍之

地丁 苦辛寒無毒 發明 地丁有紫花白花二種治疔腫惡瘡兼療癰疽發背無名腫毒其花紫者

莖白者莖紫故可通治疗腫或云隨疔腫之色而用之但漫腫無頭不赤不腫者禁用以其性寒不利

陰疽也

見腫消

酸腐微毒 發明 見腫消專消癰腫及狗咬搗葉貼之傷寒餘毒發於耳前後用此一握同

白及白斂。大黃大薊。芋根。共搗成餅。入芒硝一錢。白蜜少許。和貼留頭。乾即易之。

毒草部

大黃 本經名黃良一名將軍

苦寒無毒。產川中者。色如錦紋而潤者良。若峻用攻下。生用邪氣在上。必用酒浸上

引而驅熱下行。破瘀血。韭汁製。虛勞吐血。內有瘀積。韭汁拌炒。黑用之。大腸風祕燥結。皂莢綠礬酒製。又

尿桶中浸過。能散瘀血。兼行滲道。妊娠產後。慎勿輕用。實熱內結。勢不可緩。酒蒸用之。凡服大黃下藥。須

與穀氣相遠。得穀氣則不行矣。本經下瘀血。血閉寒熱。破癥瘕積聚。留飲宿食。蕩滌腸胃。推陳致新。通

利水穀。調中化食。安和五藏。發明。大黃氣味俱厚。沉降純陰。乃脾胃大腸肝與三焦血分之藥。凡病

在五經血分者宜之。若在氣分者用之。是誅伐無過矣。其功專於行瘀血。導血閉。通積滯。破癥瘕。消實熱。

瀉痞滿。潤燥結。數腫毒。總賴推陳致新之功。本經與元素皆謂去留飲宿食者。以宿食留滯中宮。久而發

熱。故用苦寒化熱。宿食亦乘勢而下。後世不察。以爲大黃槩能消食。謬矣。蓋胃性喜溫惡濕。溫之則宿食

融化。寒之則堅滯不消。以其能蕩滌腸胃。食積得以推蕩。然後穀氣通利。中氣調暢。飲食輪化。五藏安和

矣。若食在上脘。雖經發熱。只須枳實黃連以消痞熱。宿食自通。若誤用大黃推蕩不下。反致結滯不消。爲

害不淺。如瀉心湯治心氣不足。吐血衄血者。乃包絡肝脾之邪火有餘也。雖曰瀉心。實瀉四經血中伏火

也。仲景治心下痞滿。按之濡者。用大黃黃連瀉心湯。此亦瀉脾胃之濕熱。非瀉心也。若心下痞而復惡寒汗出者。其人陽氣本虛。加附子以溫散之。病發於陰而反下之。因作痞。乃痰實與邪氣乘虛結於心下。故曰瀉心。實瀉脾也。病發於陽而反下之。則成結胸。乃熱邪陷入陰分而結於膈上。仲景大陷胷湯丸皆用大黃。亦瀉脾胃血分之邪。而降其濁氣也。若結胸在氣分。則用小陷胸湯。痞滿在氣分。則用半夏瀉心湯矣。若病本陽邪。或兼停食。而攻發太過。正氣消乏。實結不解。擬欲攻之。而正氣不能行其藥力。則加人參於桃核承氣中。以助硝黃之勢。如陶氏黃龍湯之製。乃先輩之成則也。蓋大黃芒硝瀉腸胃之燥熱。牽牛甘遂瀉腸胃之濕熱。巴豆硫黃瀉腸胃之寒結。各有定例。至於老人血枯便秘。氣虛便秘。脾虛腹脹。少食婦人血枯經閉。陰虛寒熱。脾氣痞積。腎虛動氣。及陰疽色白不起等證。不可妄用。以取虛虛之禍。

商陸

一名當陸。赤者性劣。色白者良。

辛寒有毒。銅刀刮去皮。水浸一宿。或醋炒。或黑豆拌蒸用。其赤者服之傷人。令人

見鬼。同生水服殺人。

本經主水腫痼瘕。瘰癧除癰腫。殺鬼精物。

發明

商陸苦寒傷脾。其性下行利

水。本經專主水腫痼瘕等疾。與大戟甘遂異性同功。胃氣虛弱者不可用。腫滿小便不利者。以赤根搗爛入麝香三分。貼於臍心。以帛束之。得小便利。卽腫消。或以大蒜同白商陸煮汁服。亦治腫疾。仲景治大病後腰以下腫。牡蠣澤瀉散用之。以其病後不堪受邪。故用急迫以散之也。然水腫因脾虛者。若誤用之一

時雖效未幾再發決不可救

狼毒 苦辛寒大毒。陳者良。醋炒用。出東魯泰山。與防葵相類。置水沉者為狼毒。浮者即防葵也。本經

主欬逆上氣。破積聚。飲食寒熱水氣。惡瘡鼠瘻疽。蝕鬼精蠱毒。殺飛鳥走獸。發明 狼毒大毒。非恆用

之品。本經治欬逆上氣。惟質實氣壯。暴欬者宜之。又能破積聚。飲食寒熱水氣。以其迅利也。性能殺飛鳥

走獸。其治惡瘡疽蝕蠱毒。所不待言。肘後方以狼毒二兩。附子半兩。治心腹連痛脹急。加旋覆蜜丸。日服

三丸。治腹中冷痛。及兩脇氣結。又為散擦惡瘡疥癬。○愚按狼毒與防葵同根。但質有輕重之別。雖本經

主治不同。一皆瞑眩之品。功用亦不甚相遠。今狼毒內有輕浮者。即係防葵無疑。但本經條下有堅骨髓

益氣輕身之說。其性警走散。力能攻逐三蟲。故有益氣輕身之功。本經不言攻蟲。而攻蟲之用。與狼牙無

異。

狼牙 本經名牙子 苦辛寒有毒。以其形似獸牙故名。白者良。中濕糜爛。生衣者殺人。本經主邪氣熱氣

疥癢。惡瘍瘡痔。去白蟲。發明 狼牙較狼毒之性稍緩。而所治亦相類。金匱九痛丸。用狼牙。局方用狼

毒。方用附子三兩。狼牙人參吳茱萸乾薑各一兩。巴霜一錢。蜜丸。梧子大。日服二三丸。治九種心痛。並卒

中惡。腹脹滿。又連年積冷。流注心胸痛。及冷衝上氣。落馬墜車。血疾皆主之。本經治邪氣熱氣。去白蟲。蓋

心痛多有屬蟲積者。故前方用之。亦治惡瘍瘡痔。金匱外臺千金。並以煎洗陰瘡蝕瘡。搗汁治射工。漢毒肘後。以之搗貼金瘡。外臺以之蜜丸。漿水服一丸。治寸白蟲。皆取殺蟲解毒之功也。

防葵 辛寒有毒。本經主疝瘕腸泄。膀胱熱結溺不下。欬逆濕瘡。癩痢驚邪狂走。久服堅骨髓益氣輕

身。發明 防葵辛寒。性善走散。能治疝瘕腸泄。膀胱熱結等證。而別錄又言療五藏虛氣。小腹支滿。臚

脹口乾。除腎邪強志。中有火者。不可久服。令人恍惚見鬼。二說各有主見。一以治濁邪支塞。驚邪狂走。故

須久服。開除積垢。自然髓充骨堅。正氣自復。一以療五藏虛氣。腎邪逆滿。故不可久服。久服恐正氣愈虛。

不能制五志之火。引領痰濕。上侮君主。令人恍惚見鬼。同一防葵。而有治驚邪狂走。與久服見鬼之不同。

也。嘗攷千金方。防葵爲治風虛通血脈之上藥。每與參朮鍾乳石英並用。取其祛逐風虛。通利血脈。而正

氣得復。腎志自強。當無助火爲虐之慮矣。

藺茹 辛寒有小毒。折之汁出。凝黑如漆。故名漆頭藺茹。色白者名草藺茹。本經主疽蝕惡肉。敗瘡死

肌。殺疥蟲。排膿惡血。除大風熱。氣善忘不寐。發明 藺茹本經治惡肉敗瘡等病。而素問四烏鯁一蔥

茹丸。當非此藺茹可治也。聖惠治頭風眩。千金治小兒癰疽。並用漆頭藺茹。姚僧坦治癰疽。去惡血。有

白圓茹丸。二者皆能散血。其治善忘不寐。亦是因風熱侵犯心包膽府所致。散其風熱。則無不寐善忘之

惡矣

大戟 苦辛大寒有毒。反甘草。入藥惟用正根。誤服傍株。令人冷瀉。棗煮則不損脾。乘軟去骨用。本經主蠱毒十二水。腹滿急痛積聚。中風皮膚疼痛吐逆。發明 大戟性稟陰毒。峻利首推。苦寒下走腎陰。辛散上瀉肺氣。兼橫行經脈。故本經專治蠱毒十二水。腹滿急痛等證。皆濁陰壅塞所致。然惟暴脹爲宜。云中風者。是指風水膚脹而言。否則傳寫之誤耳。夫大戟甘遂之苦以泄水者。腎所主也。痰涎之爲物。隨氣升降。無處不到。入於心則迷竅而成癩癩。妄言妄見。入於肺則塞竅而成欬唾稠粘。喘急背冷。入於肝則留伏蓄聚而成脇痛乾嘔。寒熱往來。入於經絡則麻痺疼痛。入於筋骨則頸項胸背腰脇手足牽引隱痛。三因方並以控涎丹主之。大戟能泄藏府之水濕。甘遂能行經隧之水濕。白芥子能散皮裏膜外之痰。氣惟善用者。能收奇功也。痘瘡變黑歸腎。棗變百祥丸用大戟製棗。去戟用棗以瀉肝邪。非瀉腎也。實則瀉其子。因腎邪實而瀉其肝也。仲景云。心下痞滿。引脇下痛。乾嘔短氣者。十棗湯主之。其中亦有大戟。夫乾嘔脇痛。豈非肝膽之病乎。百祥丸之瀉肝明矣。至玉樞丹。同續隨子。山茨菇等。解蠱毒藥。則又不獨肝膽矣。其脾胃腎虛寒。陰水泛濫。犯之立斃。不可不審。

澤漆

本經名
漆莖

苦寒小毒。別錄日華陶氏皆言是大戟苗。綱目名猫兒眼睛草。時珍云。江湖源澤多有之。

搗莖有白汁粘人故名。本經主皮膚大熱。大腹水氣。四肢面目浮腫。丈夫陰氣不足。發明。澤漆利水。功類大戟。遂誤以爲大戟苗。本經言利丈夫陰氣。則與大戟不相侔也。其治皮膚大熱。面浮腹大等證。兼挾表熱而言。其性與大戟亦相類也。金匱澤漆湯。方用澤漆半夏。紫參白前。甘草人參。桂心生薑。以治肺欬。上氣脈沉。大明言止瘧疾。消痰退熱。肘後聖惠簡。伏瘕水腫。腳氣。皆用之。

甘遂。苦甘大寒有毒。麪裹煨熟用。反甘草。其根皮赤。肉色白。作連珠。大如指頭。質重不吐。背赤皮者。其性尤烈。本經主大腹疝瘕。腹滿。面目浮腫。留飲宿食。破癥堅積聚。利水穀道。發明。甘遂色白。味苦。先升後降。乃瀉水之峻藥。本經治大腹疝瘕。面目浮腫。留飲宿食等病。取其苦寒迅利。疏通十二經。攻堅破結。直達水氣所結之處。仲景大陷胸湯。金匱甘草半夏湯用之。但大瀉元氣。且有不可輕用。腎主水。凝則爲痰。飲溢則爲腫脹。甘遂能泄腎經濕氣。治痰之本也。不可過服。中病則止。仲景治心下留飲。與甘草同用。取其相反而立功也。肘後方治身面浮腫。甘遂末二錢。以雄豬腎一枚。分七片。入末拌勻。濕紙裹煨令熟。每日服一片。至四五服。當腹鳴。小便利。是其效也。然水腫鼓脹。類多脾陰不足。土虛不能制水。治當辛溫補脾實水。兼利小便。若誤用甘遂大戟。商陸牽牛等味。禍不旋踵。而癩痢心風血邪。甘遂二錢爲末。以豬心管血和藥入心內。縛定。濕紙裹煨熟。取藥入辰砂末一錢。分四圓。每服一圓。以豬心煎湯下。

大便利下惡物爲效。未下更服一圓。凡水腫未全消者。以甘遂末塗腹。臍令滿。內服甘草湯。其腫便去。二物相反。而感應如此。塗腫毒如上法。亦得散。又治肥人卒然耳聾。甘遂一枚。綿裹塞耳中。口嚼甘草。耳卒然自通也。

續隨子

卽千金子

辛溫有毒。去殼取色白者。以紙包壓去油。取霜用。

發明

續隨子下氣最速。然有毒。損

人。與大戟澤漆甘遂莖葉相似。主療亦相似。其功長於利水解毒。故玉樞丹用之。服後瀉多以醋同粥食。卽止。若脾虛便滑之人。誤服必死。黑子疣贅。續隨子搗爛。時塗之。自落。或以煮線繫瘤根。時時緊之。漸脫。

萇蓉

一名天仙子

子苦寒根苦辛有毒

本經主齒痛出蟲。肉痺拘急。多食令人狂走。

發明

萇蓉入癩

狂方用。然皆用其子耳。故言勿令子破。破則令人發狂。本經治肉痺蟲匿。用其毒以攻治也。千金治石癰。堅硬不作膿者。萇蓉子爲末。醋和傅瘡頭。根卽拔出。打撲折傷。羊脂調萇蓉子末傅之。○萇蓉根主治與子不殊。瘡疾不止。萇蓉根燒灰水服一錢。卽止。惡癬有蟲。萇蓉根搗爛。和蜜傅之。惡刺傷人。萇蓉根水煮汁浸。冷卽易之。箭頭不出。此亦主之。皆千金神方也。狂犬咬人。萇蓉根和鹽。日三傅之。此外臺祕要方也。今人用根。治噎膈反胃。取其性走。以祛胃中留滯之邪。噎隔得以暫開。虛者誤服。爲害不測。時珍云。萇蓉之功。未見如所說。而其毒有甚焉。煮一二日。尚能生芽。其爲物可知矣。服萇蓉雲實防葵赤商陸。皆令

人狂或見鬼者。蓋此類皆稟陰毒。能使痰迷心竅。閉其神明。以亂視聽。故耳。

蓖麻子 甘辛溫有毒。去殼取仁白者良。禁食炒豆。犯之必脹。發明 蓖麻屬陰。其性善收。能追膿取毒。拔邪外出。爲外科要藥。能出有形之滯物。故取胎產胞衣。剝骨膠血者用之。時珍云。蓖麻甘辛有熱毒。氣味頗近巴豆。亦能利人。故下水氣。其性善走。能開通諸竅經絡。治偏風失音口噤。口目喎斜。頭風七竅諸病。不止於出有形之物也。蓋鴉鵂油能引藥氣入內。蓖麻油能拔病氣出外。故諸膏多用之。偏風手足不舉。同羊脂穿山甲麝香煎膏。日摩漸正。研塗瘰癧瘡毒癰腫。卽消。蓋能引毒外出耳。一人病手臂結塊腫痛。用蓖麻仁搗膏貼之。卽愈。一人病氣鬱而偏頭痛。用此同乳香食鹽搗敷太陽。其痛立止。一婦產後子腸不收。搗貼丹田。卽上。此藥外用。屢奏奇勛。但不宜內服耳。

常山

一名恆山

苦辛溫有毒。川產淡黃細實。如雞骨者良。醋炒則不吐人。

本經主傷寒寒熱發溫瘧鬼

毒胸中痰結吐逆。

發明

夫瘧有六經五藏痰濕食積風邪瘴疫。須分陰陽虛實。不可一槩論也。常山

治瘧。有劫痰截病之功。須在發散表邪。及提出陽分之後。服之得宜。生用多用。則上行必吐。若酒浸炒透。

則氣少緩。稍用錢許。亦不致吐也。得甘草則吐。得大黃則利。蓋無痰不作瘧。常山專在驅逐痰水。楊士瀛

云。常山治瘧。人皆薄之。瘧家多畜涎涎黃水。或停滯心下。或結癖脇間。乃生寒熱。法當吐涎逐水。常山豈

容不用。所以本經專主寒熱溫瘧。痰結吐逆。以瘧病多由傷寒寒熱。或時氣溫疫。而致痰水蓄聚心下也。夫水在上焦。則常山能吐之。水在脇下。則常山能破其滯而下其水。但須行血藥佐之。如桃仁。蓬朮。穿山甲之類。其有純熱發瘧。或蘊熱內實之證。投以常山。大便點滴而下。似泄非泄。須用大黃爲佐。瀉利數行。然後獲愈。常山陰毒之草。其性暴悍。雖有破瘴逐飲之能。然善損真氣。所以仲景治瘧方中。從無及此。而夏傷於暑。秋必痲瘧。及瘧在三陰。元氣虛寒人。則常山穿山甲輩。皆爲戈戟。

蜀漆 苦辛溫有毒。本經主瘧及欬逆寒熱。腹中癥堅。積聚邪氣。蠱毒鬼疰。發明 蜀漆卽常山之

苗。故本經治瘧。及欬逆寒熱。積聚蠱毒。功效與之相類。金匱治牝瘧獨寒不熱者。有蜀漆散。用蜀漆雲母龍骨酢漿水服之。溫瘧加蜀漆一錢。用酸漿者。取酸收以斂蜀漆之辛散也。

藜蘆 辛苦寒有毒。反五參。服之吐不止者。飲葱湯卽止。本經主蠱毒咳逆。泄痢腸澼。頭瘍疥癢。蟲瘡。殺諸蠱毒。去死肌。發明 藜蘆服錢匙則惡吐。而本經治蠱毒欬逆。泄痢腸澼。是指積氣內盛者而言。

積去則欬與利止矣。又通頂令人噎。按常山吐瘧痰。瓜蒂吐熱痰。烏附尖吐濕痰。萊菔子吐氣痰。藜蘆則吐風痰者也。凡胸中有老痰。或中蠱毒。止可借其宣吐。切勿沾口。大損胃中津液也。若欬逆泄利腸澼等證。苟非實邪壅滯。慎勿輕試。不可因本經之言而致惑也。別錄治喉痹不通。鼻中瘕肉。並爲散吹鼻孔效。

附子 辛熱大毒。反半夏。萆貝母白礬。古方以一兩一枚者爲力全。近時專取大者爲勝。用鹽過多。雖一兩五六錢。製熟不及七八錢。且容易腐爛。若欲久藏。須同竈灰入罐中。置近火處。庶可經久。其性熱有毒。必正節角少。頂細臍正者爲上。頂粗有節多鼠乳者次之。傷缺偏縐者爲下。有兩岐者名烏喙。此稟氣不正。常主大風頑痹。附子生用則散陰寒。熟用則助真元。生用去皮臍。熟用甘草重便制。若欲久藏。一味甘草濃煎汁煮。汁盡爲度。入陽虛補劑。用黃連甘草制。凡中其毒。生萊菔汁及黃連解之。近時烏附多產陝西。其質粗。其皮厚。其色白。其肉鬆。其味易行易過。非若川附之色黑皮薄。肉理緊細。性味之辛而不烈。久而愈辣。峻補命門真火也。本經主風寒欬逆邪氣。寒濕痿痺拘攣。膝痛不能行步。破癥墜積聚。血瘕金瘡。發明 附子氣味俱厚而辛烈。能通行十二經。無所不至。煖脾胃而通膈噎。補命門而救陽虛。除心腹腰膝冷痛。開肢體脾濕痿弱。療傷寒呃逆不止。主督脈脊強而厥。救寒疝引痛欲死。斂癰疽久潰不收。及小兒脾弱慢驚。並須製熟用之。附子爲陰證要藥。凡傷寒陰證厥逆。直中三陰。及中寒夾陰。雖身熱而脈沉細。或浮虛無力者。非此不治。或厥冷腹痛脈沉細。甚則唇青囊縮者。急須生附以峻溫散之。本經治風寒咳逆。當是陰寒呃逆。亥豕之謬。詳本經所主諸證。皆陰寒之邪。乘虛客犯所致。其主金瘡者。是傷久氣血虛寒。不能收斂。非血出不止之金瘡也。別錄又主腰脊風寒。脚氣痿弱。心腹冷痛等病。總取溫經。

散寒之力耳。附子藥雄壯之質。有斬關奪將之能。能引補氣藥行十二經。以追復散失之元陽。引補血藥入血分。以培養不足之真陰。引發散藥開腠理。以驅逐在表之風寒。引溫暖藥達下焦。以祛除在裏之冷濕。附子以白朮爲佐。乃除寒濕之聖藥。然須並用生者。方得開通經絡。若氣虛熱甚。宜少用熟附。以行參耆之力。肥人多濕。亦宜少加烏附行經。附子得乾薑炙甘草。名四逆湯。主少陰經寒證。得桂枝甘草薑棗。名桂枝附子湯。治風濕相搏。身體疼煩。不能轉側。得白朮甘草薑棗。名朮附湯。治風虛頭重眩極。得麻黃細辛。名麻黃附子細辛湯。治少陰病發熱脈沉。得大黃芩連。名附子瀉心湯。治心下痞而惡寒汗出。得大黃細辛。名大黃附子湯。治脇下偏痛。發熱脈弦緊。得參朮芩芍。名附子湯。治少陰病始得之。背惡寒。得茯苓白朮芍藥生薑。名真武湯。治少陰病腹痛小便不利。四肢疼痛自利。得乾薑蔥白。名白通湯。治少陰病利下脈微。若厥逆無脈。乾嘔而煩。面色赤。加蔥白以通陽氣。此皆得配合之神妙。能起死回生於反掌間。生熟各隨本方。趙嗣真云。生附配乾薑。補中有發。熟附配麻黃。發中有補。宜生宜熟。不出此中妙用也。至於崔氏八味丸。用爲少陰嚮導。後世認爲補藥誤矣。東垣治陰盛格陽面赤目赤煩渴引飲。脈來七八至。但按之卽散者。用乾薑附子湯。加人參半斤。服之得汗而愈。時珍云。陰寒在下。虛陽在上。治之以寒。則陰氣愈盛。治之以熱。則拒而不納。熱藥冷服。下咽之後。冷性既消。熱性便發。病氣隨愈。此熱因寒用之法也。

附子性沉著。溫脾逐寒。烏頭性升發。溫脾去風。若寒疾。卽用附子。風疾。卽用烏頭。二藥俱走而不守。故墜胎爲百藥長。然妊娠脈弦發熱。胎脹惡寒。小腹如扇。金匱用附子湯。以安其胎。此神聖之妙用也。若傷寒發熱頭痛皆除。熱傳三陰。而見厥逆脈沉。此厥深熱深之候。證必先發熱頭痛。七八日或十餘日後。而見厥冷脈沉。此爲陽厥。大便必不瀉而閉。及溫疫熱伏厥逆。與陰虛內熱。火鬱於內而惡寒者。誤用。不旋踵告變矣。附子乃退陰回陽必用之藥。近世疑而不用。直待陰極陽竭。而用已遲矣。且夾陰頭痛足冷。上熱下寒。陰邪內盛。陽氣外衰。急需人參健脈以益其原。佐以附子溫經散寒。捨此不用。將何救之。

川烏頭 辛熱有毒。入祛風藥。同細辛黑豆煮。入活絡藥。同甘草炮製。按烏頭乃附子之母。春生新。附卽

採其母。諸家本草未嘗發明。但云春採者爲烏頭。故舉世誤認烏頭爲春時取附子之小者。往往以側子代用。誤人多矣。反半夏。發明 烏頭得春升之氣。故治風爲嚮導。主中風惡風。半身不遂。風寒濕痹。心腹冷痛。肩脾痛不可俛仰。及陰疽久不潰者。潰久瘡寒。歹肉不斂者。並宜少加以通血脈。惟在用之得宜。小兒慢驚。搐搦涎壅厥逆。生川烏全蠍。加生薑煎服效。其烏附之尖爲末。茶清服半錢。吐癩癩風痰。取其銳氣。從下焦直達病所。借茶清涌之而出也。夫藥之相反者。以烏頭半夏爲最。而金匱赤丸。及普濟方俱二味同用。非妙達聖義者。難以語此。

天雄 辛温大毒。卽附子之獨顆無附。大倍附子者。制法與附子同。本經主大風寒濕痹。歷節拘攣。緩急。破積聚邪氣。金瘡。强骨髓。輕身健行。發明 天雄稟純陽之性。補命門三焦。壯陽精。强腎氣。過於附子。故本經用以治大風寒。開濕痹。歷節拘攣諸病。陽氣衰痿者。佐人參用之。天雄附子。性皆下行。若上焦陽虛者。當用參耆。不當用此也。且烏附之尖。皆是向下生者。其臍乃向上生苗處。宗爽元素。皆誤認尖爲上。惟震亨以爲下部之佐者得之。肘後三建湯。治元陽素虛。寒邪外入。厥冷脉沉。及傷寒陰毒。川烏附子。天雄炮制等分。每服四錢。加生薑十五片。温服。金匱治男子失精。用天雄龍骨桂枝白朮爲散。酒服半錢。淮南用天雄一枚。納雄雞腹中。煮爛搗食之。令人勇。取壯肝腎之氣也。

側子卽前子

辛熱大毒

發明

側子乃散生烏附之旁側。體無定在。其氣輕揚。宜其發散四肢。充達皮

毛爲治風之藥。唐元希聲治癱瘓。有側子湯。見外臺祕要。○又附子之初生。瑣細未成者。曰漏藍。言其小而籃不能盛。漏出籃下也。專治冷漏惡瘡。

草烏頃一名毒公

辛熱大毒。卽烏頭之野生者。或生用。或炮用。各隨本方。有兩岐相合。如烏之喙者。名烏喙。

本經主中風惡風。洗洗出汗。除寒濕痹。欬逆上氣。破積聚寒熱。其汁煎之名射罔。殺禽獸。發明 草烏頭射罔。乃至毒之物。非若川烏頭附子之比。自非風頑急疾。不可輕投。此藥止能搜風勝濕。開頑痰。治頑

瘡以毒攻毒而已。本經治惡風洗汗出。但能去惡風而不能回陽散寒可知。昔人病風癱服草烏頭水。鼈子藥過多。甫入腹遂麻痺不救。烏附五種。主治攸分。附子大壯元陽。雖偏下焦。而周身內外無所不至。天雄峻溫不滅於附。而無頃刻回陽之功。川烏搗搜風濕痛痺。却少溫經之力。側子善行四末。不入藏府。草烏悍烈。僅堪外治。此烏附之同類異性者。至於烏喙。氣不純。服食遠之可也。

射罔

苦溫大毒。人中射罔毒。以甘草藍汁小豆葉浮萍冷水薺苳。皆可一味禦之。

發明 烏喙射罔

至毒之藥。雖有治尸疰癰。瘰瘡毒腫及蛇咬。先取塗肉四畔。漸漸近瘡。習習逐病。至骨瘡有熱膿。及黃水者。方可塗之。若無膿水有生血。及新傷破。即不可塗。立能殺人。

白附子

辛甘溫小毒。

發明 白附子純陽引藥勢上行。乃陽明經藥。治肝氣風癱陰瘡。洗疔黑入面

脂用。其性燥血耗氣。是以類中風證。雖有痰癰禁用。小兒慢驚勿服。

天南星

本經名 虎掌

苦辛溫有毒。治風痰生用。須以礬湯浸。若熟用以濕紙包。於塘火中炮製。用造膽星法。

以南星麝末篩去皮。臘月入黃牛膽中。懸當風處乾之。年久多拌者。良。或兼蜂蜜以潤其燥。但色易黑。不

能久藏。

本經主心痛寒熱結氣。積聚伏梁。筋痠拘緩。利水道。

發明 天南星之名。始自開寶。即本經

之虎掌也。以葉取象。則名虎掌。根類取名。故曰南星。雖具二名。實係一物。為開滌風痰之毒藥。本經治心

痛寒熱結氣。卽開寶之下氣利胸膈也。本經之治積聚伏梁。卽開寶之破堅積也。本經之治筋痿拘緩。卽開寶之治中風除麻痺也。本經之利水道。卽開寶之散血墮胎也。夫水由血不歸經所化。蘊積於經而爲濕熱。則風從內發。津液凝聚爲腫脹。爲麻痺。爲眩暈。爲顛仆。爲口噤身強。爲筋脈拘緩。爲口眼喎斜。各隨身之所偏而留著不散。內爲積聚。外爲癰腫。上爲心痛。下爲墜胎。種種變端。總由濕熱所致。蓋緣一物二名。後世各執一例。是不能無兩岐之說。卽仲淳之明。尙以開寶之文。衍之爲疏。而本經主治置之罔聞。何怪諸家採集藥性。一皆舍本逐末乎。按天南星味辛而麻。故能治風散血。氣溫而燥。故能勝濕除痰。性緊而毒。故能攻積拔腫。而治口喎舌糜。諸風口禁。更以石菖蒲人參佐之。南星半夏皆治痰藥也。然南星專走經絡。故中風麻痺以之爲嚮導。半夏專走腸胃。故嘔逆泄瀉以之爲嚮導。千金治婦人頭風攻目作痛。掘地作炕燒赤。入南星於中。以醋沃之。蓋定候冷。爲末酒服半錢。易簡治面生疣子。醋調南星末塗之。其新生之芽曰由跋。本經治毒腫結氣。千金方用之。取其開結熱之用耳。

半夏 辛溫有毒。湯浸同皂莢白礬煮熟。薑汁拌焙乾用。或皂莢白礬薑汁竹瀝四製尤妙。咽痛醋炒用。小兒驚痰發搐。及膽虛不得眠。豬膽汁炒。入脾胃丸劑爲細末。薑汁拌盪作麩。候陳炒用。反烏附者以辛燥鼓激悍烈之性也。忌羊血海藻飴糖者。以甘膩凝滯開發之力也。本經主傷寒寒熱心下堅胸脹。欬

逆頭眩。咽喉腫痛。腸鳴下氣止汗。發明。半夏爲足少陽本藥。兼入足陽明太陰。虛而有痰氣。宜加用之。胃冷嘔噦。方藥之最要。止嘔爲足陽明。除痰爲足太陰。柴胡爲之使。故小柴胡湯用之。雖爲止嘔。亦助柴胡黃芩。主往來寒熱也。本經治傷寒寒熱。非取其辛溫散結之力歟。治心下堅胸脹。非取其攻堅消痞之力歟。治欬逆頭眩。非取其滌痰散邪之力歟。治咽喉腫痛。非取其分解陰火之力歟。治腸鳴下氣止汗。非取其利水開痰之力歟。同蒼朮茯苓治濕痰。同栝蘆黃芩治熱痰。同南星前胡治風痰。同芥子薑汁治寒痰。惟燥痰宜栝蘆貝母。非半夏所能治也。半夏性燥。能去濕豁痰。健脾。今人惟知半夏去痰。不言益脾利水。脾無留濕。則不生痰。故脾爲生痰之源。肺爲貯痰之器。半夏能主痰。飲及腹脹者。爲其體滑而味辛性溫也。二陳湯能使大便潤而小便長。世俗皆以半夏南星爲性燥。誤矣。濕去則土燥。痰涎不生。非二物之性燥也。古方治咽痛喉痹。吐血下血。多用二物。非禁劑也。按靈樞云。陽氣滿。則陽蹻盛。不得入於陰。陰虛則目不瞑。飲以半夏湯一劑。通其陰。陽其立。至半夏得栝蘆實黃連。名小陷胸湯。治傷寒小結胸。得雞子清苦酒。名苦酒湯。治少陰咽痛生瘡。語聲不出。得生薑。名小半夏湯。治支飲作嘔。得人參白蜜。名大半夏湯。治嘔吐反胃。得麻黃蜜丸。名半夏麻黃丸。治心下悸。得茯苓甘草。以醋煮半夏。共爲末。薑汁麩糊丸。名消暑丸。治伏暑引飲脾胃不和。此皆得半夏之妙用。惟陰虛羸瘦。骨蒸汗泄。火鬱頭痛。熱傷欬嗽。

及消渴肺癆欬逆失血肢體羸瘦。用以非濕熱之邪。而用利瀉行濕之藥。竭其津醫之罪也。豈藥之咎哉。

蚤休

卽草紫河車金縷重樓俗名七葉一枝花

苦微寒有毒

本經主驚癩搖頭弄舌。熱氣在腹中。

發明

蚤休足厥陰

經藥。能治驚癩瘧疾。瘰癧癰腫。詳本經主治。總取開結導熱。而驚癩搖頭弄舌之熱邪自除。元氣虛者禁

用。醋磨敷。癰腫蛇毒有效。

鬼臼

本經名九曰一名天曰一名馬目毒公。又有尤律草害母草獨脚蓮。羞天花。瑠田草。山荷葉八角盤。唐婆鏡。鬼藥。雷犀解毒等名。

辛溫有毒

本經殺蟲毒。鬼疰

精物。辟惡氣不祥。逐邪解百毒。

發明

鬼臼辛溫以毒攻毒之猛藥。本經殺鬼疰蟲毒。辟惡逐邪。甯無

顧名思實之意。其治邪癰陰疽蛇毒。用之良方一字神散。治子死腹中。無灰酒下一錢立效。射工中人。寒

熱發瘡。鬼臼葉一握。苦酒搗汁服一升。日二次效。

射干

本經名烏扇。其葉叢生。橫鋪一而如鳥翅。及扇之狀。故有烏髮烏吹烏浦。鳳翼。鬼扇。扁竹。仙人掌等名。

苦辛微溫有毒。米泔浸煮熟炒用。

本經主

欬逆上氣。喉痹咽痛。不得消息。散結氣。腹中邪逆。食飲大熱。

發明

苦能下泄。辛能上散。本經治欬逆

上氣。喉痹咽痛。不得消息。專取散結氣之功。爲喉痛咽痛要藥。瘧中咽痛。隨手取效。以其力能解散毒鬱

也。治腹中邪逆。食飲大熱。是指宿血在內發熱而言。卽別錄療老血在心脾間之謂。金匱治欬而上氣。喉

中水鷄聲。有射干麻黃湯。又治瘡母。龜甲煎丸。用烏扇燒過。取其降厥陰之相火也。火降則血散腫消。而痰結自解。千金治喉痹。有烏扇膏。中射干。毒生瘡。烏扇升麻煎服。以滓敷瘡上。效。治便毒。射干同生薑煎服。利兩三行。卽效。以其性善降。服之必瀉。虛人禁用。苗名鳶尾。根名鳶頭。又名東海鳶頭。千金治蠱毒方用之。

玉簪根

卽白鶴花

苦辛温有毒

發明

玉簪入骨。粟堅。故能下骨。鱗以根搗自然汁。於竹筒灌入喉。不可

著牙齒。刮骨取牙。玉簪根乾者一錢。白砒三分。白礪七分。蓬砂三分。葳靈仙三分。草烏頭一分半。爲末。點少許。疼處自落。

鳳仙子

又名急性子

苦温小毒

發明

鳳仙子性最急速。故能透骨。軟堅通竅。搜頑痰。下死胎。積塊。噎膈。

骨鯁。治狂痴。勝金丹用之。取其性急。領砒藥吐泄也。庖人煮肉硬者。投子數粒。卽易爛。是其驗也。性與玉簪根同。不可著齒。多食戟人咽。入砒點疼牙。卽落。同獨辦蒜搗塗。痞塊卽消。加麝香阿魏尤捷。花治蛇傷。

搗酒服之卽解。

曼陀羅花

實名風茄

辛温有毒

發明

此花浸酒治風。少頃昏昏如醉。動火之患也。故麻藥爲之首推。八

月採此花。七月採麻子花。陰乾等分。爲末。熱酒調服三錢。少頃昏昏如醉。剋瘡灸火。宜先敷此。則不覺苦。

也寒濕脚氣煎湯洗之

羊躑躅

卽鬧羊花

辛温大毒。惡諸石及麩。不入湯劑。

本經主賊風在皮膚中。淫淫痛。温瘧惡毒諸瘰。

發

明。羊躑躅治中風癱瘓。性祛風寒濕邪。故可以治諸癘惡毒。正與本經之治相符。用其毒以攻毒也。然

須諒病人虛實而用。和劑局方伏虎丹中用之。南方治蠱毒有躑躅花散。其性之猛烈可知。此物有大毒。

曾有人以根入酒飲。遂致於斃。不可近眼。令人昏翳。同天南星川烏草烏助虐尤甚。中其毒者以藜豆解

之。

芫花 苦辛温有毒。陳者良。水浸一宿。曬乾醋炒以去其毒。弘景曰。用者微熬。不可近眼。反甘草。本經

主咳逆上氣。喉鳴咽腫短氣。蠱毒鬼瘡。疔瘰癧腫。殺蟲魚。發明。芫花消痰飲水腫。故本經治咳逆咽

腫疔瘰癧毒。皆是痰濕內壅之象。仲景治傷寒表不解。心下有水氣。乾嘔發熱而欬。或喘或利者。小青龍

湯主之。苦表已解。有時頭痛。汗出惡寒。心下有水氣。乾嘔。痛引兩脇。或喘或欬者。十棗湯主之。蓋小青龍

湯驅逐表邪。使水氣從毛竅而出。內經開鬼門法也。十棗湯驅逐裏邪。使水氣從大小便而泄。內經潔淨

府。去菟陳莖法也。芫花大戟甘遂之性。逐水瀉濕。能直達水飲窠囊隱僻處。取効甚捷。不可過劑。泄人真

元。

薺花 苦寒有毒。熬黃用。芫花葉尖如柳。花紫似荆。薺花苗莖無刺。花細色黃。與芫花絕不相似。或言無
薺花以芫花代之。性相近耳。本經主傷寒溫瘧。下十二經水。破積聚大堅癥瘕。蕩滌腸中留滯。飲食寒
熱邪氣。利水道。發明 薺花苦辛。能破積聚癥瘕。治痰飲欬逆。去咽喉腫閉。本經治傷寒溫瘧者。卽苦
寒以攻蘊積伏匿之邪也。言下十二經水。又治飲食寒熱邪氣者。以其苦寒峻利。飲食之邪亦得蕩滌。而
寒熱自除也。仲景用此止利以行水。水去則利止矣。又小青龍湯云。若微利者。去麻黃加薺花。蓋亦取其
利水也。愚按芫花薺花。雖有辛溫開表苦寒走滲之不同。而破結逐水之功用。彷彿本經。雖無芫花利水
之說。而仲景十棗湯。帶行利水。是以藥肆皆不辨混收。醫家亦不辨混用。猶夫食穀得以療饑。食黍亦可
療饑。混用可無妨礙。若礬石礬石。字形相類。藥狀亦相類。可不辨而混用耶。

莽草

一名韓。卽鼠莽。本作茵。字此物有毒。食之令人決。罔故。名山人以之毒鼠。漁人以之毒魚。與醉魚草總一類。

辛溫有毒

本經主頭風癰腫疔瘻。除結

氣疥癢殺蟲魚

發明

莽草大毒。善殺蟲鼠。其性可知。本經治疔瘻結氣。蕩滌在內之宿積也。療癰腫

頭風。搜逐在外之邪毒也。但性最猛烈。服之令人眩暈。千金方每與茵芋同爲搜風滌惡之峻劑。近世罕
能用之。惟毒魚之外。僅以浴頑癬濕風。及煎漱蟲牙。然沐時勿令入眼。中其毒者。惟草紫河車磨水服之
可解。黑豆煮汁服之亦解。以豆汁澆莽根則爛。物類之相制如此。至於茵芋。人所未識。毋怪近世醫術之

卑也。

茵芋 苦辛温有毒。生泰山川谷。春生苗高三四尺。莖赤葉似石榴而短厚。又似石南。四月開細白花。五月結實。今彭城海鹽杭州雍州絳州華州皆有。四月採葉。七月採莖。陰乾用之。本經主五藏邪氣。心腹寒熱。羸瘦如瘡狀。發作有時。諸關節風濕痺痛。發明 茵芋大毒。世亦罕用。本經雖有治羸瘦如瘡狀一語。皆是五藏有邪氣。心腹寒熱所致。非能療虛羸寒熱也。其治關節風濕痺痛是其正治。時珍曰。千金外臺諸方治風癩。有茵芋丸。治風痺。有茵芋酒。治婦人產後中風。有茵芋膏。風濕諸方多用之。茵芋石南莽草。皆古人治風妙品。近世罕知。

鈎吻

本經名野葛。紅花者名火把草。黃花者名黃藤。千金名黃野葛。

辛温大毒。

本經主金瘡乳痃。中惡風。欬逆。上氣水腫。殺鬼瘴蠱。

毒。發明

野葛之毒。甚於戈戟。故有鈎吻之名。而風毒蠱瘴用之。以毒攻毒。苟非大劇。亦難輕用。紫者

破血結。青者破痰積。其葉與黃精葉相似。但鈎吻葉有毛鈎。二箇黃精葉似竹葉。而無毛鈎。可以明辨。快食鈎吻葉。飲冷水即死。以死尸懸樹上。汁滴在地。即生菌子。收之名菌藥。毒於野葛。薤菜搗汁解之。取薤菜汁。滴野葛苗。即萎死。中野葛毒。急不可得薤菜。多飲甘草汁。人尿汁。或白鴨血。白鵝血。羊血灌之。亦解。

蔓草部

菟絲子

本經名菟蘿

辛甘平無毒。酒煮搗爛作餅。焙乾用。雷公曰。凡使勿用天碧草子。真相似。只是味酸澀。

并粘也。菟絲最難得真。有人以子種出。皆水犀草。今藥肆所賣。俱係此類。然服亦有微功。不似假石蓮子之大苦大寒。大傷胃氣。伐人天元也。至賤之物。尙爾若此。況珍貴之品。能無僞乎。本經續絕。傷補不足。益氣力。肥健人。發明。菟絲子去風明目。肝腎氣分藥也。其性味辛溫。質粘與杜仲之壯筋暖腰。膝無異。五味之中。惟辛通四氣。復兼四味。經曰。腎苦燥。急食辛以潤之。菟絲子五味子之屬是也。與辛香燥熱之辛。迥乎不同。此補脾胃。肝三經要藥。本經言續絕。傷補不足。益氣力。肥健人者。三經俱實。而絕傷續。不足。補氣力長。令人肥健矣。其功專於益精髓。堅筋骨。止遺泄。主莖寒精出。溺有餘瀝。去膝脛痠軟。老人肝腎氣虛。腰痛膝冷。合補骨脂。杜仲用之。諸經膜皆屬於肝也。氣虛瞳子無神者。以麥門冬佐之。蜜丸服效。凡陽強不痿。大便燥結。小水赤澇者。勿用。以其性偏助陽也。

五味子

酸溫無毒。產遼東者佳。微焙搗碎用。

本經主益氣。欬逆上氣。勞傷羸瘦。補不足。強陰。益男子

精。發明。五味子右腎命門本藥。本經主欬逆上氣。強陰益男子精。心腎不交者宜之。兼入肺腎二經。

味酸而斂。耗散之。金性溫而滋不足之水。生津止渴。益氣強陰。壯水鎮陽。收瞳子散。大定喘斂汗。加乾薑。治冬月肺寒欬嗽。同人參門冬。治夏月精神困乏。而虛熱久嗽。不可誤用表散。須以此去核之辛溫助火。

俱用皮肉之醃。以滋化之。不宜多用。恐酸收太過。反致閉遏。而成虛熱也。黃昏嗽。乃火浮於肺。不宜涼藥。宜五味子斂而降之。但風邪在表。痘疹初發。一切停飲。肺家有實熱者。皆當禁之。

覆盆子

本經名蓬蘽

甘平微溫無毒。酒浸一宿炒用。

本經安五藏。益精氣。長陰。令人堅強。志倍力有子。久

服輕身不老。

發明

覆盆子乃蓬蘽之實。本經言蓬蘽者。藥即實也。或云蓬蘽是覆盆苗。分之爲二。殊

爲未當。宗爽云。覆盆益腎藏。縮小便。服之。當覆其溺器。故名。本經專於煖子藏。服之。令人多子。別錄言益氣輕身。令髮不白。甘溫補血。與桑椹同功。惟秦地山中有之。近世真者絕罕。藥肆每以樹莓代充。欲驗真偽。以酒浸之。色紅者是真。否卽是假。

使君子

甘溫無毒。微煨去殼。

發明

凡殺蟲藥都是苦辛。惟使君子甘而殺蟲。不傷脾胃。大人小兒

有蟲病者。每月上旬。清晨空腹食數枚。或爲散肥湯服之。次日蟲從大便出。忌飲熱茶。犯之卽瀉。凡蟲皆脾胃虛弱。飲食停滯而生。此物甘溫。既能殺蟲。又益脾胃。所以能斂虛熱而止瀉。爲小兒蟲積上藥。

木鱉子

土木鱉苦溫小毒。番木鱉苦寒大毒。又附子之初生未成者。曰漏藍子。炮炙論名木鱉子。與此

不同。

發明 木鱉有二種。有殼者曰土鱉。去殼搗爛。帛裹塞鼻。起倒睫拳毛。又爲末唾調貼痔痛。七日

卽消。一切癰腫。醋磨塗之。一種無殼者曰番鱉。治熱病喉痹作痛。和山豆根青木香磨汁。噉之。癰瘡入眼。

番木鱉半个同輕粉冰片麝香爲末。左目吹右耳。右目吹左耳。日二次。癩瘡自退。又能毒狗。狗性大熱。此性大寒。寒熱相反。激之使然。

馬兜鈴 苦辛微寒無毒。去殼微焙用。發明 諸藥之性輕浮者。皆能入肺散氣。燈心馬勃之屬皆然。

諸家言其性寒。專於劫痰定喘。不知其苦中帶辛。寒中帶散。是以肺熱痰喘。聲音不清者宜之。錢氏補肺阿膠散用之。取其清熱降氣。邪去則肺安矣。性善湧泄。故纂要治蛇蠱毒。一味濃煎。服之探吐。其毒卽解。嬰兒癩疹內陷。喘滿聲瘖者。宜加用之。若肺冷金寒。喘嗽失音者。禁用。

青木香 卽馬兜鈴根 辛苦微寒無毒。發明 青木香苦寒香細。入足少陰。善降陰氣上逆。故治風溫歲熱。

湯用之。并治癰腫痰結氣凝諸痛。唐本治熱腫蛇毒。水磨傅之。肘後治蠱毒。酒水和煎服之。毒從小便出。昔人言多服令人吐利。肺寒欬嗽。寒痰作喘。胃虛畏食。人勿服。以其辛香走竄也。

預知子 苦寒無毒。大明曰溫。發明 預知子專殺蟲療蠱。其治瘰癧蛇毒。總是殺蟲之功。相傳取子二枚。綴衣領上。遇有蠱毒。則聞其子有聲。故名預知。蜀人極貴重之。

牽牛 苦辛溫有毒。東垣云辛熱有毒。有黑白二種。名黑丑白丑。凡用生磨取頭末。發明 牽牛專一行水。峻下之劑。白者屬金利肺。治上焦痰飲。除壅滯氣逆。通大腸風祕。除氣分濕熱。黑者屬水瀉腎。而氣

瀉脾胃之濕消腫滿脚。氣利大小便秘。但病在血分。或病人稍弱而痞滿者。不可用。東垣云。牽牛非神農藥也。各醫續注云。味寒能除濕氣。利小便。治下注脚氣。此說氣味主治俱誤。凡用牽牛。少則動大便。多則泄下如水。乃瀉氣之藥。其味辛辣。久嚼猛烈雄壯。所謂苦寒安在哉。夫濕者水之別稱。有形者也。若受濕氣。不得施化。致大小便不通。宜暫用之。況牽牛止能泄氣中之濕熱。不能除血中之濕熱。每見酒食過傷。病痞者。多服牽牛散。取快一時。藥過仍痞。以致久服。脫人元氣。猶不知悔也。東垣治下焦虛腫。天真丹用牽牛。以鹽水炒黑。佐沉香杜仲。補骨脂。觀桂諸藥。深得補瀉兼施之妙用。方見醫學發明。

紫葳一名
凌霄

酸微寒無毒

本經主婦人產乳餘疾。崩中癥瘕。血閉寒熱。羸瘦養胎。

發明 凌霄花手

足厥陰血分藥也。能去血中伏火。本經主婦人崩中癥瘕。又治血閉寒熱羸瘦。云養胎者。以有積瘀在內。瘀散則胎自安也。與金匱桂心茯苓丸中。用桃仁丹皮。治妊娠癥瘕。害無異。癥瘕血閉。血氣刺痛。癘風惡瘡。多用之。皆取其散惡血之功也。若無瘀血。而胎息不安者。禁用。

施花一名纏
枝牡丹

甘辛溫無毒。制雄黃。

本經主面肝黑色。媚好益氣。根主腹中寒熱邪氣。發明 凡藤

蔓之屬。象人之筋。所以多治筋病。施花根細如筋。可啖。本經言主腹中寒熱邪氣。別錄言其久服不饑。時珍自京師還。見北地車夫每載之。云暮歸煎湯飲。可補損傷。則益氣續筋之說。尤可徵矣。筋被斫斷者。用

施花根搗汁瀝斷處。仍以渣敷。日三易。半月卽續。

薔薇子名
營實

酸温無毒。本經營實主癰疽惡瘡。結肉跌筋。敗瘡熱氣。陰蝕不瘳。利關節。發明 薔薇

乃野生之白花者。性專解毒。其實兼能散結。結肉跌筋。敗瘡陰蝕。皆得療之。本經所主。皆言其實。根能入

陽明經。除風殺蟲。故癰疽瘡癬常用之。千金治消渴尿多。以根煮飲。又治口瘡之神藥。聖惠治小兒遺尿

酒煮服之。皆取其温足陽明。而足太陽受陰矣。

月季花俗名月
月紅

甘温無毒。發明 月季花為活血之良藥。搗敷腫瘍用之。痘瘡觸犯經月之氣。而伏

陷者。用以加入湯藥。卽起。以其月之開放。不失經行常度。雖云取義。亦活血之力也。

栝藹實 甘寒無毒。去殼紙包壓去油用。反烏附。發明 栝藹實甘寒潤燥。宜其為治嗽消痰止渴之

要藥。以能洗滌胸膈中垢膩鬱熱耳。仲景治喉痹痛引心腎。欬唾喘息。及結胸滿痛。皆用栝藹實。取其甘

寒不犯胃氣。能降上焦之火。使痰氣下降也。其性較栝藹根稍平。而無寒鬱之患。但脾胃虛。及嘔吐自利

者。不可用。

栝藹根卽天
花粉

苦寒無毒。反烏附。本經主消渴身熱。煩滿大熱。補虛安中。續絕傷。發明 栝藹根性

寒。降膈上熱痰。潤心中煩渴。除時疾狂熱。祛酒痺濕黃。治癰瘍解毒排膿。本經有安中補虛續絕傷之稱。

以其有清胃祛熱之功。火去則中氣安。津液復則血氣和。而絕傷續矣。其性寒降。凡胃虛吐逆。陰虛勞嗽。誤用。反傷胃氣。久必泄瀉喘欬。病根愈固矣。凡痰飲色白清稀者。皆當忌用。

土瓜根

卽王瓜根

苦寒無毒。藏器云。有小毒。

本經主消渴內疽。瘀血月閉。寒熱瘕瘕。益氣愈聾。

發明

王瓜產南方者。稟濕熱之氣最盛。患瘡腫癰毒者。食之爲患。轉甚。產北地者。得春升之氣。最先患消渴內疽者。用之。其效頗捷。其根治黃疽消渴。與栝藹之性。不甚相遠。但不能安中補虛。續絕傷。調和經絡諸血也。金匱治婦人經水不調。帶下少腹滿。一月再見者。土瓜根散主之。深得本經主瘀血月閉之旨。方用土瓜根芍藥桂心麝蟲等分爲末。酒服方寸匕。日三服。蘇頌治小兒發黃。土瓜根生搗汁服三合。不過三次。效。又治黃疽變黑。土瓜根汁平旦溫服一小升。午刻黃水從小便出。其治寒熱瘕。皆祛濕熱之驗。南陽治陽明經熱。大便不通。削之爲導。以下濕熱。其子治肺痿吐血。腸風瀉血赤白痢。及反胃吐食。惜乎世醫未知用也。

葛根 甘平無毒。色白者良。入陽明表藥。生用。胃熱煩渴。煨熟用。

本經主消渴身大熱。嘔吐諸瘕。起陽

氣解諸毒。

發明

葛根性升屬陽。能鼓舞胃中清陽之氣。故本經主消渴身熱嘔吐。使胃氣敷布。諸瘕

自開。其言起陽氣解諸毒者。胃氣升發。諸邪毒自不能留而解散矣。葛根乃陽明經之耑藥。治頭額痛眉

稜骨痛。天行熱氣嘔逆。發散解肌。開胃止渴。宣痲發瘧。若太陽經初病。頭腦痛而不渴者。邪尚未入陽明。不可使用。恐引邪內入也。仲景治太陽陽明合病自利。反不利但嘔者。俱用葛根湯。太陽病下之。遂利不止。喘汗脈促者。葛根黃芩黃連湯。此皆隨二經表裏寒熱輕重而爲處方。按證施治。靡不應手神效。又葛根葱白湯。爲陽明頭痛仙藥。斑疹已見點。不可用葛根升麻。恐表虛反增斑爛也。又葛根輕浮。生用則升陽生津。熟用則鼓舞胃氣。故治胃虛作渴。七味白朮散用之。又清暑益氣湯。兼黃柏用者。以暑傷陽明。額顛必脹。非此不能開發也。○花能解酒毒。葛花解醒湯用之。必兼人參。但無酒毒者。不可服。服之損天元。以大開肌肉。而發泄傷津也。

天門冬

即天棘根

甘寒無毒。焙熟去心。用肥白者良。忌鯉魚。

本經主諸暴風濕偏痺。強骨髓。殺三蟲。去伏

尸。久服輕身益氣。延年不饑。

發明

天門冬。手太陰肺經氣分藥。兼通腎氣。欬逆喘促。肺痿肺癰。吐血

衄血。乾欬痰結。其性寒潤。能滋肺。肺氣熱而燥者宜之。肺爲清虛之藏。涼則氣甯。熱則氣騰。天門冬能保

肺。使氣不受火擾。合地黃麥門冬。主心肺虛熱。欬吐膿血。又能治熱淋。同參耆定虛喘。蓋肺肅則氣化。乃

能出。若脾虛而泄瀉。惡食者。雖有前證。亦莫輕投。以其降泄太過也。時珍云。天門冬清金降火。益水之上

源。故能下通腎氣。入滋補方用之有效。若脾胃虛寒。人久服必致滑腸。反成痼疾。以性寒能利大腸故也。

本經治諸暴風濕偏痺。蓋熱則生風。暴則屬火。偏痺者。濕熱所致。故治風先清火。清火在養陰也。其三蟲伏尸。皆脾胃濕熱所化。清二經濕熱。則無三蟲伏尸之患矣。又能延年不饑。故辟穀方多用之。

百部 苦微甘小毒。肥白者良。抽去心用。則不煩悶。本經主欬嗽上氣。火炙酒漬飲之。發明 百部

爲殺蟲要藥。故肺熱勞瘵喘嗽。有才白蟲宜之。螻蛄蟻及蟬尸骨蒸多用之。時珍云。天麥門冬之類。皆主

肺痰。但百部氣溫。肺胃寒者宜之。二冬性寒。肺胃熱者宜之。脾胃虛人勿用。以其味苦傷胃也。又濃煎洗

牛馬蝨。樹木蟲蛀。用填孔中。更削杉木塞之。其蟲卽死。殺蟲之功。於此可知。

何首烏 一名夜交藤 苦瀟微溫無毒。其形圓大者佳。須赤白並用。製法以竹刀刮去皮。拌黑豆九蒸九曬。候

用。禁犯鐵器。忌萊菔諸血。勿與天雄烏附薑辛仙茅等同用。爲其性斂味瀟也。發明 何首烏足厥陰

少陰藥也。性稟陰中之陽。產南方者最勝。北地所生。雖極大者。殊不足珍。以地偏屬陰。而無陽生之力也。

白者屬氣分。赤者屬血分。腎主閉藏。肝主疏泄。以此氣溫味苦瀟。苦走腎。溫補肝。能收斂精氣。所以養血

益肝。固精益腎。健筋骨。烏鬚髮。爲滋補良藥。不寒不燥。功在地黃天門冬諸藥之上。氣血大和。則風虛斑

腫瘰癧之疾可愈。生則性兼發散。主寒熱痰癧。及癰疽背瘡皆用之。今人治津血枯燥及大腸風祕。用鮮

者。數錢煎服卽通。以其滋水之性最速。不及封藏。卽隨之而下洩也。與菴蓉之潤燥通大便無異。而無助

火之虞。腸風藏毒。用乾者爲末。米飲日服二三錢有效。蓋其內溫肝腎。外祛少陰風熱之驗也。丹方治久瘡。用生乾何首烏一兩。柴胡三錢。黑豆隨年數加減。煎成露一宿。清晨熱服。若夜瘡尤效。乃散中寓收。補中寓散之法。

萆薢 苦甘平無毒。產川中大塊色白而鬆脆者爲萆薢。若色黃赤者。卽菝葜也。一種小塊質堅韌者爲土萆薢。不堪入藥。忌茗醋。本經主腰痛強骨節。除風寒濕周痹。惡瘡不瘳熱氣。發明 萆薢苦平。胃與肝家藥也。入肝搜風。本經主腰脊痛強骨節。入肝祛風。入胃祛濕。故本經主寒濕周痹。惡瘡熱氣等病。昔人稱其攝精之功。或稱逐水之效。何兩說相懸耶。不知胃氣健旺則濕濁去。而胃無邪濕之擾。腎藏自能收攝也。楊氏萆薢分清飲。專主濁病。正得此意。又主陰痿失溺。老人五緩者。總取行陽之力。以利關節助健運也。若陰虛精滑。及元氣下陷。不能攝精。小便頻數。大便引急者。誤用。病必轉劇。以其溫散不利於陰也。菝葜與萆薢相類。別錄主腰背寒痛風痺。皆取祛濕熱利水堅筋骨之義。

土茯苓

俗名冷飯團

甘淡平無毒。忌鐵器。

發明

土茯苓古名山牛。入胃與肝腎。清濕熱利關節。止拘攣。

除骨痛。主楊梅瘡。解汞粉毒。時珍云。楊梅瘡起於嶺南。風土炎熱。風瘴薰蒸。挾淫穢濕熱之邪。發爲此瘡。今則遍行海宇。類有數種。治之則一。屬厥陰陽明。如兼少陰太陽陽明。發於咽喉。兼太陽少陽發於頭角。

蓋相火寄在厥陰。肌肉屬於陽明。若用輕粉剗劑。毒氣竄入經絡筋骨。莫之能出。變爲筋骨痠痛。發爲結毒。遂成瘡疾。方用土茯苓一兩。薏苡忍冬。防風木瓜。木通白蘚皮各五分。皂莢子四分。人參當歸各七分。日服三次。忌飲茶燒酒。及牛羊雞鵝魚肉。麩麩鹽醬。并戒房勞百日。渴飲土茯苓湯。半月全愈。

白斂 苦甘辛微寒小毒。反烏附。解狼毒毒。本經主癰腫疽瘡。散結氣。止痛除熱。目中赤。小兒驚癩。温

瘡。女子陰中腫痛。帶下赤白。發明 白斂性寒解毒。數腫瘍瘡。有解散之功。以其味辛也。但陰疽色淡

不起。胃氣弱者。非其所宜。本經治目赤驚癩。温瘡。非取其解散毒之力歟。治陰腫帶下。非取其去濕熱之

力歟。金匱薯蕷丸用之。專取其辛涼散結。以解風氣百疾之蘊蓄也。世醫僅知癰腫解毒之用。陋哉。同地

膚子治淋濁失精。同白芨治金瘡失血。同甘草解狼毒之毒。其辛散之功可知。而癰疽已潰者不宜用。

山豆根 苦寒無毒。發明 山豆根大苦大寒。故能治咽喉諸疾。蘇頌言含之。嘔汁解咽喉腫痛極妙。

或水浸含漱。或煎湯細呷。又解痘疹熱毒。及喉痹藥皆驗。蓋咽證皆屬陰氣上逆。故用苦寒以降之。開寶

言解諸藥毒。止痛消瘡腫毒。發熱欬嗽。善治人馬急黃。殺小蟲。時珍云。腹脹喘滿。研末湯服。血氣腹脹。酒

服三錢。卒患熱厥心痛。磨汁服。總賴苦寒以散之。但脾胃虛寒作瀉者。禁用。

黃藥子 苦平無毒。發明 黃藥子治諸惡腫瘡癩喉痹。及蛇犬咬毒。研水服之。并用外塗。千金治瘰

本經 卷一 蔓草部 三十一

疾。以黃藥子半斤。無灰酒一升。浸藥固濟瓶口。糠火煨候香。瓶頭有津卽止。時飲一杯。不令絕。三五日卽消。勿飲。不爾令人項細也。又專治馬牛心脾熱病。

白藥子葉名 辛涼無毒。發明。白藥子辛涼解毒。故能治金瘡出血太多發熱。用以涼血清熱。則痛

自止。肌自生。又主喉中熱塞不通。時常痛腫。醋煎細呷。治諸骨鯁。在上卽吐出。在下卽便出。解野葛生金巴豆藥毒。又治馬脾肺熱病。

威靈仙 苦辛溫小毒。發明。威靈仙性善下走。通十二經。故能宣通五藏。治胃脘積痛。脚脛痺濕。痛風之要藥。消水破堅積。朝食暮效。辛能散邪。故主諸風。溫能泄水。故主諸濕。而瘰癧毒壅於上。不能下達。腰下脛膝起澀遲者。用爲下引立效。其性利下。病人壯實者。誠有殊效。氣虛者服之。必虛瀉而成痼疾。以其耗血走氣也。血虛而痛。不因風濕者勿服。

茜草素問名蘆茹又名茹蘆俗名血見愁 苦辛微溫無毒。本經主寒濕風痺黃痺補中。發明。茜根色赤而性溫。味

苦而帶辛。色赤入營。性溫行滯。味辛入肝。手足厥陰血分藥也。本經又以治寒濕風痺黃痺者。是濕熱之

邪痹著營分。用以清理邪濕。則脾胃健運。寒濕風痺。無所留著。而黃痺自除矣。其治女子經水不通甚効。

詳素問四烏鯁一蘆茹丸。治婦人脫血血枯。千金翼治內崩下血。皆取以散經中瘀積也。病人雖見血證。

若泄瀉飲食不進者勿服。

防己 辛苦寒有毒。本經主風寒温瘧熱氣諸病。除邪利大小便。發明 防己辛苦純陰主下焦血分之病。性劣不純。善走下行。長於除濕。以辛能走散。兼之氣悍。故主風寒温瘧熱氣諸病。除邪利大小便。此本經主治也。別錄療水腫膀胱熱通腠理。利九竅。皆除濕之功也。弘景曰。防己是療風水要藥。漢防己是根。入膀胱。去身半已下濕熱。木防己是苗。走陽蹻。治中風掣急。風痺濕熱。金匱防己黃耆湯。防己地黃湯。木防己湯。五物防己湯。皆治痰飲濕熱之要藥。而千金治遺尿小便澇。有三物木防己湯。水腫亦有三物木防己湯。總取其通行經脈之力也。能瀉血中濕熱。通經絡中滯塞。險健之類。用之不得其宜。下咽令人心煩。飲食減少。至於去濕熱腫痛。下注腳氣。膀胱積熱。誠通行十二經之仙藥也。如飲食勞倦。陰虛內熱。以防己泄大便。則重亡其血。其不可用一也。大渴引飲。及久病津液不行。上焦濕熱等證。防己乃下焦血藥。其不可用二也。外感邪傳肺經。氣分濕熱。而小便黃赤。此上焦氣病。其不可用三也。大抵上焦濕熱。皆不可用。卽下焦濕熱。又當審其二便不通利者。方可用之。

木通

原名通草

平淡無毒。色淡黃。細香者佳。

本經除脾胃寒熱。通利九竅。血脈關節。令人不忘。去惡蟲。

發明 木通蔓莖根也。入手足太陽手少陰厥陰。瀉氣分濕熱。防己瀉血分濕熱。脾胃不和。則水道不利。

乃致鬱爲寒熱爲腫脹爲淋瀝爲痺痺俱宜木通淡滲之劑分利陰陽則水行火降脾胃和而心腎平矣。本經除脾胃寒熱者以其通利濕熱也。曰通利九竅血脈關節者以其味淡滲也。曰令人不忘及去惡蟲者竅利則神識清濕散則惡蟲去。以其通達九竅行十二經故又能催生下乳散癰腫結熱惟胃虛腎冷及傷寒大便結燥表虛多汗者禁服恐重傷津液耗散胃汁也。時珍曰木通上能通心清肺達九竅下能泄濕祛熱豈止利小便而已哉。蓋能泄丙丁則肺不受邪能通水道水源既清而諸經之濕熱皆從小便泄去故導赤散用之。

通草

原名通脫木

平淡無毒

發明

通草輕虛色白專入太陰肺經引熱下降而利小便入陽明胃經通

氣上達而下乳汁東垣言瀉肺利小便治五淋水腫癰閉取氣寒降味淡而升仲景當歸四逆湯用以通在裏之濕熱也妊婦勿服以其通竅也。

鈎藤

一名鈎藤

甘微苦寒無毒取鈎用良

發明

鈎藤手足厥陰藥也足厥陰主風手厥陰主火小兒急

慢驚癇瘈內鈎腹痛客忤胎風大人肝風頭旋目眩婦人帶下赤白皆肝風相火之病肝木風靜火息則諸證自除矣。

木蓮

俗名鬼使頭

實甘平澀葉酸平無毒

發明

木蓮藤藟實也性耐風霜嚴冬不凋故能治一切風癰

惡瘡爲利水治血通乳要藥。古方以木蓮二枚用猪前蹄煎湯飲汁盡。一日乳汁即通。無子婦人食之亦能有乳。其葉主背瘡。取葉搗絞汁和蜜飲數升。以渣敷之。後利即愈。煎湯主賊風疼痛。乘熱熏洗。日二次。痛止爲度。取藤搗絞汁。治白癩。風癩。惡瘡。疥癬。消腫散毒。療腸痔。心痛。陰頰。但南方有瘴氣。人不可用。紫葛。甘苦寒無毒。生山谷中。苗似葡萄。長丈許。根紫色。今在所皆有之。發明。紫葛和血解毒。治癰腫惡瘡。取根皮搗爲末。酢和封之。千金紫葛丸用之爲君。以其能散寒熱結氣也。

葎草一名勒草一名葛蔓俗名割人藤

甘苦寒無毒。發明。葎草蔓生道傍。多刺。勒人。故又名葛勒蔓。專主五淋利

小便。散瘀血。並搗汁服。千金專主膏淋。以醋和服之。

忍冬卽金銀花

甘溫無毒。發明。金銀花芳香而甘。入脾通肺。主下痢膿血。爲內外癰腫之要藥。解毒祛

膿。瀉中有補。癰疽潰後之聖藥。今世但知其消腫之功。昧其能利風虛也。但氣虛膿清。食少便瀉者。勿用。瘡瘡倒陷不起。用此根長流水煎浴。以瘡光壯爲效。此卽水楊湯變法。

清風藤。辛溫小毒。發明。清風藤入肝經氣分。治風濕流注。歷節鶴膝。麻痺癢。同防己浸酒。治風

濕痺痛。一切風病。熬膏酒服一匙。將患人身上拍一掌。其後遍身發癢。不可當。急以梳梳之。欲癢止。飲冷水一口即解。風病皆愈。避風數日自安。

藤黃 酸澀有毒。發明 藤黃性毒而能攻毒。故治蟲牙蛀齒。點之卽落。毒能損骨。傷腎可知。

水草部

澤瀉 甘鹹微寒無毒。白者良。利小便。生用入補劑。鹽酒炒。油者伐胃傷脾不可用。本經主風寒濕痹。乳難。養五藏。益氣力。肥健消水。久服耳目聰明。不饑延年。發明 澤瀉甘鹹沉降。陰中之陽。入足太陽氣分。素問治酒風身熱汗出。用澤瀉生朮麋銜。以其能利膀胱濕熱也。金匱治支飲冒眩。用澤瀉湯以逐心下痰氣也。治水畜煩渴。小便不利。或吐或瀉。用五苓散。以泄太陽邪熱也。其功長於行水。本經主風寒濕痹。言風寒濕邪。痹著不得去。則爲腫脹。爲癰閉。用此疏利水道。則諸證自除。蓋邪干空竅。則爲乳難。爲水閉。澤瀉性專利竅。竅利則邪熱自通。內無熱鬱。則藏氣安和。而形體肥健矣。所以素多濕熱之人。久服耳目聰明。然亦不可過用。若水道過利。則腎氣虛。故扁鵲云。多服病人眼。今人治泄精。多不敢用。益爲腎與膀胱虛寒。而失閉藏之令。得澤瀉降之。而精愈滑矣。當知腎虛精滑。虛陽上乘。面目時赤者。誠爲禁劑。若濕熱上盛。而目腫。相火妄動。而遺泄。得澤瀉清之。則目腫退。而精自藏矣。何禁之有。仲景八味丸用之者。乃取以瀉膀胱之邪。非接引也。古人用補藥。必兼瀉邪。邪去則補藥得力矣。

羊脂根俗名 辛苦寒小毒。傍莖有鈎。如披稜茶狀。夏末結子。便枯者是也。本經主頭禿疥癩。除熱女

子陰蝕。發明。羊蹄根屬水走血分。爲除濕殺蟲要藥。故本經治頭禿疥癩。女子陰蝕之患。新採者醋搗塗。燻殺蟲。加輕粉尤效。

菖蒲。辛溫無毒。解巴豆大戟毒。本經主風寒濕痹。欬逆上氣。開心孔。補五藏。通九竅。明耳目。出音聲。主耳聾癰瘡。溫腸胃。止小便利。久服輕身。不忘不惑。延年益智。高志不老。發明。菖蒲乃手少陰厥陰之藥。心氣不足者宜之。本經言補五藏者。心爲君主。五藏係焉。首言治風寒濕痹。是取其辛溫。開發脾氣之力。治欬逆上氣者。痰濕壅滯之喘欬。故宜搜滌。若肺胃虛燥之喘欬。非菖蒲可治也。其開心孔。通九竅。明耳目。出音聲。總取辛溫利竅之力。心孔開。九竅利。則癰瘡之毒可解。腸胃喜溫惡寒。腸胃既溫。則膀胱之虛寒。小便不禁自止。久服輕身者。除濕之驗也。不忘不惑。延年益智。高志不老。皆補五藏。通九竅之力也。又主肝虛心痛。霍亂轉筋。消伏梁癩癩。善通心脾痰濕。可知千金治胎動不安。半產漏下。或搶心下血。及產後崩中不止。並以菖蒲一味煎服。凡陽亢陰虛。葵蕞失合者。禁用。以其性溫。善鼓心包之火。與遠志之助相火不殊。觀本經之止小便利。其助陽之力可知。

蒲黃。甘微寒無毒。筋能行血。羅去粗筋取粉用。本經主心腹膀胱寒熱。利小便。止血消瘀血。發明。蒲黃手足厥陰血分藥也。故能治血治痛。本經主心腹膀胱寒熱。良由血結其處。營衛不和故也。又言止

血消瘀血者。以生則能行。熟則能止。與五靈脂同用。名失笑散。治一切心腹疼痛。能破瘀積。消癰腫。去產婦兒枕痛。然胃氣虛者。入口必吐。下咽則利。以五靈脂性味濁惡也。宋度宗一夜怒舌脹滿口。用蒲黃乾薑。禾乾摻而愈。以蒲黃之涼血活血。乾薑之引火外散。深得逆從兼濟之妙用。然舌根脹痛。亦有屬陰虛火旺者。誤用前法。轉傷津液。每致燥瀉愈甚。不可不審。

苦草 苦溫無毒。發明 苦草香竄入足厥陰肝經。理氣中之血。產後煎服。能逐惡露。但味苦伐胃氣。

竄傷腦。膏梁柔脆者服之。減食作瀉。過服則晚年多患頭風。昔人畏多產育。以苗子三錢。經行後。翻淋酒服。則不受妊。傷血之性可知。煎湯主婦人白帶。又治嗜食乾茶。面黃無力。爲末和炒芝蔴。不時嚼之。

水萍 辛寒無毒。浮水面小而背紫者是。本經主暴熱身癢。下水氣。勝酒。長鬚髮。止消渴。發明 浮

萍發汗。勝於麻黃。下水捷於通草。惡疾癘風遍身者。濃煎浴。半日多効。其性輕浮。入肺經。達皮膚。故能發揚邪汗。本經主暴熱身癢者。專疎肌表風熱也。下水氣者。兼通陽明肉理也。勝酒者。陽明通達。而能去酒毒也。長鬚髮者。毛竅利而脈榮也。止消渴者。經氣和而津液復也。浮萍爲祛風專藥。去風丹用紫背浮萍爲末。蜜丸。彈子大。豆淋酒下一丸。治大風癩風。一切有餘風濕脚氣。及三十六種風皆驗。而元氣本虛人服之。未有不轉增劇者。至於表虛自汗者。尤爲戕賊。

導 甘寒無毒。發明 葷性味滑。常食發氣。令關節急。患痔漏脚氣積聚。皆不可食。為其寒滑傷津也。
千金方治熱瀉嘔逆漏氣。澤瀉湯麥門冬湯並用之。取其清胃腕之熱逆也。又能壓丹石解百藥毒。
海藻 苦鹹寒小毒。反甘草。本經主瘰癧結氣。散頸硬核。療癰腫癥瘕。堅氣。腹中上下雷鳴。下十二種
水腫。發明 海藻鹹能潤下。寒能泄熱利水。故本經主瘰癧結核。癰腫癥瘕。散十二經水。及除浮腫脚
氣。留飲痰氣之濕熱。使邪從小便而出。經云。鹹能軟堅。營氣不從外為浮腫。隨各引經藥治之。凡海中諸
藥。性味相近。主療一致。雖有不同。亦無大異。
昆布 鹹寒滑小毒。發明 鹹能軟堅。故瘰癧如石者。非此不除。能破陽邪水腫。與海藻同功。然此物
下氣。久服瘦人。海島人常食之。水土不同故耳。凡海中菜皆損人。不獨昆布海藻為然。

石草部

石斛 甘淡微苦。鹹平無毒。酒浸用。種類最多。惟川者。味甘淡。色黃無岐。可無傷胃之虞。古稱金釵者為
最。以其色黃如金。旁枝如釵。故有是名。近世絕無此種。川者差堪代用。其餘雜產。味苦色晦。中虛多岐者。
味皆極苦。誤用損人。凡入湯藥。酒浸曬乾。入丸劑。薄切。米漿飲。曬乾磨之。本經主傷中除痺下氣。補五
藏虛勞羸瘦。強陰益精。久服厚腸胃。發明 石斛足太陰少陰脾腎之藥。甘可悅脾。故厚腸胃而治傷

中誠能益腎。故益精氣而補虛羸。爲治胃中虛熱之專藥。又能堅筋骨。強腰膝。骨痿癭弱。囊濕精少。小便餘瀝者宜之。

骨碎補

俗名猴藍

苦溫無毒。蜜水焙用。

發明

骨碎補足少陰藥也。骨傷碎者能療之。故名。主骨中毒氣。

風氣耳鳴。牙疼骨痛。破血止血。折傷接骨。又治腎虛久瀉。以之爲末。入猪腎中煨熟食之。戴元禮治痢後骨痿。入虎骨四斤丸用之有效。但其性降收。不可與風燥藥同用。

石草

苦微寒無毒。凡用去黃毛。不爾射人肺。今效不已。去梗微炙用。

本經主勞熱邪氣。五癰閉不通。

利小便水道。

發明 石草蔓延石上。生葉如皮。其性寒利。故本經治勞熱邪氣。指勞力傷津。癰閉不通。

之熱邪而言。非虛勞之謂。治妊娠轉胞。同車前煎服。

景天

一名慎火草。俗名火丹草。

苦寒無毒。

本經主大熱火瘡。身熱諸邪惡氣。

發明

慎火草性能涼血解毒。故

本經治大熱火瘡。日華治熱狂赤眼。頭痛寒熱遊風。女子帶下。千金慎火散以之爲君。專主血熱崩中帶下之病。搗汁塗小兒丹毒發熱。及遊風熱瘡。外用並效。一切病得之寒濕惡寒喜熱者勿投。

石胡荽

即天胡荽。俗名鵝不食草。又名雞腸草。

辛溫無毒。汁製砒石雄黃。

發明

鵝不食草。氣溫而升。味辛而散。故能

透達巔頂。人但知其搖鼻通而落癰肉。不知其治頭風之功最捷。而除管之功更奇。按塞鼻中管膜自落。

故碧雲散用以取嚏則濁氣宣通而醫自除是昔人以開鍋蓋法喻之

地錦一名地朕 苦平無毒。發明 地朕多生庭除磚縫莖赤葉青繁絲如錦故有是名能通流血脈治崩

中痢下功專散血止血通利小便千金治淋方用之

苔草部

陟釐 甘溫無毒生於水底石上者蒙茸如髮謂之陟釐 發明 陟釐與水苔同生水中心但浮於水者

謂之水苔千金治協熱下痢嘔逆溫食則吐有陟釐丸為痢證之首方日華搗汁治天行心悶別錄主心

腹大寒溫中消穀強胃氣止泄痢並取其性溫而能利水也

石蕊一名蒙頂茶 甘溫無毒生蒙山頂石面及枯株上與木耳無異 發明 石蕊明目益精氣潤咽解熱

化痰同生薑能解陽明頭額肩稜骨痛本乎天者親上也

卷柏 辛平無毒桐君雷公云甘寒無毒鹽水煮半日再以井水煮半日用生用破血痰用止血 本經

主五藏邪氣女子陰中寒熱痛癥瘕血閉絕子久服輕身和顏色 發明 卷柏足厥陰經血分藥也詳

本經諸治一皆女子經癸之病總厥陰與衝脈之患也千金大澤蘭丸紫石英天門冬等丸皆用之經疏

言妊婦禁用以其能寒子藏中血氣也

馬勃 辛平無毒。多生竹園濕地腐脹而成。凡用以生布張開。將馬勃於上摩擦。下以盤承取末用之。發明 馬勃輕虛上浮。力能散肺中邪熱。故治欬嗽喉痹。衄血失音諸病。東垣治大頭病咽喉不利。普濟消毒飲用之。然須生蜜拌。入水調散。不浮方可煎服。

倒掛草 苦甘無毒。發明 倒掛草生井口邊。千金斷酒方於端午午時取燒研水服。勿令知。卽惡酒不飲。其樹孔中生者。千金用治瘰癧。取其倒垂而根不著也。

苔 甘寒無毒。發明 井中蒼苔。得至陰之氣而生。火瘡傷爛脫皮者。以苔炙末。每錢入冰片二分。杵極細。搽上痛卽止。不過三度愈。如無井中者。墻陰地上者。亦可用之。

長洲石頑張 璐路玉父纂述

穀部

諸米甘平無毒。發明米受坤土精氣而成。補五藏而無偏勝。稘者曰稻。糯者曰黍。資生之至寶也。其南稘溫。北稘涼。赤稘熱。白稘平。晚白稘涼。新稘熱。陳稘涼。新陳黃白。總謂之梁。通名曰稷。雖能益人。然不可過食。過食則傷中州之氣也。有人嗜食生米。久成米瘕。治之以雞屎白。取其殺蟲也。未經霜新米。病人所禁。下痢尤忌。作食動風氣。陳者下氣益脾。病人尤宜。本草言。稘米溫中和胃氣。長肌肉。仲景白虎湯。桃花湯。竹葉石膏湯。並用之。皆取晚稘。得金之氣居多故也。○陳倉米開胃進飲食。年久者治久痢甚良。○秣米俗云糯米。益氣補脾肺。但磨粉作稀糜。庶不粘滯。且利小便。以滋肺而氣化下行矣。若作糕餅。性難運化。病人莫食。○泔水善消鴨肉。又製二朮宜之。○紅蓮米入心脾補血。○粬米溫中益氣。除濕止瀉。○穀芽啟脾進食。寬中消穀而能補中。不似麥芽之削剋也。○稷米苗高如蘆。俗名蘆粟。穗曲下垂。如鈎者良。治熱壓丹石毒。解苦瓠毒。不可與附子同食。○粟即小米。利小便止痢。壓丹石熱。解小麥毒發熱。○稗米厚腸胃濟饑。其苗根治金瘡。血出不止。搗傅或研末搽之。其血即止。○菝米即雕胡。芰草之子。止渴

解煩。○春杵頭糠。能治噎膈。取其運動之性。以消磨胃之陳積也。然惟暴噎爲宜。

諸麥。甘平皮寒無毒。發明。素問云。麥屬火心之穀也。鄭玄云。麥有孚甲屬木。許慎云。麥屬金。金旺而生火旺而死。三說各異。而別錄云。麥養肝氣。與鄭說合。孫思邈云。麥養心氣。與素問合。參考其功。除煩止渴。收汗利溲。止血。皆心之病。當以素問爲準。蘇恭云。小麥作湯。不令皮圻。圻則性溫。不能消熱止渴也。可知方中用麥。皆取外麩之力。仍取溫性內存。以輔助之。愚按五穀中。惟麥得春升之氣最早。故爲五穀之長。察其性之優劣。則南北地土所產之不同。北麥性溫。食之益氣添力。南麥性熱。食之助濕生痰。故北人以之代飯。大能益人。養肝氣。去客熱。止煩渴。利小便。止漏血。唾血。令婦人得孕。南方氣卑地濕。久食令人發熱。鄉土不同故也。乾麵益胃強肝。濕麵生痰助濕。初夏新者尤甚。新麥性柔。助濕熱尤甚。而收穫時。遇雨色變者。食之令作嘔。能傷胃氣。○麩皮多筋而性寒。能發肝風。傷脾氣。且最難尅化。受其傷者。惟草果能消去之。其治走氣作痛。用醃醋拌麩皮炒熱。袋盛熨之。○小麥粉乃麩皮洗筋澄出。積善堂方。烏龍膏。治一切腫毒未潰者。用陳年小麥粉炒黑醋調糊熬如漆。磁罐收貯。用時攤紙上。剪孔貼之。其腫自消。藥力盡自脫。用經霜桑葉大黃末和蜜調傅尤良。○浮麥輕虛象肺。能斂盜汗。取其散皮腠之熱也。○麥奴乃麥將熟時。上有黑黴者。朱肱治陽毒溫毒熱渴斑狂。麥奴丸用之。方用小麥奴梁上塵釜底煤隨突。

墨同黃芩麻黃硝黃等分爲末。蜜丸彈子大。水化服一丸。汗出或微利卽愈。取從火化之象也。○大麥卽
牟麥。健胃化食。主消渴除熱。久食令人多力健行。○大麥作蘖。溫中消食。既經發萌。大能耗伐腎氣。凡人
小便多者禁之。王好古云。麥蘖神麩二藥。胃氣虛人宜服之。趙養葵曰。此不稽之言也。今人造飴。必用麥
蘖始化。傷中消導可知。產婦乳腫。不欲乳哺。用麥蘖半兩。入四物湯。服之卽斷。傷耗精血可知。○雀麥。一
名杜姥草。益肝和脾。丹方以此草同苦瓠葉。醋漬炮熟。內口中。齒外邊熨之。冷則易熱者再熨。更取銅器
置水。浸熟草與葉。乘熱漱痛齒。得蟲長三分。老者黃色。小者白色。多者得數十枚。少者得二三十枚。出干
金方。○蕎麥甘平。動風發熱。能鍊腸胃滓穢積滯。降氣寬胸。治白濁白帶。氣盛而濕熱者宜之。孟詵言益
氣力者。殆未然也。炒焦熱水衝服。治絞腸沙腹痛。小兒丹毒赤腫。醋調塗之。然須北方者。良南方者味苦
性劣。不堪服食。久食令人動風頭眩。不可與豬羊肉食。令人鬚眉脫落。又不可合黃魚食。其稗燒灰淋汁
卽驗。用化石灰。能去醫瘰惡肉。

諸豆 甘平無毒。發明 大豆曰菽。色黃入脾。瀉而不補。色黑入腎。瀉中寓補。本經云。生研和醋塗
癰腫。煎汁飲殺鬼毒止痛。日華云。制金石藥毒。時珍云。水浸擣汁。解礬石砒石。烏附射罔。甘遂巴豆。芫青
斑蝥。百藥之毒。古方取用甚多。炒熱酒淋。治風毒脚氣。筋脈拘攣。產後中風口喎。頭風破傷。並宜炒熟酒

淋服之。○黃大豆生泄利。熟壅氣。生痰動嗽。諸病皆非所宜。惟痘後餘毒發癰。炒黑研末。以香油調傅之。生浸細磨。和滓炒熟。傅腫瘍背瘡。冷則換熱者。頻傅卽消。誤食毒物。生擣研水灌吐之。諸菌毒不得吐者。濃煎汁飲之。又試內癰及臭毒腹痛。並與生黃豆嚼甜而不惡心者。爲上部有癰膿。及臭毒發痧之眞候。○其生黃豆葉嚼爛。罨蛇蝎傷立効。○白菽豆入脾經氣分。能和中止嘔。得木瓜治傷暑霍亂。金匱云。菽豆病寒熱者不可食之。以其能滯氣也。若脾虛寒熱不止。則菽豆又非禁劑。一種紫黑者入脾經血分。治失血血痢。俱炒黑用之。○菽豆花治下痢膿血。赤白帶下。葉治霍亂吐下。吐利後轉筋。生擣一握。入酢少許。絞汁服之立瘥。○細黑豆一名穉豆。俗名料豆。入腎經血分。同青鹽旱蓮草何首烏蒸熟。但食黑豆則鬚髮不白。其補腎之功可知。今人以製何首烏。取以引入腎經也。黑豆炒焦淋酒。卽豆淋酒也。頭風脚氣咸取用之。以其直達腎經血分也。○大豆黃卷。黑大豆發芽是也。本經治濕痺筋攣膝痛。除胃氣結積。益氣解毒。金匱薯蕷丸用之。取其入脾胃散濕熱也。○赤小豆卽赤豆之小。而色黯者。俗名豬肝赤。其性下行。通利小腸。故能利水降火。久食令人枯燥。瓜蒂散用之。以泄胸中寒實。正以其利水清熱也。生末敷癰腫。爲傷寒發頤要藥。發芽同當歸。治便紅腸癰。取其能散畜積之毒也。○綠豆甘涼解毒。能明目。解附子砒石諸石藥毒。而與樗子相反。誤犯傷人。○綠豆粉治癰疽。內托護心丹極言其効。○眞粉乃綠豆所作。

取陳者蜜調敷。瘡毒。瘡癰。濕爛。不結痂。疔者。乾撲之良。○綠豆殼。治痘生目。○蠶豆甘溫。性滯。中氣虛者。食之。令人腹脹。積善堂方。言一女子。誤吞針入腹。諸醫不能治。有人教令煮蠶豆。同韭菜食之。針自大便。同出。誤吞金銀物者。用之皆効。○豌豆。一名畢豆。補中益氣。燒灰。治痘疹黑疔。○神黃豆。產緬甸。形如槐子。近時稀痘方。用之一。陽日。用清水磨服。○淡豆豉。用黑豆淘淨。伏天水浸一宿。蒸熟。攤乾。蒿覆三日。候黃色。取晒。下饗築實。桑葉厚蓋。泥封七日。取出。又晒。酒拌入饗。如此七次。再蒸。如前。卽是。主傷寒頭疼。寒熱煩悶。溫毒發斑。瘴氣惡毒。入吐劑。發汗。并治虛勞喘吸。脚膝疼冷。大病後。胸中虛煩之聖藥。合梔子。治心下懊懣。同葱白。治溫病頭痛。兼人中黃。山梔。臘茶。治溫熱疫癘。虛煩喘逆。與甘桔。萎蕤。治風熱燥欬。皆香豉爲聖藥。蓋瓜蒂。吐胸中寒實。豆豉。吐虛熱懊懣。得葱則發汗。得鹽則湧吐。得酒則治風。得薤則治痢。得蒜則止血。生用則發散。炒熟則止汗。然必江右製者。方堪入藥。入發散藥。陳者爲勝。入涌吐藥。新者爲良。以水浸絞汁。治誤食烏獸肝中毒。服數升愈。○豇豆。補腎健胃。解莽草毒。○刀豆。煖補元陽。其子治病後呃逆不止。燒灰存性。白湯調服二錢卽止。亦取其降濁氣之力也。

胡麻

本經名巨勝子千金名烏麻子卽黑芝麻

葉名青蕒。莖名麻薹。甘溫無毒。

本經主傷中虛羸。補五內。益氣力。長肌肉。

填髓腦。久服輕身不老。

發明

胡麻甘溫。質潤性燥。專入足少陰血分。巨勝子丸以之爲君。專補腎藏。

陽虛兼行肝心脾肺四經。益脾滋肺降心包之火。滋肝木之陰。平補五藏。但不若附桂之雄健耳。其白者名白油麻。亦能潤肺除燥。下通脾約便難。赤者專發腎經之毒。錢氏治小兒痘疹變黑歸腎。用赤芝麻煎湯送百祥丸。○青蘘巨勝苗也。本經主五藏邪氣。風寒濕痹。益氣補腦髓。堅筋骨。○胡麻花爲末。麻油塗生禿髮。長眉毛。外臺千金用之。○麻莖燒灰。點痣去惡肉。又治小兒鹽哮喘。以淡豆腐蘸麻莖灰食之。○白麻作油微寒。解毒潤腸。主產婦胞衣不落。熬膏生肌長肉。止痛消腫。○燈盞油吐風痰食毒。

亞麻俗名蘘胡麻微溫無毒。發明。亞麻性潤。入陽明經。專於解散風熱濕毒。爲大麻風必用之藥。故醉

仙散用之。

麻子仁卽麻子實甘平無毒。入藥微炒研用。入丸湯泡去殼。取帛包煮。沸湯中浸。至冷出之。垂井中一夜。勿

著水。次日日中曝乾。按去殼。簸揚取仁。本經實名麻仁。補津益氣。久服肥健。不老神仙。○花名麻勃。治

二十種惡風。黑色。遍身苦癢。逐諸風惡血。女人經候不通。發明。麻仁入手陽明足太陰。其性滋潤。初

服能令作瀉。若久服之。能令肥健。有補中益氣之功。藏府結燥者宜之。仲景治陽明病。汗多胃熱便難。脾

約丸用之。取潤脾土枯燥也。日華止消渴。通乳汁。主催生難產。及老人血虛。產後便秘宜之。麻勃治身中

伏風。同優鉢羅花。爲麻藥。砒離腫不知痛。葉絞汁服五合。下虻蟲。搗爛敷。蠹毒俱効。黃麻破血利小便。麻

根搗汁。治產難胞衣不下。煮服治崩中不止。生走而熟守也。併治熱淋下血不止。根葉並治搥打瘀血。心腹滿痛。搗汁服之皆效。陳黃麻燒灰。酒服方寸匕。散內傷瘀血。

薏苡仁

卽米仁

甘微寒無毒。入理脾肺藥。薑汁拌炒。入利水濕藥生用。

本經主筋急拘攣。不可屈伸。久

風濕痺下氣。久服輕身益氣。根下三蟲。發明。薏苡甘寒。升少降多。能清脾濕。祛肺熱。及虛勞欬嗽。肺痿肺癰。虛火上乘。皆宜用爲下引。又能利筋去濕。故本經治久風濕痺。拘急不可屈伸之病。蓋治筋必取

陽明。治濕必扶土氣。其功專於利水。濕去則脾胃健而筋骨利。痺愈則拘攣退而脚膝安矣。然痺濕須分

寒熱。蓋寒則筋急。熱則筋緩。大筋受熱弛縱。則小筋縮短而變急不伸。故宜用此。若因寒筋急而痛者。不

可用也。其治虛人小便不利。獨用數兩。水煎數沸。服之卽通。若津枯便秘。陰寒轉筋。及妊娠禁用。以其性

專下泄也。取根搗汁。治虻攻心痛。生根下三蟲。又肺癰以根汁。沖無灰酒服。初起可消。已癢可斂。屢效。

罌粟穀

子名御米

瀼溫微毒。蜜炙止嗽。醋炙止痢。

發明。粟穀性瀼。刮痰嗽。止下痢。肺虛大腸滑者宜之。

若風寒欬嗽。瀉痢初起。有火邪者誤用。殺人如劍戒之。○御米治反胃。胸中痰滯。

阿芙蓉

一名阿片俗名鴉片

酸瀼溫微毒。天方國以罌粟。竹針刺破青苞。次早液出。竹刀刮取陰乾者是也。○

土鴉片。亦能瀼精止瀉。但力薄少效。發明。京師售一粒金丹。通治虛寒百病。用阿芙蓉一分。粳米飯

搗作三丸。每服一丸。不可多服。忌酸醋。犯之腸斷。又忌葱蒜漿水。古方治瀉痢脫肛。久痢虛滑。用一二分。米飲送下。其功勝於粟殼。又痘瘡行漿時。瀉泄不止。用四五釐至一分。未有不止者。今世服餌少。用惟房中術外用之。誠爲瀟精助火之首列也。

蒸餅 甘平無毒。寒食日以單麵所造。酵水發成。發明 溫中健脾。消食化滯。和血止汗。利三焦。通水

道。用以打糊丸。健脾胃藥良。

神麪酒麪紅 麪女麪 甘微苦辛平無毒。造神麪法。夏日用白麵五斤。入青蒿蒼耳野蓼自然汁各一碗。杏仁泥

四兩。赤小豆二兩。煮研拌麵作麪。風乾。陳久者良。炒香用。舉世以相思子作小豆。大謬。發明 神麪入

陽明胃經。其功專於消化穀麥酒積。陳久者良。但有積者能消化。無積而久服。則消人元氣。故脾陰虛胃

火盛。當禁也。○酒麪亦能消食。去滯氣行藥力。但力峻傷胃。○紅麪乃粳米所造。然必福建製者爲良。活

血消食。有治脾胃榮血之功。女人經血阻滯。赤痢下重。宜加用之。○女麪是女人以完麥。糞成黃子。消食

下氣。止瀉痢。破冷血。千金方恆用之。

膠飴卽錫 糖 甘溫無毒。白色者良。發明 飴糖甘溫。入脾經氣分。潤肺氣。止暴嗽。補虛冷。益津氣。除唾

血。仲景建中湯。用治腹痛。取稼穡之甘以緩之也。治傷寒腎虛。尺脈不至。是實土以隄水。非伐腎也。而中

滿吐逆痞。病皆不可。食以其生痰助火最當也。丹溪云。大發濕中之熱。小兒多食。損齒生蟲。熬焦酒服。能消食積。下瘀血。解附子烏頭毒。拌輕粉熬焦爲丸。噙化。療鹹哮喘嗽。大吐稠痰。卽愈。

醋卽酢一 酸寒無毒。凡制肝藥。用爲引導。發明 醋名苦酒。專取米釀成者。味帶酸苦。若酒餽所造。

則兼酸甜矣。然酒之與餽。總皆米製。但功力稍遜耳。宗奭曰。米醋比諸醋最醇。入藥多用穀氣全也。仲景

少陰病。咽中傷生瘡。不能語言。聲不出者。苦酒湯主之。內有半夏之辛。以發聲。音雞子之甘。以緩咽痛。苦

酒之酸。以斂咽瘡也。調敷藥。則消癰腫。制藥味。則斂毒性。諸惡狂妄。及產後血暈。燒炭淬醋。以辟惡寒也。

北人感冒風寒。用醋湯胡椒雞麵熱食。汗之則愈。以北方素鮮生發之氣。但取以助方宜之不足。則邪自

不能爲虐耳。東南木氣用事。肝火易動。諸病皆當忌食。酸喜入肝。酸寒收斂病邪。得之難於發泄耳。

糟酒 辛甘大熱。新者有毒。陳者無毒。味甜者曰無灰酒。乃可入藥。發明 酒嚴冬不冰。其氣悍以

侵明。其性熱而升走。醉後則體軟神昏。振寒戰慄。本草止云有毒。不知其溫中發熱。近於相火也。酒類多

種。醞釀各異。甘苦懸殊。甘者性醇。苦者性烈。然必陳久爲勝。其色紅者能通血脈。養脾胃。色白者則升清

氣。益肺胃。至於扶肝氣。悅顏色。行藥勢。辟寒氣。其助火邪。資痰濕之性。則一。醉當風臥成惡風。醉浴冷水

成痹痛。醉飽飲水成癖積。皆宜切慎。○豆淋酒以黑豆炒焦。紅酒淋之。破血去風。治男子中風口喎。陰毒

腹痛及小便尿血。婦人產後一切諸證。○燒酒一名火酒。又名氣酒。與火同性。得火則然。其治陰寒腹痛最捷。然臭毒發痧。誤用立斃。又入鹽少許。治冷氣心痛。下咽則安。性大熱。與薑蒜同飲。令人生痔。○糟性最助濕熱。病水氣浮腫。勞嗽吐血。人忌食。惟霍撲損行瘀止痛。及浸水洗凍瘡。數蛇咬蜂叮毒有效。

菜部

韭 生辛。滯熟甘溫。無毒。葉細根紫者良。韭子入藥。蒸熟曝乾。簸去黑炒黃研用。韭初生芽。食之傷人心氣。發明 韭入足厥陰經。下散血積。生用治死血留於胃口作痛。及婦人經脈逆行。打撲損傷。搗汁和童便飲。然須善食便實者宜之。有腎氣上攻心痛者。宜用韭汁和五苓散爲丸。空心茴香湯下。昔人言治噎膈。惟死血在胃者宜之。若胃虛而噎。勿用。恐致嘔吐也。其心腹有痼冷者勿食。食之必加劇。黃帝云。凍韭不可生食。動宿飲。飲盛必吐水。○韭花食之動風。風氣人勿食。○韭子辛溫壯火。治夢泄溺血。白帶白淫。男子隨溲而下。女子綿綿而下。惟腎氣過勞。不能收攝者爲宜。若陰虛火旺。及亢陽不交。獨陰失合。誤用是抱薪救焚矣。大抵韭之功用。全在辛溫散結。子則包含少火未散。故能蓄精。而壯火熾盛。則爲戈戟。今人以韭子薰鱗齒出蟲。然能傷骨壞齒。不可不知。

蘆 辛苦溫無毒。似韭而葉闊者是。黃帝云。蘆不可共牛肉作羹。食之成瘕。韭之氣味相類。功用亦相類。

如無薤。以韭代之。本經治金瘡瘡敗。輕身不饑耐老。發明。薤白味辛氣溫。入手陽明。除寒熱。溫中。去水。專泄氣滯。故四逆散加此。治泄利下重。胸痹。薤白白酒湯。專用以泄胸中痹氣也。本經治金瘡瘡敗。取辛以泄氣溫以長肉也。弘景云。仙方及服食家皆須之。卽本經輕身不饑耐老之謂。諸瘡中風寒水腫。生搗敷之。搗汁生飲。能吐胃中痰食。蟲積屢驗。金匱救卒死。搗汁灌鼻中。効。薤葉治肺氣喘急。千金方用之。以薤善散結。蒜能消癥。各適其用也。

葱胡葱良。播葱卽龍爪葱。

辛平無毒。服地黃常山蜜桂者犯之無効。生葱尤忌。生葱與雞雉犬肉食之。令人動血。

本經作湯治傷寒寒熱。中風面目浮腫。能出汗。發明。葱莖白辛溫上升。入手太陰足陽明經。專主發散。以通上下陽氣。卽本經作湯已下主治。故傷寒頭痛如破。用連鬚葱白香豉湯。少陰病下利清穀。裏寒外熱。厥逆脈微者。白通湯內用葱白。以其辛溫通陽氣也。妊娠風邪喘嗽。非葱白橘皮不除。且能安胎順氣。金瘡折傷。血出疼痛不止者。用葱連葉煨熟。傅之。冷卽頻易。其痛立止。更無癥痕也。以葱葉專散血氣。葱鬚專行經絡。蔥花主心痹痛如刀刺。蔥子明目。補中氣不足。蟠葱專主冷熱疝氣。胡葱化五石。消桂爲水療腫毒。

蒜小者曰蒜。大者曰胡。

辛溫小毒。服雲母人切禁。胡蒜獨顆蒜尤忌。

發明。胡之與蒜。功用彷彿。並入手太陰。

陽明氣味薰烈。能通五藏達諸竅。去寒濕。辟邪惡。消癰腫。化癥積肉食。主溪毒下氣。治蠱蝥蛇蟲沙虱瘡。此其功也。夏月食之解暑。多食傷氣損目。養生者忌之。艾火灸用獨顆蒜甚良。以其力專也。凡中暑毒人爛嚼三四瓣。下咽卽知。又鼻衄不止者。搗貼足心。衄止卽拭去之。蒜蘆水頓服二升。吐腹中蟲積。噎膈食不得下。腹熱如火。手不可近者皆效。但胃虛少食者誤投。是速其咎也。脚氣風病及時行病後忌食。爲其能鼓舞餘毒也。服雲母鍾乳人勿食。爲其能攪散藥力。犯之必腹痛泄利。前功盡棄也。○小蒜主霍亂腹中不安。溫中除邪瘴毒氣。黃帝云。食小蒜。噉生魚。令人奪氣陰核疼。不可共韭食。令人身重。

薑蘘

卽油菜

辛溫無毒。

發明

薑蘘破血。故產婦宜食之。然須臾久者。庶無泄瀉之虞。若舊患脚氣者。

不可食。胡臭人不可食。食之加劇。遊風丹腫。取葉搗敷如神。無葉時以子代之。時病瘥後不可食。一切生菜。令手足腫。○其子打油名香油。癰疽及痔漏中生蟲。以香油塗之卽盡。臘肉蛀孔中滴入。其蟲卽滅。治蟲之功可知。

白芥子

辛溫微毒。

發明

痰在脇下及皮裏膜外。非此不能達。控涎丹用白芥子。正此義也。辛能入

肺。溫能散表。故有利氣豁痰。散痛消腫辟惡之功。昔有脇痛。諸治不效。因食芥蘘而愈者。偶中散結開痰之效。其治射工瘧氣。上氣發汗者。亦取辛散祛毒力耳。此雖日用常品。然多食則昏目動火。泄氣傷精。肺

經有熱。虛火亢者切忌。○陳年鹹芥。瀉治肺癰。吐盡臭痰穢毒。卽愈。然惟初起未潰宜之。

蕪菁一名蔓菁。卽諸葛菜。 苦温無毒。發明。蔓菁治熱毒風腫。乳癰寒熱。和鹽少許。生搗塗之。熱卽易。不過三

五次。瘥子能明目。千金面脂方用之。令人面潔白。悅顏色。但不可久食。令人氣脹。

萊菔子 辛甘平微温無毒。其子多種。惟春種夏收。子細面色黯者佳。服地黃何首烏人忌之。發明

菔子治痰。有推牆倒壁之功。長於利氣。生能升。熟能降。升則吐風痰。降則定痰嗽。皆利氣之效。同蘇子白

芥子。爲三子散。治痰喘胸滿。其根生升熟降。生則剋血消痰。熟則生痰助濕。生萊菔汁。治火傷垂死。灌之

卽蘇。打撲損傷青紫。搗爛罌之卽散。煨熟揩摩凍瘡。二三日卽和。偏頭風痛。取近蒂青色者半寸許。搗汁

滴鼻孔。左痛滴右。右痛滴左。左右俱痛。兩鼻皆滴。滴後臥少頃。日滴一次。不過六七日。永不復發。欲令鬚

髮白者。以生地黃汁一升。合生萊菔汁一升。飲之卽白。傷血之驗可徵也。小兒丹瘤遊風。搗塗立消。能消

麵積。解附子毒。性最耗氣傷血。故脾胃虛寒。食不化者勿食。丹方取苗葉陰乾。治痢。隨色之紅白用。赤者

砂糖調服。白者糖霜調服。然惟初痢爲宜。若久痢胃虛畏食者。不可用也。

生薑宿根謂之母薑。 辛温無毒。解半夏芫荽厚朴毒。本經久服去臭氣。通神明。發明。生薑辛温而散。肺

脾藥也。散風寒。止嘔吐。化痰涎。消脹滿。治傷寒頭痛。鼻塞欬逆。上氣嘔吐等病。辛以散之。卽本經去臭氣

通神明。不使邪穢之氣傷犯正氣也。同大棗行脾之津液而和榮衛。凡藥中用之。使津液不致沸騰。不獨專於發散也。煨熟則降而不升。止腹痛泄利。扶脾氣散鬱結。故逍遙散用之。同蜂蜜熬熟。治風熱欬逆痰結。取蜜之潤。以和辛散之性也。生薑搗汁。則大走經絡。與竹瀝則去熱痰。同半夏則治寒痰。凡中風中暑。及犯山嵐霧露毒惡卒病。薑汁和童便灌之立解。薑能開痰下氣。童便降火也。甄權云。搗汁和蜜食。治中熱嘔逆。不能下食。取薑以治嘔。蜜以和胃也。薑爲嘔家聖藥。蓋辛以散之。嘔乃氣逆不散。以其能行陽散氣也。○乾生薑溫中主噉。治脹滿霍亂嘔吐不止。腹痛者宜之。較生薑稍守。較乾薑稍緩。爲屑和酒服。治偏風頭痛。○薑皮辛涼。能消四肢浮腫。腹脹痞滿。五皮散用之。古云秋不食薑。令人瀉氣。而新薑尤當忌之。目疾痔瘡勿食。患癰疽人食之。則生惡肉。妊婦嗜食。令子餘指。

乾薑

其嫩者曰白薑

辛熱無毒。或生用。或炮黑用。炮法厚切。鐵銚內烈火燒。勿頻動。俟銚面火然。略嚙以水急

挑數轉。入罈中。勿泄氣。候冷則裏外通黑。而性不烈也。本經主胸滿欬逆上氣。溫中止血出汗。逐風濕

痹。腸澼下痢。生者尤良。發明 乾薑稟陽氣之正。雖烈無毒。其味本辛。炮之則苦。專散虛火。用治裏寒

止而不移。非若附子行而不守也。生者能助陽去藏府沉寒。發諸經寒氣。腹中冷痛。霍亂脹滿。皮膚間結

氣。止嘔逆。治感寒腹痛。腎中無陽。脈氣欲絕。黑附子爲引。理中湯用之。以其溫脾也。四逆湯用之。以其回

陽也。生則逐寒邪而發表。胸滿欬逆。上氣出汗。風濕痺宜之。炮則除胃冷而守中。溫中止血。腸澼下利宜之。曷觀小青龍四逆等方。並用生者。甘草乾薑湯獨用炮者。其理中丸中。雖不言炮。在溫中例治。不妨隨緩急裁用。然亦不可過多。多用則耗散元氣。辛以散之。是壯火食氣也。少用則收攝虛陽。溫以順之。是少火生氣也。同五味子以溫肺。同人參以溫胃。同甘草以溫經。凡血虛發熱。產後大熱。須炮黑用之。有血脫色白。天然不澤脈濡者。宜乾薑之辛溫以益血。乃熱因熱用。從治之法也。又入肺利氣。入腎燥濕。入肝引血藥生血。於亡血家。有破宿生新。陽生陰長之義。如過用涼藥。血不止。服反緊疾者。乃陽虧陰無所附。加用炮薑炙甘草可也。陰虛有熱。血熱妄行者。勿用。以其散氣走血也。

胡葵一名荒葵

辛溫微毒。服白朮牡丹皮者忌食。

發明 胡葵辛溫香竄。內通心脾。外達四肢。能辟一切

不正之氣。酒後煎湯漱洗。則絕無酒氣。痘瘡出不快者。搗撲衣被發之。如春夏陽氣發越時用之。反助熱毒。恐變黑陷。不可不慎。華陀云。患狐臭人勿食。口氣齷齪人食之加劇。服雲母鍾乳人勿食。爲其辛溫能解諸藥之力也。

藿香 辛平無毒。

發明 草藿香入足太陽手足少陰。能開胃進食。專治膀胱疝氣。及腎氣衝臍。如刀

刺痛。喘息不便者。生搗熱酒絞服。以其辛香不竄。善降濁陰之氣也。下焦多火。強陽易舉者勿食。

新俗名
水芹

甘微辛小毒。

本經主女子赤沃下血。養精保血脈益氣。令人肥健嗜食。

發明 按斬有兩

種。一種生平田者曰旱斬。稟青陽之氣而生。氣味辛竄。能清理胃中濁濕。故本經主女子赤沃。濁濕去則胃氣清純。而精血有賴。令人肥健嗜食。一種水陂澤者曰水斬。得濕淫之氣而生。氣味辛濁。有蟲子在葉間。視之不見。食之令人爲患。面青手青。腹滿如妊。痛不可忍。作蛟龍病。但服輕飭二三升。吐出便差。大抵是蛇蚶之毒爾。其根白盈尺者曰馬斬。食之令人發瘡疥。以其濕熱之氣最盛也。和醋食之損齒。有鼈瘦人不可食。

菠薐 甘冷滑無毒。

發明

凡蔬菜皆能疏利腸胃。而菠薐冷滑尤甚。多食令人脚弱。發腰痛。動冷氣。

與鮓魚同食發霍亂。取汁煉霜制砒汞。伏雌黃硫黃毒。

薤菜 甘平無毒。

發明

薤菜幹柔。如蔓而中空。以之橫地。節節生根。南方之奇蔬也。專解野葛毒。生

搗服之尤良。搗汁和酒服治產難。取汁滴野葛苗。當時萎死。其相畏如此。

同蔞 甘溫無毒。

發明

同蔞氣濁。能助相火。禹錫言多食動風氣。薰人心。令人氣滿。千金言安心氣。

養脾胃。消痰飲。利腸胃者。是指素稟火衰而言。若腎氣本旺。不無助火之患。

薺菜 辛微溫無毒。

本經明目。治目痛淚出。除瘰補五藏益精光。

發明 薺菜卽薺之大而

有毛者與薺之性不甚相遠。其子專於明目。千金治目暗去醫方用之。亦治目中贅肉。搗篩爲末。夜夜點之。久久其膜自落。甄權以薺治青盲不見物。補五藏不足。二薺之性。總不出本經主治也。

菟子 甘冷利無毒。本經主青盲。明目除邪。利大小便。去寒熱。發明 時珍曰。菟子去青盲白醫。與

青葙同類異種。故其治目之功彷彿。聖惠以菟子治大小便不利。無外乎本經主治也。

馬齒莧 酸寒無毒。蒸曰辛溫。卽莧之赤色者。發明 馬齒莧功專散血消腫。故能治血瘤。及多年惡

瘡。搗數不過兩三遍卽愈。解馬汗射工毒。塗之瘡。燒灰和梳垢封疔腫。先灸後封之。其根卽出。不可同鼈

食。令成龜瘻。

翻白草根 甘微苦平無毒。發明 翻白草出救荒本草。楚人謂之湖雞腿。淮人謂之天藕。時珍曰。湖

雞腿生近澤田地。高不盈尺。一莖三葉。尖長而厚。有皺紋鋸齒。面青背白。四月開小黃花。結子如胡荽子。

中有細子。根狀如台朮兩頭尖。剝去赤皮。其內白色如雞肉。食之有粉。小兒生食之。荒年掘以和飯食。兒

科痘瘡拔疔方用之。取其涼潤解毒也。

蒲公英 俗名奶汁草苗。高尺餘者良。甘平無毒。發明 蒲公英屬土開黃花。味甘解食毒。散滯氣。然必鮮者搗汁

和酒服。治乳癰效速。服罷欲睡。是其功驗。微汗而愈。

落葵一名藤葵亦名藤
脂菜俗名染綠子
酸寒滑無毒 發明 落葵蔓生葉圓厚如杏葉子似五味子生青熟紫所在

有之採取汁紅如臙脂女人飾面點唇及染布帛謂之胡胭脂亦曰染綠子但久即色易變別錄言滑中

散熱時珍云利大小腸子仁可作面脂和白蜜塗鮮華立見

蕺草一名魚腥草 辛微温小毒 發明 魚腥草方藥罕用近世僅以煎湯薰滌痔瘡及敷惡瘡白禿又治

咽喉乳鵝搗取自然汁灌吐頑痰殊效別錄主蝮蛇尿瘡又云多食氣喘患脚氣人勿食千金言素有脚

氣人食之一生不愈時珍云散熱毒癰腫脫肛斷痞疾解礪毒合上諸治總不出辟諸蟲毒瘡毒即治痔

瘡亦是濕熱生蟲之患專取穢惡之氣以治穢惡之疾同氣相感之力也

蕨 甘寒滑無毒 發明 蕨性寒滑不可生食搜神記言有甲士折蕨食之覺心中怏怏成疾後吐一

小蛇漸乾成蕨孫真人云久食成瘦信與前說相符耳

黃獨即土芋 甘辛寒小毒不可溺灌灌之則苦 發明 土芋解諸藥毒生研水服當血出惡物便止煮

熟食甘美不饑厚人腸胃去熱噉小兒熟食許稀痘解毒瘡毒其藤燒灰敷痘爛成瘡可無癩痕

薯蕷即山藥因唐代宗名預宋英宗名暑改名山藥 甘平無毒同麵食發動氣微焙用 本經治傷中補虛羸除寒熱邪氣補

中益氣力長肌肉強陰久服耳目聰明輕身不饑延年 發明 山藥入手足太陰色白歸肺味甘歸脾

大補黃庭。治氣不足而清虛熱。故本經治傷中寒熱邪氣。補而不滯。溫而不熱。又能益氣力。長肌肉。強陰固腎。止泄精。小便頻數。肺爲腎之上源。源既有滋。流豈無益。金匱八味丸用以強陰也。薯蕷丸以之爲君。而主虛勞不足。風氣百病。甘溫平補。而不礙久積之邪也。其鮮者和生鱒魚。搗敷腫。又搗爛和芎藭末白糖霜塗乳癬。結塊及諸痛日久。堅硬不潰。但塗上奇癢不可忍。忍之良久漸止。不過數次卽愈。○子名零餘子。補虛損。強腰腳。益腎。○一種曰甘藷。色較薯蕷稍紫。味較薯蕷稍甜。質較薯蕷稍膩。性較薯蕷稍溫。補脾強腎之功。較薯蕷稍勝。廣人以之代糧。今徽寧亦多種之名曰薯音孺。與諸字形切音並相類。傳久之訛耳。

百合 甘平無毒。白花者補脾肺。赤花者名山丹。散瘀血藥用之。本經主邪氣腹脹心痛。利大小便。補中益氣。發明 百合能補土清金。止嗽利小便。仲景百合病。兼地黃用之。取其能消瘀血也。本經主邪氣腹脹心痛。亦是散積畜之邪。今世所昧也。其曰利大小便者。性專降泄耳。其曰補中益氣者。邪熱去而脾胃安矣。然性專降泄。中氣虛寒。二便滑泄者忌之。○紅花者活血。治婦人崩中。其蕊敷疔腫惡瘡。按中吳紀聞云。百合乃蚯蚓所化。此洵有之。余親見包山土罇中有變化未全者。大略野生百合。蚓化有之。其清熱解毒。散積消瘀。乃蚓之本性耳。

茄一名落蘇。甘寒小毒。發明。茄性寒利。多食腹痛下利。女人能傷子宮。發動瘡疾。秋後多食損目。老裂。

者燒灰治裂根。治凍瘡。裂。煮湯漬之良。其白茄根。入風濕藥。浸酒服。其白茄蒂醃硫黃末。擦白癩風。

紫茄蒂醃硫黃末。擦紫癩風。取其散風毒瘀血也。丹方治腦疽初起。用茄蒂燒灰。存性酒服。未潰即消。又

方用茄蒂中骨七枚。生何首烏一兩煎服。連進三服即愈。

苦瓠即細頸葫蘆。苦寒有毒。本經治大水。面目四肢浮腫。下水令人吐。發明。瓠有甜苦二種。甜者雖

言無毒。亦不利人。扁鵲云。患脚虛脹者。不得食之。患永不差。苦者尤傷胃氣。不可輕試。凡苦寒藥。皆能伐

胃。不獨瓠也。本經治大水浮腫。又云。下水令人吐。大傷中氣。今人治黃痺水氣。大小便不通。或浸火酒飯

上蒸。或蜜糖霜煨存性。必暴病實證。庶可劫之。若久病胃虛誤服。必致吐利不止。往往致斃。可不慎歟。其

子煎汁。或酒浸。治鼻塞氣塞。少少滴入。又目疾努肉。血醫藥中。亦有用者。取苦寒以降火也。○長柄葫蘆

燒灰存性。臍下癭瘤。研末擦之。以愈為度。

冬瓜子冬瓜仁。甘寒。子甘平無毒。本經令人悅澤。好顏色。益氣不饑。輕身耐老。發明。冬瓜利大

小腸。壓丹石毒。其子治腸癰。云面黧潤肌膚。及作面脂。即本經悅澤好顏色之用也。○瓜練絞汁服。治

五淋。壓丹石毒。

越瓜 即菜瓜俗名生瓜長可尺餘有青白二色青者尤勝 甘平小毒 發明 越瓜生於越中今湖州等處最多僅供蔬菜故名

菜瓜 生食動氣令人心痛。臍下癥結。脚弱不能行。天行病後不可食。惟解酒毒。利小便宜。之燒灰敷口瘡。

及陰莖熱瘡。以其能解熱毒。收濕氣也。

胡瓜 今名黃瓜張騫使西域得種故名胡瓜隋時避石勒名改呼黃瓜至今因之 甘寒小毒 發明 黃瓜甘寒。故能清熱利水。善解火毒。

北人坐臥坑床。故以此為珍品。南人以之供蔬。甚不益人。多食動氣。發寒熱。發瘡疥。發脚氣。令人虛熱上

逆。天行後不可食。小兒切忌。作瀉生疝。其治咽喉腫痛。用老黃瓜去子。以芒硝填滿。陰乾為末。每以少許

吹之。杖瘡癩腫。取黃瓜入磁瓶中。河水浸之。每以水掃瘡上。立效。火眼赤痛。老黃瓜挖去瓢。入芒硝。令滿

懸陰處。待硝出刮下。葵罐收貯。留點眼甚效。湯火傷灼。五月五日。以黃瓜搗碎入瓶內。封掛簷下。取水刷

之。皆取其甘寒以解毒也。

南瓜 種出南蕃故名 甘温有毒 發明 至賤之品。食類之所不屑。時珍既云。多食發脚氣黃瘡。不可同羊肉

食。令人氣壅。其性滯氣助濕。可知。何又言補中益氣耶。前後不相應如此。

絲瓜 甘寒無毒 發明 絲瓜嫩者寒滑。多食瀉人。蔬菜中最不足取。其老者經絡貫串。房隔聯屬。故

能通人經脈支絡。而解熱消腫。祛毒殺蟲。及治諸血病。故痘瘡不快。用老絲瓜近蒂三寸。連皮燒灰。存性

爲末。砂糖水服甚效。以其甘寒解毒。而無滑瀉之虞也。其立冬後小絲瓜。煨入硃砂。服之能稀痘。其絲瓜藤。取近根三五寸。燒灰存性爲末。治鼻淵時流臭濁水。酒調日服方寸匙效。其葉搗汁生服。解一切蛇傷之毒。卽以滓愈傷處。乾卽易之。

苦瓜

一名錦荔枝

苦寒無毒。

發明

錦荔枝。有長短二種。生青熟赤。生則性寒。熟則性溫。閩粵人以長者

去子。但取青皮煮肉充蔬。爲除熱解煩。清心明目之品。短者性溫。其子苦甘。內藏真火。故能壯陽益氣。然須熟赤。方有殊功。

紫菜

甘鹹寒無毒。

發明

凡癭結積塊之疾。宜常食之。鹹能稟堅之義。多食令人腹痛。發冷氣。吐白

沫。飲熱醋少許卽消。

石花茶

甘鹹寒滑無毒。

發明

石花煮肉。夏月必凍。下部虛寒。及脾氣不充者。勿食。

木耳

甘平小毒。

發明

木耳稟濕土之氣。而生於朽株。故有衰精冷腎之患。然治痔瘡。臁腫。崩中漏

下大驗。俱炒見烟爲末。酒服方寸匙效。

桑耳

桑上寄生

甘平有毒。有桑蛾。桑雞。桑黃。桑巨等名。

本經黑者。主女子漏下。赤者治血病。癥瘕積聚。陰

痛。陰癆。寒熱無子。

發明

桑耳涼潤。善祛子藏中風熱。不但主漏下血病。併可以治寒熱積聚。積聚去

不難成孕。本經專取黑者。達腎。赤者走肝。補中寓瀉。瀉中寓補之機。具見言外矣。其黃熟陳白者。止久洩。益氣。金色者。治癖飲積聚。及腸風瀉血。衄血。五痔下血。血痹虛勞。咽喉痹痛。一切血證。咸宜用之。○槐耳。治五痔脫肛。○柳耳。治反胃吐痰。○柘耳。治肺癰。欬吐膿血。不問已成未成。皆可用之。

香蕈。甘平無毒。發明。諸蕈稟土之熱毒。浮長。所以有毒傷人。惟香蕈。枿木上糯米種出。大益胃氣。與蘑菰。雞縱。性味不殊。蘑菰。亦埋桑楮諸木於土中。澆以米泔而生。其長大色白。柔軟中空。如雞腿者。名雞腿。蘑菰。狀如羊肚。有蜂窠眼者。名羊肚菜。其出雲南。生沙地間。高脚繖頭者。曰雞縱菜。皆能益胃清神。蘑菰兼能化痰。雞縱兼能治痔。一得桑楮餘澤。一鍾山川靈氣。故其性各有不同耳。

土蕈

蕈通作菌

甘寒有毒

發明

處處山中有之。以其得風。嶂鬱蒸之氣而生。助長濕熱。最甚。過食令人

腹痛。顛脹。或發痰氣。嘔逆。其在初春。蟄蟲未起之時。為毒尚淺。夏秋濕熱盛行之時。毒邪尤甚。以其多有蛇蟻之毒也。卽生朽株上者。除槐榆松柳杉桑及蘆蘆根者。食之無虞。然日久蟲生。味苦。亦不宜食。他如皂莢。苦竹茅根生者。不無小毒。食之多發瘡疥。而生於楓樹上者。食之毒攻心。令人笑不止。急以苦茗地漿。或生白礬。研新汲水解之。諸菌之可食者。首推雷驚菌。次則糖菌。松花菌。味極鮮美。若味苦或辣。為有毒。切不可食。至如光白如銀。中夜有光。上有毛。下無紋。底無贈襪。仰卷色赤。欲爛無蟲。洗之水黑。煮

之不熟者。並有大毒傷人。中其毒者。非地漿清糞不能救之。昔聞有人得一大菌。光潤可愛。置之瓶中。蠅蚋撲上。卽死。究其所得之處。乃在古塚穴中。洵爲杪枋之毒無疑。今人煮菌。每以銀飾併燈心草置鍋中。但驗其銀色黑者。卽爲有毒。近見食蕈而死者。與河豚無異。特表而出之。

果部

李根白皮 苦微鹹寒無毒炙黃用 發明 藥性論云。入藥用苦李根皮。而仲景治奔豚氣。黃豚丸用甘李根白皮。時珍疑爲二種。不知仲景言甘。是言李之甘。藥性言苦。是言根之苦。但宜用紫李根。則入厥陰血分。若黃李根。則入陽明氣分矣。別錄治消渴奔豚。大明治赤白痢下。千金燒存性。敷小兒丹毒。甄權治消渴脚氣。孟詵治婦人赤白帶下。皆取苦鹹降逆氣也。李核仁 苦平入肝。療僵仆。瘀血骨痛。又能清血海中風氣。令人有子。故承澤丸用之。其性散結。故能解硫黃白石英附子毒。爲末和雞子白敷面。黔一宿卽落。千金方也。黃帝云。李子不可和白蜜食。蝕人五內。

杏仁 苦辛甘溫小毒。湯泡去皮尖。研如泥用。兩仁者有毒傷人。凡果花六出者必雙仁。得純陰之氣也。本經主欬逆上氣。雷鳴。喉痹。下氣。產乳。金瘡。寒心。賁豚。 發明 杏仁入手太陰經。辛能橫行而散。苦能直行而降。遂爲散邪降氣。定喘泄滯。散結潤燥。除肺中風熱。欬嗽。總不出本經主治也。千金以童便浸七

日研如泥。治欬嗽寒熱。仲景麻黃湯用杏仁者。爲其利氣瀉肺解肌也。至於陷胸麻仁等圓。皆熬黑研膩如油。則知此物之性愈熬黑愈潤下矣。入肺寒喘逆發散。連皮用之。又能治瘡殺蟲。用其毒也。本經治金瘡寒心者。傷處風藉內入胞絡。而心下惡寒。用以塗封瘡口。拔散風熱之邪也。言治賁豚者。辛能散結。潤能下氣也。元素言潤大腸氣秘之才。言解錫毒。別錄言殺狗毒。炒香消狗肉。及索粉積。故六神麴用之。扁鵲云。杏仁不宜久服。令人面目鬚髮落。耗氣之驗也。今人以之混治陰虛喘嗽。轉耗胸中大氣。爲患不淺。亡血家尤爲切禁。以其味辛性溫。大能破血也。雙仁者搗爛。以車脂調塗。鍼斷入肉。及箭鏑在咽隔諸隱處。敷之卽出。巴巨杏仁則甘平無毒。能止欬下氣。消心腹逆悶。杏實味酸。傷人筋骨。生者尤甚。

梅 欄梅

酸平無毒

本經主下氣除熱煩滿。安心止肢體痛。偏枯不仁死肌。去青黑痣蝕惡肉。發明

梅花開於冬而實熟於夏。得木之全氣。故其味最酸。人舌下有四竅。兩竅通膽液。故食則津生。類相感應也。所主之病。皆取酸收之義。梅之種類最多。惟欄梅最勝。相傳是真武折梅枝插欄樹株而誓曰。吾道若成。花開果實。其種從均州太和山來。欄卽榆樹中之一種。其梅如杏而鬆脆異常。故近世謂之消梅。食之開胃生津。清神安睡。乃欄之本性也。本經下氣除熱煩滿。安心止肢體痛。皆指陳藏者而言。若青梅則凝滯氣。決非偏枯不仁者所宜。凡穀食菜果皆爾。不獨青梅爲然。烏梅酸收。益津開胃。同建茶乾。薑治

休息痢。能斂肺瀉腸。止嘔斂汗。定喘安虺。仲景治虺厥。烏梅丸用之。蟲得酸即止。用丸不用湯者。欲留有形之物。入於蟲口也。今治血痢必用之。中風驚痰。喉痺腫痛。痰厥僵仆。牙關緊閉者。取烏梅擦牙齦即開。血痢不止。以烏梅燒存性。米湯服之。漸止。惡瘡贅肉。亦燒灰研敷。惡肉自消。此即本經去死肌惡肉之驗。又丹方治女人脚上雞眼。烏梅肉飯上蒸爛。和米醋研如糊。塗上一夕即去。○白梅鹹酸。主中風牙關緊閉。擦牙根涎出即開。去努肉。方多用之。竹木鍼刺在肉中者。嚼敷即出。○梅核仁明目益氣。除煩熱。能清婦人子藏中風氣積滯。千金承澤丸用之。梅葉煮汁。治休息痢及乾霍亂。効以之漬水洗葛則不脆。洗夏衣生黴點即去。有驗。

桃仁 苦甘平無毒。去皮尖生用。即和血。連皮尖炒用。即破血。同乾漆拌炒。大破宿血。雙仁者有毒勿用。本經主瘀血。血閉。癥瘕邪氣。殺三蟲。發明 桃仁入手足厥陰血分。爲血瘀血閉之專藥。苦以泄滯。血甘以生新血。必竟破血之功居多。觀本經主治可知。仲景桃核承氣湯。皆取破血之用。又治熱入血室。瘀積癥瘕。經閉瘧母。心腹痛。大腸祕結。亦取散肝經之血結。熬香治癩疔痛癢。千金法也。○桃實甘酸。多食令人腹熱作瀉。○桃奴殺百鬼精物。療中惡腹痛。瘀血癥堅。破血酒磨服。止血燒灰服。○桃樹上膠。最通津液。能治血淋石淋。瘡瘡黑陷。必勝膏用之。○桃葉治傳屍。有水灸法。方用桃葉一斗。艾葉厚朴各

二兩分二囊盛置。以火酒數斤煮沸。更迭煮藥。慰患人背脊。酒盡爲度。不過三次。瘡蟲永絕。又瘡中小蟲搗爛塗之。

栗 鹹溫無毒。發明 栗。腎之果也。腎病宜風乾者食之。若脾胃虛寒暴注。須煨熟食之。栗楔一棗。三顆中扁者。療筋骨風痛。又能破冷疔癬。生嚼善惡刺。出箭頭。栗菰。肉上薄皮也。燒存性。治骨鯁在喉。吹入卽下。栗殼煮汁。治反胃消渴。毛毬。外刺包也。煮汁洗火丹毒腫。栗花治療癰。栗樹皮煮汁。洗沙蝨溪毒。并丹毒瘡毒。根治偏墜腎氣。酒煎服之。

大棗 甘平無毒。入藥取大紅棗。擘去核用。多食令齒生蠱。本經主心腹邪氣。安中養脾氣。平胃氣。通

九竅。助十二經。補少氣。少津液。身中不足。大驚四肢重。和百藥。發明 棗屬土而有火。爲脾經血分藥。

甘先入脾。故用薑棗之辛甘。以和榮衛也。仲景治奔豚。用滋脾土。平腎氣也。十棗湯用以益土。勝邪水也。

而中滿者勿食。故仲景建中湯。心下痞者減飴棗。與甘草同例。此得用棗之法矣。金匱治婦人藏燥。悲恐

歎哭。有甘麥大棗湯。亦取其助肝脾肺三經之津液。以滋其燥耳。本經主心腹邪氣。亦是和榮衛邪之義。

平胃氣者。以其甘溫健運。善平胃中敦阜之氣也。素問以棗爲脾家之果。故本經又主身中不足。大驚。四

肢重。用此補益脾津。而神氣自寧。肢體自捷矣。古方中用大棗。皆是紅棗。取生能散表也。入補脾藥。宜用

南棗。取甘能益津也。其黑棗助濕中火。損齒生蟲。入藥非宜。生棗多食。令人熱渴氣脹。瘦人多火者。彌不可食。

梨。甘微酸寒無毒。發明。別錄著梨。止言其害。不錄其功。蓋古人論病。多主傷寒客邪。若消痰降火。

除客熱。止心煩。梨之有益。蓋亦不少。近有一人。患消中善饑。諸治罔效。因煩渴不已。恣噉梨不徹。藥而瘳。一婦鬱抑成勞。欬嗽吐血。右側不得貼席者半年。或令以梨汁頓熱服。盞許。卽時吐稠痰。結塊半盂。是夜便能向右而臥。明日復飲半盞。吐痰如前。已後飲食漸增。雖尋常食品。單刀直入。可以立破沉疴。而梨之種類最多。惟乳梨鵝梨消梨可以療病。然須審大便實者。方可與食。元氣虛者。不慎而誤噉之。往往成寒中之患。豈可概謂食之有益乎。

木瓜。酸溫無毒。發明。木瓜酸收下降。所主霍亂轉筋。吐利脚氣。皆取收攝脾胃之濕熱。非肝病也。轉筋雖屬風水行脾。實由濕熱。或寒濕之邪。襲傷脾胃所致。用此理脾而伐肝也。多食木瓜。損齒及骨。伐肝之明驗。患頭風人。以鮮者放枕邊。引散肝風。日久漸安。凡腰膝無力。由於精血虛陰不足者。及脾胃有積滯者。皆不利於酸收也。

山楂。即棠。子。

甘苦微酸溫無毒。去核則不發熱。童便浸。薑汁拌炒黑。去積血甚捷。發明。山楂入

足陽明太陰厥陰三經血分。大能剋化飲食。本經謂其酸冷。然其功長於消肉積。行滯血。性溫可知。若胃中無食積。脾虛不能運化。不思飲食者。服之反剋伐脾胃生發之氣。良非所宜。炒黑治產後兒枕作痛。亦以其能消血也。今痢疾初起。多積垢者。用薑汁炒。治偏墜疝氣。爲散酒服。不過半月效。用核尤捷。若外感風寒。兼傷飲食。舉世以發表消導並進。中氣實者。幸而獲痊。虛者表邪乘虛陷入於府。而生內變者多矣。○東魯棠棣子。酒後嚼數顆。良與糖作膏。尤爲精品。

奈俗名類婆

甘溫無毒。

發明

奈生北地。與南方林檎同類異種。雖有和脾之能。多食令人肺壅臃脹。病人尤當忌食。

人尤當忌食。

林檎俗名花紅

溫無毒。

發明

林檎雖不傷脾。多食令人發熱。以其味溫性溫也。病人每好食此。多致

復發。或生痰涎而爲欬逆。壅閉氣道使然。其核食之煩心助火可知。

柿蒂

溫平無毒。柿蟹同食。則吐利腹痛。木香可解。

發明

柿之生青熟赤。生瀟熟甘。渾是陰內陽外

之象。猶蒂之瀟。始終不改。故取以治陰內陽外之病。濟生方治呃逆。專取柿蒂之瀟。以斂內蘊之熱。丁香生將之辛。以散外鬱之寒。深得寒熱兼濟之妙用。嘗考古方中。有單用柿蒂以降逆氣者。是以丹溪但執以寒治熱之理。而不及從治之法。矯枉過矣。至三因方。又於濟生方中。加良薑之類。是真爲寒而反助其

熱乎。○其乾柿白霜。專清肺胃之熱。在元氣未瀉。可勝寒潤者。用之固宜。但虛勞煩嗽喘乏。得此鬱閉虛陽。病根日固。與埋薪灰燼何異。

安石榴 子甘酸皮瀋溫無毒 發明 榴味甘酸。具木火之象。故多食傷肺損齒。而生痰涎。其皮瀋溫。

能治下痢滑脫。一種小者曰酸石榴。治痢尤捷。千金治痢方皆用之。酸兼收斂。故能止下痢漏精。崩中下血。丹方以酸石榴連皮子搗汁。入薑茶煎。治寒熱利。又久痢用榴皮燒灰。人參湯下一錢。屢驗。○榴花曝乾研細。吹鼻止衄。最速。干瓣者更良。功在山茶花之上。

橘皮 苦辛溫無毒。產粵東新會。陳久者良。陰虛乾欬。蜜水製用。婦人乳房癰癤。醋拌炒用。本經主胸

中痰熱逆氣。利水穀。久服去口臭。下氣通神。發明 橘稟東南陽氣而生。故以閩粵者最勝。其踰淮而

北。則變為枳。此地氣使然。與人之鄉音習俗無異。橘之文采煥發於外。故其功用都在於皮。專行脾肺二

經氣分。本經主治胸中痰熱逆氣。為消痰運脾之要藥。留白則補脾胃。去白則理肺氣。同人參白朮則補

脾胃。同人參甘草則補肺。獨用則瀉肺損脾。其治百病。總是取其理氣燥濕之功。同補藥則補。同瀉藥則

瀉。同升藥則升。同降藥則降。脾乃元氣之母。肺乃攝氣之籥。故為二經氣分藥。但隨所配。而補瀉升降也。

同生薑則止嘔。同半夏則豁痰。同杏仁治大腸氣祕。同桃仁治大腸血祕。皆取其通滯也。○橘紅專主肺

寒欬嗽多痰。虛損方多用之。然久嗽氣泄。又非所宜。按橘皮下氣消痰。其饜生痰聚飲。一物而性之殊異如此。

青橘皮。辛温無毒。醋炒用。剗去酸水。作四界者。曰蓮花青皮。細如豆者。為青皮子。中有小橙。莫能辨別。

發明。青橘皮古方所無。至宋時醫家乃用之。入足太陰厥陰。破滯氣。削堅積。及小腹痼瘕。用之以疎通。

二經行其氣也。小兒消積多用之。青皮最能發汗。多汗者勿用。久瘧熱甚。必結癖塊。宜多服清脾飲。內有。

青皮疎利肝邪。則癖自不結也。中氣虛人禁。用以其伐肝太甚。而傷生發之氣也。

橘核。苦温無毒。去殼焙香研碎用。細者為橘核。粗即橙核。發明。橘核沉降。入足厥陰。與青皮同功。

故治腰痛癢疝在下之病。不獨取象於核也。然惟實證為宜。虛者禁用。以其味苦。大傷胃中沖和之氣也。

橘葉。苦平無毒。發明。橘葉苦平。導胸膈逆氣。消乳癰。搗爛和麵。熨傷寒胸膈痞滿。又治肺癰絞汁。

一燕販。吐出膿血愈。

柑。辛苦微寒無毒。發明。柑皮產廣東化州者最勝。與橘皮雖同為下氣之品。然性之温寒各異。故。

開寶取和腸中熱毒。解丹石。止暴渴。利小便。皆取辛寒以散熱滯也。世罕知用。惟千金方中用之。云柑皮。

者即此。

橙 酸寒無毒。發明 橙性酸寒。方藥少用。其鮮者惟殺魚蟹毒。和鹽貯食。止惡心。解酒病。疔瘡寒熱。禁食。以其酸寒。能滯邪氣也。其核治閃挫腰痛。炒研酒服三錢即愈。

柚 酸寒皮甘辛無毒。發明 柚能解酒。辟飲酒人口氣。皮能下氣化痰。與金橘性相類。但金橘甘酸。

下氣尤捷。

柑 櫞 柑櫞舊作枸櫞。字形相似之誤。 辛苦甘溫無毒。發明 柑櫞乃佛手香櫞兩種。性味相類。故綱目混論不分。蓋

柑者佛手也。專破滯氣。今人治痢下後重。取陳年者用之。但痢久氣虛。非其所宜。櫞者香櫞也。兼破痰水。

近世治欬嗽氣壅。亦取陳者。除去穰核用之。庶無酸收之患。丹方治鼓脹諸藥不效。用陳香櫞一枚連穰。

大核桃肉二枚連皮。縮妙仁二錢去膜。各煨存性為散。砂糖拌調。空腹頓服。服後水從臍出屢驗。

金橘 一名金柑。 酸甘溫無毒。發明 金橘形如彈丸。金柑形如牛奶。一皆酸甘香竄。並能下氣快膈。止渴。

解醒而圓者尤佳。

枇杷葉 辛苦平無毒。刷去毛蜜炙用。發明 枇杷味甘色黃。為脾家果。然必極熟。乃有止渴下氣潤。

五藏之功。若帶生味酸。力能助肝伐脾。食之令人中滿泄瀉。○其葉氣味俱薄。故入肺胃二經。治夏月傷。

暑氣逆最良。近世治勞嗽。無不用之。蓋取其利胃下氣。氣下則火降痰消。胃和則嘔定。噦止。然胃寒嘔吐。

及風寒欬嗽忌之。○其核大寒而伐肝脾。以之同落蘇入麩醬。則色青翠。同蟹入鍋煮。則至熟不赤。性寒走肝可知。

楊梅 甘酸溫無毒。發明 楊梅爲心家血分之果。兼入肝脾心包。能止渴除煩。燒灰則斷痢。鹽藏則

止噦嘔消酒。但血熱火旺人不宜多食。恐動經絡之血而致衄也。其性雖熱而能從治熱鬱解毒。其根皮煎湯能解砒毒。燒灰油調塗湯火傷。核仁療腳氣。然須多食。以柿漆拌核。爆卽自裂也。

櫻桃 一名含桃 甘熱小毒。發明 櫻桃屬火而發濕熱。舊有熱病及喘嗽者。得之立發。一種小者。名山櫻

桃。性味甘平而不發熱。能止腸澀滑精。豈以形之不材。而反食之無害耶。其核今人用以升發麻斑。力能助火。大非所宜。在春夏尤爲切忌。

銀杏 俗名白果 甘苦平瀉無毒。發明 銀杏定喘方用之。生嚼止白濁。降痰消毒殺蟲。塗鼻面手足。去酸

鮑野豔。生搗能浣油膩。同水搗漿衣。殺蟲蝨。去痰滌垢之功。可例推矣。熟則壅遏閉氣。多食令人臃脹昏悶。昔有饑者。薄暮食此過多。次日脹悶欲死。急以鵝翎蘸香油探吐。方可得生。糞清灌之亦生。取其能降

泄也。

胡桃 一名核桃。又名羌桃。 甘平溫無毒。入藥連皮用。發明 補骨脂屬火。能使心包與命門之火相通。胡桃屬

水潤燥養血。佐補骨脂。有水火相生之妙。胡桃肉類三焦。而外皮水汁皆青黑。故能通命門。助相火。同補骨脂。杜仲。青鹽。名青蛾丸。治腎虛腰痛。以其能補腎也。同人參。名應夢散。治肺寒喘嗽。以其能斂肺也。同生薑。咀嚼。亦治寒痰喘嗽。若多食動風。脫人眉毛。詳其同錢細嚼。卽與銅俱化。與甘蔗同嚼。則蔗渣消融。其消肺燥。肝可知。丹方用其瓢。燒令黑。和松脂。傅瘰癧。有效。又以連皮胡桃肉。同貝母。全蠍。枚數相等。蜜丸。治鼠瘻。痰核。總取以通鬱結也。但肺有痰熱。命門火熾者。勿食。其殼燒灰。存性。治乳壅。取灰末二錢。酒調服之。未腫卽消。已潰漸斂。但不可以其烟薰衣。衣卽易毀。青胡桃皮。塗鬚髮。皆黑。

長生果

一名落花生

甘溫無毒

發明

長生果產閩地。花落土中卽生。從古無此。近始有之。味甘氣香。能

健脾胃。飲食難消。運者宜之。或云與黃瓜相反。予曾二者並食。未蒙其害。因表出之。

貨貨葡萄

甘微鹹溫無毒

發明

貨貨葡萄。似葡萄而質細。故有貨貨之名。生於漠北。南方閩亦有

之。其榦類木而係藤本。其子生青熟赤。乾則紫黑。能摛精氣。歸宿腎藏。與五味子功用不甚相遠。凡藤蔓之類。皆屬於筋。草木之實。皆達於藏。不獨此味爲然。此物向供食品。不入湯藥。故本草不載。近時北人以之強腎。南人以之稀痘。各有攸宜。強腎方用貨貨葡萄。人參各一錢。火酒浸一宿。侵晨塗手心。摩擦腰脊。能助膂力。強壯。若臥時。摩擦腰脊。力助陽事。堅強。服之尤爲得力。稀痘方用貨貨葡萄一歲一錢。神黃豆

一歲一粒。杵爲細末。一陽夜蜜水調服。併擦心窩腰眼。能助腎祛邪。以北地方物。專助東南生氣之不足也。然惟稟質素弱者。用之有益。若氣壯偏陽者。勿用。恐其助長淫火之毒也。

椽寶 苦溫無毒。發明 椽寶消穀止痢。厚腸胃。令人強健。且能治痔漏脫肛。千金方治石癰堅硬如

石。不作膿。用椽子一枚。蘸醋於石上磨汁塗之。乾則易。不過十度即平。共殼爲散。及煮汁服。止下痢。併染

鬚髮。

檫皮 一名赤龍皮 苦瀋無毒。發明 檫皮煎服除蟲。及漏惡瘡甚效。能治赤白痢腸風下血。肘後方治下

部敗爛瘡。赤龍皮散以之爲君。千金方治附骨疽癩疾。及蠱毒多用之。皆取苦澀化毒也。

荔枝 肉甘溫核瀋無毒。治疝取建產潤肩之核良。發明 荔枝實氣味純陽。能散無形之滯氣。瘰癧

赤腫宜之。多食發熱。煩渴口乾。衄血而核入厥陰。經行散滯氣。其實雙結而核似罌丸。故治癩疝囊腫。有

述類象形之義。時珍治癩疝氣刺痛。婦人血氣刺痛。小而肉似龍眼。其核尖小。僅堪醋磨。瘰癧治疝無效。

龍眼 俗名圓眼 甘平無毒。桂產者佳。粵東者性熱。不堪入藥。發明 龍眼補血益肝。同枸杞熬膏。專補心

脾之血。歸脾湯用之。治思慮傷心脾。皆取甘味歸脾。能益人智之義。然中滿家嘔家勿食。爲其氣壅也。師

尼寡婦勿用。以其能助心包之火。與三焦之火相煽也。

橄欖一名青果

瀉甘溫無毒

發明

橄欖先瀉後甘生津止渴開胃消痰醉飽後及寒痰結嗽宜之熱嗽

不可誤食病人多食令氣上壅以其性溫而瀉聚火氣於胃也又能消酒解鱖鮓河豚諸魚鼈毒觀朱魚

食橄欖查卽斃能解魚毒可知故嚼汁噦之能治魚骨鯁有效患痘瘡者宜多食以其解毒而助胃中溫

和之氣令痘起發也又核燒灰蜜丸同黃獨服能稀痘但性專搜滌胎毒過服令人嘔瀉嬰兒初生胡桃

肉連皮三枚橄欖核燒灰一枚硃砂雄黃各一分研細和甘草汁生白蜜絞去滓開乳前頓熱服之可代

化毒丹但化毒丹治胎熱面赤此治胎寒面白不可混也又灰末敷金瘡無癩生核磨水搽癩漸滅

榧子甘滴溫有毒

本經主腹中邪氣去三蟲蛇螫蠱毒鬼疰伏尸

發明

榧實肺家果也性溫散

氣故能去腹中邪氣三蟲諸疾火炒食之引火入肺多食則大腸受傷小兒黃瘦有蟲積者宜食與使君

子同功觀本經主治可知

松子甘溫無毒

發明

海松子甘潤益肺清心止嗽潤腸兼柏仁麻仁之功溫中益陰之效心肺燥

痰乾嗽之良藥也

檳榔苦辛溫無毒

發明

檳榔泄胸中至高之氣使之下行性如鐵石之沉重能墜諸藥至於下極

故治衝脈爲病逆氣裏急及治諸氣壅腹脹後重如神胸腹蟲食積滯作痛同木香爲必用之藥其功專

於下氣消脹。逐水除痰。殺蟲治痢。攻食破積。止瘧療疝。脚氣瘴癘。若氣虛下陷人。及隔上有稠疾結氣者。得之。其痞滿昏塞愈甚。又凡瀉後瘧後虛痢。切不可用也。閩廣瘴毒之鄉。人常食此。必以蒟葉裹嚼之。所云飽能使之饑。醉能使之醒者。以其能下氣也。云饑能使之飽。醒能使之醉者。以蒟葉辛溫。能開發中外之氣。以散瘴癘之邪也。

大腹子

即大腹
檳榔

辛溫無毒。此味與檳榔。皆性堅難切。須用滾水泡漬切之。若以水浸濁滿。不但失其

性味。反有傷於胃氣也。發明 大腹子偏入氣分。體豐濕盛者宜之。夫檳榔偏主血分。腹滿多火者宜之時。珍謂大腹與檳榔同功。似未體此。

大腹皮

辛溫有毒。鳩鳥多集其樹上。宜酒洗後。再以菘豆湯洗過用。其內粗者耗氣。宜摘去之。發

明 檳榔性沉重。泄有形之積滯。腹皮性輕浮。散無形之滯氣。故痞滿膨脹。水氣浮腫。脚氣壅逆者宜之。惟虛脹禁用。以其能泄真氣也。

馬檳榔

苦甘寒無毒。

發明

馬檳榔生滇南夷地。不入湯藥。熱病食數枚。冷水下之。腫毒惡瘡。嚼一

枚并塗腫處。產難臨時細嚼數枚。并花水送下。須臾立產。再以四枚去殼。兩手各握一枚。惡水自下。欲斷產常嚼二枚。久則子宮冷。自不孕矣。

無花果 實甘平。葉微辛無毒。發明 無花果出雲南。揚州亦多有之。今吳楚閩越人家折枝插成。枝柯如枇杷樹。三月發葉。五月不花而實。實出枝間。狀如木饅頭。熟則紫色軟爛。其味如柿而無核也。食之開胃止洩。治咽喉痛。葉主五痔腫痛。煎湯頻薰洗之。

枳椇

一名雞距子
俗名蜜屈律

甘平無毒。

發明

枳椇金鈎樹之子也。本草止言木能敗酒。屋外有此木。屋內釀

酒皆不佳。丹溪治酒病。往往用其實。又能止渴除煩。去膈上熱。潤五藏。利大小便。多服發虬蟲。以其大甘助濕熱之所化也。

水果部

西瓜 甘寒無毒。

發明

西瓜瓢色赤味甘。能引心包之熱。從小腸膀胱下泄。以其得西方金氣於三

伏中。故能解太陽陽明中膈。及熱病大渴。故有天生白虎湯之稱。而春夏伏氣發。瘟熱病。覓得隔年藏者。嗽之。如湯沃雪。緣是世醫常以治冬時傷寒壞病煩渴。從未見其得愈者。良由不達天時。不明鬱發之故耳。近有舶上來者。五月便熟。不必覓隔年藏者。方宜時世之不同若此。

瓜子仁 甘淡微溫無毒。

發明

西瓜甘寒降泄。子仁甘溫性升。以中藏烈日之氣。不無助火之責。其

開露痰涎。是其本性。世人咸謂瓜子生痰。安有甫入口而便變痰涎之理。按相感志云。食西瓜後食其子。

卽不噉瓜氣其溫散之力可知綱目言其主治與甜瓜仁同豈甜瓜仁亦爲生痰之物耶

甜瓜蒂俗名苦丁香 苦寒有毒熬黃用 本經主大水身面浮腫下水殺蟲毒咳逆上氣及食諸果病在胸

腹中皆吐下之 發明 酸苦涌泄爲陰仲景瓜蒂散用瓜蒂之苦寒合赤小豆之酸甘以吐胸中寒邪

金匱瓜蒂湯治中膈無汗令人罕能用之又搐鼻取頭中寒濕黃痺得麝香細辛治鼻不聞香臭瓜蒂乃

陽明除濕熱之藥能引去胸膈痰涎故能治面目浮腫咳逆上氣皮膚水氣黃痺濕熱諸證卽本經主治

也凡尺脈虛胃氣弱病後產後吐藥皆宜戒慎何獨瓜蒂爲然哉故膈上無熱痰邪熱者切禁

甜瓜子卽甜瓜瓣 甘寒無毒 發明 甜瓜仁專於開痰利氣別錄治腹內結聚破潰膿血爲腸胃內癰要

藥千金治肺癰有葦莖湯腸癰有牡丹大黃湯予嘗用之然必黃熟味甜者方不傷胃氣若生青味苦力

劣不堪入藥其瓢亦能去暑然脾胃虛人食之每致瀉痢不可不知

蒲桃俗名葡萄 甘寒無毒 本經治筋骨濕痺益氣力强志令人肥健耐饑忍風寒可作酒 發明 葡萄

之性寒滑食多令人泄瀉丹溪言東南人食之多病熱西北人食之無恙蓋能下走滲道西北人稟氣厚

故有本經所主之功無足異也

甘蔗 甘平無毒 發明 蔗脾之果也其漿甘寒能瀉火熱煎煉成糖則甘溫而助濕熱也蔗漿消渴

解酒。自古稱之。而孟詵乃為共酒食發痰者。豈不知其有解酒除熱之功耶。日華子又為砂糖能解酒毒。則不知既經煎煉。便能助酒為熱。與蔗之性異矣。即如甘草遇火則熱。麻油遇火則冷。此物性之異。醫者當知。近世用以搗汁治痢。服之有效。以其甘寒養胃而清濕熱也。

沙糖

色黑如油者是

甘溫無毒

發明

沙糖性溫。能和脾緩肝。故治脾胃及瀉肝藥。用為先導。今人好吸烟

草。受其毒者。用此點湯解之。但性助濕熱。不可多食。熬焦治產婦敗血衝心。及虛羸老弱。血痢不可攻者。最效。

石蜜

即冰糖也。散白如霜者曰糖。霜與山蜂蜜結石上者不同。

甘平無毒

發明

凝結成塊。如石者為石蜜。輕白如霜者為糖霜。

比紫沙糖稍平。功用雖同。但白入氣分。紫入血分為異。白糖霜亦能解烟草之毒。惟色黃者性熱。有濕熱者遠之。世言糖性濕熱。多食令人齒齲生疳。近見患口疳者。細嚼冰糖輒愈。取其達疳以磨濕熱凝滯也。又暴得咳嗽吐血乍止。以冰糖與燕窩菜同煮連服。取其平補肺胃。而無止截之患也。惟胃中有痰濕者。令人欲嘔。以其甜膩戀膈故也。

蓮藕

甘平瀉無毒

發明

蓮出淤泥。而無濁氣沾染。其根通達諸竅。聯絲諸絡。允為交媾黃宮。通調

津液之上品。入心脾血分。冷而不泄。澀而不滯。產後血悶。及血淋尿血宜之。新產生冷皆忌。獨生藕不禁。

爲其能止熱渴。破留血也。生食止霍亂虛渴。蒸食開胃實下焦。搗浸澄粉服食。治虛損失血。吐利下血。又血痢口噤不能食。頻服則結糞自下。胃氣自開。便能進食。但市者皆豆麥菱粉僞充。不可混用。○藕節之味大瀟。能止驟脫諸血。產後血悶。隔水頓熱。和童子小便飲之。一人患血淋脹痛。白藥不應。以生藕汁調髮灰服之。三日血止痛除。以其性專散血。而無傷耗真元之患也。

蓮實 甘平瀟無毒。去心中苦意。則不傷胃。發明 蓮子得水土之精英。補中養神。益氣清心。固精止瀉。除崩帶赤白濁。能使心腎交而成既濟之妙。昔人治心腎不交。勞傷白濁。清心蓮子飲。補心腎益精血。有瑞蓮丸。皆取其補益黃庭。實堤禦水之義。

石蓮子 甘寒無毒。發明 石蓮子本蓮實。老於蓮房。墮入淤泥。經久堅黑如石。故以得名。爲熱毒噤口痢之專藥。取水土之餘氣。補助脾陰。而滌除熱毒。然必兼人參之大力。開提胃氣。方始克應。若痢久胃氣虛寒。口噤不食。則爲戈戟也。況乎世鮮真者。今藥肆中乃以一種水實僞充。其子出自粵東。大苦大寒。大傷胃氣。醫者不察。誤投傷殘之軀。往往輕者爲重。重者致斃。至於腎虛精滑之人。誤認髓藏有熱。而峻用苦寒。鏟伐虛陽。精愈不能收攝。得無虛虛之患乎。

蓮蕊鬚 甘瀟溫無毒。忌地黃葱蒜。發明 蓮鬚清心通腎。以其味瀟。故爲祕蓄精氣之要藥。三因固

真丸巨勝子丸用之。然惟慾勤精薄者爲宜。亢陽不製者勿用。恐其兜瀉爲患也。○蓮花性味與鬚相類。惟取白花將開者。陰乾入藥。久服延年不饑。故經進奉仙丸用之。

蓮房 苦瀉温無毒。發明 蓮房入厥陰。功專止血。故血崩下血。溺血。皆燒灰用之。雖能止截。不似櫻

灰之兜塞也。

荷葉 苦瀉平無毒。發明 荷葉得清震之氣。故潔古枳朮丸方。用荷葉燒飯爲丸。東垣治雷頭風證。

頭面腫痛。疔瘡。憎寒發熱。狀如傷寒。證在三陽。不可過用寒藥。清震湯治之。用荷葉升麻蒼朮煎服。又痘

瘡爲風寒外襲。而變黑倒靨。聞人規用荷葉合殭蠶。解結滯之氣。而痘自起。又燒灰單服。可消陽水浮腫。

入健脾藥。但用其蒂。謂之荷鼻。取其味厚勝於他處也。戴元禮云。服荷葉令人瘦劣。非可常服。觀丹士縮

銀法。用荷葉同鍛。則銀質頓輕。其性之消燼。無有甚於此者。

芡實 俗名雞頭實 甘平無毒。本經主濕痺腰脊膝痛。補中除暴疾。益精氣強志。發明 芡生水中而能

益脾利濕。觀本經所主。皆脾腎之病。遺精濁帶。小便不禁者宜之。

芡實 俗名菱角 甘平無毒。發明 芡實多種。滯氣則一。紅瀉白補。生降熟升。僅供食品。略無取於治療。患

瘧痢人勿食。過食令人腹滿臃脹。古法用麝香點湯解之。近人以沉香磨汁導之。總取芳香散滯之力耳。

烏芋 俗名藥酒又名黑三稜

甘寒無毒

發明

烏芋善毀銅。為消堅削積之物。服丹石人宜之。瘡癩乾紫不能

起發。同地龍搗爛。入白酒釀絞服。即起。又治酒客肺胃濕熱。聲音不清。及腹中熱積蠱毒。丹方治痞積。三伏時以火酒浸曬。每日空腹細嚼七枚。痞積漸消。故有黑三稜之名。凡有冷氣人勿食。多食令人患脚氣。虛勞咳嗽切禁。以其峻削肺氣。兼耗營血。故孕婦血渴忌之。

慈姑

苦甘微寒無毒

發明

主治百毒。產後血悶攻心欲死。產難胞衣不出。並生搗汁服之。有脚氣

癱緩風人勿食。以熟食蘊氣也。葉治小兒遊風丹毒。搗爛塗之即消。

味部

蜀椒

辛溫小毒。去目勿炒用。蜀產者微辛不辣。色黃者氣味微辛。散心包之火最勝。色紅者氣味辛辣。

壯命門之火最強。形如鴿鈴者真。以子種出。其葉十三瓣者蜀椒也。閉口者有毒。傷入誤中其毒吐沫者

地漿水解之。本經主邪氣欬逆溫中。逐骨節皮膚死肌。寒熱痺痛下氣。久服頭不白。發明 椒乃手

足太陰少陰厥陰氣分之藥。稟五行之氣而生。葉青皮紅。花黃膜白子黑。其氣馨香。能使火氣下達命門。

故本經謂之下氣。其主邪氣咳逆等證。皆是脾肺二經受病。肺虛則不能固密腠理。外邪客之為咳逆。脾

虛則不能溫煖肌肉。而為痛痺等證。其治嘔吐服藥不納者。必有蚘在隔間。但於嘔吐藥中加川椒數十

本經 卷三 水部 味部 二十一

粒。蓋虬聞藥則動。遇椒則頭伏也。故仲景治虬厥。烏梅丸用之。又能開痺濕。溫中氣。助心包命門之火。本經言。久服頭不白者。辛溫上通腎氣之力可知。今烏鬚髮方用之。一人腰痛痰喘。足冷如冰。六脈洪大。按之却軟。服八味丸無功。用椒紅茯苓蜜丸鹽湯下。甫二十日而安。但其性辛溫氣竄。陰虛火旺人禁之。秦椒。辛溫有毒。去目炒。去汗取紅用。其葉九瓣者秦椒也。閉口者有毒。誤食之戟人咽喉。氣欲絕。或吐下白沫。身體痺冷。肉桂煎汁飲之。多飲冷水一二升。或食蒜。或飲地漿。或濃煎豆豉飲之。並解。本經除風邪氣。溫中去寒痺。堅齒髮明目。發明。秦椒味辛氣烈。過於蜀椒。其溫中去痺除風邪氣。治吐逆痼痕。下腫濕氣。皆取辛烈以散鬱熱。乃從治之法也。不宜多服。令鬚髮易白。以其氣辛。非蜀椒之比。臭毒瘡毒腹痛。冷水下一握效。其能通三焦。引正氣下惡氣可知也。

椒目。苦平無毒。發明。椒赤目黑。水能制火。故專瀉水降火。治腎氣逆上喘急。又妊娠水腫喘逆。用椒仁丸。能引諸藥下行滲道。所以定喘下水。治腎虛耳鳴。同巴豆菖蒲礪細。以松脂黃蠟溶和為挺。納耳中。搗之一日一易效。

豬椒根。即蔓椒。苦溫無毒。其葉七瓣者豬椒也。本經主風寒濕痺。歷節疼。除四肢厥氣膝痛。煎湯蒸浴取汗。發明。豬椒根蔓生。氣臭。故能通經脈。去風毒濕痺。千金治肝虛勞損。關節骨疼痛。筋攣煩悶。虎

骨酒用之。又取枝葉煎熬如飴。治通身水腫。每日空腹食之。

胡椒 辛大温小毒。發明 胡椒大辛大熱。純陽之物。走氣助火。昏目發瘡。多食損肺。令人吐血。心腹

冷痛。反胃吐利。霍亂氣逆。及魚鼈蠶毒。宜之。嚴冬泡水磨墨。則硯不冰。勝於皂水火酒。傷筆易禿也。

畢澄茄 辛温無毒。發明 時珍曰。畢澄茄海南諸番皆有之。與胡椒一類兩種。正如大腹之與檳榔

耳。珣曰。向陰生者爲澄茄。向陽生者爲胡椒。主治與胡椒相類。而熱性稍遜。治反胃吐出黑汁。諸藥不効。

用此一味爲丸。薑湯服之。痘瘡入目。爲末以少許吹鼻中。三五次動。鼻塞不通。用此半兩同薄荷葉三錢。

荆芥穗二錢半。蜜丸。芡實大。時時含嚙之。但陰虛血分有熱。發熱欬嗽。禁用。

吳茱萸 辛苦温小毒。揀去閉口者。否則令人躁悶。揀淨以滾湯泡七次。去其濁氣。則清香扶胃。而無辛

燥之患也。本經温中下氣止痛。除濕血痹。逐風邪。開腠理。欬逆寒熱。發明 吳茱萸氣味俱厚。陽中

之陰。其性好上者。以其辛也。又善降逆氣者。以味厚也。辛散燥熱。而燥入肝行脾。本經主温中下氣止痛。

欬逆寒熱。專取辛温散邪之力。又言除濕血痹。逐風邪。開腠理者。以風寒濕痹。靡不由脾胃而入。辛温開

發。表裏宣通。而無拒閉之患矣。至於定吐止瀉。理關格中滿。脚氣疝瘕。制肝燥脾。風厥氣上逆。陰寒膈塞。

氣不得上下。腹脹下痢。及衝脈爲病。逆氣裏急。並宜苦熱以泄之。東垣云。濁陰不降。厥氣上逆。甚而脹滿。

者非吳茱萸不可治。仲景吳茱萸湯。當歸四逆加吳茱萸生薑湯。治厥陰病。及溫脾皆用之。寇氏言其下氣最速。陽虛人服之愈甚。凡病非寒滯者勿服。按椒性善下。茱萸善上。故服茱萸者。有衝膈衝眼。脫髮咽痛。動火發瘡之害。其治暴注下重。嘔逆吐酸。肝脾火逆之證。必兼苦寒以降之。如佐金丸治肝火痰運。嘈雜最效。小兒痘瘡口一嚼吳茱萸抹之即開。亦取辛散之意。

食茱萸 辛苦大溫有毒 本經主心下邪氣寒熱溫中逐寒濕痹去三蟲久服輕身 發明 食茱萸

與吳茱萸性味相類。功用彷彿。而本經之文。向來錯簡在山茱萸條內。詳其主心下寒熱。即孟詵治心腹冷痛之謂。溫中逐寒濕脾。即中惡去藏府冷之謂。去三蟲。即藏氣療蠱毒飛屍之謂。雖常食之品。辛香助陽。能辟濁陰之滯。故有輕身之喻。已上主治。豈山茱萸能之乎。其治帶下冷痢。暖胃燥濕水氣浮腫用之功。同吳茱萸而力少遜。多食動目火。目痛者忌之。

茗 苦甘微寒無毒。服草薺葳靈仙土茯苓忌之。本經主瘰瘡。利小便。去痰熱止渴。令人少睡。有力悅

志。發明 茗乃茶之粗者。味苦而寒。最能降火消痰。開鬱利氣。下行之功最速。故本經主瘰瘡。利小便。

去痰熱之患。然過飲即令人少寐。以其氣清也。消食止渴。無出其右。合醋治傷暑泄利。同薑治滯下赤白。

兼香敗葱白生薑。治時疫氣發熱頭痛。一味濃煎治風痰。茶之產處最多。惟陽羨者謂之真界。凡茶皆能

降火清頭目。其陳年者曰臘茶。以其經冬過臘。故以命名。佐劉寄奴治便血最效。產徽者曰松蘿。專於化食。產浙紹者曰日鑄。專於清火。產閩者曰建茶。專於辟瘴。產六合者曰苦丁。專於止痢。產滇南者曰普洱。茶則兼消食辟瘴止痢之功。蒙山者世所罕有。近世每採石荅代充。誤人殊甚。其餘雜茶皆苦寒伐胃。胃虛血弱之人。有嗜茶成癖者。久而傷精血不華。色黃瘁。痿弱嘔逆洞泄。種種皆傷茶之害。而侵晨啜茗。每傷腎氣。酒後嗜茶。多成茶癖。又新茶飲之。令人聲音不清。以其能鬱遏火邪也。至於精氣寒滑。觸之易泄者。勿食。宜以沙苑。葵藜。點湯代之。茶子味苦氣肅。善於降火。專治頭中鳴響。天白蟻之病。江右人每以打油。味最清香。浸油沐髮最佳。取茶子餅。煮汁澆花。以辟盆中之蚯蚓。煎湯滌衣垢。則不退顏色。總取其質之輕清。而不沾滯也。

香木部

柏子仁 甘平無毒。蒸熟曝乾。自裂。入藥炒研用。色黃油透者勿用。本經主驚悸。益氣除風濕。安五藏。久服令人潤澤美色。耳目聰明。不饑不老。輕身延年。發明 柏子仁。性平而補。味甘而辛。其氣清香。能通心腎。益脾胃。宜乎滋養之劑用之。本經言除風濕者。以其性燥也。別錄療恍惚。及歷節腰中重痛。即本經主驚悸除風濕也。經疏以爲除風濕痹之功。非潤藥所能。當是葉之能事。豈知其質雖潤。而性却燥。未

有香藥之性不燥者也。好古以爲肝經氣分藥。時珍言養心氣潤腎燥。安魂定魄。益智靈神。卽本經之安五藏也。昔人以其多油而滑。痰多作瀉忌服。蓋不知其性燥而無傷中泥痰之患。久服每致大便燥結。以芳香走氣而無益血之功也。

柏葉

節油

苦微寒無毒。酒浸焙熟用。

發明

柏葉性寒而燥。大能伐胃。雖有止衄之功。而無陽生之力。故亡血虛家不宜擅服。然配合之力。功過懸殊。如金匱柏葉湯。同薑艾治吐血不止。當無止慮矣。若濟

急方。同黃連治小便血。聖濟總錄。同芍藥治月水不斷。縱藉酒之辛溫。以行苦寒之勢。但酒力易過。苦寒長留。每致減食作瀉。痰積不散。是豈柏葉之過歟。○柏節堅勁。用以煮汁釀酒。去風痹。歷節風。燒取其油。療癩瘡疥癩。柏脂治身面疣。同松脂研勻塗之。數日自落。根白皮。以臘豬脂調塗。火灼熱油燙瘡。能涼血生毛髮。

松脂

本經名松膏
俗名松香

苦甘溫無毒。

本經主癰疽惡瘡。頭瘍白禿。疥癩風氣。安五藏除熱。久服輕身。不老

延年。

發明

松脂得風木堅勁之氣。其津液流行皮幹之中。積歲結成。芳香燥烈。允爲方士辟穀延齡

之上藥。然必蒸煉。始堪服食。本經所主諸病。皆取風燥。以祛濕熱之患耳。今生肌藥中用之者。取其瀉以斂之也。

松節 苦溫無毒 發明 松節質堅氣勁久亦不朽故筋骨間風濕諸病宜之但血燥人忌服○松花
潤心肺益氣除風濕今醫治痘瘡濕爛取其涼燥也

杉 辛微溫無毒 發明 杉氣芬芳取其薄片煮湯薰洗膿瘡無不獲效其性直上其節堅勁有杉木
湯治腳氣痿絕脈下有塊如石方用杉節橘葉各一升大腹檳榔七枚連皮碎搗童便三升共煮減半服
之六下三行氣塊通散此鄭間美治柳柳州法也杉葉治風蟲牙痛同芎藭細辛煎酒含嗽杉子治疝氣
痛一歲一粒研酒服

肉桂 辛甘大溫無毒去麤皮用凡桂皆忌葱勿見火以辛香得火轉烈恐動陰血也色深紫而甘勝於
辛其形狹長半卷而鬆厚者良若堅厚味淡者曰板桂今名西桂不入湯藥近世船上人每以丁皮混充
不可不辨 發明 肉桂辛熱下行入足太陰少陰通陰躋督脈氣味俱厚益火消陰大補陽氣下焦火
不足者宜之其性下行導火之源所謂腎苦燥急食辛以潤之利肝腎止腰腹寒痛冷痰霍亂轉筋堅筋
骨通血脈元素言補下焦不足沉寒痼冷之病下部腹痛非此不能止時珍治寒痺風濕陰盛失血瀉痢
驚癇皆取辛溫散結之力也古方治小兒驚癇及泄瀉病宜五苓散以瀉內火滲土濕內有桂抑肝風而
扶脾土引利水藥入膀胱也赤眼腫痛脾虛不能飲食肝脈盛脾脈弱用涼藥治肝則脾愈虛用煖藥助

脾則肝愈盛。但於溫脾藥中。倍加肉桂。殺肝益脾。一治而兩得之。同丁香治痘瘡灰塌。以其能溫托化膿也。又桂辛散。能通子宮。而破血調經。消癥瘕。破瘀墜胎。內托陰疽。癰久不斂。及虛陽上乘。面赤戴陽。吐血衄血。而脈警警。虛大無力者。皆不可缺。有胎息虛寒下墜。服黃芩白朮輩。安之不應。小腹愈痛。愈墜。脈來弦細。或浮革者。非參耆桂附十全大補溫之不效。昔人又以亡血虛家。不可用桂。時珍以之治陰盛失血。非妙達陰陽之理。不能知此。惟陰虛失血。而脈弦細數者。切忌。今人以之同石灰等分爲末。搽黑膏上。貼癰塊效。亦取辛溫散結之力。然惟藜藿之人。皮膚粗厚者宜之。

桂心 辛甘大溫無毒。卽肉桂之去外色。淡。但存中心深紫。切之油潤者是。發明 桂心既去外層苦燥之性。獨取中心甘潤之味。專溫營分之裏藥。故治九種心痛。腹內冷痛。破疔癰等病。與經絡軀殼之病無預。非若肉桂之兼通經脈。和營衛。堅筋骨。有寒濕風痹等治也。

牡桂一名大桂 辛甘微苦溫無毒。甜厚而闊者是。本經主上氣欬逆結氣。喉痺吐。吸利關節。補中益氣。久

服通神。輕身不老。發明 牡桂辛勝於甘。而微帶苦。性偏溫散。而能上行。故本經治上氣欬逆。成無己利肺氣。皆取辛散上行之力。時珍不察。乃與桂枝同列。非智者一失歟。蓋桂枝是最上枝條。亦名柳桂。言如柳條之嫩小也。蓋牡者陽也。牡桂是稟離火純陽之氣。故味帶苦。且大且厚。與桂枝絕不相類。何可混

言本經言治上氣欬逆。導下焦之陰火逆上也。治結氣。辛溫開結也。喉痹吐吸同氣相招以引浮游之火下泄也。然必兼苦寒降泄之味用之。利關節。從內而達於表也。補中益氣。久服通神。輕身不老。補助真元。陽生陰長也。然須詳素稟豐腴。濕勝火衰者爲宜。若瘦人精血不充。火氣用事。非可例以爲然也。其治心腹冷痛。癥瘕血滯。筋脈拘攣。冷痰霍亂。其功不減肉桂。但治相火不歸。下元虛冷。力不能直達下焦。爲稍遜耳。

筒桂

俗名官桂

辛甘溫無毒

本經主百病。養精神。和顏色。爲諸藥先聘通使。久服面生光華。媚好常如童子。

子。發明

筒桂辛而不熱。薄而能宣。爲諸藥通使。故百病宜之。本經言其養精神。和顏色。有辛溫之功。

無壯火之患也。爲諸藥先聘通使。凡開提之藥。補益之藥。無不宜之。久服面生光華。媚好常如童子。以其

質薄性輕。無桂心肉桂牡桂等雄烈之氣。力勝真陰之比。別錄治心痛脇痛脇風。溫經通血脈。止煩出汗。

皆薄則宣通之義。綱目乃以別錄元素二家之言。皆混列牡桂之下。蓋牡桂是桂之大者。功用與肉桂相

類。專行氣中血滯。筒桂則專行胸脇。爲脹滿之要藥。凡中焦寒邪拒閉。胃氣不通。嘔吐酸水。寒痰水癖。奔

豚死血。風寒痛痹。三焦結滯。並宜薄桂。蓋味厚則泄。薄則通也。

桂枝

辛甘微溫無毒

發明

麻黃外發而祛寒。過徹皮毛。故專於發汗。桂枝上行而散表。透達營衛。

故能解肌。元素云。傷風頭痛。開腠理解肌發汗。去皮膚風濕。此皆桂枝所治。時珍乃以列之牡桂之下。誤矣。按仲景治中風解表。皆用桂枝湯。又云無汗不得用桂枝。其義云何。夫太陽中風。陽浮陰弱。陽浮者熱自發。陰弱者汗自出。衛實營虛。故發熱汗出。桂枝湯爲專藥。又太陽病發熱汗出者。此爲營弱衛強。陰虛陽必濇之。皆用桂枝發汗。此調其營。則衛氣自和。風邪無所容。遂從汗解。非桂枝能發汗也。汗多用桂枝湯者。以之與芍藥調和營衛。則邪從汗去而汗自止。非桂枝能止汗也。世俗以傷寒無汗不得用桂枝者。非也。桂枝辛甘發散爲陽。寒傷營血亦不可少之藥。麻黃湯葛根湯未嘗缺此。但不可用桂枝湯。以中有芍藥酸寒。收斂表腠爲禁耳。若夫傷寒尺脈不至。是中焦營氣之虛。不能下通於衛。故需膠飴加入桂枝湯方。取稼穡之甘。引入胃中。遂名之曰建中。更加黃耆。則爲黃耆建中。借表藥爲裏藥。以治男子虛勞不足。千金又以黃耆建中。換入當歸。爲內補建中。以治婦人產後虛羸不足。不特無餘邪內伏之虞。并可杜陽邪內陷之患。非洞達長沙妙用。難以體此。詳桂枝本手少陰血分藥。以其兼走陽維。凡傷之邪。無不由陽維傳次。故此方爲太陽首劑。昔人以桂枝湯爲太陽經風傷衛之常藥。他經皆非所宜。而仲景三陰例中。陰益復陽。靡不用之。卽厥陰當歸四逆。未嘗不本桂枝湯也。○桂附各具五體。各有攸宜。肉桂雖主下元。而總理中外血氣。桂心專溫藏府營血。不行經絡氣分。牡桂性兼上行。統治表裏虛寒。薄桂善走胸脇。

不能風透下條。桂枝調和營衛。解散風邪。而無過汗傷表之厄。真藥中之良品。尤爲湯液之祖也。本經之
言牡桂。兼肉桂。桂心而言。言筒桂。兼桂枝而言也。其他板桂。木桂。僅供香料食料。不入湯藥。

辛夷

卽木筆花

辛温無毒。剝去毛瓣。取仁用。忌火焙。

本經主五藏身體寒熱。頭風腦痛面黤。

發明 鼻

氣通於天。肺開竅於鼻。辛夷之辛温走氣。而入肺利竅。其體輕浮。能開胃中清陽。上行通於天。故本經治
陽氣鬱遏。身體寒熱。頭風腦痛面黤。辛温能解肌表。芳香上竄頭目。逐陽分之風邪。則諸證自愈。軒岐之
後。能達此理者。東垣一人而已。凡鼻竅鼻淵鼻塞。及痘後鼻瘡。並研末入麝香少許。以葱白蘸入。甚良。腦
鼻中有濕氣。久窒不通者宜之。但辛香走竄。虛人血虛火熾而鼻塞。及偶感風寒。鼻塞不聞香臭者。禁用。
沈香 辛甘苦微温無毒。咀嚼香甜者性平。辛辣者性熱。修製忌火。香藥皆然。不獨沉香也。產海南者色
黃。鋸處色黑。俗謂銅筋鐵骨者良。產大宜白棕紋者次之。近有新山產者。色黑而堅。質不鬆。味不甘苦。入
藥無效。番舶來者。氣味帶酸。此爲下品。其浮水者曰速香。不入藥。發明 沈水香性温。秉南方純陽之
性。專於化氣。諸氣鬱結不伸者宜之。温而不燥。行而不泄。扶脾達腎。攝火歸源。主大腸虛秘。小便氣淋。及
痰涎血出於脾者。爲之要藥。凡心腹卒痛。霍亂中惡。氣逆喘急者。並宜酒磨服之。補命門三焦。男子精冷。
宜入丸劑。同廣藿香。香附。治諸虛寒熱。同丁香肉桂。治胃虛呃逆。同紫蘇白豆蔻。治胃冷嘔吐。同茯苓人

參治心神不足。同川椒肉桂。治命門火衰。同廣木香香附。治婦人強忍入房。或過忍尿以致轉胞不通。同肉蓯蓉麻仁。治大腸虛秘。昔人四磨飲。沈香化氣丸。滾痰丸用之。取其降泄也。沈香降氣散用之。取其散結導氣也。黑錫丹用之。取其納氣歸元也。但多降少升。氣虛下陷人不可多服。久服每致失氣無度。面黃少食。虛證百出矣。○一種曰蜜香。與沈香大抵相類。故綱目釋名沈水香蜜香。二者並稱。但其性直者。毋論大小。皆是沈水。若形如木耳者。俗名將軍帽。卽是蜜香。其力稍遜。僅能辟惡。去邪氣尸桂。一切不正之氣。而溫脾暖胃。納氣歸元之力。不如沈香也。

丁香一名雞舌香

辛溫無毒。有子而大者曰母丁香。去薺及子。用忌見火。

發明 丁香辛溫。入手太陰足

少陰陽明經。溫胃進食。止嘔定瀉。虛冷下痢白沫之要藥。乾霍亂不吐不下。及嘔逆不止。厥冷脈沈者。並宜服之。胃寒肝虛。呃逆嘔噦。在所必用。但渴欲飲水。熱噦呃逆。不可誤投。小兒痘疹不光澤不起發。氣虛灰白。或脹或瀉。或渴。或氣促。表裏俱虛之證。並宜加用。凡胃逆嘔吐者。健胃消痰藥中。加三五粒甚效。不宜多用。但其性易於僭上。過用則損肺傷目。非屬虛寒者。槩不可施。○丁皮卽丁香材皮。似筒桂皮而堅厚。色深紫。較之肉桂味稍枯。氣稍滯。專治一切心腹冷氣。腹脹惡心。泄瀉虛滑水穀不消。及齒痛諸證。方家用代丁香。今船上人每以僞充肉桂。不可不辨。

旃檀 辛溫無毒。禁用火焙。發明 白檀香善調膈上諸氣。散冷氣引胃氣。升進飲食。氣通陽明之經。鬱抑不舒。嘔逆吐食者宜之。癰疽潰後膿多禁用。

紫檀 鹹平無毒。發明 白檀辛溫氣分藥也。故能理衛氣而調脾肺。利胸膈。紫檀鹹平血分藥也。能和營氣而消腫毒。療金瘡。各有攸宜。

降真香 辛溫無毒。禁用火焙。發明 降真香色赤入血分而下降。故內服能行血破滯。外塗可止血定痛。刃傷用紫金散。卽降真香用磁瓦刮下。和血竭研末是也。又虛損吐紅色瘀昧不鮮者宜加用之。其功與花藥石散不殊。血熱妄行。色紫濃厚。脈實便秘者禁用。

烏藥 辛溫無毒。酒浸曬乾用。不可見火。發明 烏藥香竄。能散諸氣。故治中風中氣諸證。用烏藥順氣散者。先疎其氣。氣順則風散也。性溫能理七情鬱結。上氣喘急。用四磨六磨。婦人血氣諸痛。男子腰膝麻痺。用烏沈湯。並倍參之力。寓補於瀉也。大抵能治氣血凝滯。霍亂吐瀉。痰食稽留。但專泄之品。施之藜蘆相宜。若高粱之輩。血虛內熱者服之。鮮不蒙其害也。

茴香 辛溫小毒。去子用。小而味淡者曰木蟹。不入藥。發明 舶上茴香。性熱味厚。性入肝經。散一切寒結。故黑錫丹用之。若陰虛肝火從左上衝頭面者。用之最捷。蓋茴香與肉桂吳茱萸皆厥陰之藥。莢則

走腸胃。桂則走肝藏。茵則走經絡也。得鹽引入腎經。發出邪氣。故治疝氣有效。但耗血發熱。目病瘡瘍忌之。

楓香脂

一名白膠香

辛苦平無毒。

發明

楓性疎通。故木易蛀。爲外科透毒要藥。金瘡筋斷。一味爲末。傅

之。千金治咳唾膿血。取其開發肺氣也。血熱生風。齒頰腫痛。爲末擦之。燒過揩牙。永無牙疾。

薰陸香

即乳香

苦辛微溫無毒。以酒研如泥。水飛曬乾。或著上焙去油。同燈心研碎。

發明

乳香香

竅能入心經。活血定痛。故爲癰疽瘡瘍要藥。諸痛癢瘡。皆屬心火也。產科諸方多用之。亦取其活血調血之功耳。凡人筋不伸者。薰洗敷藥。宜加乳香。其性能伸筋也。瘡疽潰後勿服。膿多勿敷。胃弱勿用。

沒藥

苦平無毒。修治與乳香同。

發明

乳香活血。沒藥散血。皆能止痛消腫生肌。故二藥每每相兼

爲用。凡刃傷打損墜馬。並宜熱酒調服。若妊婦胎氣不安勿用。產後惡露去多。腹中虛痛。癰疽已潰而痛及筋骨胸腹諸痛。若不因瘀血者。皆不可服。

麒麟竭

即血竭

甘鹹平無毒。試之透指甲爲真。嚼之不爛如蠟者爲上。草血竭色紫。亞於瓜竭。發明

血竭木之脂液。如人之膏血。爲止痛和血。收斂瘡口。散瘀生新之要藥。治傷折打損。一切疼痛。血氣攪刺。內傷血聚。並宜酒服。乳香沒藥。雖主血病。而兼入氣分。此則專於肝經血分也。但性最急。却能引膿。不宜

多服。其助陽藥中同乳香沒藥用之者。取以調和血氣。而無留滯壅毒之患。

安息香 辛苦微甘平無毒。出西戎及南海波斯國。樹中脂也。如膠如飴。今安南三佛齊諸番皆有之。如飴者曰安息香。紫黑黃相和如瑪瑙。研之色白者爲上。粗黑中夾砂石樹皮者爲次。乃渣滓結成也。有屑末不成塊者爲下。恐有他香夾雜也。燒之集鼠者爲真。修製最忌經火。發明 安息香乃外番入貢之物。香而不燥。竄而不烈。燒之去鬼來神。令人神清服之辟邪除惡。令人條暢。能通心腹諸邪氣。辟惡蠱毒。理霍亂。止卒然心痛嘔逆。治婦人爲邪祟所憑。夜與鬼交。燒烟薰丹田穴永斷。故傳尸瘳療咸用之。其蘇合香丸。紫雪丹用之。各有轉日回天之功。洵非尋常方藥可比也。凡氣虛少食。陰虛多火者禁用。爲其能耗氣也。

蘇合香 甘溫無毒。出天竺崑崙諸國。安南三佛齊亦皆有之。其質如麝膠者爲蘇合油。色微綠如雉斑者良。微黃者次之。紫赤者又次之。以簪挑起。徑尺不斷如絲。漸漸屈起如鈎者爲上。以少許擦手心。香透手背者真。忌經火。發明 蘇合香聚諸香之氣而成。能辟惡殺鬼精物。治溫瘧蠱毒癩瘕。去三蟲除邪。能透諸竅。辟一切不正之氣。凡痰積氣厥。必先以此開導。治痰以理氣爲本也。凡山嵐瘴濕之氣。襲於經絡。拘急弛緩不均者。非此不能除。但性燥氣竄。陰虛多火人禁用。

龍腦香即冰片

辛苦温有毒忌見火

發明

龍腦香竄入骨風病在骨髓者宜之若風在血脈肌肉用

之反引風入骨髓也其味大辛善走故能散熱通利關格結氣張雲岐人參散柏子仁湯等方多用之其治目痛喉痹下疳取其辛温而散火鬱也時珍曰古方皆言龍腦辛涼入心故目疾驚風及痘瘡心熱血瘀倒靨者用猪心血為引使毒散於外則瘡發此似是而非也目痛驚風及痘皆火病火鬱則發之從治之法辛温發散故也使壅塞通利經絡條達而驚熱自平瘡毒能出然不可多用多用則真氣立耗矣人有急難欲自盡者頓吞兩許立斃為其性烈立能散盡真氣也世人誤以為寒不知辛散之性似乎涼耳治火證舌出寸許用冰片末搽上即縮引火歸元也目病屬陰虛者不宜入點

樟腦一名腦子又名韶腦

辛熱有毒忌見火

發明

樟木性稟龍火辛温香竄能去濕辟惡氣故治乾霍亂以

樟木屑煎濃汁吐之中惡卒死者以樟木燒烟熏之待蘇用藥韶郡諸山樟木最多土人以之蒸汁煎煉結成樟腦與炤硝無異水中然火其炤益熾今丹爐家及烟火方皆用之去濕殺蟲此物所長燒烟薰衣能辟蠱蝨治脚氣腫痛或以樟腦置兩股用杉木作桶盛湯濯之或樟腦烏頭等分醋丸彈子大每置一丸於足心踏之下以微火烘之衣被圍覆汗出如涎為效

阿魏

辛温有毒驗真偽法置熟銅器中一宿沾處白如銀色者為真

發明

阿魏消肉積殺蟲治癰

積爲主藥。故能解毒辟邪。治瘧痢疝勞諸病。久瘧用阿魏硃砂等分爲末。米糊丸。皂子大。空心人參湯服。一丸卽愈。如痢用黃連木香湯下。蓋瘧亦多起於積滯耳。同麝香硫黃蘇合。貼一切塊有效。然人脾胃喜芳香而惡臭烈。凡脾胃虛人。雖有積滯。不可輕投。

蘆薈 苦寒小毒。發明 蘆薈入厥陰肝經及衝脈。其功專於殺蟲清熱。衝脈爲病。逆氣裏急。及經事不調。腹中結塊上衝。與小兒疝熱積滯。非此不除。同甘草爲末。治頭項頑癬甚效。但大苦大寒。且氣甚穢。惡。僅可施之。藜蘆若胃虛少食人得之。入口便大吐逆。每致奪食泄瀉。而成羸瘦怯弱者多矣。有人背瘡愈後。餘熱不除。或令服蘆薈藥三服。不數日而斃。傷胃之性。於此可徵。

香木部

黃檗 根名 檀桓

苦寒無毒。生用降實火。酒製治陰火上炎。鹽製治下焦之火。薑製治中焦痰火。薑汁炒黑治

濕熱。鹽酒炒黑治虛火。陰虛火盛。面赤戴陽。附子汁製。本經主五藏腸胃中結熱。黃痺腸痔。止泄痢。女

子漏下赤白。陰傷蝕瘡。○檀桓主心腹百病。安魂魄。不饑渴。久服輕身。延年通神。發明 黃檗苦燥。爲

治三陰濕熱之專藥。詳本經主治。皆濕熱傷陰之候。卽漏下赤白。亦必因熱邪傷陰。火氣有餘之患。非崩中久漏之比。其根治心腹百病。魂魄不安。皆火氣內亢之候。仲景梔子梔皮湯。治身黃發熱。得其旨矣。按

黃蘗味厚而降。入腎經血分。凡腎水膀胱不足。諸痿厥無力。於黃耆湯中加用。使兩足膝中氣力湧出。痿弱即愈。黃蘗蒼朮。乃治痿要藥。凡下焦濕熱腫痛。并膀胱火邪。小便不利及黃澀者。並宜黃蘗知母爲君。茯苓澤瀉爲佐。凡小便不通而渴者。邪熱在氣分。主治在肺不能生水。不渴者。邪熱在血分。主治在膀胱。不能化氣。亦宜黃蘗知母。昔人病小便不通。腹堅如石。脚腿裂水。雙睛凸出。過服治滿利小便藥不効。此高粱積熱。損傷腎水。致膀胱不化。火氣上逆而爲嘔噦。遂以滋腎丸主之。方用黃蘗知母。入桂爲引導。服少時。前陰如火燒。溺即涌出。顧盼腫消。金匱治誤食自死六畜肉中毒。用黃蘗屑搗服方寸匕。解之。不特治高粱積熱。蓋苦以解毒。寒以泄熱也。大抵苦寒之性。利於實熱。不利於虛熱。凡脾虛少食。或嘔或瀉。或好熱惡寒。或腎虛五更泄瀉。小便不禁。少腹冷痛。陽虛發熱。瘀血停止。產後血虛發熱。癰疽腫後發熱。陰虛小便不利。痘後脾虛。小便不利。血虛煩躁不眠等證。法皆忌之。一種小而實如酸石榴者。名曰小蘗。性亦不甚相遠。千金翼阿伽佗丸用之。

厚朴 苦辛溫小毒。紫厚者佳。薑汁炒用。忌黑豆。宜用滾水泡數次切之。不可久浸氣滲。有傷脾氣。本經主中風傷寒。頭痛寒熱。驚悸逆氣。血痹死肌。去三蟲。發明 厚朴苦溫。先升後降。爲陰中之陽藥。故能破血中氣滯。本經中風傷寒。頭痛寒熱者。風寒外傷於陽分也。其治驚悸逆氣。血痹死肌者。寒濕入傷

於腠理也。濕熱內著於腸胃而生三蟲。此藥辛能散結。苦能燥濕。溫能祛蟲。故悉主之。消風散用之。深得本經之義。今世但知厚朴爲溫中散滯之藥。而治腸胃濕滿寒脹。溫中下氣。消痰止吐。平胃散用以治腹脹者。味辛能散滯氣也。若氣實人誤服參耆。脹悶作喘。宜此瀉之。與枳實大黃同用。能瀉實滿。所謂消痰下氣也。與蒼朮橘皮同用。能瀉濕滿。所謂溫中益氣也。然行氣峻猛。虛者勿服。氣溫卽止。不可久服。

杜仲 辛甘溫無毒。鹽酒炒斷絲用。本經主腰痛。補中益精氣。堅筋骨。強志。除陰下癢。濕。小有餘瀝。

發明 杜仲古方但知補腎。而本經主腰脊痛。補中益精氣等病。是補火以生土也。王好古言。是肝經氣分藥。蓋肝主筋。腎主骨。腎充則骨強。肝充則筋健。屈伸利用。皆屬於筋。故入肝而補腎。子能令母實也。但

腎虛火熾。夢泄遺精而痛者。勿用。以其辛溫。引領虛陽下走也。

檉榔根皮

鳳眼草

香者名檉。甘平無毒。臭者名榔。苦溫有毒。檉樹有蟲。謂之檉雞。榔樹有莢。莢中有實。狀

如目珠。名鳳眼草。子嗣門中練真丸用之。專治髓藏中濕熱。高年素享豐厚者宜之。發明 檉根白皮性寒而能瀉血。治濕熱爲病。瀉利澀帶。滑夢遺精諸證。有燥痰之功。但痢疾滯氣未盡者。不可遽用。崩帶屬陰虛者。亦不可服。蓋檉皮色赤而入血分。久痢血傷者宜之。檉皮色白而入氣分。暴痢氣滯者宜之。不可不辨而混用也。

乾漆漆子 辛苦鹹温有毒。炒令烟盡。否則損人腸胃。今人多用漆渣偽充。必凝結如磚者佳。本經主

絕傷。補中續筋骨。填髓腦。安五藏。五緩六急。風寒濕痺。生漆去長蟲。久服輕身耐老。發明 乾漆灰辛

温。性善下降而破血。故消腫殺蟲通月閉。皆取去惡血之用。而本經治絕傷補中。是取其破宿生新之力

也。蓋胃中有瘀積留滯。則陽氣竭絕。不能敷布中外。故藏府筋骨髓腦。皆失營養。乃致健運失常。肢體緩

縱。用此以鏟除瘀積。中氣得復。絕傷皆續。而緩急和矣。生漆去長蟲。故千金去三蟲方以之為君。三蟲去

輕身長年。所不待言。但恆人艱於久服耳。元素云。削年深堅結之積滯。破日久凝結之瘀血。斯言盡乾漆

之用矣。無積血者切忌。以大傷營血。損胃氣。故胃虛人服之。往往作嘔。此與本經之義。似乎相背。而實不

相違。產後血暈。以舊漆器燒烟熏之。即醒。蓋亦取下血之義。而破經絡中血滯。用真漆塗鱧甲。煨入藥

破血最捷。婦人血虛經閉。為之切禁。凡畏漆者。嚼椒塗口鼻。免生漆瘡。誤中其毒。以生蟹搗汁。或紫蘇解

之。○漆葉塗紫雲瘋。面生紫腫。取其散瘀之功也。○漆子專主下血。千金方用之。審無瘀滯。慎勿漫投。

梓白皮 苦寒無毒。取根去外黑皮用。本經治熱毒。去三蟲。發明 梓皮苦寒。能利太陽陽明經濕

熱。仲景麻黃連軹赤小豆湯用之。其治温病復傷寒。飲變為胃嘔者。煮汁飲之。取其引寒飲濕邪下泄也。

梧葉皮 苦寒無毒。本經主惡蝕陰瘡。五痔。殺三蟲。發明 梧之與桐。本是二種。梧子狀如胡椒。性

熱助火。欬嗽多痰者勿食。梧葉消腫毒生毛髮。本經治惡蝕陰瘡。肘後治髮落不生。醫林正宗。治癰疽發背大如盤。臭腐不可近。用梧葉醋蒸貼上。熱退痛止。漸漸生肉收口。梧皮煎汁。療小兒丹毒惡瘡。本經治五痔。殺三蟲。今人煎湯熏洗腸痔脫肛。卽本經治五痔之應。浸水塗鬚髮黑潤。過用則髮黃赤。助火之驗也。

桐實 辛寒有毒。發明 桐子不入食品。專供作油。其狀如罌。摩塗疥癬毒腫。吐風痰喉痹。以桐油和水。掃入喉中則吐。誤食吐者。得酒卽解。

海桐皮 一名刺桐 苦平無毒。發明 海桐皮能行經絡達病所。治風濕腰脚不遂。血脈頑痹。腿膝疼痛。赤

白瀉痢。及去風殺蟲。蟲牙風痛。煎湯漱之。瘡蝕疥癬。磨汁塗之。目赤膚瞤。浸水洗之。此藥專去風濕。隨證入藥服之。無風濕者勿用。

川棟實 卽金鈴子 苦棟根附 苦寒小毒。酒浸蒸栗去皮核。取淨肉捻作餅。焙乾用。本經主溫病傷寒。大熱煩狂。

殺三蟲。疥瘡。利小便水道。發明 川棟苦寒性降。能導濕熱下走滲道。人但知其有治疝之功。而不知

其湯熱止痛之用。本經主溫病煩狂。取以引火毒下泄。而煩亂自除。其溫病之下。又續出傷寒二字。以溫病原從冬時伏邪。至春隨陽氣而發。故宜苦寒以降泄之。其殺三蟲利水道。總取以苦化熱之義。古方金

鈴子散。治心包火鬱作痛。卽婦人產後血結心疼。亦宜用之。以金鈴子能降火逆。延胡索能散結血。功勝
矢笑散。而無腥穢傷中之患。昔人以川棟爲疝氣腹痛。殺蟲利水專藥。然多有用之不效者。不知川棟所
主。乃癭腫莖強太痛濕熱之疝。非痛引入腹厥逆嘔涎之寒疝所宜。此言雖迴出前輩。然猶未達至治之
奧。天疝瘕皆由寒束熱邪。每多掣引作痛。必需川棟之苦寒。兼茴香之辛熱。以解錯綜之邪。更須察其痛
之從下而上引者。隨手輒應。設痛之從上而下注者。法當辛溫散結。苦寒良非所宜。諸痛皆爾。不獨疝瘕
爲然。近有一人。牙宣出血不止。諸治罔效。或令以棟實研細。綿裹塞齒齦。卽止。詳血從內出。外治何能卽
應。因以少許置舌上。其苦直透諸齦。況有罅漏。安得不滲入於經也。○苦棟根治蠱毒。煎湯服之。卽時吐
出。又能殺蟲治瘡。○其花燒烟辟蚊蟲。亦本經殺蟲之驗。

槐實

俗名槐角

苦酸鹹寒無毒。取子入牛膽中陰乾。日服七枚。久服有明目通神。白髮還黑之功。有痔及便

血者。尤宜服之。本經主五內邪氣熱。止涎唾。補絕傷。五痔火瘡。婦人乳癢。子藏急痛。發明 槐者虛星

之精。益腎清火。與黃蘗同類異治。蓋黃蘗專滋腎經血燥。此則專滋腎家津枯。觀本經主治。皆脾胃有熱。

陰津不足之病。止涎唾。腎司閉藏之職也。下焦痔瘻腸風。風熱便血。年久不止者。用此一味熬膏。煉蜜收

服。婦人乳癢。子藏急痛。皆肝家血熱之患。用以清熱滋燥。諸證自安。上皆指槐角而言。其角中核子。專主

明目。久服鬚髮不白。益腎之功可知。惟胃虛食少。及孕婦勿服。槐枝燒灰塗。婦精瘡。有清火潤燥之功。千金方也。

槐花 苦寒無毒。溫水滌去灰。焙香用。發明 槐花苦涼。陽明厥陰血分藥也。故大小便血。及目赤腫

痛。皆用之。目得血而能視。赤腫乃血熱之病也。腸血痔血。同柏葉微炒爲末。烏梅湯服。腸風藏毒。淘淨炒

香爲末。腸風荆芥湯服。藏毒齏猪藏。日日服之。但性純陰。虛寒無實火。禁用。

秦皮 苦微寒無毒。本經治風寒濕痹。洗洗寒氣除熱。目中青翳白膜。久服頭不白。輕身。發明 秦

皮浸水色青。氣寒性瀼。肝膽藥也。本經治風寒濕痹。取其苦燥也。又主青白翳障。取其苦降也。小兒驚癇。

取其平木也。崩中帶下。熱痢下重。取其瀼收也。老子云。天道貴畜。此服食之品。故本經有久服頭不白。輕

身之說。而仲景白頭翁湯。治熱痢下重。以黃蘗黃連秦皮同用。皆苦以堅之也。秦皮黃連等分。治赤眼腫

痛。又一味煎湯洗赤目甚效。其味最苦。胃虛少食者禁用。

合歡皮 一名合昏。千金名黃昏。俗名烏桕樹。甘平無毒。本經安五藏。和心志。令人歡樂無憂。久服輕身明目。發明

合歡屬土與水。補陰之功最捷。單用煎湯。治肺癰唾濁。合阿膠煎膏。治肺痿吐血。皆驗。與白蠟同熬。膏爲

長肌肉續筋骨之要藥。而外科家未嘗錄用。何也。按合歡所主諸病。不過長肌肉續筋骨。故用以填補肺

之潰缺。而本經安五藏。和心志等語。豈特諸疾而已。稽康養生論云。合歡蠲忿。萱草忘憂。豈無顧名思義之實乎。

皂莢

一名皂角

辛鹹溫小毒。入藥去皮弦子酥炙用。本經主風痺死肌邪氣。頭風淚出。利九竅。殺精物。

發明 皂莢辛散屬金。治厥陰風木之病。觀本經主治風痺死肌。頭風淚出。皆取其去風拔毒。通關利竅。有破堅積。逐風痰。辟邪氣。殺蟲毒之功。吹之導之。則通上下之竅。煎之服之。則治風痰喘滿。塗之擦之。則散腫消毒。去面上風氣。熏之蒸之。則通大便。祕結。燒烟熏之。則治廉瘡濕毒。卽本經治風痺死肌之意。用之無不效驗。凡人卒中風昏昏如醉。形體不收。口角流涎者。急用稀涎散吐之。若南方類中。由於陰虛火炎者。誤用涌劑。愈竭其津液矣。得不在所切禁乎。然治濕熱痰積。肺癰吐腥。及痰迷顛妄。干縉湯皂莢丸。來麩膏等。誠爲聖藥。惟孕婦禁服。按大小二皂。所治稍有不同。用治風痰。牙皂最盛。若治濕痰。大皂力優。古方取用甚多。然入湯藥最少。有瘍醫以牙皂煎湯。涌吐風痰。服後過體赤痱。數日後皮脫。大傷元氣。不可不慎。至於鎖喉風證。尤爲切禁。常見有激動其痰。鎖住不能吐出。頃刻立斃者。其子燻灰存性。能治大腸風祕燥結。祛風逐穢之性可知。

皂角刺

辛溫無毒。去尖用。否則脫人鬚髮。

發明

皂角刺治風殺蟲。與莢略同。但其銳利。直達病所。

其治瘡疹氣滯不能起頂灌膿者功效最捷而氣虛者慎勿誤用恐透表過銳反生虛泡也若血滯不能起頂灌膿又需陵鯉當非角刺所宜丹方治大風惡疾眉落鼻崩用皂角刺三觔燒灰爲末食後煎大黃湯調一匕服之不結劑而愈腫瘍服之卽消潰瘍服之難斂以其性善開泄也

肥皂莢 辛溫有毒去皮弦子取淨肉用之 發明 肥皂滌除頑痰垢膩不減二皂癩病勝金丹用之

亦取涌發不使砒性留於腸胃之意其子亦治大腸風祕須去硬殼及黃膜但取其仁炒研用之庶不致有傷腎氣耳

無患子 俗名鬼見愁 苦平無毒 發明 無患子言其辟邪之功也澣垢去面黥喉癢研納喉中立開又主

飛尸子中仁燒之辟除惡邪煨食辟惡氣去口臭

沒石子 一名無食子 苦溫無毒 發明 沒石子合他藥染髮仲景用治陰汗燒灰先以湯浴之以灰撲之

甚良又血痢及產後下痢俱用之綿裹塞牙痛效取溫散腎經濕熱也

訶黎勒子 卽訶子 苦澇溫無毒六稜者佳去核用 發明 訶子苦澇降斂生用清金止嗽煨熟固脾止瀉

古方取苦以化痰涎澇以固滑泄也殊不知降斂之性雖云澇能固脫終非甘溫益脾之比昔人言同屬梅五倍則收斂同橘皮厚朴則下氣同人參則補肺治嗽東垣言嗽藥不用者非也然此僅可施之於久

嗽喘乏真氣未艾者。庶有刼截之能。又久嗽陰火上炎。久痢虛熱下迫。愈刼愈滯。豈特風寒暴嗽。濕熱下痢。為禁劑乎。曷觀世醫用潤肺丸。益黃散之功。過可知。

柳華 柳葉 苦寒無毒。本經主風水黃痺。面熱黑。發明 柳華性寒。故能療風水黃痺。本經雖云柳

絮。實柳華也。絮則隨風飛揚。何從寬之。千金治女人積年不孕。吉祥丸中。與丹皮桃仁芍藥。同為散血之用。亦屬柳華無疑。柳葉治惡疥癩瘡。煎湯洗之立愈。以其力能殺蟲也。痘瘡生蛆。以兒臥柳葉上。其蛆立化。無葉時。根皮亦可用之。

檉柳 俗名西河柳 甘鹹平無毒。發明 檉柳獨入陽明。故其功專發癩疹。兼解酒毒去風。煎湯浴風疹癬

癢效。其治剝牛馬血入肉者。取以火炙熨之。亦可煮汁浸之。其毒即解。

水楊 苦平無毒。枝硬葉潤。條不下垂。其材可造矢者。為水楊。其枝莢葉細。條葉下垂者。謂之柳。發明

柳葉殺蟲。痘爛生蟲。用鋪臥下。其蟲即出。煎湯洗漆瘡惡疥。楊枝解毒。浴之消癰腫瘡瘍。根治痘瘡頂陷。漿滯。博愛心鑑有水楊浴法。如無水楊根。以忍冬藤煎湯代之。然南方皮腠薄弱。良非所宜。肘後治乳癰。用柳根。承類鈴方以水楊根。搗貼乳癰。其熱如火。再貼遂平。大抵二根。性味不甚相遠。

榆根白皮 本經名 察榆 甘平滑無毒。本經治大小便不通。利水道。除邪氣。發明 榆有二種。一種二月

生莢其莢飄零故謂零榆一種八月生莢皮有滑汁謂之榔榆性皆滑利然入手足太陽手陽明經本經治大小便不通取其有逐濕利竅之功故五淋腫滿及胎產宜之本草十劑云滑以去著冬葵子榆白皮之屬蓋亦取其通利滲濕消留著有形之物耳榔榆甘寒其下熱淋利水道之功則一但服之令人睡較零榆之除邪氣稍有不同二者性皆疎利若胃寒而虛者服之恐泄真氣良非所宜

蕪荑 辛平無毒去殼取仁微炒用 本經主五內邪氣散皮膚骨節中淫淫濕行毒去三蟲化食 發

明 蕪荑辛散能祛五內皮膚骨節濕熱之病近世但知其有去痞殺蟲及腸風痔瘡惡瘡疥癬之用殊失本經之旨千金治婦人經帶崩淋之病每同澤蘭厚朴藜本白芷細辛防風柏仁石斛輩用之取其去子藏中風熱垢膩也和猪脂搗塗瘡和蜜治濕癬及治腹中氣血痰酒諸癖以蕪荑仁炒香兼暖胃活血理氣藥為散服之

蘇方木 甘鹹平無毒 發明 蘇木陽中之陰陰多升少肝經血分藥也性能破血產後血腫脹悶欲

死者苦酒煮濃汁服之本虛不可攻者用二味參蘇飲補中寓瀉之法凜然可宗但能開泄大便臨證宜審若因惱怒氣阻經閉者宜加用之少用則和血多用則破血如產後惡露已淨而血虛腹痛大便不實者禁用

樺木皮 苦平無毒。發明 樺皮能收肥膩。故用以治濕熱癘風癩毒。取其能辟惡氣殺蟲蠱也。開寶治諸黃輝濃煮汁飲之。以其能利小便也。和劑治遍身瘡疥如癩。及癰癤搔癢。面上風刺。婦人粉刺。靈苑方治乳癰腫痛結硬。欲破燒存性。無灰酒服之。

櫻櫚 苦澇平無毒。陳久者良。發明 櫻灰性澇。失血去多。瘀滯已盡者。用之切當。取澇以固脫也。如積瘀未盡。誤服則氣滯血瘀。益增痛結之患矣。

烏柏根 辛苦溫有毒。發明 烏柏味苦而辛。性沉而降。故能主暴水癰結積聚。功勝大戟。氣虛人不可用之。○葉治食牛馬六畜肉。腹中疴痛欲死者。搗自然汁一二盞。頓服大利。毒去則愈。冬用根皮搗爛和酒絞服。○柏油塗頭。變白為黑。塗一切腫毒瘡疥。○柏油燭。抽去心。導大便秘結効。

巴豆 辛熱大毒。去殼及心。炒紫黑。或燒存性。或研爛。紙包壓去油取霜。各隨方製。本經主傷寒濕瘧寒熱破癥瘕結聚。堅積留飲。痰癖大腹。蕩練五藏六府。開通閉塞。利水穀道。去惡肉。除鬼毒。蠱疰邪物。殺蟲魚。發明 巴豆辛熱。能蕩練五藏六府。不特破癥瘕結聚之堅積。并可治傷寒濕瘧之寒熱。如仲景治寒實結胸。用白散。深得本經之旨。世本作溫瘧。當是濕瘧。亥豕之謬也。其性峻利。有破血排膿。攻痰逐水之力。宜隨證輕重而施。生用則峻攻。熟用則溫利。去油用霜。則推陳致新。隨證之緩急。而施反正之治。

酸用則有蠱亂劫病之功。少用亦有撫綏調中之妙。可以通腸。可以止瀉。此發千古之祕也。一老婦久病澹泄。遍服調脾升提止瀉諸藥。則瀉反甚。脈沉而滑。此脾胃久傷。冷積凝滯所致。法當以熱下之。則寒去利止。自後每用以治泄痢積聚諸病。多有不瀉而病痊者。妙在得宜耳。苟用不當。則犯損陰之戒矣。按巴豆大黃同爲攻下之劑。但大黃性寒。府病多熱者宜之。巴豆性熱。藏病多寒者宜之。其殼燒灰存性。能止瀉痢。亦劫病之效也。孕婦禁用。以力能墮胎也。元素曰。巴豆乃斬關奪門之將。不可輕用。世以治酒病膈氣。以其辛熱能開通腸胃鬱熱耳。第鬱結雖通。血液隨亡。其陰虧損。傷寒結胸。小兒疳積用之。不死亦危。奈何庸人畏大黃而不畏巴豆。以其性熱劑小耳。試以少許輕擦完膚。須臾發泡。況下腸胃。能無焦灼潰爛之患乎。卽有急證。不得已而用之。壓去其油。取霜少許入藥可也。

大風子 辛熱有毒。去殼取仁用。發明 丹溪曰。粗工治大風病。佐以大風油。殊不知此物性熱。有燥痰之功。而傷血特甚。至有病將愈而先失明者。時珍曰。大風油有殺蟲劫病之功。然不可多服。用之外塗。其功不可沒也。

相思子 苦平小毒。發明 相思子味苦有毒。立能吐人。其粒半黑半紅。故以命名。能通九竅。去心腹邪氣。止熱闕頭痛。風痰瘴瘧。殺一切蟲毒。蠱毒。取三七枚研水服之。卽當吐出。今人皆認此爲赤小豆。以

之配入六神麴中。鋪家以誤認而罔名。醫家亦不辨而混用。噫。醫之過可勝道哉。

灌木部

桑根白皮 甘寒無毒。須蜜酒相和。拌令濕透。炙熟用。否則傷肺泄氣。大不利人。根見土面者有毒。傷人。

發明 桑根白皮。瀉肺氣之有餘。止嗽而能利水。肺中有水氣。及肺火有餘者宜之。肺虛無火。因風寒而

欬者服之。風邪反閉固不散。而成久嗽者有之。甄權治肺中水氣。唾血熱渴。水腫腹滿臃脹。利水道。去寸

白蟲。可以縫金瘡。縫後以熱雞血塗之。桑皮之功用盡矣。

桑椹 甘溫無毒。本經主傷中。五勞六極羸瘦。崩中絕脈。補虛益氣。發明 桑椹手足少陰太陰血

分藥。本經所主。皆言桑椹之功。而宗爽云。本經言桑甚詳。獨遺其椹。卽瀕湖之博識。尙不加察。但以其功

誤列根皮之下。所以世鮮採用。惟萬壽酒用之。

桑葉 苦甘微寒小毒。蜜水拌蒸用。本經除寒熱出汗。發明 桑葉清肺胃。去風明目。取經霜者。煎

湯洗風眼。下淚。同黑芝麻。蜜丸久服。鬚髮不白。不老延年。本經言除寒熱出汗。卽大明蒸熟。搗馨風痛出

汗之謂。煎飲利五藏。通關節下氣。煎酒服治一切風。桑根燒灰淋汁。與石灰點面上。風滅瘧去惡肉。

桑枝 苦平無毒。發明 桑枝清熱去風。故遍體風癢乾燥。水氣脚氣。風氣四肢拘攣。無不宜之。時珍

云煎藥用桑者取其能利關節除風寒濕痹諸痛也。觀靈樞治寒痹用桂酒法以桑炭炙布巾熨痹處治口僻用馬膏法以桑鈎鈎其口坐桑灰上又癰疽發背流注頑瘡久不愈者用桑木灸法未潰則拔毒止痛已潰則補接陽氣其法以桑柴劈作小片束作小把然火吹息灸患處每吹灸片時瘀肉漸腐用此以助內服之藥又治久嗽不止用桑枝煎湯渴卽飲之桑柴灰熬膏點大風惡疾或淋取汁洗頭面不過十度卽瘥此聖惠法也。

柘根白皮

甘溫無毒

發明

時珍曰

柘能通腎氣故聖惠方治耳鳴耳聾藏器煮汁釀酒服止風虛

耳聾勞損虛羸腰腎冷千金治耳鳴汗出皆由腎虛或一二十年不瘥者方用柘根三十斤菖蒲五斗古

鐵二十斤燒赤浸三宿用米二石麴二斗用上三味汁釀如常法制服必效方具千金二十卷中

楮實

俗名穀樹子根皮名穀白皮

甘平無毒

發明

楮實走肝腎血分別錄治陰痿水腫益氣充肌明目大明言

壯筋骨助陽氣補虛勞健腰膝益顏色而修真祕旨言久服令人骨軟濟生祕旨言治骨鯁用楮實煎湯

服之豈非軟骨之徵乎脾胃虛人禁用○楮根白皮別錄主逐水利小便甄權治水腫氣滿吳普治癰瘡

總取散風祛毒之義

枳殼

辛苦平無毒陳耆良生熟各隨本方

本經主大風在皮膚中如麻豆苦癢除寒熱結

發明

枳殼破氣化痰。泄肺走大腸。多用損胸中至高之氣。枳殼主高。枳實主下。高者主氣。下者主血。故殼主胸膈皮毛之病。本經所治大風在皮膚中。如麻豆苦癢。除寒熱結。是指表病而言。實主脾胃心腹之病。本經所謂止痢。長肌肉利五藏。益氣輕身。是指裏病而言。凡人藏府清利。則氣自益。身自輕矣。詳枳殼枳實。皆能利氣。氣下則痰喘止。氣行則痞脹消。氣通則刺痛已。氣利則後重除也。仲景治胸脇痞滿。以枳實爲要藥。諸方治下血痔痢。大腸祕塞。裏急後重。又以枳殼爲通利。則枳實不獨治下。枳殼不獨治高也。然枳實性沉。兼能入肝脾血分。而消食積痰氣瘀血。有衝牆倒壁之喻。枳殼性浮。兼通肺胃氣分。而治喘欬霍亂水腫。有乘風破浪之勢。與桔梗同爲舟楫之劑。故柴胡枳殼。除寒熱痞滿之專藥。凡夾食傷寒感冒。與表藥同用。皆無妨礙。妊娠胞肥。有瘦胎飲。乃因氣壅阻滯而設。設素稟怯弱者誤服。令母氣耗難產。子亦氣弱難育。是取虛虛之禍也。

枳實 辛苦平無毒。本經止痢。長肌肉。利五藏。益氣輕身。發明 枳實入肝脾血分。消食瀉痰。滑竅破氣。心下痞。及宿食不消。並宜枳朮。故潔古枳朮丸。以調脾胃。實祖金匱治心下堅大如盤。用枳實白朮湯之法。腹卽軟消。潔古曰。心下痞。及宿食不消發熱。並宜枳實黃連。好古曰。益氣佐則之以參朮乾薑。破氣則佐之以大黃芒硝。此本經所以言益氣。而潔古復言消痰也。李士材云。自東垣分枳殼治高。枳實治

下好古分枳殼治氣。枳實治血。然究其功用皆利氣也。凡氣弱脾虛致停食痞滿。治當補中益氣。則食自化。痞自散。若用枳殼枳實。是抱薪救火矣。

枸橘 辛溫無毒。發明 枸橘與枳同類。其幹多刺。故破氣散熱之力過之。時珍治下痢膿血後重。今人解酒毒用之。總取其破氣之力也。丹方以枸橘煨末存性。酒服方寸匕。治胃脘結痛。又以醋浸熬膏。攤貼內傷諸痛。貼即痛止。但須久貼。方不復發。

梔子 苦寒無毒。入吐劑。取肥梔生用。入降火藥。以建梔薑汁炒黑用。本經主五內邪氣。胃中熱氣。面赤。酒皴皸鼻。白癩。赤癩。瘡瘍。發明 梔子仁體性輕浮。專除心肺客熱。本經治五內邪氣。胃中熱氣等。病。不獨除心肺客熱也。其去赤癩白癩瘡瘍者。諸痛癢瘡皆屬心火也。炮黑則專瀉三焦之火。及痞塊中火。最清胃脘之血。屈曲下行。能降火從小便中泄去。仲景治傷寒發汗吐下後。虛煩不得眠。心中懊惱。梔子豉湯主之。因其虛。故不用大黃。說亡血亡津。內生虛熱。非此不去也。治身黃發熱。用梔子柏皮湯。身黃腹滿。小便不利。用茵陳梔子大黃湯。取其利大小便而瀾濕熱也。古方治心痛。恆用梔子。此為火氣上逆。氣不得下者設也。今人泥丹溪之說。不分寒熱。輒用。虛寒何以堪之。大苦大寒。能損伐胃氣。不無減食泄瀉之虞。故仲景云。病人當有微溲者。不可與之。世人每用治血。不知血寒則凝。反為敗證。治實火之吐血。

原氣爲先。氣行則血自歸經。治虛火之吐血。養正爲主。氣壯則自能攝血。此治療之大法。不可少違者也。
酸棗仁 實酸平。仁甘平。無毒。本經主心腹寒熱。邪結氣聚。四肢酸痛。濕痹。久服安五藏。發明 酸

棗仁味甘而潤。熱則收斂津液。故療腦虛不得眠。煩渴。虛汗之證。生則導虛熱。故療膽熱好眠。神昏倦怠之證。足厥陰少陽本藥。兼入足太陰脾經。按酸棗本酸而性收。其仁則甘潤而性溫。能散肝膽二經之滯。

故本經治心腹寒熱。邪氣結聚。痠痛血痹等證。皆生用以疎利肝脾之血脈也。蓋肝虛則陰傷而煩心。不能藏魂。故不得眠也。傷寒虛煩多汗。及虛人盜汗。皆炒熟用之。總取收斂肝脾之津液也。歸脾湯用以滋

養榮氣。則脾熱自除。單用煮粥。除煩益膽氣。膽氣寧而魂夢安矣。今人專以爲心家藥。殊昧此理。
白棘 辛寒無毒。本經主心腹痛。癰腫潰膿。止痛決刺結。發明 白棘乃小棗樹上針。故能決刺破

結。本經主癰腫潰膿。與皂刺不甚相遠。別錄治丈夫虛損。陰痿精自出。補腎氣。益精髓。療喉痹不通。又治腹脇刺痛。尿血痔漏。皆取其透達肝腎二經也。

蕤仁 甘溫無毒。去殼湯浸。去皮尖。水煮過。研細紙包壓去油用。本經主心腹邪熱結氣。明目。目赤痛傷淚出。目腫皆爛。發明 蕤仁甘溫而潤。能治諸經風熱之邪。心腹邪熱結氣。不獨治目疾也。眼風癢

或生翳。或赤眚。黃連蕤仁。去皮研膏等分。以乾棗去核填入。煎水點眼甚驗。但不因風熱。而因於虛者勿

用。

山茱萸 酸溫無毒。去核微焙用。核能泄精。發明 滑則氣脫。瀉以收之。山茱萸止小便利。祕精氣。取

其酸瀉以收滑也。甄權治腦骨痛。療耳鳴。補腎氣。興陽道。堅陰莖。添精髓。止老人尿不節。治面上瘡。能發

汗。止月水不定。詳能發汗。當是能斂汗之誤。以其酸收。無發越之理。仲景八味丸用之。蓋腎氣受益。則封

藏有度。肝陰得養。則疎泄無虞。乙癸同源也。命門火旺。赤濁淋痛。及小便利者。禁服。○本經食茱萸主

治。從古誤列山茱萸條內。今移入彼。庶不失先聖立言本旨。具眼者辨諸。

金櫻子 甘酸溫無毒。剖開去核及毛用。發明 金櫻子止小便遺泄。瀉精氣。取其甘溫而瀉也。夫

經絡隧道。以通暢為和平。而昧者無過服之。以取快慾。則不可。若精氣不固者服之。何咎之有。但陰虛多

火人誤服。每致瀉瀉莖痛。不可不慎。

郁李仁 即棠棣一名雀李 仁辛苦平無毒。湯浸去皮及雙仁者。研如膏。勿去油。忌牛馬肉及諸酪。本經主大

腹水氣。面目四肢浮腫。利小便水道。發明 郁李仁性潤而降。為大便風祕專藥。本經治大腹水氣。面

目四肢浮腫。取其潤下之意。利小便水道者。水氣從之下趨也。搜風順氣丸用之。雖有潤燥之功。而下後

令人津液虧損。燥結愈甚。老人津液不足。而燥結者戒之。根治風蟲牙痛。濃煎含漱。冷即吐去。更含。勿嚙

本經逢原 卷三 灌木部 三十九

汁以其能降泄也。

鼠李

當作楮李子一名牛李子熬汁可以染綠今造紙馬舖取汁刷印綠色故又名綠子

苦涼微毒

本經主寒熱癩瘡

發明

牛李生青

熟黑而帶紅紫入肝腎血分其味苦涼善解諸經伏匿之毒本經治寒熱癩瘡大明治水腫腹滿蘇恭治下血及疝瘕積冷搗數牛馬瘡中生蟲時珍治疥癬有蟲總取其去濕熱之功惜乎世鮮知用惟錢氏必勝膏治痘瘡黑陷及出不快或觸穢氣黑陷方用牛李熬膏桃膠湯化皂子大一丸如人行十里再進一丸其瘡自然紅活蓋牛李解毒去濕熱桃膠辟惡氣活血耳

女貞實

苦甘微寒無毒其子黑者為女貞實若紅色者即為冬青非女貞也

發明

女貞少陰之精

但性稟純陰味偏寒滑脾胃虛人服之往往減食作瀉以本經枸骨主治誤列此味之下後世繆認女貞有補中安五藏之功多致誤用滋患特甚因表而出之

枸骨

一名貓兒刺俗名十大功勞

微苦甘平無毒

本經補中安五藏養精神除百病久服肥健輕身不老

發明

枸骨本經諸家本草皆誤列女貞條下味苦甘平有補中安五藏養精神除百病久服肥健輕身不老之功皆指枸骨而言女貞至陰之物安有如上等治乎其本嚴冬不凋葉生五刺其子正赤允為活血散瘀堅強筋骨之專藥又為填補髓藏固斂精血之要品僅見丹方不入湯丸古方惟浸酒補腰腳合僂枝葉

燒灰淋汁。或煎膏塗白癩風。今方士每用數斤。去刺入紅棗二三斤。熬膏蜜收。治勞傷失血痿軟。往往獲效。以其能調養血氣。而無傷中之患也。其脂爲鷄以粘禽鳥。其能滋培精血可知。

衛矛卽鬼箭羽 苦寒無毒。生山石間。小株成叢。葉似野茶。三四月生小黃綠花。實如冬青子。條上有羽如箭。

視之若三羽。故名之若三。本經主女子崩中下血。腹滿汗出。除邪殺鬼毒蠱疰。發明 鬼箭專散惡血。故本經有崩中下血之治。別錄治中惡腹痛。去白蟲。消皮膚風毒腫。卽腹滿汗出。除邪殺鬼毒蠱疰之治。今人治賊風歷節諸痹。婦人產後血暈。血結聚於胸中。或偏於脇肋少腹者。四物倍歸。加鬼箭羽紅花。玄胡索煎服。以其性專破血。力能墮胎。妊娠禁服。

南燭牛筋樹也。俗名烏葉 苦平無毒。發明 凡滋腎藥。皆能傷脾。此獨止泄除睡者。氣與神通。藏器言。久服輕

身不饑。變白不老者。強精益氣之驗。千金月令方用之。今四月八日煮汁。造青精飯是也。

五加根皮 辛溫無毒。本經主心腹疝氣腹痛。益氣療疝。小兒三歲不能行。疝瘡陰蝕。發明 五加

者。五車星之精也。爲風濕痿痹。壯筋骨助陽氣之要藥。本經治心腹疝氣腹痛。益氣療疝。小兒三歲不能行。其溫補下元。壯筋除濕可知。別錄治男子陰痿。囊下濕。小便餘瀝。女人陰痿。腰脊痛。脚痺風弱。大明治骨節拘攣。蘇恭主四肢攣急。種種皆須釀酒。則力勢易行。非湯藥中所宜。

枸杞 甘平無毒。河西及甘州者良。本經主熱中消渴。久服堅筋骨耐寒暑。發明 枸杞子味甘色赤。性溫無疑。根味微苦。性必微寒。緣本經根子合論無分。以致後人或言子性微寒。根性大寒。或言子性大溫。根性苦寒。蓋有感於一本無寒熱兩殊之理。夫天之生物不齊。都有豐於此而瀋於彼者。如山茱萸之肉瀋精。核滑精。當歸之頭止血。尾破血。橘實之皮滌痰。膜聚痰。不一而足。卽炎帝之膏藥。不過詳氣味形色。安有味甘色赤。形質滋腴之物。性寒之理。本經所言主熱中消渴。堅筋骨耐寒暑。是指其子而言。質潤味厚。峻補肝腎。衝督之精血。精得補益。水旺骨強。而腎虛火炎。熱中消渴。血虛目昏。腰膝疼痛。悉愈。而無寒暑之患矣。所謂精不足者。補之以味也。古諺有云。去家千里。勿食枸杞。甚言補益精氣之速耳。然元陽氣衰。陰虛精滑。及婦人失合。勞嗽蒸熱之人。慎用。以能益精血。精旺則思。偶理固然也。

地骨皮 甘淡微寒無毒。泉州者良。本經主五內邪氣。周痺風濕。久服堅筋骨。輕身不老。發明 地

骨皮。枸杞根也。三焦氣分之藥。下焦肝腎虛熱。骨蒸自汗者宜之。熱淫於內。瀉以甘寒也。人但知芩連治上焦之火。知柏治下焦之火。謂之補陰降火。不知地骨之甘寒平補。有益精氣退邪火之妙。時珍嘗以青蒿佐地骨。退熱屢有殊功。又主骨槽風證。亦取入足少陰。味薄卽通也。本經主五內邪氣。周痺風濕。輕身不老。取其甘淡化熱。苦寒散濕。濕散則痺著通。熱化則五內安。其氣清。其味薄。其質輕。誠爲修真服食之

仙藥按續仙傳云朱孺子見溪側二花犬逐入枸杞叢下掘之得根形如二犬烹而食之忽覺身輕本經之輕身不老可確徵矣則枸杞之滋益不獨在子而根亦不止於退熱也苗葉微苦亦能降火及清頭目洩疏一名巨骨苦平一云辛寒無毒本經主皮膚中熱除邪氣止遺溺利水道發明洩疏與枸杞相類先哲雖以有刺無刺樹高樹小分辨然枸杞未嘗無刺但樹小則刺多樹大則刺少與酸棗白棗無異本經枸杞條下主五內邪氣熱中消渴即洩疏之除邪氣也枸杞條下主周痹風濕即洩疏之止遺溺利水道也除去五內之邪則熱中消渴愈矣疏利水道之熱則周痹風濕痊矣洩疏疏利則氣化無滯子藏安和觀千金方與梅核仁辛萸藟本澤蘭子葛上亭長同清子藏三十六疾其清利風熱之性可知或云巨骨即地骨之大者按種樹書云收子及掘根種肥壤中待苗生剪為蔬食甚佳洩疏之名未必非此石南辛苦平無毒本經養腎氣內傷陰衰利筋骨皮毛發明石南嚴冬不凋凌霜正赤性溫益腎可知本經養腎氣內傷陰衰利筋骨皮毛皆取益腎之功古方為風痹腎弱要藥今人絕不知用蓋由甄氏藥性論有令人陰痿之說殊不知服此藥者能令腎強嗜慾之人藉此放恣以致痿弱而歸咎於藥良可慨也

牡荊即黃荊

實苦溫根葉甘苦平莖漚甘平無毒

發明荊為治風逐濕祛痰解熱之藥實除骨間寒

熱下氣。治心痛。及婦人白帶。炒熟酒煎服。治小腸疝氣。浸酒治耳聾。葉治霍亂轉筋。下部濕盛。脚氣腫滿。以荆莖入罈中。燒烟薰湧泉穴。及痛處。汗出則愈。搗爛蠶蛇傷。根主頭心肢體諸風。解肌發汗。莖治火灼瘡爛。煎水漱風牙痛。荆瀝除風熱。開經絡。導痰涎。行血氣。解熱痢。千金翼云。凡患風人多熱。嘗宜以竹瀝。荆瀝薑汁和勻熱服。以瘥爲度。熱多用竹瀝。寒多用荆瀝。二汁同用。並以薑汁助送。則不凝滯。但氣虛不能食者。則用竹瀝。氣實能食者。則用荆瀝。

蔓荆子 苦辛溫無毒。本經主筋骨間寒熱。濕痺拘攣。明目堅齒。利九竅。去白蟲。發明 蔓荆子入足太陽。體輕而浮。故治筋骨間寒熱。濕痺拘急。上行而散。故能明目堅齒。利九竅。去白蟲。及風寒目痛。頭面風虛之證。然胃虛人不可服。恐助痰濕爲患也。凡頭痛目痛。不因風邪。而血虛有火者。禁用。瞳神散大尤忌。

紫金皮 苦平無毒。苦如膽。而紫厚者良。發明 紫荆木之精也。入手足厥陰血分。能破宿血。下五淋。通小腸。解諸毒。治傷寒。赤膈黃耳。活血消腫。爲杖瘡必用之藥。治癰疽流注諸毒。冷熱不明者。用紫荆皮。獨活。芍药。白芷。白蠟炒爲末。葱湯調敷。痛甚筋不舒者。加乳香甚驗。

木槿根皮 甘苦微寒無毒。發明 槿爲癬科要藥。潤燥活血。川中所產。質厚色紅。稱勝而世不易得。

土極皮亦可用之。但力薄耳。其治腸風下血。取其清熱滑利也。其治痢後作渴。餘熱在經。津液不足也。○其花以干瓣。白者爲勝。陰乾爲末。治反胃吐食。陳糯米湯下二錢。日再服。紅者治腸風血痢。白者治白帶白痢。並焙入藥。○子治偏正頭風。燒煙薰患處。并用爲末。酒服一錢七效。

芙蓉 辛平無毒。發明 芙蓉葉散癰疽。殊有神效。瘍醫祕其名。爲清涼膏鐵箍散。皆此藥也。加生大黃赤小豆末麝香。其功甚捷。

山茶花 苦溫無毒。發明 山茶色紅味苦。開於青陽初動之時。得肝木之氣而生。心火肝藏血。心主血。故吐血衄血下血爲要藥。生用則能破宿生新。入童便炒黑。則能止血。其功不減鬱金。眞血家之良藥也。

密蒙花 甘平微寒無毒。覲之卽噉者眞。揀淨酒浸一宿。漉出眼乾用。發明 密蒙入肝經血分。潤肝

燥。爲搜風散結。目疾之專藥。治青盲昏瞶。赤腫多眵。淚消目中赤脈。及小兒痘瘡餘毒。疔氣攻眼。宜之。

木棉子 辛溫微毒。發明 木棉葉青花黃莖赤。棉白子黑。允爲溫走命門之品。取子燒存性。不獨解

微瘡毒。而痔漏脫肛下血。每服半兩。黑豆淋酒服之。其油然燈。能昏人目。以其助淫火也。

柞木皮 苦平無毒。發明 柞專利竅。故治黃瘡鼠癩。催生。並燒水用之。

黃楊 苦平無毒。發明 黃楊性斂而降。婦人難產。入達生散中服之。則痛陣便緊。又搗葉塗瘡。癩。以其性斂也。

放杖木 甘溫無毒。發明 放杖專治一切風氣血氣。理腰腳。老人浸酒服之。一月放杖。故名。

接骨木 一名續骨木。又名木薊。薊俗名扞扞活。 甘苦平無毒。發明 此木專主折傷。續筋骨。除風痺齩齒。可作浴湯。根

皮主痰飲水氣。痰瘡。打傷瘀血。一切血不行。並煮汁服之。不可多服。以氣腥傷伐胃氣也。

寓木部

茯苓 甘淡平無毒。入補氣藥。人乳潤蒸。入利水藥。桂酒拌晒。入補陰藥。童便浸切。一種栽時而成者。曰

靜苓。出浙中。但白不堅。入藥少力。凡用須去盡皮膜。則不傷真氣。以皮能泄利津液。膜能阻滯經絡也。

本經主胸脇逆氣。憂恚驚邪。悸。心下結痛。寒熱煩滿。欬逆。口焦舌乾。利小便。久服安魂養神。不饑延年。

發明 茯苓得松之餘氣而成。甘淡性平。能守五藏真氣。其性先升後降。入手足太陰少陰。足太陽陽明。

開胃化痰。利水定悸。止嘔逆泄瀉。除濕氣。散虛熱。本經治胸脇逆氣。以其降泄也。憂恚驚悸。心下結痛。以

其上通心氣也。寒熱煩滿。欬逆。口焦舌乾。利小便。以其導熱滋乾。流通津液也。本草言其利小便。伐胃邪。

東垣云。小便多者能止。瀉者能通。又大便瀉者可止。大便約者可通。丹溪言。陰虛者不宜用。義似相反者。

何哉蓋茯苓淡滲上行生津液開腠理滋水之源而下降利小便潔古謂其屬陽浮而升言其性也東垣言其陽中之陰降而下言其功也經言飲入於胃遊溢精氣上輸於脾脾氣散精上歸於肺通調水道下輸膀胱則知淡滲之性必先上升而後下降膀胱氣化而小便利矣若肺氣盛則上盛下虛上盛則煩滿喘乏下虛則痿躄軟弱而小便頻茯苓先升後降引熱下滲故小便多者能止也大便瀉者胃氣不和不能分利水穀偏滲大腸而泄注也茯苓分利陰陽則瀉自止矣大便約者以膀胱之水不行膀胱硬滿上撐大腸故大便不能下通也宜茯苓先利小便則大便隨出也至若肺虛則遺溺心虛則少氣遺溺下焦虛則遺溺胞遺熱於膀胱則遺溺膀胱不約爲遺溺厥陰病則遺溺皆虛熱也必上熱下寒當用升陽之藥非茯苓輩淡滲所宜故陰虛不宜用也此物有行水之功久服損人八味丸用之不過接引他藥歸就腎經去胞中久陳積垢爲搬運之功耳是以陰虛精滑而不覺及小便不禁者皆不可服以其走津也其赤者入丙丁但主導赤而已其皮治水腫膚腫通水道開腠理勝於大腹皮之耗氣也

茯苓 甘淡平無毒卽茯苓中之抱根而生者發明 神農本草經只言茯苓明醫別錄始添茯苓而主治皆同後人治心病必用茯苓故潔古云風眩心虛非茯苓不能除然茯苓未嘗不治心病也陶弘景始言茯苓赤瀉白補此發前人之祕時珍謂茯苓茯苓只當云赤入血分白入氣分如牡丹芍藥之義茯苓

中所抱之木。治風濕筋骨變縮。與松節同功。

琥珀 甘平無毒。出番禺。楓木脂膏所化。俗云。茯苓千年化琥珀。此誤傳也。發明 古方用琥珀利小便。以燥脾土有功。脾能運化。肺氣下降。故小便可通。若陰虛內熱。火炎水涸。血少不利者。反致燥結之苦。其消磨滲利之性。非血結膀胱者。不可誤投。和大黃。鼈甲作散。酒下方寸匕。治婦人腹內惡血。血盡則止。血結腫脹。腹大如鼓。而小便不通者。須兼沉香。葷破氣藥用之。又研細傅金瘡。則無癩痕。亦散血消瘀之驗。凡陰虛內熱。火炎水涸。小便不利者。勿服。服之愈損其陰。滋害彌甚。

豬苓 甘淡微苦平無毒。本經主痰瘧。解毒蠱疰不祥。利水道。久服輕身耐老。發明 豬苓入腎與膀胱血分。性善疎利經府。世人但知爲利水專藥。不知其有治痰瘧蠱疰之功。仲景治消渴脈浮。小便不利微熱者。豬苓散汗之。病欲飲水而復吐。名曰水逆。五苓散主之。豬苓專司引水之功。久服必損腎氣。昏人目。利小便之劑。無如此駛。故不入補劑。非澤瀉之比也。而本經又云。久服輕身耐老。是指素多濕熱者而言。不可一律而推。

雷丸 苦鹹寒小毒。竹之餘氣所結。皮黑肉白者良。入藥炮用。赤黑色者殺人。本經殺三蟲。逐毒氣。胃中熱。利丈夫。不利女子。發明 雷丸功專殺蟲。楊勳得異疾。每發語則腹中有小聲。漸漸聲大。有道士

曰此應聲蟲也。但讀本草。取不應者治之。讀至雷丸。不應。遂頓服數粒而愈。此追蟲下積之驗也。本經稱其利丈夫。別錄云。久服陰痿。似乎相反。不知利者疎利之也。疎利太過。則閉藏失職。故陰痿也。千金治小兒傷寒。不能服藥。治方中恆用之。取其逐毒氣之功也。

桑寄生 苦甘平無毒。本經主腰痛。小兒背強。癰腫。充肌膚。堅髮齒。長鬚眉。安胎。發明 寄生得桑之餘氣而生。性專祛風逐濕。通調血脈。故本經取治婦人腰痛。小兒背強等病。血脈通調。而肌膚眉鬚皆受其蔭。卽有癰腫。亦得消散矣。古聖觸物取象。以其寓形榕木。與子受母氣無異。故爲安胎聖藥。別錄言去女子崩中。產後餘疾。亦是去風除濕。益血補陰之驗。惟西蜀南粵。不經飼蠶之地。始有。故真者絕少。今世皆榕樹枝。贗充。慎勿誤用。其真者。絕不易得。故古方此味之下。有云。如無以續。斷代之。於此可以想象其功用也。

松蘿 苦甘平無毒。本經主顛怒邪氣。止虛汗。頭風。女子陰寒腫痛。發明 松蘿是松上女蘿。又名兔絲。能平肝怒。去寒熱邪氣。其去頭風。止虛汗者。本乎天者清上也。別錄療痰熱温瘧。可爲吐湯。利水道。故肘后方同瓜蒂杜蘅酒漬再宿。旦飲一合。取吐胸中痰熱。頭痛。千金方同瓜蒂恆山甘草水酒和煎。取吐胸膈痰癖。以其輕清上涌。故吐藥用之。

菴木部

竹葉 甘微寒小毒。本經主欬逆上氣。療筋急惡瘍殺小蟲。發明 諸竹與節皆甘寒無毒。惟竹葉受陰風烈日氣多。故不無小毒。本經主欬逆上氣者。以其能清肺胃之熱也。療筋急惡瘍者。以其能化身中之氣也。氣化則百骸條暢。何有小蟲之患乎。仲景治傷寒解後虛羸少氣。氣逆有竹葉石膏湯。金匱治中風發熱面赤頭痛。有竹葉湯。總取清肺胃虛熱之義。

竹茹 甘寒無毒。取竹茹法。選大青竹。磁片刮去外膜。取第二層。如麻縷者。除去屑末用之。發明

竹茹專清胃府之熱。爲虛煩煩渴。胃虛嘔逆之要藥。欬逆唾血。產後虛煩。無不宜之。金匱治產後虛煩嘔逆。有竹皮大丸。千金治產後內虛煩熱短氣。有甘竹茹湯。產後虛煩頭痛。短氣悶亂不解。有淡竹茹湯。內虛用甘以安中。悶亂用淡以清胃。各有至理存焉。其性雖寒而滑。能利竅。可無鬱遏客邪之慮。

竹瀝 甘寒無毒。取竹瀝法。以青竹斷二尺許。劈開火炙。兩頭盛取用之。如欲多取。以罈埋土中。濕泥

糊好。量罈口大小。用篾箬二道。豎入罈口。多著炭火。於竹頂上炙之。發明 竹葉兼行肌表。故能療瘡殺蟲。竹茹專清胃府。故能止嘔除煩。竹瀝善透經絡。能治筋脈拘攣。痰在皮裏膜外。筋絡四肢。非竹瀝不能化之。純陰之性。雖假火逼。然須黃汁鼓動其勢。方得應手取效。千金治風痺身無痛。四肢不收。志亂不

其有竹瀝飲子。詳本經療筋急。專取竹瀝之潤以濡之也。千金治四肢不收。則兼附桂羚羊之雄以振之也。一以舒急。一以收緩。妙用不可思議。或言竹瀝性寒。僅可使之熱痰。不知入於附桂劑中。未嘗不開發濕痰寒飲也。惟胃虛腸滑。及氣阻便閉者。誤投。每致呃逆不食。脫瀉不止。而斃陰柔之性。不發則已。發則必暴卒難挽回也。

筍 甘微寒小毒。發明 諸筍多食皆動氣。發冷癢。令人心痛。與羊肝食之損目。脾胃虛弱。大腸滑瀉。皆不宜食。俗醫治痘。往往勸啜筍湯。及加入湯藥。不知痘瘡不宜大腸滑利。而筍有刮腸筍之名。若腸胃不實。尤忌。惟血熱毒盛者為宜。其乾筍淡片。利水豁痰。水腫葶藶丸用之。

竹黃 甘寒無毒。發明 竹黃出大竹之中。津氣結成。其味功用與竹瀝同。而無寒滑之害。涼心經。去風熱。為小兒驚癇。風熱痰湧失音。治痰清熱之要藥。以其生天竺國。故名天竺黃。今藥肆多燒諸骨及葛粉雜入。不可不辨。

震燒木 發明 雷氣通於心。故可治失心驚悸之病。又掛門戶。大壓火災。

藏器部

錦 新絳 黃絹 綿 發明 錦灰主失血血崩。金瘡出血。新絳治婦人血崩。絲本主血。加以色絳。又

用煨灰。所以取治失血有效。自然黃絲絹煮汁服。止消渴。及產婦胞損。爲補膀胱要藥。綿灰能止吐衄崩中。及大小便諸血。

禱襦 發明 仲景治陰陽易病。身重少氣。腹急引陰。膝脛拘急。燒襦散主之。取襦中近隱處。燒灰水調方寸匙。日三服。小便卽利。陰頭微腫則愈。男用女襦。女用男襦。

裹脚布 發明 男子裹脚布取纏軟者。透其腹。則腹痛瀉痢便止。婦人欲回乳。以男子裹脚布勒住。一宿卽止。功效勝於服藥也。

鑿柄 發明 鑿柄治妊娠難產。燒灰酒服。取其開鑿孔竅也。銑楔燒服。取其迅發之疾也。

弓弩弦 發明 難產取弓弩弦縛腰。及燒弩牙納酒中飲之。皆取發機快疾之義。時珍曰。弓弩弦催生。取其速疾也。折弓弦止血。取其斷絕也。

敗蒲扇蒲席 發明 蒲性本寒。加以爲扇至敗。汗漬日久。鹹寒相濟。故用以燒灰和粉撲身。取扇動招風止汗之義。敗蒲席取久臥者。燒灰酒服二錢。治墜小惡血。同蒲黃當歸赤芍林檎煎湯調服。汗乃血液。沾濡日久。用以燒灰。同氣相感之應也。

漆器 發明 漆本散血。故用燒烟。治產後血暈。熏之卽甦。又殺諸蟲。

燈盞油 苦辛寒小毒。發明 油性熬之愈寒。燈油得火氣最深。故取以治卒中風不省。喉痹痰厥。用鵝翎蘸掃喉中。涌吐頑痰。通其上逆。然後用藥。

炊單布 發明 炊單布受甑熱氣最多。故用以治湯火薰蒸。面目浮腫。燒末敷之。卽消。以類相感也。金匱治墜馬。一切筋骨傷損。亦用之。青布燒灰。蜜調敷熱毒瘡。效。

敗鼓皮 平無毒。發明 敗鼓皮專主蠱毒。取其形空。而聲響遠振也。燒作屑。水和服之。病人卽喚。蠱主姓名。往呼本主。取蠱卽瘥。梅師云。凡中蠱毒。或下血如鵝肝。或吐血。或心腹切痛。如有物咬。不卽治之。食人五臟卽死。欲知是蠱與否。但令病人以唾吐水。沉者爲是。浮者卽非。用敗鼓皮燒灰。酒服方寸匕。須臾自呼蠱主姓名。外臺祕要云。治蠱取敗鼓皮。廣五寸長一尺。薺薇根五寸。如拇指大。水一升。酒三升。煮二升服之。當下蠱毒卽愈。

本經逢原卷三終

本經逢原卷四

長洲石頑張 璐路玉父纂述

蟲部

蜂蜜 甘平無毒。入調補藥用白蜜。瀉火藥用赤蜜。味酸者不堪入藥。不可與生葱獨蒜萵苣同食。令人下利。凡煉蜜炭火慢煉。掠去浮沫。至滴水成珠爲度。煉成每斤入陳酒四兩。再煮沸。和藥爲丸。則藥力易化。本經主心腹邪氣。諸驚癇瘧。安五藏。補不足。益氣。補中。止痛。解毒。除衆病。和百藥。久服強志輕身。不饑不老。發明 蜂采無毒之花。醞釀而成。生則性涼清熱。故能治心腹之邪氣。熟則性溫補中。安五藏。諸不足。甘而和平。故能解毒。柔而潤澤。故能潤燥。緩以去急。故能主心腹肌肉瘡瘍之痛。仲景治陽明結燥。大便不通。用蜜煎導法。取其能通結燥而不傷腸胃也。凡滋補藥。俱用煉白蜜丸。取其和脾潤肺也。赤蜜味酸。食之令人心煩。惟降火藥用之。白蜜雖補脾肺。然性涼潤。脾胃不實。腎氣虛滑。及濕熱痰滯。胸痞不寬者。咸須忌之。故瓊玉膏用糖霜。枳朮丸用荷葉裹飯。佐金丹用米飲。牛黃丸用蒸餅。黑錫丹用酒麴。煎硃丸用神麴。虎潛丸用酒。香連丸用醋。茸珠丹用紅棗。滾痰丸用水泛。各有所宜。今人修製丸劑。槩用蜂蜜。殊失先哲用方之義。

蜜蠟 淡平無毒。本經主下痢膿血。補中續絕。傷金瘡。益氣不饑耐老。發明 蜜成於蠟。萬物之至

味。莫甘於蜜。莫淡於蠟。得非厚此薄彼耶。仲景治痢有調氣飲。千金治痢有膠蠟湯。蓋有見於本經之義

也。淡為五味之本。胃為五藏之源。故能補中續傷。蓋有得於太極也。甄權治孕婦胎動。下血不絕。欲死。以

雞子大一枚。煎三五沸。投美酒半升。服立瘥。又能解毒。故蠟礬丸用之為君。華陀治下痢。食入即吐。用白

蠟方寸匙。雞子黃一枚。石蜜苦酒髮灰黃連末各半。雞子殼先煎蜜蠟苦酒雞子四味令勻。乃納連末髮

灰熬至可丸。乃止。二日服盡神效。

露蜂房 苦鹹平有毒。本經主驚癇瘕瘕。寒熱邪氣。癩疾鬼精。蠱毒腸痔。火熬之良。發明 露蜂房

陽明藥也。本經治驚癇癩疾。寒熱邪氣。蠱毒腸痔。以其能祛滌痰垢也。瘡瘍齒痛。及他病用之者。皆取其

以毒攻毒殺蟲之功耳。

蠨蛸 一名果贏。辛平小毒。本經治久聾欬逆毒氣。出刺出汗。發明 詩言螟蛉有子。裸羸負之。言

細腰之蜂。取青蟲之子。教其變化成子也。大明治癰逆。生研能置竹木刺。即本經出刺出汗。取其毒之銳

以出其刺也。

蟲白蠟 甘溫無毒。發明 蠟樹屬金。性專收斂。堅強之氣。其葉能治瘡腫。蟲食其葉而成。與桑蠶同

無異。爲外科之要藥。取合歡皮同入長肉膏中神效。今人治下疳服之。未成即消。已成即斂。以半兩入鯽魚腹中煮食。治腸紅神效。

紫鈔即紫草茸 甘鹹平小毒。發明。紫鈔乃麒麟竭樹上蟻壤。聚其脂液而成。與蜂釀蜜無異。出真蠟爲

上。波斯次之。古方治五藏邪氣。金瘡崩漏。破積血。生肌止痛。今人專治瘡瘡。有活血起脹之功。無鹹寒作瀉之患。其功倍於紫草。故以紫草茸呼之。實非紫草同類也。

五倍子即川文蛤 苦酸鹹平無毒。產川蜀如菱角者佳。法釀過名百藥煎。每五倍末一斤。入桔梗甘草真茶

各一兩爲末。入哮糟二兩。拌和置糠中。窖待起如發麪狀。即成矣。作餅晒乾用。發明。川文蛤善收頑

痰。解熱毒。黃昏欬嗽。乃火氣浮於肺中。不宜用涼藥。宜五倍五味斂而降之。若風寒外觸。暴嗽及肺火實盛者。禁用。以其專收而不能散也。故痰飲內盛者。誤用。則聚斂於中。往往令人脹閉而死。爲末收脫肛。及

子腸墜下。○百藥煎性浮。味帶餘甘。治上焦痰嗽熱渴諸病。含嚙尤宜。煨過主下血。烏鬚髮。消腫毒。斂金瘡。治喉痹口瘡。搽之便可進食也。

桑螵蛸 甘鹹平無毒。桑枝上螳螂子也。火炙黃用。本經主傷中疝瘕。陰痿益精生子。女子月閉腰痛。

通五淋。利小便水道。發明。桑螵蛸肝腎命門藥也。功專收瀉。故男子虛損。腎衰陽痿。夢中失精。遺溺

白濁方多用之。本經又言通五淋。利小便水道。蓋取以泄下焦虛滯也。桑螵蛸散。治小便頻數如稠米泔。心神恍惚。瘦悴食少。得之女勞者。方用桑螵蛸。遠志。龍骨。菖蒲。人參。茯苓。當歸。龜甲。各一兩。臥時人參湯調下二錢。如無桑樹上者。以他樹上者。濃煎桑白皮汁佐之。若陰虛多火。人誤用。反助虛陽。多致洩赤莖痛。強中失精。不可不知。生研爛塗之。出箭鏃。

雀甕

一名蝱蝻
俗名載毛

甘平小毒

本經主寒熱結氣。蠱毒鬼疰。小兒驚癇。

發明

雀甕蝱蝻殼也。其蟲夏

生葉上。背上有刺螫人。故名載毛。秋深葉盡。欲老。口吐白沫。凝聚漸硬。在中成蛹如蠶。至夏羽化而出。其形有似蜻蜓而翅黑稍闊。放子葉上而生。蝱蝻謂雀甕者。以雀好食其蛹也。入藥惟取石榴樹上者。連蛹炙焙用之。蘇頌曰。今醫家治小兒驚癇。用雀甕子連蟲。同白僵蠶。全獸各三枚。微炒搗末。煎麻黃湯調服。一字。日三服。大效。藏器治小兒撮口不得飲乳。但先務口傍見血。以雀甕打破。取汁塗之。

原蠶蛾

鹹溫小毒。取未交雄蛾。紙封焙乾。拌椒蜜藏。則不蛀。

本經主心腹邪氣。起陰痿。益精氣。強志

生子。好顏色。補中輕身。

發明

蠶之性稟淫火。力專助陽。其子在臘月中。非以重鹽透。水漬曝乾。則

繭不能纒絲。出子之後。非桑不食。本經主心腹邪氣。皆桑之餘力。猶僵蠶之治風痰。蠶繭之療癰腫。蠶沙之去風濕耳。其起陰痿。益精氣。強志生子。卽別錄之益精氣。強陰道。交精不倦。亦能止精。若合符節。好顏

色令人面色好之互辭。補中輕身者。以其善補真陽。陽主輕捷故也。詳參經旨。洵為原蠶。主治無疑。奈何集本草者。悞列樗雞之下。致力正之。

白蠶蠶 鹹辛平無毒。色白者良。入藥惟取直者為雄。去黑口及絲炒用。本經主小兒驚癇夜啼。去三

蟲滅黑黚。令人面色好。男子陰瘍病。發明 殭蠶蠶之病風者也。功專祛風化痰。得乎桑之力也。本經

治驚癇。取其散風痰之力也。去三蟲滅黑黚。男子陰瘍。取其滌除浸淫之濕。三蟲亦濕熱之蠶也。凡咽喉腫痛及喉痹用此。下咽立愈。其治風痰結核頭風。皮膚風疹。丹毒作癢。疔蝕金瘡。疔腫風疾。皆取散結化痰之義。

蠶繭 甘溫無毒。發明 蠶繭治癰腫無頭。燒灰酒服。次日即破。煮湯治消渴。繅絲湯及絲綿煮汁。功

用相同。

蠶退即馬明退 甘平無毒。即老蠶眠起所蛻皮。入藥微炒用。今以出過蠶之紙為馬明退。非也。發明 蠶

非桑葉不生。得東方水氣之全。故能治風病血病。而蛻治目中翳障。較之蟬蛻更捷。惜乎一時難覓。

蠶沙 甘辛溫無毒。微炒用。發明 蠶沙療風濕之專藥。有人病風痹。用此焙熟。絹包熨之。治爛弦風

眼。以麻油浸蠶沙二三宿。研細塗患處。過宿即愈。蠶沙置酒罈上泥好。色清味美。然惟晚者為良。早蠶者

不堪入藥。以飼時火烘。故有毒也。

九香蟲 鹹温無毒。發明 九香蟲產貴州。治膈腕滯氣。脾胃虧損。壯元陽攝生方。烏龍丸用之。

雪蠶 即雪蛆 甘寒無毒。發明 雪蛆生峨眉山北。積雪歷年不消。其中生此。大如瓠。味極甘。美。故能解

內熱渴疾。方物中之最益人者也。

蜻蛉 一名蜻蛉 赤者名赤卒。微寒無毒。發明 蜻蛉生水中。而能煖水藏。強陰蓄精。而赤者性猶壯熱。

助陽藥用之。

樗雞 即紅娘子 苦平有毒。不可近目。去翅足。同糯米炒。去米用。發明 樗雞厥陰經藥也。能活血散血。治

目翳。撥雲膏中與芫青斑蝥同用。亦是活血散結之義。能通血閉。行瘀血。主療癰。辟邪氣。療犬傷。治偏

頭風。用紅娘子青娘子各七枚。去翅足。炒為末。同葱莖搗塗痛處。周時起泡去之。孫一奎治血蠱。用抵當

丸。以樗雞易水蛭。三服血下脹消。形神自復。與薛新甫治水腫椒仁丸中芫青不殊。一走血而下瘀。一走

氣而破水。皆峻劑也。綱目以本經原蠶蛾主治。誤列於此。今正之。

芫青 即青娘子 辛温有毒。去翅足。同糯米炒。去米用。發明 芫青居芫花上。而色青。故能泄毒攻積。破血

蠶胎。功同斑蝥。而毒尤猛。芫花有毒故也。其治瘋犬傷。消目翳。刮偏頭風。塞耳聾。皆取其毒銳也。又治月

閉水腫椒仁丸方用之。

斑蝥 辛鹹溫有毒。去翅足同糯米炒熟。或醋煮用之。本經主寒熱鬼疰蠱毒鼠瘻瘡。疽蝕死肌破石癰。發明 斑蝥人獲得時。尾後惡氣射出。臭不可聞。其性專走下竅。利小便。故本經言破石癰。能攻實結。而不能治虛祕。不過引藥行氣。以毒攻毒而已。但毒行小便必澀痛。當以木通滑石導之。其性猛毒。力能墮胎。虛者禁用。瘋犬傷。先於患人頭上拔去血髮二三莖。以斑蝥七枚。去翅足炙黃。同蟾蜍搗汁服之。瘡口於無風處搨去惡血。小便洗淨。髮灰敷之。服後小便當有瘀毒泄出。三四日後當有肉狗形。三四十枚爲盡。如數少再服七枚。若早服雖無狗形。永不發也。

莩上亭長 辛溫有毒。去翅足同糯米炒。去米用。發明 亭長大毒。善通淋。及婦人經脈不通。以五枚研末服三分。空心甘草湯下。須臾臍腹急痛。以黑豆煎湯服之。卽通。此蟲五六月爲亭長。頭赤身黑。七月斑蝥。九月爲地膽。隨時變化。其毒可知。

地膽 辛溫有毒。同糯米炒。去米用。本經主鬼疰寒熱鼠瘻惡瘡死肌。破癰瘻墮胎。發明 地膽有毒。而能攻毒。性專破結墮胎。又能除鼻中瘰肉。下石淋。功同斑蝥。力能上涌下泄。

蜘蛛 微寒有毒。其種類不一。惟用懸網者入藥。發明 仲景治陰狐疝氣。偏有大小。時時上下者。蜘蛛

蛛散主之。以其入肝。性善循絲上下。故取以治疔丸上下之病。別錄治大人小兒癩疔。又治乾霍亂。服之能令人利。其邪得以下泄也。搗汁塗蛇傷效。

壁錢 無毒。發明 生壁間。似蜘蛛而形扁。其膜色白如錢。故名。治鼻衄及金瘡出血不止。取蟲汁注

鼻中。及點瘡上。同人中白等分。燒研治疔。又治喉痹。

蠍 辛平有毒。被螫者以木椀合之。卽愈。去毒及足用。亦有獨用其尾者。其功尤捷。滾醋泡去鹹。炒乾用。發明 蠍產於東方。色青屬水。治厥陰諸風掉眩。及小兒胎驚發搐。最爲要藥。左半身不遂。口眼喎斜。語言蹇澀。手足抽掣。瘧疾寒熱。耳聾無聞。疝氣帶下。無不用之。蠍尾膏治胎驚發搐。用蠍梢二十一枚。麝香少許。屢效。東垣治月事不調。寒熱帶下。有丁香柴胡湯。方用羌活柴胡。當歸生地。丁香全蠍。蓋取以散血分之風熱耳。

水蛭 鹹苦平有毒。水蛭是小長色黃。挑之易斷者。勿誤用泥蛭。頭圓身闊者。服之令人眼中如生烟。漸至枯損。凡用水蛭。曝乾。豬油熬黑。令研極細。倘炙不透。雖爲末。經年得水猶活。入腹尙能復生。凡用須預先熬黑。以少許置水中。七日內不活者。方可用之。本經逐惡血瘀血。月閉。破血。癭積。聚無子。利水道。發明 鹹走血。苦勝血。水蛭之鹹苦。以除畜血。乃肝經血分藥。故能通肝經聚血。攻一切惡血。堅積。本經

言無子是言因血癥積聚而無子也。別錄云墮胎性劣可知。昔人飲水誤食水蛭腹痛面黃飲泥漿水數碗乃得下。蓋蛭性喜泥得土氣隨出。或用牛羊熱血同豬脂飲亦下。或以梅漿水多飲則蛭溶化而出也。蛆苦寒無毒漂淨炙黃搗細末同糖霜食之。發明 蛆出糞中故能消積治小兒諸疳積滯取消積而不傷正氣也。一法用大蝦蟆十數隻打死置罈內取糞蛆不拘多少河水漬養三五日以食盡蝦蟆爲度用蘇布紮住罈口倒懸活水中令污穢淨取新瓦燒紅置蛆於上焙乾治小兒疳積腹大脚弱腎膜遮睛每服一二錢量兒大小服之無不驗者勿以其鄙而忽諸。

狗蠅 鹹溫無毒。發明 蠅食狗血性熱而銳力能拔毒外出故治痘瘡倒靨色黑唇口冰冷之證以數枚搗細酌酒少許調服聞人規方也。

蟬蛸 鹹微溫有毒。本經主惡血血瘀痺氣破折血在脇下堅滿通月閉目中淫膚青瞤白膜。發明

蟬蛸穴土而居與蚯蚓不異故本經所治皆瘀血之證。金匱治虛勞瘀血大黃廔蟲丸方用之取其去

脇下堅滿也。許學士治筋急養血地黃丸中用之亦取其治血瘀也。取汁滴目去瞤障散血止痛。千金研末數小兒臍瘡加豬脂調治小兒唇緊經驗方治瘀傷腫痛肘後搗塗竹木刺蘇頌搗汁點喉痹得下卽開藏器塗遊風丹疹又治麥芒入眼以蟬蛸在自上隔布摩之芒著布上卽出。

桑蠹蟲 甘溫小毒。色白帶黃。而腹中無穢。按之無水者爲真。若頭硬而腹中不淨者。卽雜樹內蠹也。如一時難覓真者。則以載毛殼煨灰存性代之。發明 桑蠹蟲食木。柔能勝堅。故治痘瘡毒盛。白陷不能起發者。用以絞汁。和白酒釀服之。卽起。但皮薄脚散。及泄瀉畏食者服之。每致駭裂而成不救。不可不慎。千金治崩中漏下赤白。桑蠹燒灰溫酒服。亦治胎漏下血效。

桃蠹蟲 辛溫無毒。本經殺鬼邪惡不祥。發明 桃實中蟲。食之令人美顏色。與桃蠹不異。其蟲尿能辟溫疫。令不相染。爲末水服方寸匕。

蚱蟬 鹹甘寒無毒。本經主小兒驚癇夜啼。癩病寒熱。發明 蟬主產難下胎衣。取其能蛻之義。聖惠治小兒發癇。有蚱蟬湯散丸等方。今人只知用蛻。而不知用蟬也。

蟬蛻 鹹甘寒無毒。去翅足用。發明 蟬蛻去唇膜。取其蛻義也。治皮膚瘡瘍。風熱破傷風者。炒研一錢酒服神效。痘後目瞽。羊肝湯服二錢。則瞽漸退。更主痘瘡發癢。若氣虛發癢。又當禁服。小兒夜啼。取蟬蛻四十九枚。去前截用後截。爲末分四服。鈎藤湯服之。卽止。驚啼加硃砂二字。若用上截。卽復啼也。小兒驚癇夜啼。癩病寒熱。並用蟬腹。取其利竅通聲。去風豁痰之義。較蛻更捷。

蛻 鹹寒有毒。去足火炙用。勿置水中。令人吐。本經主小兒驚癇瘕。腹脹寒熱。大人癩疾狂瘍。

發明 蜣螂手足陽明足厥陰藥也。本經等治。總不離三經之證。其治暴噎吐食。用二枚入生薑內煨。以陳橘皮二錢。同巴豆炒過。去巴豆。將蜣螂陳皮爲末。每服二分。吹入喉中。吐痰二三次。卽愈。又治箭鏃入骨。用巴豆微炒。同蜣螂搗塗。痛定必癢。忍之待極癢。不可忍。乃撼動拔之。又燒灰入冰片少許。治大腸脫肛。搽上托入。搗丸塞下部。引痔蟲出。盡永瘻。其蜣螂心。貼疔瘡。拔疔。貼半日許。血盡根出。則愈。然蜣螂最畏羊肉。食之卽斃。

天牛 甘溫小毒。發明 天牛乃木中蠹蟲所化。楊樹中最多。桑樹中獨勝。長鬚如角。故有天牛之名。利齒善嚙。是有嚙桑之號。其性最銳。取治疔腫惡瘡。出箭鏃。竹木刺最捷。與螻蛄不殊。一嚙木而飛。一穴土而出。其穎脫之性則一。如無嚙桑。他樹上者亦可。焙乾爲末。蜜調傅之。

螻蛄 鹹寒小毒。去翅足炒用。本經主產難。出肉中刺。去潰腫。下噎噎。解毒除惡瘡。發明 螻蛄性

警穴上。故能治水腫。自腰以前甚潛。能止大小便。自腰以後甚利。能通大小便。取以治水最効。但其性急。虛人戒之。本經治難產者。取其下半煮湯服之。則下也。出肉刺潰癰腫惡瘡者。生搗塗之。肉刺卽出。瘡腫卽潰也。下噎噎者。炙末吹之。噎噎卽下。非噎膈之謂也。千金治箭鏃入肉。以螻蛄杵汁。滴上三五度。自出。延年方治胎衣不下。以螻蛄一枚。水煮數沸。灌下入喉。卽出。小兒臍風。螻蛄甘草等分。爲末敷之効。

螢火即爛燻本經名夜光 辛温無毒 本經明目 發明 螢火本腐草所化得大火之餘氣而成入胞絡三焦

能辟邪明目取其照幽夜明之義務成子螢火丸辟五兵白刃虎狼蛇虺之毒惡鬼疫癘之邪龐安常亦

極言其効惜乎世鮮備用

衣魚即蠹魚 鹹温無毒即衣帛書畫中之蠹碎之如銀有粉者是 本經主婦人疝瘕小便不利小兒中

風項強背起摩之 發明 衣魚主中風項強摩之即安驚癩天甲口喎淋閉服之即愈皆手足太陽經

病乃神農本經之藥古方盛用今人罕知合鷹屎白殭蠶敷瘡癥滅

鼠婦本經名蟬蟻即濕生蟲 酸鹹無毒 發明 金匱治久瘧鼈甲煎丸中用之以其主寒熱去痰積也古方治

驚癩血病多用之厥陰血分藥也千金治產婦遺尿以鼠婦七枚熬研温酒服之瘡瘡倒靨爲末酒服一

字即起又解射干蜘蛛毒

麀蟲本經名地蠶 鹹寒有毒或去足炒用或酒醉死去足搗汁用 本經主心腹寒熱酒洒血積癥瘕破堅

下血閉 發明 麀蟲伏土而善攻隙穴傷之不死與陵鯉不殊故能和傷損散陽明積血本經治心腹

寒熱酒洒亦是積血所致金匱大黃麀蟲丸用水蛭麀蟲取其破堅癥下積血耳無實結者勿用跌撲重

傷焙乾爲末酒服二錢接骨神効

蠱蟲即蠱

苦微寒有毒。卽嗽牛血蠅去翅足炒用。

本經逐瘀血。破血積堅痞。癥瘕寒熱。通利血脈。九

竅發明。

蠱食血而治血。因其性而爲用。肝經血分藥也。本經治癥瘕寒熱。是因癥瘕而發寒熱。與蜣

螂治腹脹寒熱不殊。仲景抵當湯丸。水蛭蟲。雖當並用。二物之純險懸殊。其治經閉。用四物加蜣蝻作

丸服甚良。以破瘀而不傷血也。苦寒血結不行者。以苦攻之。其性雖緩。亦能墮胎。

蟾蜍。皮辛涼微毒。肉甘平無毒。捕取風乾。泥固煨存性用。其目赤嘴赤者有毒。○一種色青而生陂澤

中者曰鼈。與此不同。發明。蟾蜍土之精也。習土遁者賴之。其形大而背多癍。癍者是土性厚重。其行

極遲。土生萬物。亦能化萬物之毒。故取以殺疔積。治鼠瘻。陰蝕疽癩。燒灰傅惡瘡並效。弘景治溫病發斑

困篤。用以去腸。生搗一二枚。啜其汁。無不瘥者。治獒犬傷。先於頂心拔去血髮三四莖。卽以蟾蜍一二枚

搗汁生食。小便內見沫。其毒卽解。又破傷風用二枚。生切如泥。入椒一兩。同酒炒熱。入酒二盞。乘熱飲之。

少頃通身汗出而愈。發背疔腫初起。以活蟾一隻。繫定放腫上半日。蟾必昏憤。卽放水中以救其命。再換

一隻如前。蟾必踴躍。再易一枚。其蟾如舊。則毒散矣。其金蟾丸。治腫脹腹滿。并治小兒疳勞。腹大脛細。方

用大蟾一隻。以砂仁入腹令滿。鹽泥固濟。煨存性。黑糖調服一二錢匕。下盡青黃積糞卽愈。未盡過二三

日再服。以腹減熱除爲度。若糞不能濺注。而滴淋不前者。此元氣告匱。不可救也。

蟾酥 辛溫有毒。發明 蟾酥辛溫。其性最烈。凡用不過一分。齒縫出血。及牙疼。以紙紐少許。撚之即止。蟾酥丸治發背疔腫。一切惡瘡。拔取疔瘡最捷。入外科有奪命之功。然輕用能爛人肌肉。

蝦蟆 甘寒小毒。本經主邪氣。破癥堅。壅腫陰瘡。服之不患熱病。發明 蟾蜍蝦蟆。同類異種。故其功用亦不甚相遠。服之不患熱病。即弘景治溫病發斑困篤之意。時珍言古方多用蝦蟆。近方多用蟾蜍。

蓋古人通稱蟾為蝦蟆。而蝦蟆不復入藥矣。

讀俗作蛙 甘寒無毒。發明 時珍曰。鼈產於水。與螺蚌同性。故能解熱毒。利水氣。但係濕生之物。其骨

性復熱。食之小便苦淋。妊娠食蛙。令子壽夭。小蛙多食。令人尿閉。臍下酸痛。搗車前水飲之。可解。戴厚禮

云。凡渾身水腫。或單腹脹者。以青蛙一二枚。去皮炙熟食之。則自消也。嘉謨曰。時行面赤項腫。名蝦蟆瘟。

以金線鼈搗汁。水調空腹頓飲極效。

蝌蚪 發明 蝌蚪生水中。蝦蟆子也。有尾如魚。漸大則脚生。尾脫。因其所稟之毒未化。故藏器取治火

颺熱毒。及腫瘍瘡。並搗碎傅之。或化水塗之。或配入敷藥中並效。又得效方。多用蝌蚪陰乾。待桑椹熟。等

分置瓶中。密封懸屋東。或搗汁浸埋。東壁下。百日化泥。取塗鬚髮。永黑如漆。

蜈蚣 辛溫有毒。火炙去足用。本經主鬼疰。蠱毒。噉諸蛇蟲魚毒。殺鬼物。老精。除溫瘧。去三蟲。發明

蓋行而疾者。惟風與蛇。蜈蚣能制蛇。故亦能截風。厥陰經藥也。嶺南有蛇瘡。項大腫痛連喉。用赤足蜈蚣二節。研細水下。即愈。又破傷風欲死。研末擦牙邊。去涎沫立瘥。本經言噉諸蛇蟲魚毒。悉能解之。萬金散治小兒急驚。蜈蚣一條。去足炙黃。入硃砂輕粉乳汁爲丸。服少許即安。雙金散治小兒天弔。目久不下。口噤反張。蜈蚣一條。酥炙去頭足。入麝香爲末。以少許吹鼻。至眼合乃止。若眼未下。再吹之。小兒撮口。刮破舌瘡。蜈蚣末敷之。千金治射工毒瘡。蜈蚣炙黃。爲末敷之。小兒禿瘡。蜈蚣浸油搽之。直指方治痔瘡疼痛。蜈蚣炙末。入片腦少許。唾調敷之。急救方治溫瘧洒洒時驚。涼膈散加蜈蚣蠍尾服之。摘要治婦人趾瘡。甲內雞眼。及惡肉突出。蜈蚣一條。去頭足焙研。入麝香少許。去硬蓋。攤烏金紙。留孔貼上。一夕即效。如有惡肉。外以南星末。醋和傅四圍。其祛毒之功。無出其右。

蚯蚓

即地龍

鹹寒小毒。白頸者良。解熱毒。入鹽化水用。通經絡。炙乾用。

本經主蛇瘻。去三蟲。伏尸。鬼症。

蠱毒殺長蟲。

發明

蚯蚓在物。應土德。在星爲軫水。體雖卑伏。而性善穴竄。專殺蛇蠱三蟲。伏尸諸毒。

解濕熱。療黃疸。利小便。通經絡。故活絡丸以之爲君。地龍湯治痘瘡。脾胃虛熱。嬌紅。五六日漸變乾紫。伏陷者。同葶藶搗和酒釀服之。即起。若乾紫色黯皮堅。爲肝脾血熱。即宜犀角紫草黃連清解。非地龍所宜。溫病大熱狂妄。天行大熱。和人尿搗絞服之。熱毒從小便而去也。小便暴秘不通。亦宜用之。入葱化爲水。

療暴蠱

蝸牛 鹹寒小毒。發明 蝓蝓蝸牛。生下濕地。陰雨即出。至陰類也。治諸腫毒痔漏。制蜈蚣蠹毒。研爛塗之。取其解熱消毒之功耳。其形尖小而緣柔上者。謂之緣柔。治大腸脫肛。和豬脂塗之。立縮。此蠱諸木上皆有。獨取柔上者。正如桑蠶蛸之義。

龍蛇部

龍骨 甘平無毒。粘舌色白者良。煨赤水飛用。飛之不細。粘著湯胃。令人寒熱。本經主心腹鬼疰。精物老魅。欬逆泄痢膿血。女子漏下。癥瘕堅結。小兒熱氣驚癇。發明 瘡可以去脫。龍骨入肝斂魂。收斂浮越之氣。本經主心腹鬼疰精魅諸疾。以其神靈能辟惡氣也。其治欬逆泄利膿血。女子漏下。取滴以固上下氣血也。其性雖瀋。而能入肝破結。癥瘕堅結。皆肝經之血積也。小兒熱氣驚癇。亦肝經之病。為牛黃以協濟之。其祛邪伐肝之力尤捷。許洪云。牛黃惡龍骨。而龍骨得牛黃更良。有以制伏之也。其性收陽中之陰。崑走足厥陰經。兼入手少陰。治夜夢鬼交。多夢紛紜。多寐泄精。衄血吐血。胎漏腸風。益腎鎮心。為收斂精氣要藥。有客邪。則兼表藥用之。故仲景治太陽證。火劫亡陽驚狂。有救逆湯。火逆下之。因燒針煩躁。有桂枝甘草湯。骨壯蠭湯。少陽病誤下驚煩。有柴胡龍骨牡蠣湯。金匱治虛勞失精。有桂枝加龍骨牡蠣

湯千金方同遠志酒服。治健忘心忡。以二味蜜丸。硃砂爲衣。治勞心夢泄。梅師同桑螵蛸爲末。鹽湯服二錢。治遺尿淋瀝。又主帶脈爲病。故崩帶不止。腹滿腰溶溶。若坐水中。止瀉藥中加用之。止陰瘧。收濕氣。治休息痢。久痢脫肛。生肌斂瘡。皆用之。但收瀉太過。非久痢虛脫者。切勿妄投。火盛失精者。誤用。多致溺赤。瀉痛。精愈不能收攝矣。

龍齒。瀉平無毒。煨赤醋淬七次。水飛用。形如筆架。重數兩外。光澤如簪。碎之。其理如石。內如龍骨。舐之粘舌者。眞。亦有微黑。而煨之色如翡翠者。爲蒼龍齒。較白者更勝。其小如笋尖。或如指狀者。海鯀齒及骨也。叢生如貫衆根者。海馬齒也。舐之亦能粘舌。世多以等類僞充。不可不辯。本經主殺精物。大人驚癇。諸瘧。癩疾狂走。心下結氣。不能喘息。小兒五驚十二癇。發明。龍者東方之神。故骨與齒皆主肝病。許叔微云。肝藏魂。能變化。故遊魂不定者。治之以龍齒。古方有遠志丸。龍齒清魂散。平補鎮心丸。皆收攝肝氣之劑也。又龍骨以白者爲上。取固上氣以攝下脫。齒以蒼者爲優。生則微黑。煨之翡翠可愛。較白者功用更捷。產後血暈爲要藥。取其直入肝藏也。予聞神龍蛻骨之說。初未之信。及從藥肆選覓龍齒。見其骨有變化未全者。半與牛骨無異。始知宇宙之大。無所不有。卽如蛇蟲之屬。皆能蛻形化體。豈特雲龍風虎而已哉。龍稟東方純陽之氣。故能興雲致雨。東方木氣。主乎生也。其耳獨不司聽者。陽神別走於角也。春

夏發現而秋冬潛伏者。隨陽氣之鼓舞也。虎稟西方陰暴之性。故嘯則生風。西方金令主乎殺也。其項獨不能仰者。陰威併振於尾也。晝潛伏而宵奮迅者。乘陰氣之暴虐也。以是推之。則虎骨能搜風氣。健筋骨。療疼痛。睛能定人魄。魄者陰之精也。龍骨能蓄精氣。收神識。止滑脫。齒能清人魂。魂者陽之神也。然龍性飛騰而骨獨粘者。正以其滯而欲蛻之。始得飛沖御天。非飛沖後而蛻其骨也。觀本經驚癩癩疾結氣。甄權鎮心安魂魄等治。總皆入肝斂魂。用以療陽神之脫。同氣相求之妙。許叔微云。肝藏魂。能變化。故魂遊不定者。治之以龍齒。時珍曰。龍者東方之神。故其骨與齒皆主肝病。

龍角 甘平無毒。發明 龍稟東方木氣。而角又督脈所發。故治驚癩癩癧。神魂不寧。龍火上逆。身熱

如火。及邪魅不詳。深師五邪丸用之。而千金治心病。有齒角同用者。

鼈甲 本經名 鼈魚 酸微溫小毒。本經治心腹癥瘕。伏堅積聚。寒熱。女子小腹陰中相引痛。崩中下血。五色

及瘡疥死肌。發明 本經鼈甲所主之證。多屬厥陰。其功在平肝木。治血殺蟲。與鼈相類。亦能治陰瘡。

千金有鮫甲煎。今藥肆多懸之。云能辟蠱。亦殺蟲之意。

陵鯉甲 俗名穿山甲 鹹微寒小毒。或酥炙。或黃土。或蛤粉炒。發鬆研用。尾甲更勝。發明 穿山甲入厥陰

陽明及陰陽二蹕。通經下乳。瘡疾癰腫。發痘為要藥。蓋其穴山而居。寓水而食。出陰入陽。能竄經絡。達於

病所。凡風濕冷痺之證。因水濕所致。渾身上下。強直不能屈伸。痛不可忍者。於五積散內。加穿山甲七片。全蠍炒十個。葱薑水煎。熱服取汗。避風甚良。癰疽潰後。不宜服。

石龍子 鹹溫小毒。綱目作鹹寒。誤。產平陽山谷。荆襄等處。其類有四。一種生岩石間。頭扁身長。尾與身

等。長七八寸。大者尺餘。其狀若蛇。而脚似梅花鱗。目五色者爲雄。色黃身短者爲雌。此物最惜鱗甲。故見

人不動。捕之亦不螫。人以其生岩石間。故本經謂之石龍子。以其善於變易。吞蠶吐雹。有陰陽析易之義。

故字林謂之蜥蜴。楚人名爲蠨蛸。實一物也。入藥雌雄並用。去頭足。酒浸酥炙用之。入傳屍藥。醋炙用之。

一種生草澤間。頭大尾短身粗。其色青黃。有傷則啣草自敷。故謂之蛇醫。母能入水與石斑魚合。故又名

水蜥蜴。不入藥用。一種生人家屋壁。形小身細。長三四寸。色褐斑黑者。謂之蝮蛇。吳俗名爲壁虎。以其居

壁而善捕蠅蠅也。或云飼之以朱。點宮娥臂。故名守宮。一種似守宮而頭圓身細。長五六寸。色白如銀。通

身細鱗。雌雄上下相應而鳴。情恰乃交者。蛤蚧也。荆襄嶺澤皆有。而西川產者最勝。捕得成對。線纏炙乾。

捲榕樹皮中者是也。以此明辨。方無悞用之失。發明 石龍子爲本經中品。而綱目主治中有別錄。而

無本經。豈本經之文有所殘缺歟。抑本經之文。誤註別錄歟。其治五癰邪結氣。利小便水道。破石淋下血

者。以蜥蜴能吐雹祈雨。故治癰淋利水道。是其本性。千金治癰結水腫。屍症留飲。有蜥蜴丸。外臺治陰癰

方用之。皆取其長於利水道耳。按蜥蜴卽是石龍。今房術藥中用之。以其興發助陽。而無止瀉之患也。

守宮一名蠪蜒俗名壁虎 鹹寒小毒 發明 守宮食蠹。蠹乃治風要藥。詳守宮所治風症驚癇諸病。猶蜈

蚣之性。能透經絡也。且入血分。故又治血病瘡瘍。以毒攻毒。皆取其尾善動之義。麻城移痘方。治痘出眼

目。及正面稠密。用以移痘於不傷命處。其效最捷。觀術士以守宮尾杵為細末。彈熟肉上。其肉便翕。翕蠕

動。移痘方得。非從此悟出。陶弘景云。蠪蜒喜緣籬壁間。以硃飼之。滿三斤。研乾末。以塗婦人臂。有交接事

便脫。故名守宮。蘇恭曰。飼硃點婦人臂。謬說也。張華言必別有術。今不傳矣。時珍曰。守宮祛風。石龍利水。

功用自別。不可不知。

蛤蚧 甘鹹溫小毒。生嶺南城垣榕樹間。及粵西橫州等處者。長七八寸。蜀中產者。不過五寸。頭圓肉滿。

鱗小而厚。形似守宮。鳴則上下相呼。雌雄相應。情恰乃交。兩相抱負。自墮於地。人往捕之。亦不知覺。以手

劈之。至死不開。取以曝乾。為房中要藥。卽尋常捕得者。功用亦相髣髴。但驗其圓圖成對。捲榕樹皮中者。

卽真無疑。入藥去頭留尾。酥炙用之。口含少許。疾走不喘者。是其益氣之驗也。發明 蛤蚧味鹹歸腎

經。性溫助命門。色白補肺氣。功兼人參羊肉之用。而治虛損痿弱。消渴喘嗽。肺痿吐沫等證。專取交合腎

肺之氣。無以逾之。愚按蛤蚧龍子。性皆溫補助陽。而舉世藥肆中。皆混稱不分。醫者亦不辨混用。龍子則

割開如皮。身多赤斑。偏助壯火。陽事不振者宜之。蛤蚧則纏束成對。通身白鱗。專溫肺氣。氣虛喘乏者宜之。虛則補其母也。

蛇蛻 鹹甘平小毒。火熬用之。本經主小兒二十種驚癇蛇癇。癩疾癧癧。弄舌搖頭寒熱。腸痔蠱毒。

發明 蛇蛻屬巽走肝。故本經治小兒驚癇等病。一皆風毒襲於經中之象。其入藥有四義。一能辟惡。取

其性靈也。故治邪辟鬼魅蠱瘡諸疾。二能驅風。取其性竄也。故治驚癇癧駁。偏正頭風。喉舌諸疾。三能殺

蟲。故治惡瘡痔漏疥癬諸疾。用其毒也。四有蛻義。故治眼目瞽膜。胎衣不下。皮膚之疾。會意以從其類也。

蝮蛇膽 卽南蛇 甘苦寒小毒。發明 蝮蛇產嶺南。稟已土之氣。其膽受甲乙風水。其味苦中有甘。所主

皆厥陰太陰之病。其治心腹脹痛者。蟲在內攻嚙也。下部腫瘡者。蟲在外侵蝕也。濕熱則生蟲。燥濕則殺

蟲。內外施之。皆可取用。更能散腫消血。故直諫之臣。受廷杖者。臨服少許。則血不凝滯於內。又能明目涼

血。除瘡殺蟲。惜乎難得真者。

白花蛇 甘鹹溫有毒。產蘄州者良。禁犯鐵。凡用去頭尾。酒浸酥炙。炭火緩焙。去盡皮骨。此物甚毒。不可

不防。脇有方勝。尾上有拂者真。發明 蛇性竄能引藥。至於風痰處。故能治一切風病。其風善行數變。

蛇亦善行數蛇。所以能透骨搜風。爲大風白癩風。風痹驚搐。癩癧惡瘡要藥。取其內走藏府。外徹皮膚。無

不防。脇有方勝。尾上有拂者真。發明 蛇性竄能引藥。至於風痰處。故能治一切風病。其風善行數變。

處不到也。陰虛血少。內熱生風者。非其所宜。凡服蛇酒藥。切忌見風。開罈時須避其氣。免致面目浮腫。凡癩風。曾服過大楓子仁者。服白花蛇無效。

烏梢蛇。甘平無毒。劍脊細尾者佳。忌犯鐵器。發明。蛇性主風。而黑色屬水。故治諸風頑痹。皮膚不

仁。風瘙癢疹。疥癬熱毒。眉鬚脫落。疔瘡等瘡。但白花蛇主肺藏之風。爲白癩風之專藥。烏蛇主腎藏之風。爲紫雲風之專藥。兩者主治懸殊。而烏蛇則性善無毒耳。

蝮蛇。肉大熱。膽微寒。並有毒。發明。諸蛇皆是卵生。惟蝮蛇破母腹出。惡毒尤烈。故以蝮名。其狀較

諸蛇迥異。形短而粗。嘴尖鼻反。故名反鼻蛇。有頭斑身赤如錦紋者。有黃黑青黑而斑白者。皆蝮蛇也。有頭扁與土同色而無紋者。土虺也。亦名曰蛇。字形相類之誤也。時珍曰。蝮大虺小。其毒則一。抱朴子言。

蛇類最多。惟虺中人甚急。卽時以刀割去瘡肉。投之於地。其熱如炙。須臾毒盡。人乃得活。一種形如蜥。長一二尺者。千歲蝮也。年久脚生。能跳上樹。嚙已還樹。垂頭聽人哭聲。頭尾相類。大如搗衣杵。俗名

望板歸。言被其嚙必死。專望板歸以備殮具也。蘇頌以細辛雄黃等分爲末。內瘡口中。日易三四次。又以枳實根桂末著管中。密塞勿令走氣。佩之中。其毒者急敷之。野談。翁方急以黃荊葉搗爛敷之。上皆解救

之法。然有用其毒以攻疾厄之毒者。別錄取蝮蛇肉釀酒以療癩。蝮蛇膽磨汁以塗蠱瘡。總取殺蟲攻

毒之用耳。竊謂攻毒急救之藥頗多。爰必藉此而爲異端之術哉。姑存以備解救之法可也。

魚部

鯉魚 甘平無毒。其目能睫動者有毒。藥中有天門冬者勿犯。天行病後勿食。發明 魚性逆水而上。

動關翹尾。其力最勞。且目不夜瞑。故釋氏雕木象形。以警世之昏惰者。鯉性跳躍急流。故取以治水腫之

病。河間云。鯉之治水。驚之利水。因其氣相感也。黃痺脚氣濕熱。孕婦身腫宜之。便血同白蠟煮食。腦髓治

耳卒聾。齒治石淋。膽治目赤腫痛。取汁點之。鱗治產婦滯血。燒灰治吐血崩中。十灰散中用之。

鱣魚 本名鱣魚 鱣音渾 甘溫無毒。發明 鱣魚多蓄池中。飼草而長。與青鱣混雜。故名曰鱣。江湖亦皆有之。

食品之長味也。時珍言。暖中和胃。此指池中蓄者而言。李廷飛言。能發諸瘡。此指湖中獲者而言。各有至

理。膳味苦寒。能出一切竹木刺在喉中。以酒化二三枚。溫呷取吐。卽出。

青魚 肉甘平。膽苦寒無毒。發明 東方色青。入通於肝。開竅於目。故膽有點目治靨之功。肉有補肝

逐水之用。同菹白煮食。治脚氣疼痛。目睛生汁注眼。能黑夜視物。以其好噉螺蜆。螺蜆能明目也。乾青魚

膽水磨點喉。疥瘡與熊膽同功。

鱣魚 本名鱣魚 甘溫無毒。發明 池魚大都無毒。兼此魚恆食諸魚之遺。其毒雖少。不無助長濕熱之虞。

有皂白二種。皂者頭大白者腹腴。雖食品之下。而有温中益氣之功。與鱣魚無異也。

闊口魚本名鮠魚 甘温無毒。發明 鮠生海中。與石首同類。以之剖腹曝乾。亦與石首作鱣無異。以其頤

下有骨撐開。故有闊之稱。能開胃進食。下膀胱水氣。病人食之。無發毒之慮。食品中之有益者也。

鰻魚古名魴魚 甘温無毒。發明 鰻魚縮項。性不喜動。嚴冬善息土中。故食之能調胃氣。而無動風發熱

之慮。與白魚之性相仿。但無利水之功耳。

白魚 甘平無毒。發明 白魚入肺利水。開胃下氣。金匱治淋病。小便不利。滑石白魚散用之。取其佐

滑石以利氣。兼亂髮以破血。血氣通調。而淋瀝止矣。同聚食之。令人腰痛。以其滲泄脾腎也。

石首魚俗名蝗魚 甘平無毒。乾者名白鱣。發明 石首魚生鹹水中。而味至淡。故諸病食之。無助火之虞。

與河豚之性稟陰毒迥殊。腦中石鮓。主石淋。腦骨為末。入有嘴壺中。薰腦漏。然惟暴患得效。痢疾切忌油

膩。惟白鱣食之最宜。

鱧膠 鹹平無毒。凡用入丸。切作小塊。蛤粉炒成珠。方可磨末。煉蜜調劑。須待涼用。又不可搗。搗則粘韌。

雖為丸矣。發明 諸魚之鱧。皆可為膠。而石首魚者。膠物甚固。故齋精方用之。合沙苑蒺藜。名聚精丸。

為固精要藥。丹方又以一味炒研。砂糖調。日服一錢匕。治痔最良。經久痔自枯落。燒灰治產後風搐。破傷

風癩取其滋榮經脈而虛風自息也。

勒魚 甘平無毒。發明 勒魚腹下有骨勒人因以得名。以其甘溫開胃。有宜於老人之說。作鯨尤良。脊骨治瘡。以一寸入七竇飲酒水各半。煎露一宿服之。

鱒魚 甘溫無毒。發明 鱒魚性補。溫中益虛。而無發毒之慮。其生江中者。大而色青。味極甘美。生海中者。小而色赤。味亦稍薄。觀其暗室生光。迴非常魚可比。其鱗用香油熬塗湯火傷效。

嘉魚 甘溫無毒。發明 此魚食乳水。功用同乳。食之令人肥健悅澤。腎虛消渴。勞瘦虛損者。食之最宜。

鰓魚 此魚骨柔肉脆。能益胃氣。食之令人肥健。腹中子性寒有毒。多食令人痢下。

鯽魚 甘溫無毒。烏背者其味最美。以其居濁水中。雖肥不無小毒。然此恆用食品。未嘗見其有毒傷人。

發明 諸魚性動屬火。惟鯽魚屬土。有調胃實腸之功。故有反厚朴之戒。以厚朴泄胃氣。鯽魚益胃氣。故

大明言溫中下氣。保昇言止痢厚腸。皆言其補益之功也。生搗塗痰核乳癰堅腫。以豬脂煎灰服。治腸癰。

合赤小豆煮汁。食消水腫。炙油調塗。婦人陰瘡。同白礬燒研。治腸痔血痢。入綠礬泥固煨。治反胃吐食。與

胡蒜煨。治膈氣痞滿。凡煨俱不可去鱗。以鱗有止血之功也。

石斑魚 有毒。發明 石斑魚生南方溪澗水石處。長數寸。大不過尺餘。有雌無雄。二三月與蠍交合水上。其子毒人。令人吐瀉。醫說云。用魚尾草汁少許解之。

鱈殘魚 俗名銀魚 甘平無毒。發明 鱈殘出蘇松浙江。大者不過三四寸。身圓無鱗。潔白如銀。小者尤勝。

鮮食最美。曝乾亦佳。作羹食之。寬中健胃。而無油膩。傷中之患。

海粉 鹹寒無毒。發明 海粉色碧微鹹。專行肝腎。云是海中介屬。得東南水土之氣而成。與蜂之釀

蜜無異。土人採得而貨之。以供食品。能散癭瘰。解毒熱。但性寒滑。脾胃虛人勿食。

燕窩 甘平無毒。發明 鳥啣海粉作窩。得風日陽和之氣化。鹹寒為甘平。能使金水相生。腎氣上滋

於肺。而胃氣亦得以安。食品中之最馴良者。惜乎本草不收。方書罕用。今人以之謂補虛勞。咳吐紅痰。每

兼冰糖煮食。往往獲效。然惟病勢初淺者為宜。若陰火方盛。血逆上奔。雖用無濟。以其幽柔無剛毅之力

耳。

鱸魚 甘平小毒。發明 鱸魚鬆脆。與石首魚相類。補五藏。益筋骨。和腸胃。治水氣。多食宜人。作鮓尤

良。

鱖魚 甘平小毒。發明 鱖性疎利。有補虛益胃。去腹內惡血小蟲之功。醫說有邵氏女年十八。病勞

擦累年。偶食鱖魚。遂愈。正與補勞益胃殺蟲之說相符。照治骨鯁。及竹木刺入咽喉。不拘大人小兒。或入腹刺痛。服之皆出。臘月收大鱖魚膽。懸北簷下陰乾。遇有梗者。用皂子大酒研溫服。得吐則鯁隨涎出。未出再服。以出爲度。酒隨量飲。無不出者。如無鱖魚膽。鮪魚青魚鯽魚膽用鮮者。酒調服之亦出。

鱧魚

卽鱸魚俗名里魚

甘寒無毒。

發明

鱧性伏土而能勝水。故治水腫。

療五痔。治濕痹。主腳氣。妊娠面浮。

腳腫者。合赤小豆煮食甚効。丹方治水腫腹大。用活鱧魚去腹垢。入獨顆蒜令滿。外塗濕黃泥。炭火炙食。

屢効。有瘡者不可食。令癢白。

鰻魚 甘平小毒。闊嘴者爲鰻。尖嘴者爲鱻。發明 鰻魚雖有毒。性能補虛益陰。久病勞瘵宜之。大便濡泄勿用。其功專在滋補真陰。殺勞瘵蟲。與蛇同類。故主治亦近之。

鱣魚 甘大溫無毒。發明 鱣魚稟已土之氣。能補中益血。婦人產後惡露淋瀝。腸鳴濕痹。並宜食之。暴乾煨灰存性。治老人虛痢。大鱣魚重筋餘者。能助勢力。食後過體疼脹。盡力搥之。大力丸方用煎筋虎骨。當歸人參。等分爲末。酒蒸大鱣魚。取肉搗爛爲丸。每日空腹酒下兩許。氣力驟長。鱣魚血力能助陽。壯年陽道不長。育龜丸用之。方用石龍子蛤蚧。生犀角。生附子草烏頭。乳香沒藥。血竭細辛。黑芝蘇。五倍子。陽起石。等分爲末。生鱣魚血爲丸。硃砂爲衣。每日空心酒下百丸。曾有人服此。得以嗣續宗祧者。不可以

...

房術論也。其尾血療口眼喎斜。同麝少許。右喎塗左。左喎塗右。正卽洗去。其骨燒灰。香油調塗。流火甚效。

甲魚本名鱉魚 甘温小毒。發明 鱉魚無鱗而有甲。故俗名爲著甲。江淮黃河遼海水深處皆有之。長二

三丈。逆上龍門。能化爲龍。味極肥美。但發氣動風。和蕎麥食。令人失音。其肝味勝河豚。食之令人血膚乾

脫。亦動風之驗也。

鱗魚本名鮪魚。生江中。長丈餘。身無鱗。鼻與身等。亦鱗屬也。 甘平無毒。發明 此魚味雖美。而發諸藥毒。動風氣。發一切瘡疥。

久食令人腰痛。服丹石人忌之。勿與乾筍同食。發癱瘓風。小兒食之。成欬嗽及癩瘡。作鮓雖珍。亦不益人。

鱧魚本名鯉魚。卽鮓魚。 甘温小毒。赤目赤鬚無腮者殺人。不可合牛肝食。反荊芥。發明 鱧魚類蛇。故能治

風。凡口眼喎斜。切活鮓魚尾尖。朝吻貼之。卽正。

黃頰魚 甘平微毒。反荊芥。發明 無鱗之魚不益人。發瘡疥。不獨黃頰爲然。

江鱗一名鱧魚 甘平小毒。發明 諸魚皆用翅尾游行。惟鱗不勞翅尾。逐隊齊行。故以命名。種類不一。獨

產江水中者。應春而起。喙極鮮美。性專降泄。故敗疽痔漏人忌食。諸鱗皆然。

河豚 甘温有毒。海中者大毒。江中者次之。淡水中者又次之。有大小二種。大者謂之河豚。背淡青黑。無

赤斑。腹白而翅傍色黃者可食。小者名斑魚。背脊黑。有文點。多赤色。其毒最甚。以稟蛟龍之氣最甚也。海

人。禮三月後。斑魚得水氣全盛之時。尤不宜食。其雙尾獨目。翅赤嘴赤異常。背有赤印。額內無腮。腹中多血。獨映無膽。皆大毒傷人。製食之法。須去其子與嘴目。及脊中肝內惡血。并去周身脂膜。則不氣腥。煮忌煤火。及煤炘落入。與荆芥桔梗。菊花甘草。附子烏頭相反。故食河豚。一日內不可服藥。河豚子必久漬石灰水中。而後煮食。曾見水浸一夜。大如芡實也。中其毒。則唇舌麻。頭旋目眩。足不任履。行步欹側。急宜探吐。隨覓荻芽。或蘆根。搗汁灌之。橄欖汁甘草汁皆可解。又槐花乾。胭脂等分。爲末。水調服之。若腹中絞痛。昏迷倒仆者。急用糞清灌之。遲則不救。發明 凡物之美者。謂之尤物。靡不賈毒傷人。如妲己亡殷。夷光傾吳。蒙其禍而不自覺也。河豚嗜鹹。內藏信智。外顯文刺。窄口巨腹。陰毒內蓄可知。凡陰毒之物。必藉陽氣而爲鼓舞。得春升之令。而浮游水面。非信而乎。散子必入淡水。既生必歸巨海。非智而乎。得鹹則肥。得淡則瘦。所以淡水中者。其毒漸解。而不致傷人之甚也。以其味美。人爭食之。春初最爲貴品。其腹腴呼爲西施乳。南人有云。凡魚之無鱗無腮。無膽有聲。目能睫者。皆有毒。河豚目能開闔。觸之則曳曳有聲。嗔怒則腹脹如毬。浮起水面。故人得以取之。其毒入肝助火。莫有甚於此者。患癰瘍脚氣人。切不可食。助濕發毒動風。其患最速。惟取其子。同蜈蚣燒研。香油調搽。疥癬有效。抉其目。拌輕粉埋地中化水。拔婦人脚上雞眼瘡。可以脫根。

江豚 鹹腥無毒。發明 江豚形如水牛。藏器雖有飛屍蠱毒瘴瘧之治。從未見有用之者。以之熬油點燈。照檣蒲則明。讀書紡織即暗。俗言癩婦所化也。

比目魚 甘平無毒。發明 比目形如箬葉。故俗以是稱之。爾雅所謂東方有比目者是也。魚各一目。相並而遊。今吳中崑山最多。孟詵雖有補中益氣之說。而多食動氣。亦是助濕生熱之故。此必溺於伉儷者之所化也。

鮫魚

一名沙魚

甘鹹平無毒

發明

鮫魚生南海。背皮粗錯。可飾刀靶。其肉作膾。補五藏。皮治屍疰蠱毒。

燒灰解鯨鱈魚毒

烏賊骨 即烏鰂骨。俗名海魷。鮑。

鹹微溫無毒

發明

烏鰂骨厥陰血分之藥。兼入少陰。其味鹹而走血。故治血

枯血痕。經閉崩帶。陰蝕腫痛。丈夫陰腫。下痢疝疾。厥陰本藥也。寒熱瘧疾。蠱瘕。少腹痛。陰痛。厥陰經病也。目瞽流淚。厥陰竅病也。厥陰為藏血之室。少陰為隱曲之地。故諸血病。陰病皆治之。按素問云。有病胸脇支滿。妨於食。病至則先聞腥臊臭。出清液。吐血。四肢清。目眩。時時前後血。病名曰血枯。得之年少時。有所大脫血。或醉入房中。氣竭肝傷。月事衰少不來。治之以四烏鰂骨一鹿。始為末。丸以雀卵。大如小豆。每服五丸。飲以鮑魚汁。所以利腸中及傷肝也。觀此入厥陰血分可知。

鮑魚 辛臭温無毒 發明 鮑魚腥穢可淡曝而不可著鹽乾則形如塊肉耑取腥穢以滌一切痰積

同氣相感也入肝散血煮汁送四烏鯁一蘆茹丸治女子血枯經閉內經用以療傷肝利腸而不傷伐元

氣惜乎世罕用之今庖人用以煮肉則脂沫盡解滌除垢膩之驗也秦始皇死沙邱會暑屍腐令輶車載

鮑魚以亂其臭始皇本呂不韋萌孽溷廁宮幃非取其滌除遺臭之義歟

海馬 甘温無毒 發明 海馬雌雄成對其性温暖有交感之義故孕婦帶之於身臨時煨末服之并

手握之云易產又陽虛房術多用之可代蛤蚧之功也

鰕俗作 甘温小毒鰕無鬚腹下通黑色者食之傷人 發明 鰕性跳躍生青熟赤風火之象生搗敷

小兒赤白遊風絞汁入藥托腫吐風痰皆取風能勝濕也制藥壯陽取熱能助火也白者下乳汁專入氣

分也

介部

龜版本經名曰神屋 鹹甘平小毒入藥取腹去背酒浸酥炙或熬膠用色黑產水中者為水龜其色黃出山中

者為秦龜秦龜不入補腎藥一種呬蛇龜腹折見蛇則呬而食之其性最毒不可誤用方書皆用灼過敗

龜之版取其用過無調生命也世以自死龜殼為敗既死精氣已脫取用何益悞服反受其毒以其為蛇

虺所傷也。今藥肆所賣龜膠。每以鹿角膠脚。沖入則易凝結。亦有以黃明膠和入者。凡製膠須去背甲以淨腹版。水浸去外衣。則膠無腥濁之氣。本經主漏下赤白。破癥瘕瘡。五痔陰蝕。濕痹四肢重弱。小兒顛不合。發明 龜稟北方之氣而生。乃陰中至陰之物。常行任脈。上通心氣。下通腎經。故能補陰治血。治勞。大凡滋陰降火之藥。多寒涼損胃。惟龜版炙灰則益大腸。止泄瀉。故漏下赤白。亦能療之。其治小兒顛不合。專取滋水堅骨之功。皆龜之所主。其破癥瘕瘡。五痔陰蝕。濕痹重著。皆秦龜之功用。以能入脾經。治風濕也。時珍云。龜鹿靈而壽。龜首常藏向腹。能通任脈。故取其腹。以補心補腎補血。皆養陰也。鹿鼻常反向尾。能通督脈。故取其角。以補命門補精補氣。皆養陽也。觀龜甲所主之病。皆屬陰虛精弱。腰脚痠痿。可心解矣。燒灰酒服。治痘瘡。又合鹿角灰等分。入四物湯服。治血崩。炙末酒服。主風痺脚弱。燒灰傅小兒頭瘡。婦人陰瘡。鱈魚血調塗流火濕瘡。但胃虛少食。大便不實。及妊娠禁用。以其無陽生之力耳。膽汁苦寒。治痘後目腫。經月不開。取汁點之。良。溺滴耳治聾。點舌下。治大人中風舌瘖。小兒驚風不語。摩胸背。治龜胸龜背。欲取其溺。以猪鬃刺其鼻卽出。

玳瑁

卽瑁

甘寒無毒。入藥生者良。

發明

玳瑁入心主血。有解毒解熱之功。故蘇頌以之磨汁服。解

蠱毒。日華破癥結。消癰毒。止驚癇。土良。療心風。解煩熱。行血氣。利大小腸。時珍治傷寒熱結狂言。解毒清

熱之功。等於犀角。同犀角解瘧毒。瘧瘡黑陷。乃心熱血凝。用生犀玳瑁磨汁。入猪心血少許。紫草湯調服。則熱解血和。而陷痘起矣。但虛寒而陷者勿用。

鼈甲一名

鹹平無毒。九肋七肋者佳。以其得陽數也。然多有摘去下肋。僞充七肋者。亦有半邊隻肋。半

邊隻肋者。此團魚與鼈交合而生。不若純隻肋者爲優。醋煨酥炙。各隨本方。治瘧母。淋灰湯煮糜如飴。用龜用大者力勝。鼈用小者力優。妊婦勿食鼈肉。與菟菜鴨卵合食尤忌。本經主心腹癥瘕。堅積寒熱。去

痞疾息肉。陰蝕痔核惡肉。發明。鼈色青入厥陰肝經。及衝脈。爲陰中之陽。陽奇陰偶。故取隻肋爲肝

經之嚮導。其所主者。瘵瘧瘡母。虛勞寒熱。癥瘕痞疾。經水陰瘡。不出本經主治也。凡骨蒸勞熱。自汗皆用之。爲其能滋肝經之火也。與鼈甲同類。並主陰經血分之病。龜用腹。腹屬腎。鼈用肋。肋屬肝。然究竟是削肝之劑。非補肝藥也。妊婦忌用。以其能伐肝破血也。肝虛無熱。禁之。煨灰研極細末。療湯火傷。皮綻肉爛者。並効。乾則麻油調敷。濕則乾搽。其痛立止。其解火毒。療骨蒸。殺療蟲之功。可默悟矣。鼈頭燒灰。酒服療小兒脫肛。婦人陰脫下墜。取其善縮之性也。生血塗尤效。○沈聖符曰。食品中惟鼈最爲叵測。其間多有

大毒。不減河豚者。如三足兩頭。人所共棄。項強腹赤。毒可傷人。予隣余子坦。曾見蛇盤屢跌而成鼈者。四生之中。物物皆有變化。無足異也。且有鼈寶生鼈腹中之說。說者以爲誕妄。姑置罔聞。近日楓江吳氏。買

一鼈。烹之輒作人言。其家以爲怪也。添火烹之。剖腹果得一物。約長三寸。鬚眉宛然。聖符邀予。往看驗其鼈形。背高聳起。稍異尋常。聖符屬筆命記。以爲嗜味傷生之警。

鼈甲 甘平無毒。發明 鼈甲炙黃酒浸。治癩癧殺蟲。逐風惡瘡。痔瘻風頑疥瘡。功同鼈甲。但鼈走肝。

而鼈走脾。故其主治稍有不同。

蟹 鹹寒小毒。未被霜者有毒。多食腹痛泄瀉。生薑紫蘇。豉汁蘆根汁。並可解之。其性喜入蛇穴。得其毒則驟長。故重一觔以上者。誤食殺人。又兩目相向。足斑目赤者。大毒不可食。本經主胸中邪氣熱結痛。

噎辟面腫。能敗漆。燒之致鼠。發明 蟹之外骨內肉。生青熟赤。陰包陽象無疑。性滯破血。故能續斷絕。

筋骨。本經主胸中邪氣熱結痛。噎辟面腫。皆是瘀血爲患。性能敗漆。今人生搗治漆瘡。塗火湯。皆取散血。

之意。日華治筋骨折傷。生搗罌之藏器云。能續斷筋。去殼用黃。搗爛微炒。納入瘡中。筋卽連也。可知其功。

不獨散而能和血矣。凡物之赤者皆熱。惟蟹與柿性寒。所以二物不宜同食。令人泄瀉。發癩癧。妊娠忌食。

以其性專逆水橫行也。其爪爲僮生下死胎胞衣專藥。千金神造湯。治子死腹中。并雙胎一死一生。服之。

令死者出生者安。神驗方也。但以一邊運動。一邊沈著者。卽是無疑。方用蟹爪一升。甘草一尺。東流水一。

斗。以葦薪煮至二升。去滓。入真阿膠二兩。令烱頓服。或分二服。若人困不能服。置入卽活。取蟹之散血而。

爪觸之卽脫也。然必生脫者。連足用之。丹方治蓄血發黃。胸脇結痛。而不浮腫者。蟹殼煨存性。黑糖調。無灰酒下三錢。不過數服效。若浮腫者爲氣病。無藉於蟹之散血也。婦人乳癰硬腫。蟹殼灰一服卽散。又以塗硃燒烟辟臭蟲。薰之卽斃。則殺蟲之功。從可知矣。○蟹之相類多種。如螯蟬擁劍。不常見外。其螯蟬。螯春時甚多。螯蟬螫光無毒。可醢而食。螯蟬螫毛有毒。悞食令人吐下。又有一種生沙穴中。見人則避者。沙狗也。時珍雖言不可食。今海錯中用之。非螯蟬之可比也。

蟹 辛鹹平微毒。發明 蠶醫候風。外殼內肉。與蟹無異。其血蒼色。其肉鬆脆。亦如蟹臍。能散肝腎結血。故產後痢不止。及腸風瀉血。崩中帶下。用尾燒灰米飲服卽止。聖惠方治積年欬嗽。呀呷作聲。用蟹魚殼半兩。貝母桔梗。入牙皂末少許。蜜丸噙一丸。噦汁服三丸。卽吐出惡涎而瘥。

牡蠣 鹹平微寒無毒。煨赤用。左顧者良。本經主傷寒寒熱。溫瘧洒洒。驚恚怒氣。除拘緩鼠瘻。女子帶

下赤白。發明 牡蠣入足少陰。爲軟堅之劑。以柴胡引之。去脇下痛。以茶引之。消項上結核。以大黃引

之。消股間腫。以地黃引之。益精收瀼止小便。腎經血分藥也。本經治傷寒寒熱。溫瘧洒洒。是指傷寒發汗後。寒熱不止而言。非正發汗藥也。仲景少陽病犯本。有柴胡龍骨牡蠣湯。金匱百合病變渴。有栝蘘牡蠣散。用牡蠣以散內結之熱。卽溫瘧之熱。從內蘊。驚恚之怒氣上逆。亦宜鹹寒。降泄爲務。其拘緩鼠瘻。帶下

赤白。總由痰積內滯。端不出軟堅散結之治耳。今人以牡蠣滴精。而治房勞精滑。則慮其鹹降。治亢陽精傷。又恐其斂滴。惟傷寒亡陽汗脫。溫粉之法最妙。其肉糟製。卽蠣黃醬也。

蚌 肉甘寒。殼鹹寒無毒。發明 蚌與蛤皆水產。而蛤則生鹹水。色白入肺。故有軟堅積化頑痰之功。

蚌生淡水。色蒼入肝。故有清熱行濕。治雀目夜盲之力。蓋雀目則肝腎之病也。初生小兒啞驚。活蚌水磨。墨滴入口中。少頃下黑糞而愈。生蚌炙水。治湯火傷甚效。古方用方諸水。清神定魄。以大蚌向月取水是也。

真珠 鹹甘寒無毒。發明 珍珠入手足厥陰二經。故能安魂定神。明目退翳。解瘰疔瘡。及瘰瘡入眼。治耳暴聾出水。研細末吹之。待其乾脫自愈。煨灰入長肉藥。及湯火傷。敷之最妙。然不可著水。著水則反爛肉。

石決明 一名珍珠母 鹹平無毒。九孔者佳。麩裏煨熟水飛用。反雲母。發明 石決明味鹹軟。入肝腎二

經。爲磨醫消障之專藥。又治風熱入肝。煩擾不寐。遊魂無定。本事方珍珠母丸。與龍齒同用。取散肝經之積熱。須與養血藥同用。不宜久服。令人寒中。非其性寒。乃消乏過當耳。

文蛤 鹹平微寒無毒。卽蛤刺之殼厚口。光有紫斑文者。用酸漿水。或醋煮半日許。搗粉用。本經主惡

瘡蝕五痔。發明。文蛤鹹寒。走足少陰經。爲潤下之味。故能止渴利小便。別錄治欬逆胸痹。腰痛脇急。鼠瘦崩中。卽本經主惡瘡蝕五痔之義。取鹹能軟堅。入血分也。仲景傷寒太陽病。用水劫益煩。意欲飲水。反不渴者。及金匱渴欲飲水不止。並用文蛤散。其治反胃吐後。渴欲飲水而貪飲者。則有文蛤湯。總取鹹寒滌飲之義。

蛤蜊。鹹寒無毒。紫口者良。大都鹹寒之物。皆能清熱。開胃止渴。其殼煨赤杵粉。能清肺熱。滋腎燥。降痰清火。止欬定喘。消堅癖。散癭瘤。無不宜之。炒阿膠鱉膠用之。以其味鹹。能發滯性也。單方治乳癰。每三錢入皂角刺末半錢。溫酒調服。治肺癰。一味童便煨研。柑桔湯日進三服。屢驗。然須冬時取栝萸實和穰子同搗。仍入殼中。懸當風處陰乾。以供一歲之用。否則難於取應也。

蛭。甘平無毒。發明。蛭生江湖中。與蚌蛤相類。閩人以田種之。謂之蛭田。其肉可爲淡乾。腸鼻糟之。以充海錯。婦人產後虛熱宜之。

魁蛤殼。俗名蚶子。肉甘平。殼鹹平無毒。發明。蚶肉僅供食品。雖有溫中健胃之功。方藥曾未之及。

其殼煨灰。則有消血塊。散痰積。治積年胃脘瘀血疼痛之功。與鼈甲蟲。同爲消瘧母之味。獨用醋丸。則消胃脘痰積。觀製蚶餅者。以蚶殼灰泡湯。搜糯粉。則發鬆異常。軟堅之力可知。

車螯一名

鹹冷無毒

發明

車螯是海中大蛤。以其吐氣成樓。故名曰螯。所謂雀入淮爲蛤。鳩入海

爲蜃者是也。其肉解酒毒消渴。殼治瘡腫癰毒。燒赤醋淬爲末。同甘草等分酒服。并以醋調敷之。日華法也。

貝子 鹹平小毒。燒赤搗細如麩。以清酒淘過用。白者入氣分。紫者入血分。花者兼入血氣。本經主目

醫五癘。利水道。鬼淫蟲毒。腹痛下血。發明 貝生南海。雲南極多。土人用爲錢貨交易。因其味鹹軟堅。

故本經專主目醫。其治五癘等病。取鹹潤走血之力。千金脚氣丸中用之。專取鹹能破堅之意。雖數十年

之疾。靡不克效。以其透入骨空。搜逐濕淫之氣。和諸藥蒸蒸作汗。次第而解之。古方點目用貝子粉。入龍

腦少許。有瘰肉。加珍珠末吹點。亦入老醫諸方。紫貝治小兒癩疹目醫。令人用以研紙。謂之研羸。大者曰

珂。亦名馬珂螺。治目消醫。去筋膜努肉。與貝子相類。分紫白煨灰用之。

石蚶一名龜脚 甘鹹無毒。發明 石砌生東南海中石上。蚌蛤之屬。形如龜脚。殼似海螯。與吐蚶等同爲

海錯。而此稍遜。然其有利小便之功。吐蚶不如也。

淡菜 甘溫無毒。發明 淡菜生鹹水而味不沾鹹。爲消癭之善藥。兼補陰虛勞傷。精血衰少。及婦人

帶下。理腰脚氣。不宜多食。久食令人陽痿不起。及脫人髮。一切海中苔菜皆然。不獨淡菜也。

海蠃名

鹹平無毒

發明

海蠃肉甘寒。食之能止心痛。生螺汁洗眼止痛。經二三十年者。輒應入。

黃連末點之尤良。○麝性閉藏。能斂香氣。經月不散。獨燒則臭。與沈麝諸香。及諸花和蠟煎成者。曰甲煎。可作口脂。千金方用之。唐李義山詩。所謂沈香甲煎為庭燎者是也。其殼五色瓏瓏。為鈿最精。燒過點眼。能消宿醫。惜乎專目科者罕知。

蠃即螺

甘寒無毒

發明

蠃蚌蛤蟹龜鼈之類。皆外剛內柔。稟離火之象。雖居泥水而性寒。治火熱

之毒最捷。用珍珠黃連。嵌入良久。取汁注目中。止熱。壅目痛。生搗絞汁。和無灰酒飲。治黃痺小便不利。田中大螺。去掩入冰片少許。埋土中一伏時。化水療痔瘡。又搗爛和麝香貼臍上。引濕熱下行。治噤口痢。土牆上爛殼。燒灰敷痘瘡。及臙瘡濕毒。生田中者。得土氣多而形大。生水者。得水氣多而形小。其治水腫黃痺。目赤腫痛。痔腫脫肛。消渴解酒之功。則一。產徽州溪澗中者。其肉青碧可愛。土人取肉焙乾。以充食物。但性冷利。人過食。令人腹痛泄瀉。急磨木香酒解之。

寄居蟲

甘溫無毒

發明

藏器曰。寄居蟲在螺殼間。非螺也。候螺蛤開。即自出入。螺蛤欲合。已還殼

中海族多被其寄。南海一種似蜘蛛。入螺中負殼而行。觸之即縮入螺。火炙乃出。婦人難產。以七枚擣酒服之。或臨產兩手各握一枚。與相思子無異。弘景云。食之益顏色。美心志。惜乎一時不易得也。

郎君子即相發明相思子狀如螺中之子大如小豆藏篋筒積歲猶活置醋中即盤旋不已婦人難產手把之便生屢驗

禽部

鶴頂 辛温大毒。發明 鶴食蛇虺而頂血大毒。力能殺人人之欲求自盡者服之即斃。而嘉祐又以鶴血益氣力補虛乏去風益肺恐未必然。肫中砂石子磨水服能解蠱毒。

鶴骨 甘寒小毒。發明 鶴骨治尸疰喉痹蛇虺傷專用其毒以攻伏匿之毒也。嘴及脚骨尤良。卵能預解痘毒。水煮一枚與兒啖之令不出痘。或出亦稀。與鶴卵同功。

鵝即鵝 鹹寒無毒。發明 鵝鵝好啖魚蛇及鳥雛。故治痞積有鵝鵝丸用之為君。治食魚鼈成瘕者尤效。其骨酥炙和南蓬砂吹喉治骨哽。忍之須臾輕輕咯之骨與痰涎俱出。

鵝即淘 鹹温滑無毒。發明 淘鵝油性走能引諸藥透入病所拔毒。故治聾癩腫毒諸病。其舌治疔瘡取入心拔毒外出也。

鵝 白者甘平無毒蒼者有毒嫩者尤劣。發明 鵝氣味俱厚發風發瘡莫此為甚。別錄謂其性涼利五藏是指蒼者而言。韓氏謂其疎風是言白者之性耳。昔人治癘風方中取純白鵝通身之毛及嘴足之

皮與臄肝內皮同固濟煨灰存性和風藥用之爲風藥之嚮導也然不可遺失一處其處卽不能愈又不可用雜色者若有一處色蒼風愈之後其處肌膚色黑此與蛇發風毒白花蛇善解風毒之義不殊白鵝脂祛風潤燥解礬石毒血能涌吐胃中痰結開血膈吐逆食不得入乘熱恣飲卽能嘔出病根以血引血同氣相求之驗也中射工毒者飲之并塗其身卽解以其能食此蟲也尾膠內耳中治聾及聒耳取以達三焦之氣也涎治誤吞稻芒亦物性之相制耳白鵝屎絞汁治小兒鵝口瘡蒼鵝屎傳蟲蛇咬毒

雁 甘溫無毒 本經主風擊拘急偏枯血氣不通利 發明 雁爲信鳥豈宜食之故道家謂之天厭

性善通利血氣風擊拘急偏枯取肉炙熟帖之昔黃帝製指南於鴈脰骨空中製鍼取其能定南北也但覓之不易今人於鯉魚腦中製之以其性專伏土定而不移可定水土之方向也

鶩 即家鴨 甘溫無毒嫩者有毒老者無毒 發明 鶩之逼火而生咳水而長未出卯時先得火氣故不

憚冰雪偏喜淫雨而尾膠羶濁最甚故羣雌一被其氣皆得生化之機不待鶩尾之逼也溫中補虛扶陽利水是其本性男子陽氣不振者食之最宜患水腫人用之最妥黑嘴白毛者治腸胃久虛葛可久白鳳膏用之取金水相生之義綠頭老鴨治陽水暴腫外臺鴨頭丸用之取通調水道之義白鴨生血能補血解毒勞傷吐血衝熱酒調服屢效中射工溪毒及野葛砒霜毒灌之卽解快吞金銀入腹乘熱頓飲數升

其金卽下。諸鴨涎治穀麥芒入喉。及小兒瘧風反張。滴之卽消。卵能閉氣。以混沌未分。塞人聰慧。諸病忌食。而滯下尤禁。白鴨通殺石藥毒。凡服藥過劑。昏迷眩暈者。取白鴨通一合。湯漬澄清。服之卽解。勿以其穢而棄諸。

鳧

卽野鴨

甘平無毒。

發明

鳧逐羣飛。

夏藏冬見。

與鴻雁不異。

其在九月以後。

立春以前。

味極甘美。病

人食之。全勝家鴨。以其肥而不脂。美而易化。故滯下泄瀉喘欬。上氣虛勞失血。及產後病後。無不宜之。雖有安中利水之功。而方藥曾未之及。孟詵除十一種蟲等治。未能深信。摘玄方解挑生蠱毒。取生鳧血熱飲探吐。於此可悟。生鵝血可吐胸腹諸蟲血積。總以血引血。同氣相應之力耳。

雞 甘平小毒。諸雞有五色者。黑雞白首者。六指者。死足不伸者。並不可食。發明 雞屬巽而動風。外

應乎木。內通乎肝。得陽氣之最早。故先寅而鳴。鳴必鼓翅。火動生風之象。風火易動而易散。人之陽事不力者。不宜食雞。是以昔人有利婦人不利男子之說。而東南之人。肝氣易動。動則生火。生痰。病邪得之。爲

有助也。北方陽氣潛伏。最宜發越。病邪得之。便能作汗。以其能助肝氣也。姑以物性之常變言之。諸雞中

惟烏骨白絲毛者最良。巽象變坎。得水木之精氣。肝腎血分病宜之。烏骨雞丸。治經癸胎產虛熱諸病。以

其煖補肝血也。今人治賊風痛癢。專取五爪烏骨雄雞。置病人痛處。任其嗚啄。少頃其痛自止。雞之五爪

者有毒。此專取其毒。以引其毒外泄也。丹雄雞。治女人崩中漏下赤白沃。通神明。殺惡毒。辟不祥。中惡魔。魅。以血灌鼻。卽蘇。中風口眼喎斜。乘熱塗患處。卽正。雞冠血。和酒釀調。陵鯉甲末。治瘡瘡。肝熱毒盛。而變青乾紫黑。陷伏。黃雌雞。治產後虛羸。煮汁煎藥最宜。黑雌雞。治妊娠胎息不安。秦和老雞。內托小兒痘瘡。近世治產後虛羸寒熱。亦取用之。以其能助肝經生氣也。雄雞肝。取不落水者。研爛。和蜂蠟酒釀。頓熟。治小兒疳積。壞眼。日服無間。醫蠱爲度。雞臍。俗名雞內金。治食積腹滿。反胃泄利。及眼目障翳。雞卵。治傷寒發狂。欬嗽失音。並生食之。以雞卵略敲損。勿令清瀉。浸尿中。冬三夏一日。取煮食之。治哮喘風痰。雞子清。治伏熱目赤喉痛。雞子黃。治產後胞衣不下。並用生者。又以煮熟去白。取黃。同亂髮香油熬化。塗嬰孩胎毒熱瘡。抱出卵殼。研細爲末。去目中瘴。醫燒灰。蜜調塗。嬰兒頭身諸瘡。卵殼中白皮。同麻黃紫苑。治久欬氣結。嘔雞子。乃不孚之卵。取以同犬屎敷腫瘍。其痛立止。千金方也。雞矢白爲散。無灰酒下一錢七。治蠱脹腹滿。內經雞矢醴也。瀋矢和石灰末塗疔腫。半日許卽能拔出。

雉卽野雞

甘酸溫小毒

發明

俾稚云。蛇交雉則生蜃。蜃爲雉入大水所化。推其變化之源。必由異氣

所感。水經云。蛇雉遺卵於地而爲蛟。其卵遇雷則入地。不過雷則仍爲雉。於此可悟。其化蜃總由靈蛇之性未泯。不得山靈之氣。遂其飛騰。則得滄溟之氣。恣其吞吐。是與虹蜺奚擇哉。別錄言其補中益氣力止

泄痢除蟻瘻。此指尋常之雉而言。千金以之治蟻瘻。因其喜於食蟻。乃用以製之也。周禮庖人供六禽。雉是其一。亦食品之貴。然有毒不可常食。有病入尤非所宜。而春夏不可食者。以其食蟲蟻也。時珍曰。雉屬離火。雞屬巽木。故煮雞則冠變。煮雉則冠紅。火性暴烈。發痔發瘡。與家雞子同食。令人發疰。週身疼痛。爲患種種。惡得謂之無毒乎。

烏鴉 酸甘平無毒。種類有四。小而純黑者爲烏。大嘴而腹下白者爲鴉。並入藥用。其項白而大者爲燕。鳥嘴赤而小者爲山鳥。皆不入藥。發明 慈烏反哺。性稟孝慈。嘉祐雖有補勞治瘦之功。骨蒸羸弱。咳嗽之治。然血肉之中。豈無他味。而忍傷孝慈之物哉。○烏鴉嘴大。貪戾傷生。時珍取治暗風癩疾。勞傷吐血。欬嗽殺蟲等病。專取搜逐風毒之用。與慈烏之調補虛羸。各有仁慈剛暴之用。奚啻大淵。

鵲重

甘寒無毒。

發明

鵲性靈慧。能知吉凶。觀其營業開戶。必背太歲而向太乙。非鵲鳩之可比。

別錄用之。爲下石淋專藥。以其鳴必掉尾。取其週身之氣。悉向下通也。藏器有云。燒灰淋汁飲之。令人淋石自下。蘇頌言。婦人不可食。以其相視相通。音感而孕也。其腦燒之。入酒同飲。令人相思。蘇頌之說。得非緣此。○鵲巢。日華取多年者。燒之。療癩狂鬼魅。及蠱毒。仍呼巢物名。號亦數瘻瘡。千金治婦人產。取多年生育相安之義。

鷓鴣 甘溫小毒 發明 此物食烏頭半夏苗好啖此者多發咽喉頭腦腫痛甘草生薑並可解之唐

本言鷓鴣治嶺南野葛菌子生金毒及溫瘧久病欲死者台毛熬酒漬服之或生搗汁服最良日華云酒

服主蠱氣欲死孟詵云能利五藏益心力令人聰明

鵝 甘平無毒 發明 鵝主腹大如鼓解熱結療小兒疳按鵝乃蛙化氣性相同蛙與蝦蟇皆解熱結

治瘡利水消腫則鵝之消鼓脹蓋亦同功食後下如鵝脂數次即愈

鵪鶉 鹹平無毒 發明 鵪鶉之品類頗多惟白者入藥能解諸藥毒久患虛羸者食之有益調精益氣治

惡瘡疥癬風瘡白癩風癩癰瘍風煮熟酒服無不宜之鵪鶉卵能稀痘其矢氣臭之能殺療蟲虛勞家咸多

畜之

鷓鴣俗作鷓即黃鷓月令名倉庚 甘溫無毒 發明 此鳥感春陽先鳴故能補益陽氣食之令人不妒以陽和之氣

能勝陰毒也按陽燧止妒論云梁武帝郊后性妒或言倉庚為膳療治遂令食之妒果減半

雀卵 甘溫無毒服北人忌食 發明 雀屬陽而性淫故能強壯陽事火衰陰痿精寒者最宜陰虛火

盛者禁用雀卵治血枯素問有四鳥鱗骨一蘆茹丸用之最妙如無雀卵生雀肝代之頭血主雀齒腦用

綿裹塞耳治聾雄雀屎名白丁香去目中醫膜及面上黥黑但取直者即雄與猥鼠糞無異入藥有效

伏翼

卽蝙蝠屎
名夜明沙

鹹平無毒。伏翼煨灰用。夜明砂淘淨焙用。

本經主目眩癢痛。明目。夜視有精光。其屎

治面癰腫。皮膚洗洗時痛。腹中血氣。破寒熱積聚。除驚悸。

發明 本經治目眩癢痛。用伏翼。近世目科

惟用夜明砂。鮮有用伏翼者。要皆厥陰肝經血分藥也。其伏翼屎能破結血消積。故目醫盲障。瘡翳淋帶。

瘰癧癰疽皆用之。然蝙蝠食之。大能利人。稍虛者不可輕用。

五靈脂

卽寒號蟲矢
又名鷓鴣鳴

苦酸寒小毒。研細酒飛去砂石晒乾。生用則破血。炒用則和血。

發明 鷓鴣候

時鳥也。晉地有之。春夏羽儀豐盛。冬時裸形。晝夜哀鳴。故楊氏丹鉛錄謂之寒號蟲。屎名五靈脂。謂狀如

凝脂。而受五行之靈氣也。其氣腥穢。其味苦酸。大傷胃氣。綱目言其甘溫。恐非正論。雖有治目醫中脫疼

痛之功。惟藜蘆庶可應用。終非膏粱所宜。同蒲黃名失笑散。治一切心胸腹脇少腹諸痛。及產後結血血

崩。目中生翳。往來不定。其性入肝。散血最速。但性極羶惡。脾胃虛者。不能勝其氣也。

斑鳩 甘平無毒

發明 斑鳩補腎。故能明目。治虛損益氣。食之令人不噎。目科斑鳩丸。錦鳩丸用之。

取氣血爲引導。以助補腎明目之功也。

伯勞 平有毒

發明 方藥未有用者。其毛治小兒繼病。俗作魃病。取毛帶之。繼病者母有娠乳兒。兒

病如瘡痢。他日相繼腹大。或瘡或發。他人有娠相近。亦能相繼也。北人未識此病。

鸚鵡俗名八哥

甘平無毒。

發明

鸚鵡目和乳汁滴目。

令人目明。

能見簪外之物。

甚言明目之效耳。

肉治

噎逆及五痔止血。並炙熟食之。

啄木鳥

甘酸平無毒。形色與畫眉鳥相似。但頭頂有紅毛一片。嘴與爪皆堅銳如鐵。故能啄木取蠹。不可不辯。

發明

啄木性專殺蠹。故能治人藏府積蠹之患。時珍治勞瘵癩瘻。皆取制蠹之義。燒灰存性。

治痔漏蟲。管納孔中。不過二三次愈。丹方治噎膈。諸藥不效。以之熬膏。入麝香一錢匕。晝夜六時嗅之。膈

塞自沸。蓋噎膈多有因鬱積所致。以其善開木鬱之邪也。

鷓鴣即水老鴉

酸鹹溫微毒。或云鹹寒誤。

發明

鷓鴣性寒利水。能治腹大如鼓。體寒者。以鷓鴣燒存性。

為末。米飲服之。其骨煨灰蜜調綿裹。治魚骨鯁。與白鷺骨同功。嘴骨尤効。鷓鴣屎多在石上。色紫如花。

就石刮取。名蜀水花。能去面上黚黑。癩瘡。滅癩疵。及湯火瘡痕。和豬脂敷疔瘡。

鷹屎白

微寒無毒。

本經主傷撻滅癩。

發明

虎嘯則風生於地。鷹揚則風動於天。具體雖殊。機應

則一。鷹具雄健之翮。不能長恃無虞。至秋火伏金生。令行改革。勁翮漸脫。弱翎未振。即有雄風。未遂奮揚。

是以眾鳥侮之。月令所謂鷹乃祭鳥是也。古聖觸物致思。專取鷹之屎白。滅傷撻痕。雖取穢惡滌漬。實取

其翮之善脫也。後人推而廣之。用以滌除目中宿翳。吹點藥中。咸取用之。其屎中化未盡之毛。謂之鷹條。

入陰丹陽丹。不特取其翮之善脫。以治難脫之病。并取其屎中未化之羽。以消目中未脫之瞖。穎脫之妙。用崇古未宣。因顯示後起。毋失本經取用之義。

鵬 温小毒。發明。鷹鵬鵬骨。皆能接骨。以鷲鳥之力在骨。故以骨治骨。從其類也。折傷斷骨。燒灰每

服。錢酒下。在上食後。在下食前。骨即接如初。但在三日內者易治。三日外則難治。以氣血凝滯。不能合

轍也。

鵠 鹹平小毒。發明。鵠頭治頭風目眩。顛倒癩疾。千金治頭風眩轉。面上游風。有鵠頭酒。聖惠治旋

風眩。胃有鵠頭丸。總取旋風健搏之力。

鵞 甘温小毒。發明。鵞治風癩。噎食。取初生無毛者一對。黃泥固濟。煨存性。爲末。每服一匙。温酒服

之。頭主痘瘡黑陷。用臘月者。燒灰。酒服之。當起。

鵝 俗呼貓頭鷹。酸微鹹小毒。發明。鵝不祥之物。古方罕用。近世治傳屍勞瘵。專取陰毒之味。以殺

陰毒之蟲也。方用鵝酒煮焙乾。同大鰾鱸七條。雞薄荷上蒸爛。和薯蕷一觔。搗焙細末。爲丸。空腹酒下

三錢。功用與雞肝彷彿。方士用以昏夜齋煮。以聚鬼魅。是以至陰之味。誘至陰之物也。

鵩 大毒。發明。鵩產蠱毒瘴瘴之鄉。鍾毒最烈。非宿槓槓。不能自安。以其無枝。人莫能捕也。人欲求

自盡者以翹羽調酒服之立斃。與鶴頂之毒無異。別錄云：鳩喙殺蝮蛇毒。時珍言：蝮蛇中人，刮末塗之即愈。如極惡之人，有以用之，未嘗不解危救急也。

獸部

猪 甘平無毒。同驢馬肉食之。令人霍亂。同羊肝食之。令人心悶。與生胡葵同食傷人臍。發明 猪屬水獸。性嬾善淫。飽食無所用力。周身脂膏不流。故人食之。助濕生痰。莫此為甚。而肥盛之人。尤非所宜。一種蹄甲白者。有金水相生之象。稍異尋常。鹽漬風乾。製為南腿。有補養脾胃之能。病人食之。略無妨礙。良非鮮者之比。丹溪云：猪肉補陽。陰虛者切宜少食。蓋肉性入胃。便作濕熱生痰。痰生則氣不降。而諸證作矣。故痰嗽家最忌。然肺燥乾欬。及火嗽痰結者。食之痰即易出。其嗽便止。但不宜過鹹耳。當知助濕生痰。惟中間膠脂一層。專助脾濕。若皮則走肺益氣。精者補肝益血。但嫌難剋化耳。其汁則全是膠脂鎔化。食之滲入經絡。故東垣言之頗詳。千金治打傷青腫。炙精猪肉搗之。小兒火丹。生豬肉切片貼之。漆瘡作癢。宜啖豬肉。并以豬脂塗之。男女陰蝕。肥猪肉煮汁洗之。不過三十筋癢。山行石經著人足。則穿肌入肉。但以臘脂膏和鹽塗足脛趾。即不著人也。急救方。治竹木刺入肉。以多年熏肉切片包裹。即出。其腎性堅難化。且藏淫火。最不益人。而治腎虛腰痛。猪腎切開。入人參末一錢。濕紙裹煨。每日空心嚼一枚。或入青蛾

丸中煮食並効。其治水脹。用豬膽丸。便血用藏連丸。皆用以爲引藥。入病處耳。心。治驚風癩痢。蓋以心歸心。以血導血之意。得冰片入心經也。卒中惡死。尾血灌之。取其動而不息之意。并縛豚枕之。卽活。蛇入人孔。割母豬尾血。滴入卽出。用肝者。肝主藏血。血病用爲嚮導。故脫肛。肝虛雀目。用之。脛卽三焦。能滌除腎藏邪毒垢膩。故同胡黃連等藥。治黴瘡最捷。用膽者。取其瀉肝膽之火。故仲景白通湯。用爲嚮導。蓋寒能勝熱。滑能潤燥。苦能入心也。傷寒熱邪燥結。有豬膽導法。又膽汁和香油等分。亦治黴瘡結毒。清晨連服七日。大便下泄。邪毒最捷。未盡。停七日更服。七日餘。邪自盡。屢驗。尿脬。治產婦傷膀胱。急用上好人參一兩。入脬中煮食。日日服之。稍或遲延。氣血衰冷。不可療矣。齒治驚痢。乳能斷酒。千金方用之。其屑者。皮上白膏是也。取其鹹寒入腎。用以調陰散熱。故仲景治少陰病下利咽痛。胸滿心煩。有豬膚湯。予嘗用之。其効最捷。豚卵。治陰莖中疼。驚痢鬼氣。蠱毒。除寒熱。賣豚。五癰邪氣。變縮。豬蹄。煮湯去油煎。催乳藥。及醮洗潰瘍。有効。蹄甲。本經治五痔。伏熱在腹中。腸癰內蝕。今日疾外障。亦用之。豬腦。治風眩腦鳴。凍瘡癰疽。塗紙上貼。乾則易之。禮記云。食豚去腦。孫真人食忌云。豬腦損男子陽道。酒後尤不可食。延壽書云。以鹽酒食豬腦。是自引賊也。豬骨。燒存性。爲末。水服方寸匕。治食諸果中毒。又解馬肝漏脯等毒。豬毛。燒灰麻油調。塗湯火傷。留窻出毒。則無痕。豬屎。古方取用頗多。千金治患霧氣。心煩少氣。頭痛項急。起則目眩。欲

倒戰掉不安。憎寒微熱。心中欲吐。吐時無物。用新豬屎二升半。內好酒一觔。攪令散。以生布絞取汁。更以綿濾頓服之。卽地鋪暖覆臥。面前著火。常令汗出。得汗待其自乾。乃起。亦治風勞蠱毒。燒灰治痘瘡黑陷。無價散用之。又衝沸湯蒸麻疹。陷伏卽起。總取穢惡以辟不祥之氣。同氣相應之用耳。

狗 鹹酸溫無毒。熱病後忌食。妊婦食之。令子無聲。發明 狗屬土而有火。故夕人履其地。雖臥必省。天時亢熱。則臥陰地。下元虛人。食之最宜。但食後必發口燥。惟啜米湯以解之。敗瘡稀水不斂。日噉狗肉。最佳。痔漏人。歲久不愈。日食自瘥。凡食犬肉不消。心下堅。或腹脹口乾大渴。心急發熱。妄語如狂。或洞下泄。以杏仁一升。合皮熟研。沸湯三升。和取汁。分三服。利下肉片大驗。狗膽。本經主明目。取其夜能見物也。陰莖。治傷中陰痿不起。除女子帶下十二疾。狗頭骨煨末。止婦人崩中下痢。取其溫而能散也。狗屎中米名戊腹糧。又名白龍砂。主噎膈風病。及痘瘡倒靨。用此催漿爲最。取其性溫熱也。若乾紫黑焦。爲血熱毒盛。慎勿誤用。其血能破妖邪。以性屬陽。陰邪不能勝之也。

羊 甘溫有毒。羊類多種。惟白羯者良。胡羊毛捲。洮羊毛豐。肉厚皮薄。並可爲裘。羴羊墳首。羴羊色黃。形羸味薄。不堪供饌。凡煮羊忌用銅器。有宿熱者不可食。大病食之必發熱。瘡家及痼疾家。食之必發。以其食百草之毒也。羊肉不可共生魚鮓食。能害人。白羊黑首。食其腦作腸癰。羊肝共生椒食之。傷人五藏。羊

蹄中有白珠者。名羊懸。食之令人癩。羊獨角及四角者。關外有之。皆有毒不宜食。發明 羊爲肺家之獸。目無瞳子。周身之氣。皆聚於肺。故其氣最腥膻。而性味甘溫。色白補肺。是以昔人有人參補氣。羊肉補形之說。○匱治產後腹中虛痛。及少腹寒疝。並用當歸生薑羊肉湯。專取羊肉之甘溫。煮湯去滓。以助當歸生薑辛散之力。虛滯得以開矣。羊腎。治腎虛膀胱畜熱。胞痹小便淋瀝。痿脹。干金腎瀝湯以之爲主。羊石子。卽羊之外腎。治腎虛精滑。本事金鎖丹用之。羊脬。治下虛遺溺。溫水漂淨。入補骨脂。焙乾爲末。臥時溫酒服半兩。不過四五服。卽瘥。羊肝補肝。專主肝經受傷。目無精光之病。膽治青盲目暗。膽開竅於目。膽汁充則目明。膽汁減則目暗。古方碧雲膏。臘月取羯羊膽。以蜜盛滿。懸簷下。待霜出取。藏。點眼神效。羊乳潤而且補。反胃人宜時時食之。取開胃脘。潤大腸之燥也。青羊者尤良。羊肺治嗽止渴。久嗽肺虛者宜之。羊膽主反胃止汗。治虛羸小便數。羊脂。生主下痢脫肛。取潤以導之。補中寓瀉也。熟主賊風痿痹。潤肌膚。入膏透經絡。風熱毒氣。婦人產後腹中絞痛。丸劑中最宜。羊脰滌除藏府垢膩。與豬脰同功。而入肺祛痰尤捷。羊骨稟西方堅勁之氣。最銳。得火煨以濟之。可以消銅鐵。故煨吞銅鐵者用之。觀磨鏡者。非此不明。其治賊風癱痛。同虎骨煨灰酒服。皆隨痛處取用。羊鬚。燒灰敷小兒頰疳。并療蠅蝮尿瘡。羊胎炙乾入藥。亦能補人。與鹿胎紫河車。同入六味地黃丸中。名三胎丸。調補腎虛羸瘦。最爲得力。羊血解石藥毒。外臺

云凡服丹石人忌食羊血十年一食前功盡亡凡服石藥覺毒發刺羊血熱飲一升卽解服地黃何首烏補藥者忌之

殺羊角

殺音古黑羊也

鹹平無毒

本經主青盲明目止驚悸寒泄久服安心益氣輕身殺毒蟲入山燒之辟

惡虎狼

發明

殺羊與羚羊俱是野獸殺則雄猛倍甚角亦起稜與羚羊不殊但色黑如漆故專伐腎

邪辟不祥與羚羊大都彷彿互參本經此言青盲明目卽羚羊之專主明目也此言止驚悸卽羚羊之治魔寐也此言止寒泄卽羚羊之去惡血注下也此言久服安心益氣輕身卽羚羊之益氣起陰氣也此言殺毒蟲辟惡鬼虎狼卽羚羊之辟蠱毒惡鬼不祥也但此主寒泄本乎腎虛不能攝津彼主惡血注下係乎肝傷不能統血而別錄治蠱毒吐血又與羚羊主治相符究其大綱此專補救瞳人彼專消磨瞖障一皆證治之常至於燒之辟惡鬼虎狼如此奇突迥出意表非尋常之可擬也

牛 甘溫無毒同猪肉食之生寸白蟲獨肝牛善噉蛇食之傷人春月自死牛肉及生疔牛肉食之令人

瘧急以生甘草煮汁解之剝廬牛傷手足者令人脹滿急宜解之遲則不救 發明 黃牛肉補氣與黃

耆同功觀丹溪倒倉法論而引伸觸類則牛之補土可心解矣又以黃牛肉取四蹄各五斤熬膏去滓收

乾如鹿膠法名霞天膏主中風偏廢口眼歪斜痰涎壅塞五藏六府留痰宿飲癰塊手足皮膚中痰核及

大病後極虛羸瘦。每斤入茯苓四兩。頓焙。空腹酒服三四錢。肥盛多痰者。每斤入半夏四兩。廣皮二兩。丸服大效。牛本屬坤土。而膽主風木。故能鎮肝明目。臘月用釀南星末陰乾。歲久多製。則苦潤不燥。治經絡風痰。及小兒驚痰。其功不減。牛黃。牛骨髓。補中填骨髓。久服增年。能潤澤肌膚。黃牛腦和藥。治頭風腦漏。牛角腮。本經下閉血瘀。血疼痛。女人帶下血崩。燔之酒服。宗奭曰。燒灰主婦人血崩。大便下血。血痢。牛血性溫。能補脾胃諸虛。治便血血痢。一切病後羸瘦。咸宜食之。其鬻乃肺系肉團。瓦上焙乾。爲末。酒服治喉痹氣壅。古方多用之。或以製藥益佳。取引入肺經。以通氣結耳。與豬羊鬻療治不殊。牛齒燒灰治小兒癩。牛乳補虛羸止渴。噎膈反胃。大便燥者宜之。入生薑葱白。止小兒風熱吐乳。牛馬肉共生魚食之。成鼈瘦。牛尿治水腫。但胃虛少食。人勿用。牛屎燒灰。傅小兒痘瘡潰爛。產寶治子死腹中。以濕牛糞塗之。牛酪草絞汁。治反胃噎膈。取其沾涎之多也。

馬 辛溫有毒。綱目作甘涼非。馬脚無夜眼。白馬黑頭。白馬青蹄者。皆不可食。鞍下肉食之。殺人肝亦不可食。以鞭驅之傷。皆聚於肝也。食馬肉中毒欲死。以香豉杏仁各二兩。蒸熟杵末服之。或煮蘆根汁飲之。發明 按靈樞經云。卒口僻急者。目不合。熱則筋縱。目不開。頰筋有寒則急。引頰移口。有熱則弛。縱緩不勝收。故僻治之以馬膏。膏其急頰。以白酒和桂塗其緩頰。以桑鈎勾之。卽以生桑灰置之坎中。高下以坐。

等以膏熨急頰。且飲美酒。噉炙肉。不飲酒者自強也。爲之三拊而已。世多不知此方之妙。竊謂口頰。乃風中血脉也。手足陽明之經。絡於口。會太陽之經。絡於目。寒則筋急而僻。熱則筋緩而縱。故左中寒。即逼熱於右。右中寒。則逼熱於左。寒者急而熱者緩也。急者皮膚頑痹。營衛凝滯。治法急者緩之。緩者急之。故用馬膏之甘平柔緩。以摩其急。以潤其痹。以通其血脈。用桂酒之辛熱急束。以塗其緩。以收其縱。以和其營衛。以通其筋絡。桑能治風痹。通節竅也。病在上者。酒以行之。甘以助之。故飲美酒。噉炙肉云耳。馬白睛。治癩痢時發。千金方用之。馬心食之善忘。馬肺食之寒熱萎陽。馬鞍下肉食之。傷人五藏。馬乳祛風止瀉。白馬蹄。本經主驚邪癱瘓乳難。辟鬼氣鬼毒。蠱疰不祥。別錄止衄。內崩齩齒。白馬者。治婦人白崩。赤馬者。治婦人赤崩。鬻毛。王小兒驚癩。女子崩中赤白。隨其色用之。燒灰止血。塗惡瘡。尾主女人崩中。小兒昏忤。白馬陰痿。本經主傷中絕脈。陰不起。強志益氣。長肌肉。肥健生子。野馬陰莖食之。令人陰萎。野馬肉食之。成馬癩。筋脈不能自收持。馬溺微寒小毒。治癰瘕有驗。反胃有蟲積者。亦能治之。潰瘍著肉。腐爛徹骨。毒能傷人。馬矢煨風痹藥酒。取其透達。直入病所也。馬通止血解毒。千金梅師治吐血衄血。肘後治卒中。惡吐利不止。經驗治絞腸沙腹痛欲死。俱絞汁服之。又肘後治久痢赤白。聖惠治傷寒勞復。俱燒灰服之。千金治筋骨破傷。以熱馬屎敷之。又治破傷腫痛。以馬屎燒烟熏之。聖惠治疔腫傷風腫痛。以馬屎炒熱。

麩之靈樞椒桂酒置馬矢煜中助一切藥力也。今人以馬屎煨烟熏蠶蟲臭蟲無不斃者。食馬肉心疑者飲美酒則解。飲濁酒則劇。

驢 甘温無毒。綱目作甘涼誤。發明 驢肉食之動風。脂肥尤甚。日華子言治一切風。是指烏驢而言。烏驢皮治風補血。東魯阿井水煎膏用之。驢鬚熬膏能長鬢髮。與馬鬣同功。驢莖強陰壯筋。與白馬莖同功。驢乳療黃痺濕熱止渴。驢尿專於殺蟲。利水止脹。其治噎膈或單服。或入四物湯服之。效。驢屎炒熨風腫漏瘡。絞汁主心腹疼痛。治水腫服五合良。

駝峯 甘温無毒。發明 駝峯八珍之一。味雖極美。但能動風。宿有風氣人勿食。駝脂摩風去頑皮死肌。取氣透肉也。

酪 甘平無毒。發明 凡牛羊駝馬之乳。並可作酪。南人惟知熱酒沖食。北人必以熬熱沖茶漿服。大能清胃。不助濕熱。止煩解渴。除心膈熱。潤腸胃燥結。摩腫。生精血。補虛損。壯顏色。戴原禮云。乳酪血液之屬。血燥者宜食。較之人乳尤勝。以其無怒火淫毒也。華元化云。麩游入耳。以酪灌入。即出。

酥 一名 酥。甘寒利下無毒。酥酪不可與生魚膾同食。令人腹内生蟲。發明 酥酪醜。性皆滑潤。故血熱枯燥之人。咸宜用之。又傷熱失音。用以通聲最妙。凡炙一切氣血堅勒筋骨藥。俱不可少。但脾胃虛滑。

者禁用。

阿膠 甘平微溫無毒。辨真偽法。以頂有髮文。極圓整者爲真。折之沉亮。不作屑。不作皮。吳蛤粉炒成珠。經月不軟者爲佳。京阿產者。雖假猶無妨害。其水膠入木煤。贗造有傷脾氣。慎不可用。本經主心腹內崩。勞極酒洒如瘡狀。腰腹痛。四肢酸疼。女子下血安胎。久服輕身益氣。發明 阿井本淄水之源。色黑性輕。故能益肺補腎。煎用烏驢。必陽谷山中。驗其舌黑。其皮表裏通黑者。用以熬膠。則能補血止血。本經治心腹內崩。下血安胎。爲諸失血要藥。勞證欬嗽喘急。肺痿肺癰。潤燥滋大腸。治下痢便膿血。所謂陰不足者。補之以味也。

黃明膠

膠 甘平無毒。

發明

明膠治吐血衄血。下血。血淋血痢。妊娠胎動下血。風濕走注疼痛。打

撲傷。湯火傷。一切癰疽腫毒。治血止痛潤燥。利大小腸。皆取其有滋益之功。無滑利之患。

牛黃 苦平小毒。試真假法。揩摩透甲。其體輕氣香。置舌上先苦後甘。清涼透心者爲真。喝迫而得者。名

生神黃。圓滑外有血絲。嫩黃層多者爲上。殺後取者。其形雖圓。下面必扁者次之。在角中者名角黃。心中

刺得者名心黃。膽中得之名膽黃。則又次之。產西戎者爲西黃。產廣東者名廣黃。本經主驚癇寒熱熱

盛狂癡。除邪逐鬼。發明 牛有黃是牛之病也。因其病之在心及肝膽之間。凝結成黃。故還治心及肝

膽之病。本經治驚癇寒熱。狂癡邪鬼。皆痰熱所致。其功長於清心化熱。利痰涼驚。安神辟惡。故清心牛黃丸以之爲君。其風中心藏者。亦必用之。若中經中府者。誤用引邪深入。如油入麪。莫之能出。宜詳審而用可也。

狗寶 甘苦溫小毒。狀如白石。微帶青色。擊碎其理如蟲白臘者眞。發明 狗寶專治噎膈反胃之病。取苦能下降溫能開結也。予嘗推廣其用。凡癰疽潰瘍不收。癩狂冷痰積結。無不可用。惟鬱結傷脾。氣血枯槁者。誤投則有負薪救火之厄。

獅油 辛溫有毒。色微黑者眞。發明 獅爲百獸之長。性最難馴。一吼則百獸辟易。爾雅言其食虎豹。熊太古言其乳入牛羊馬乳中。皆化成水。西域人捕得。取其油入貢。以供宮人滌除衣垢之用。又能去紙上墨跡。刮少許隔紙熨之。卽脫。予嘗試用。垢雖去而衣易毀。紙易脆。僅供一時之用。雖係方物。方藥罕用。近世醫師以之治噎膈病。蓋噎膈皆鬱痰瘀積所致。用取滌垢之意。試之輒驗。由是方家爭爲奇物。但性最毒。利力能墮胎。孕婦忌用。象油亦能去垢滌痰。但不能去墨跡耳。

虎骨 辛微熱無毒。骨取黃潤者良。若帶青黑色。乃藥箭射者。有毒勿用。酥炙黃脆用之。發明 虎陰也。風濕也。虎金也。風木也。虎嘯風生。木承金剋。陽出陰藏之義。故骨能追風定痛。強筋壯骨。風病掣急。骨

節風毒爲之要藥。虎之一身。節節氣力。皆出前足。故膝脛爲勝。而前左脛尤良。以臥必用左脛爲枕也。然按病之前後左右取用。其效尤捷。入陰陽二蹠。虎睛定魄。千金治狂邪。有虎睛湯丸。並酒浸炙乾用。一時不可得。以珍珠煨末代之。總取定魄之用也。虎睛治反胃吐食。新瓦上煨存性。入平胃散末。和勻。空腹白湯服三錢。效。虎頭骨。治頭風。藥中浸酒服。作枕止瘡。虎長牙。辟邪殺蟲。傳尸方用之。

象皮 鹹溫無毒。發明 象秉西方金氣。金令主藏。不宜擅鳴。鳴主金象。大非所宜。其皮專於收斂。其

肉癰腫。人以斧刀刺之。半日卽合。故治金瘡不合者。用其皮煨存性。敷之。若入長肉。諸膏藥切片酥拌炙之。象牙甘寒。能解癰腫諸毒。磨水服之。造筋磨礪之末。生蜜調塗。治諸鐵雜物入肉。舊梳刮薄片。屑溫湯頻服。治竹木刺。及諸魚骨鯁。卽時吐出。不吐再服。以吐出爲度。非刮下薄片。不能應手也。

犀角 苦微鹹大寒無毒。鎊成以熱手掌摸之。香者爲真。臭者卽假。忌酒鹽烏附。孕婦勿服。能消胎氣。

發明 犀之精靈。皆聚於角。足陽明胃爲水穀之海。飲食藥物。必先受之。故犀角能涼血散血。及畜血驚狂。斑痘之證。皆取以通利陽明血結耳。別錄治傷寒溫疫。頭痛寒熱諸毒。抱朴子云。犀食百草之毒。及衆木之棘。所以能解毒。凡蠱毒之人。遇有飲食。以犀筋攪之。有毒則生白沫。無毒則否。宗爽曰。鹿取茸。犀取尖。其精銳之力。盡在是也。其治吐血衄血大小便血。犀角地黃湯。爲之專藥。若患久氣虛。又爲切禁。以其

能耗散血氣也。痘瘡之血熱毒盛者。尤爲必需。然在六七日灌漿之時。又爲切禁。以其能化膿爲水也。而結痂後餘毒癰腫。則又不忌。惟氣虛毒盛之痘。切不可犯。其性大寒。無大熱邪者。慎不可用。凡中毒箭。以犀角刺瘡中立愈。又感山嵐瘴氣。射工溪毒。用生犀磨汁服之。卽解。

熊脂肉 甘溫無毒。本經主風痺不仁筋急。五藏腹中積聚。寒熱羸瘦。頭瘍白禿。面上疔炮。發明

熊稟雄毅之性。故其脂可開風痺不仁等疾。可服可摩。但不可作燈。烟氣薰目。使人不能遠視。本經所主。不出風痺筋急之用。風爲陽邪。熊爲陽獸。其性溫潤。能通行經絡。開通血氣也。熊筋亦能壯筋強力。與虎骨之搜風壯骨無異。熊肉振羸。其氣有餘。癩病人食之。終身不愈。

熊膽 苦寒無毒。試法取少許研滴水中。掛下如線。直至水底不散者爲真。發明 熊膽苦入心。寒勝濕。手少陰足厥陰藥也。其性潔不染塵。故能清心平肝。爲時氣熱盛。變爲黃阻之要藥。又能殺蟲明目。除醫瘡疔痔。蟲牙虻痛。小兒驚癩癩。以竹瀝化豆大許服之。去心中涎。痔瘡赤腫。水化點之。卽消。凡實熱之證。用之咸宜。苟涉虛家。便當嚴禁。

羸羊角卽羸羊角 鹹寒無毒。鑿碎胸前煨熟令脆。研如粉。不則粘人腸胃。本經主明目益氣起陰。去惡血。注下。辟蠱毒惡鬼。不祥魔寐。發明 羸羊屬木。入足厥陰。伐肝最捷。目暗昏障。而羸羊角能平之。痘瘡

正面稠密不能起發。而羚羊能分之。小兒驚癇。婦人子癇。大人中風搖擗。及筋寒。歷節痛。而羚羊角能舒之。驚駭不寧。狂越。魘寐。而羚羊角能安之。惡鬼不祥。而羚羊角能辟之。惡血注下。蠱毒。痼腫。瘡腫。癩癧。產後血氣。而羚羊角能散之。濕熱留滯。陽氣不振。陰器衰痿。而羚羊角能起之。煩懣氣逆。噎塞不通。鬱爲寒熱。而羚羊角能降之。詳本經所主。皆取散厥陰血結耳。愚按諸角。皆能入肝散血解毒。而犀角爲之首推。以其專食百草之毒。兼走陽明。力能祛之外出也。故痘瘡之血熱毒盛者。爲之必需。若痘瘡之毒。并在氣分。而正面稠密不能起發者。又須羚羊角。以分解其勢。使惡血流於他處。此非犀角之所能也。人但知羚羊角能消目。譬定驚癇。而散痘瘡惡血之功。人所共昧。玃羊角治青盲目暗。與羚羊角不殊。而辟除邪魅。蠱毒。亦相彷彿。惜乎從未之聞。惟消乳癖。丹方用之。白羯羊角。亦能消乳癖。而方家每用琉璃角。燈磁片。刮取薄屑。置胸中候脆。杵細酒服。方寸匙。屢效。專取宿腐之味。以消陳積之殆也。其鹿角刮屑。善消虛人乳腫。未潰卽消。已潰卽斂。卽本經主漏下惡血之治。龍角治神魂不寧。功用與龍齒略同。千金方中有齒角並用者。牛角腮。專主閉血血崩。牛之一身。惟此無用。而本經特爲採錄。千金尤爲崩漏要藥。可見天地間無棄物也。

山羊血

鹹溫無毒

苗人以糜竹通節削鋒利活刺。心血收乾者。良。宰取者不慧用。

發明

山羊產滇蜀諸山中。性善走逐。好鬪。肉能

療冷勞山嵐瘴痢。婦人赤白帶下。其心血綱目失載。性溫味鹹。為和傷散血之神藥。其治跌撲損傷。單用酒服。取醉。醉醒其骨自續。每用不過分許。不可多服。雖不傷耗元氣。而力能走散陰血。然必初患便服。得效最速。若過三五日。血凝氣滯。無濟於治矣。但舉世用者絕罕。間有收取而市者。其價重等於牛黃。且心血絕不易得。滲血丹用之。真虛勞失血之續命丹也。

鹿茸 甘溫無毒。形如茄子。色如瑪瑙者良。紫潤圓短者為上。毛瘦枯縹。尖長生歧者為下。酥炙酒炙。各隨本方。但不可過焦。有傷氣血之性。炙後去頂骨用茸。本經主漏下惡血。寒熱驚癇。益氣強志。生齒不老。發明 鹿是山獸屬陽。性淫而遊山。夏至得陰氣而解角。從陽退之象。麋是澤獸屬陰。性淫而遊澤。冬至得陽氣而解角。從陰退之象。鹿茸功用。專主傷中勞絕。腰痛羸瘦。取其補火助陽。生精益髓。強筋健骨。固精攝便。下元虛人。頭旋眼黑。皆宜用之。本經治漏下惡血。是陽虛不能統陰。即寒熱驚癇。皆肝腎精血不足所致也。角乃督脈所發。督為腎藏外垣。外垣既固。腎氣內充。命門相火。不致妄動。氣血精津。得以凝聚。扶陽固陰。非他草木可比。八味丸中加鹿茸五味子。名十補丸。為峻補命門真元之專藥。傳尸癆瘵。脊中生蟲。習習痒痛。淅淅作聲者。同生犀鼈甲。入六味丸中。其殺蟲之力。與天靈蓋同功。近世鹿茸與麋茸。罕能辨別。大抵其質粗壯。而腦骨堅厚。其毛蒼黧。而雜白毛者為麋茸。其形差瘦。而腦骨差薄。其毛黃

澤而無白毛者爲鹿茸。鹿茸補督脈之真陽。麋茸補督脈陰中之陽。不可不察。

鹿角膠 甘微鹹溫無毒。河南者味甘溫爲上。泊上者味鹹辛爲下。又生取成對者力勝。解下單角力薄。凡角大而毛色淡白者。卽爲麋角。能補陽中之陰。熬膠法。取角寸截。用長流水浸三日。刮淨。入黃蠟煮三日夜。乾卽添水。三日夜足。去角取汁。重煎。滴水不化。膠成。切片陰乾。不可日晒。晒則融化成水矣。今市者多以黃明膠加楮實僞充。不可不察。取嫩角寸截。置小罈中。酒水相和。盆蓋泥封。糠火煨三伏時。搗細如霜。名鹿角霜。本經主傷中勞絕。腰痛羸瘦。補中益氣力。婦人血閉無子。止痛安胎。久服輕身延年。發明。鹿角生用則散熱行血。消腫辟邪。熬膠則益陽補腎。強精活血。總不出通督脈。補命門之用。但膠力稍緩。不能如茸之力峻耳。互參二條經旨。乃知茸有交通陽維之功。膠有緣合衝任之用。然非助桂以通其陽。不能除寒熱驚癇。非龜鹿二膠並用。不能達任。而治羸瘦腰痛。非輔當歸地黃。不能引入衝脈。而治婦人血閉胎漏。至若膠治傷中絕勞。卽茸主漏下惡下也。膠之補中益氣力。卽茸之益氣強志也。膠之輕身延年。卽茸之生齒不老也。歷攷別錄外臺千金等方。散血解毒居多。非如近世揣一溫補爲務。殊失聖賢一脈相傳之義。○鹿角霜治火不生土。脾胃虛寒。食少便澹。胃反嘔逆之疾。取溫中而不粘滯也。古方多製應用。今人每以煎過膠者代充。其膠旣去。服之何益。○生角鎔尖屑。消乳癰腫毒。○煨灰行崩中積。

鹿胎。安胎下氣。作酒主內虛續絕傷補骨除風。千金鹿骨丹用之。

鹿胎。甘溫無毒。其嘴尾蹄合。與生鹿無異者為真。其色淡形瘦者為鹿胎。若色深形肥者為麋胎。慎勿誤用。能損真陽。又獐胎與鹿胎相類。但色皎白。且其下脣不著鹿之長於上唇也。其他雜獸之胎。與鹿胎總不相似也。入藥取真者。酥炙黃用。發明。鹿性補陽益精。男子真元不足者宜之。不特茸角莖胎入藥。而全鹿丸合大劑參耆桂附。大壯元陽。其胎純陽未散。宜為補養天真。滋益少火之良劑。然須參耆河車輩佐之。尤為得力。如平素虛寒。下元不足者。入六味丸中。為溫補精血之要藥。而無桂附辛熱傷陰之患。但慎勿悞用麋胎。反傷天元陽氣也。

麋茸。甘溫無毒。修治與鹿茸同。發明。麋肉大寒。食之令人陽痿。而麋茸大益陽道。以其陽精都聚於角也。其角煎膠。勝於鹿角。茸亦勝於鹿茸。然鹿之茸角補陽。右腎精氣不足者宜之。麋之茸角補陰。左腎血液不足者宜之。此乃千古微旨。治虛損有二至丸。兩角並用。但其藥性過溫。偏於補陽。非陰虛者所宜。其麋膠主治。與鹿膠無異。而兼補陰血之功。過於鹿膠。但驗其角大而毛者。即是。惜乎本經但言麋脂。療癰腫惡瘡死肌。寒熱濕痹。四肢拘緩不收。風頭腫氣。通腠理。從無及乎茸角之用。彭蘘延齡方有麋角粉。千金變為麋角丸。以麋性喜食菖蒲。故修鍊服食方用之。金匱云。麋脂及梅子。若妊婦食之。令子青盲。

男子傷精。皆性冷。傷厥陰肝經之臟也。

麋鹿肉 麋肉甘寒。鹿肉甘溫無毒。發明 凡獸之有角者。皆能助肝腎腎力。而麋鹿之角多岐。故力

能拒虎。爲角獸之冠。則鹿肉之補陽。麋肉之益陰。所不待言。鹿之一身所稟皆陽。最能益人。人以陽氣爲

主也。麋之一身所稟皆陰。惟角爲陰中之陽。較之鹿角純陽無陰倍勝。而週身血肉筋骨皆不足取。鹿肉

之生者。主中風口僻不正。對碎薄貼僻上。正急去之。不爾復牽向不僻處矣。○鹿血起陰器。止腰痛。療折

傷和酒服。治肺痿筋中諸氣刺痛。飲之立愈。鹿筋大壯筋骨。食之令人不畏寒冷。但須辨骨細者爲鹿。粗

者卽是麋筋。饌食多致陰痿。○凡服丹石藥人。勿食鹿肉。以其食百草之毒。善解諸藥之性也。

麋 有寒無毒。發明 麋之性怯畏人。以其膽白易驚也。其肉雖肥。但能悅澤人面。不能助人膂力。以

其善躍而無久常之力也。膽能治人粗豪之氣。若人素常膽怯者。爲之切禁。其骨主虛羸泄精。麋稟偏陰

而骨主精氣也。綱目言其甘溫。安有膽白易驚。而性甘溫之理。

麋膾 辛溫無毒。不可犯火。妊婦禁用。力能墮胎。今人以荔枝核燒灰。入燒酒拌和混充。不可不察。本

經辟惡氣。殺鬼精物。去三蟲蠱毒。溫瘧驚癇。發明 麋香辛溫芳烈。爲通關利竅之專藥。凡邪氣著人。

淹伏不起。則關竅閉塞。辛香走竅。自內達外。則毫毛骨節俱開。從此而出。故本經有辟惡氣。殺鬼精物。去

本經 卷四 獸部 三十三

三蟲蠱毒諸治也。其主溫瘧驚癇者。借其氣以達病所也。嚴氏言。風病必先用麝香丹。溪謂。風病必不可。用皆非通論。蓋麝香走竅入筋。能通筋竅之不利。開經絡之壅遏。若諸風諸氣。諸血諸病。驚癇癩瘻。諸病。經絡壅閉。孔竅不利者。安得不用。爲引導以開之通之。惟中風表證未除。而誤用之。引邪入犯。如油入麪。莫之能出。致成痼疾。爲之切戒。而救苦丹治壅腫結塊方。用硫黃辰砂。入麝煇化。隔紙壓成薄片。以少許。灸患處。無不立應。濟生方治食瓜果積作脹。及飲酒成消渴者。皆用之。蓋果得麝則壞。酒得麝則敗。此得用麝之理也。

貓 甘酸溫無毒。發明 貓捕生鼠。虎噉生人。大小雖異。稟性不殊。虎嘯風生。而治風痺腫痛。貓聲鼠

竄。而主鼠癩寒熱。故肘後方取貓肉作羹。消鼠癩結核。已潰未潰皆愈。但助濕發毒。有濕毒人忌之。其頭骨及腦眼酥炙。亦治癩癧鼠癩。其毛煇存性。傅癩癧潰爛。貓尿治蛇蝎入耳。滴入卽出。以薑擦貓鼻。或生葱刺鼻取之。尿治痘瘡倒陷。臘月取乾者。燒存性用之。貓胞治噎膈反胃。以純陽之性未散。故取以開陰邪之結也。方用一具。酥炙爲末。入腦麝牛黃鬱金各少許。津唾化服之。予嘗以格致之理論物類。貓之體陽而用陰。性稟陰賊。機竊地支。故其目夜視精明。而隨時收放。善跳躍而嗜腥生。不熟食而能消化血肉生物。一皆風火用事。得雪水則蠢動。以雪之體陰。而用陽。物類相感之應若此。而食江中鱗魚之骨。其胎

必隕。按異物志云：鱧是鱧鳥所化。故腹內尚有鳥腎一枚。與雀入淮水爲蛤無異。其肉中細骨如毛粘腸。不脫而致傷。治物類感觸之應。則又如此。

狸 甘溫無毒。發明 狸之與貓同類異種。以性溫散。故其骨炙灰。善開陰邪鬱結之氣。鼠瘻寒熱爲之專藥。千金以肉治遊風。蘇頌作臙治鼠瘻。元化取頭骨。千金用陰莖。總取攻毒破結之義。時珍曰：狸骨。貓骨性皆相近。可通用之。

狼 肉鹹熱無毒。發明 狼脂摩風首推。而本草不錄。亦一欠事。狼肉補五藏厚腸胃。填骨髓。有冷積人宜食。○狼性追風逆行。故其矢燒烟。能逆風而上。燒灰水服治骨鯁。以其性專逆行。而無阻滯也。

兔 辛平無毒。妊娠忌食兔肉。合乾薑食之成霍亂。發明 兔無脾。故善走。二月建卯木位。木尅戊土。

故無脾。其肉性寒。能治胃熱嘔逆。腸紅下血。其腦爲髓之精。性善滑胎。故兔腦丸爲催生首藥。然須臘月取活兔用之始驗。○兔肝明目。目屬肝。稟氣獨勝。且得至陰之精。可救目暗之疾。其尿謂明月沙。又名望月沙。治目中浮翳。痘瘡患眼。但瞳人無損者。用以煨灰存性。日日服之。其腎自退。又方兔屎一味爲末。生雞肝搗爛爲丸。空腹穀精湯服之。腎厚加雞內金尤捷。兼治勞瘵五疝痔瘻。殺蟲解毒。黃帝曰：兔肉和獺肝食之成道尸。

狐陰莖 甘平有小毒。發明 狐屬陰類。故其莖主女子絕產。陰中瘻。小兒陰癩卵腫。以狐陰莖縮入腹也。

水獺肝 甘鹹平小毒。發明 獺者水獸。水性靈明。故其性亦多智。詭性嗜魚。魚之生氣都聚於肝。是以獺肝專主傳尸癆瘵。殺蟲之性。與獺之捕魚不殊。蘇頌曰。諸畜之肝。皆有定數。惟獺一月一葉。十二葉間有退葉。斗柄建寅之月。值其氣退之時。反爲諸魚所蝕。月令所謂獺祭魚是也。以其治療有驗。故仲景治冷勞。有獺肝丸。崔氏治蠱瘕。亦有獺肝丸。孟詵云。瘕病一門。悉患者。以獺肝一具。火炙。水服。方寸匕。日再服之。葛洪言。尸瘕乃五瘕之一。病則使人寒熱。沉沉默默。不知病之所苦。無處不惡。積月累年。滯滯至死。死後復傳他人。乃至滅門。覺有此候。惟以獺肝一具。陰乾爲末。水服。方寸匕。日三。以瘕爲度。如無獺肝。獺爪亦可應用。小兒鬼瘕。及諸魚骨鯁。皆燒灰酒服。獺肝之用。當不出乎此也。

山獺莖 甘熱無毒。發明 山獺稟南輿純陽之氣。故其性最淫。專主陽虛陰痿。精寒。山中有此。凡乳獸皆避去。獺無偶。則抱木而枯。凡女春時入山。獺聞婦人氣。躍來抱合。牢不可脫。因扼殺而取之也。

脰臍一名海狗腎 鹹大熱無毒。以漢椒樟腦同收。則不壞。發明 和劑局方。治諸虛損。有脰臍丸。滋

陰丸藥。中用之。精不足者。補之以味也。今人多於房術方中用之。亦可同糯米法麴釀酒服。但功專補陽。

陰虛切忌。此物牝者最多。而牡者絕少。海州人捕得牝者。以家狗外腎用筋縫上。熨貼如生成無二。然牝戶與穀道連合爲一。雖用生筋縫熨。其孔較牡者大而且長。以此辨之。最爲有據。

牡鼠 甘溫無毒。取膽法用活鼠繫定。熱湯浸死。破喉取膽。真紅色者是也。誤食鼠噉之餘。令人發瘡。瘡以貪慾之火。蘊積饑涎也。發明 癸水位在於子。通氣於腎。其目夜明。其精在膽。故膽能治耳聾目盲。睛能明目。骨能生齒。皆益腎之驗。肘後方治三十年老聾。卒聾不過三度。卽愈。令人側臥。瀝膽汁入耳。盡膽一枚。須臾汁從下耳出。初時益聾。十日後乃瘥也。生鼠血蘸青鹽擦牙。宣有效。初生小鼠。香油浸腐化。取塗火燙效。少水能制壯火也。若生毛則不能消融矣。牡鼠糞。俗名兩頭尖。驗其直者。方是牡鼠之矢。入足厥陰少陰。故煮服治傷寒勞復。陰陽易腹痛。研末服治乳癰。燒灰存性。傅折傷疔腫。所主皆厥陰血分之病。又犬咬先洗去牙垢惡血。用鼠糞炒研。黑糖調塗卽愈。

猬皮 苦平無毒。細剉炒黑。或酥炙用。本經主五痔陰蝕。下血不止。陰腫痛引腰背。酒煮殺之。發明 猬者胃之獸也。故肉治反胃胃脘痛最捷。其皮除目中翳障。本經主五痔陰蝕。取其銳利破血也。酒煮治陰腫痛引腰背。取筋脈能收縱也。南方金蠶蠱。用猬皮爲末。酒服探吐之。猬腦。治瘰癧狼漏。千金方用之。但不可食其骨。令人瘦劣。

人部

髮 苦微温無毒。揀去白者。先用滾水洗淨。入煬成罐。外用鹽泥固濟煨。候內外罐透紅。冷定研末。置地
去火毒用。本經主五癰關格不通。利小便水道。療小兒驚。大人瘧。仍自還神化。發明 髮者血之餘。
故能治血病。雖曰補真陰。療驚癇。理欬。固崩帶。止血暈。而實消瘀生新。能去心竅惡血。並煨過服。若煨
之不透。反能動血。合雞子黃香油煎之。消化爲水。則治小兒胎驚。及塗癩瘡有效。用入膏藥中。則長肉消
瘀。本經治五癰關格不通。利小便水道。皆取其利竅散瘀之功。其療小兒驚。大人瘧。以能達肝心二經。開
通痰血之滯也。仍自還神化者。言服自己之髮。則勝用他人之髮也。但胃虛人勿用。以其能作嘔瀉也。亂
髮功用。與此不殊。而剃下者尤勝。取長之速也。小兒胎髮煨灰。大解胎毒。而補先天血氣。以純陽未離也。
頭垢 鹹苦温小毒。發明 頭垢乃相火之餘氣結成。專開鬱結之氣。乳癰初起。煨灰酒服即消。以其
善祛胃中積垢也。

人乳汁 甘鹹平無毒。發明 乳汁治目之功甚捷。目得血而能視。乳即血之源也。用以點眼。豈不相
宜。老人服食尤良。但脾虛易瀉者勿食。日中曝乾。入參苓丸服。尤爲合宜。

爪甲 甘鹹小毒。發明 爪乃肝氣之餘。其性銳利。故能催生下胞衣。利小便。治尿血。及陰陽易病。破

傷風去目。醫刮末治鼻衄。嗜之立止。又能治乳蛾。用爪指甲不拘多少。煨爲末。蓬砂白礬各一錢。西牛黃一分。烏梅白梅肉各五枚。共搗如泥。含彈大一丸。痰大湧出。三四丸卽愈。但其方酸收太速。不無萌發之患。莫若探吐頑痰。迅掃病根爲愈。

人牙 甘鹹熱有毒。發明 牙乃腎之標。骨之餘。痘瘡倒靨。用人牙散。因痘瘡爲風寒穢氣所觸。而變黑倒靨。用此煨灰。以酒麝蓬之竄入腎經。發出毒氣。乃剗劑也。若伏熱在心。昏冒不省人事。及氣虛色白。癩塌不能作膿。熱癰紫泡之證。正宜涼血解毒。苟誤用之。則鬱悶聲。反成不救。臨證審諸。

人中黃 甘鹹寒無毒。造法用大竹截段兩頭留節。削去外皮。傍鑽一孔。用甘草細末。入滿於中。以蕉扇柄。柄削圓塞孔。冬至浸大糞池內。立春後取出。懸風處晒乾取用。又法如前製竹。不入甘草。但用蕉扇柄。或杉木塞孔。浸糞池中。以取其汁。與金汁無異。僅供一時取用。不能久藏。糞清亦解瘟熱諸毒。又誤食毒菌。楓樹上菌。及過食銀杏。脹閉欲死者。悉能解之。并解砒石野葛野芋等毒。卽家芋三年不收。花開如蓮者。亦能殺人。急取瀧吐。方可得生。發明 人中黃取糞土之精。以解天行狂熱。溫毒發斑最捷。然汁則性速。而能下泄。甘草製者。則性緩。而能解毒。兼治河豚菌毒。一切惡瘡。災病。用人中黃酒大黃末等分。無灰酒服。須臾瀧利。毒卽隨出。雖大渴不可飲水。飲水則毒邪不散。而難救也。急切不可得。以糞坑垢代之。

金汁 苦寒無毒。臘月取糞。置罈中。埋土內。越三年。取出如水者是。發明 金汁得土氣最久。大解熱毒。故溫熱時行。昏熱勢劇者。用以灌之。下咽其勢立滅。初生小兒。週時內毒邪不散。服一二合。勝化毒丹。胎毒盡解。無痘疹患。此屢驗者。但胎稟虛寒。體瘦色白者。不可誤用。誤用反奪天真。多致夭枉。不可不審。國叟用以灌諸草木。卽花葉茂盛。且無過壅傷花之患。

乾糞灰 鹹平無毒。發明 人尿取乾者。煨灰。治小兒痘瘡黑陷。解時行大熱狂走。蜜調塗疔腫。拔毒出根。總取解毒之迅耳。

溺 鹹寒無毒。童子者佳。不可見火。見火則腥臊難服。發明 人溺療寒熱頭疼。取其鹹寒降泄。也有客邪。沖熱葱頭湯服之。汗出卽止。而童子小便秘。純一切熱勞吐血。陰虛火動。骨蒸勞瘵。用以降火最速。產後血暈。溫飲一杯。壓下敗血惡血。卽蘇。蓋溲溺滋陰降火。消瘀血。止吐衄諸血。每用盞許。入薑汁一二匙。徐徐服之。久自有效。然須乘熱服之。以接生陽之氣。冷則生氣散矣。時珍云。童便入胃。隨脾氣上歸於肺。通調水道。下輸膀胱。乃其舊路也。故能清肺。導火下行。若多服久服。亦能損胃滑腸。故食少便澀者。禁用。傷寒少陰證下利不止。厥逆無脈。乾嘔欲飲水者。加入尿豬膽汁。鹹苦寒物於白通湯。薑附藥中。其氣相從。可無格拒之患。但胃虛欲作嘔者。勿與。恐助嘔勢。反致不測也。

瀉白堊

即人

鹹平無毒煨過用

發明

人中白能瀉肝火膀胱火從小便中出蓋膀胱乃其故道也

今人病口舌諸瘡用之有效降火之驗也但積垢之滓僅堪滌熱略無益陰之功耳

秋石 鹹溫無毒陰煉秋石法將大缸一隻近底三寸許艾火燒三十餘炷打成一孔杉木塞之秋月

取童子溺入缸內衝河水攪澄定去木塞放去上水每日增童便河水如前攪之只留缸底者積至月餘

用絹篩襯紙瀝乾收之○又陰收秋石法將鉛毬大小數十枚俱兩片合成多鑽孔眼入尿桶中浸每日

傾去宿尿換溺浸之經秋收取置鉛罐藏之此爲最勝○陽煉秋石將草鞋數百隻舊者尤佳長流水漂

晒七日去黃色浸尿桶中日晒夜浸一月許曝乾烈日中燒灰須頻挑撥令燒盡滾湯淋汁澄數日鍋內

燒乾重加雨水煮溶篋箒紙數重濾淨再澄半月餘銀缶器內煮乾色白如霜鉛罐收之○又陽煉法以

童子小便入鍋熬乾其鍋先燒通紅香油熬過洗淨則不粘滯傷鍋初如油脚入煬成罐或小鐵釜中煨

通紅用熱水熔化置有嘴壺中將草掩塞壺口徐徐傾出下以竹箒襯紙濾清再以文火收乾鉛罐收之

則不溶化○又煉秋冰法以秋石入秋露水煮化入煬成罐內新鐵蓋定鹽泥固濟昇打三炷香取出

再研如前昇打蓋內用水徐徐塗之水不可多多則不結又不可少少則不昇從辰至未退火冷定蓋上

昇起者爲秋冰乃秋石之精英真虛羸之神丹也○凡人力製造之藥每多僞充而秋石之真者尤不易

得有以食鹽瀘水煮成者。有以朴硝溶化製造者。有以礬硝烱化傾成錠式者。其僞不一。苟非雇唐督製。總難輕用也。試真僞法。入滾豆腐漿中。不結腐花者爲真。若結者卽鹽之僞充也。入口令人作渴。入滾豆腐漿中。起水紋而微苦者。卽玄明粉之僞充也。入腹令人作瀉。其傾成錠式。入熱水不易化者。卽礬硝之僞充也。下咽令人發熱。又以秋石化水。入青菜葉。有頃色不痿者爲真。又以少許入眼。不瀉痛者。必真無疑。其淡秋石入滾水不化者。卽熟石膏末。及滑石末混充也。發明 秋石以秋命名。專取秋氣下降之意。他時製者。功力則殊。製法以童溺煨煉。去其鹹寒。轉成溫補。能滋陰降火。而不傷胃。補益下元。真火散瘀血。助陰精。降邪火。歸真陽。止虛熱。嗽血。骨蒸。勞瘵之仙品也。火盛者宜生宜淡。陰虛者宜熟宜鹹。凡勞瘵。陰火亢極。而不受參耆補益者。立秋石丸三方。次第施治。或服或噙。則喘欬氣息漸平。痰亦易出。嗽亦省力。以其性味鹹降。而無上逆之患也。先用薑汁炒黑大黃淨末。與秋石等分。煮紅棗肉爲丸。空心服三錢。清熱散血。次用貝母秋石末各等分。生甘草末減半。仍用紅棗肉爲丸。服之以止嗽消痰。後用人參秋石等分。炙甘草末減半。亦棗肉丸。以補氣安神。製劑之多少。隨痰熱元氣而施。不可限以分兩。其陰煉淡者。性最下滲。苟非陰分熱極。難以輕投。陰虛多火。小便頻數。精氣不固者。誤服。令人小便不禁。甚則令人夢泄。其鹹者可代鹽。藥物食之。喘欬煩渴不得寐者。以半錢匙。衝開水服之。卽得安寐。覺時滿口生津。亦

不作渴。補陰之功可知。陰煉淡秋石。治夏暑熱淋。小便不通。及濁淋沙石淋。內淋。老人絕慾。太早。小便淋瀝。瀝瀝痛。一服卽效。

紅鉛 鹹大溫無毒。卽室女初通經水中之結塊。如櫻桃者是也。發明 紅鉛流穢之餘。其性大熱峻。補命門淫火。陳酒服一枚。少頃蒙昧如醉。若連服二枚。則邪火內拒。令人暴亡。壯火食氣之驗也。

天靈蓋 鹹溫小毒。制法以香水滌淨。酥炙杵細入藥。或煎酒。或煨末。隨證取用。忌鐵器。發明 腦爲髓海。諸陽之會。能辟一切陰邪不正之氣。故曰天靈。凡人身中氣血安和。諸邪不能侵犯。陰陽乖戾。則屍痲之氣。得以乘虛襲入。是卽擦蟲之根氣也。若其人平昔陽衰。則蟲攻脊脈。脊中淫淫作癢。隱隱作痛。轉側不能自安。或時凜凜畏寒。或時翕翕發熱。手足四末常清。脈來弦細乏力。非天靈蓋散不能療之。若其人素稟陰虛。則蟲蝕藏府。胸中嘈雜如饑。默默不知所苦。無處不苦。動則時欬時嘔。靜則善寐善忘。面上忽時烘熱。脈多弦勁搏指。此屬癩肝丸證。非天靈之所宜。其天靈散方。用炙淨三指大一片。赤檳榔三枚。白甘遂麝香真安息各三分。阿魏二分。辰砂一分。搗羅爲散。桃枝煎湯。五更調進一服。約人行十里。頓蟲不下。再進一服。天明進第三服。取下蟲物。急擒入油鐺熬之。其蟲嚼黃赤者。可卜病人血氣未艾。治之可愈。青黑陶者。血氣已竭。治之難已。然亦得斷傳染之患。凡修合勿令病人知。擇僻淨處。忌雞犬婦人孝服。

者。見蟲下後。忌肥鮮及鹽半月。白粥調養漸安。如病久不勝。甘遂阿魏等攻逐。只以大靈蓋香水滌淨。仰置銀缶器內。盛以醇酒。隔水煮一官香。酒耗旋添。候一炷香足。取酒服之。少頃頭旋顛脹。擦蟲隨嘔吐出。卽以燼火煨之。將養三日後。取前蓋骨製服如前。蟲盡卽以蓋骨仍埋舊處。其炙淨細末。并治小兒痘瘡。灰白。陷伏不長。煩躁不寧。酒服四五分。卽起。然皆不得已而用之。至於傳下部疳。入枯痔散。乃以人之至高之骨。置之污下不潔之處。雖極其神驗。殊非仁人君子之用心。舍此豈無他藥可治乎。

人胞

卽紫河車

甘鹹溫無毒。取厚小色鮮者。挑去血絡。漂淨血水。入椒一握。沸湯泡去腥水。以蜂蜜和長流

水。於舊錫器內。隔水文火煮爛如糜。綿絞去滓。代蜜糊丸藥良。發明 紫河車稟受精血結孕之餘液。

得母之氣血居多。故能峻補營血。用以治骨蒸羸瘦。喘嗽虛勞之疾。是補之以味也。自丹溪極言其功。而吳球創大造丸。雖世所推重。然方中生地黃柏。天冬麥冬龜版。一派滋膩傷胃之品。雖有人參一味。反助羣陰之勢。服之每致傷中嘔泄。未見其可。惟永類鈴方。河車丸方。用人胞一具。山藥二兩。人參一兩。茯苓五錢。酒糊爲丸。近世改用鮮者。隔水煮搗作丸。尤爲得力。卽虛人服之。未嘗傷犯胃氣。

胞衣水

鹹潤微涼無毒。臘月取紫河車。置有蓋瓦罐內。深埋土中。臨用取出。不可留久。久卽乾矣。或與

生甘草末同入罐中。埋於土中。三五年後掘出。卽爲藥也。發明 胞衣之性本熱。而得土氣之化。善能

攝火歸元小兒丹毒諸熱毒發寒熱不歇狂言妄語頭上無辜髮豎虛痞等證天行熱疾咽痛及虛勞咽痛飲之立効反胃久病飲一鍾當有蟲出

初生臍帶發明臍帶者人之命蒂也用以煨末入硃砂少許蜜水調服以解本嬰之胎毒與內傷之用骨灰無異

胎元 鹹大温小毒 發明 胎元雖墮下胎息淫火未離天真未剖較河車之性倍甚古方鮮用惟金剛丸用之雖以人補人然獸相食且人惡之況人食人能無惻怛之念乎